






Early European Books, Copyright © 2011 ProQuest LLC.  
Images reproduced by courtesy of the Biblioteca Nazionale Centrale di  
Firenze.  
Ald.3.3.8










Early European Books, Copyright © 2011 ProQuest LLC.  
Images reproduced by courtesy of the Biblioteca Nazionale Centrale di  
Firenze.  
Ald.3.3.8





Early European Books, Copyright © 2011 ProQuest LLC.  
Images reproduced by courtesy of the Biblioteca Nazionale Centrale di  
Firenze.  
Ald.3.3.8





Early European Books, Copyright © 2011 ProQuest LLC.  
Images reproduced by courtesy of the Biblioteca Nazionale Centrale di  
Firenze.  
Ald.3.3.8





*Ex Libris Joannis Nencini*  
*1874*








*Ald. 3/3*





















M. T. CICERONIS ORATIO  
NUM VOLV MEN  
TERTIVM.



Ne quis alius aut Venetijs, aut usquam locorum has  
impune orationes imprimat, & Leonis X.  
Pontificis maxim, & Senatus Veneti  
decreto cautum est.

*[Handwritten signature]*







IACOBO SADOLETO.

Aepe ego mecum Sadolete, tum à natu-  
ra editas, tum ab hominibus inuentas  
res animo reputans, eundem in omni-  
bus certa quadam ratione seruari or-  
dinē, ac progressum animaduerto. Pri-  
mo quidem paruo quodam à principio ortum omnes tra-  
hunt. tum deinde augescētes eò paulatim per gradus  
quasi quosdam perueniunt, quod in uniuscuiusq; natu-  
ra perfectissimum est. tum uero, postquā id adeptæ fue-  
rint, referri rursum, ac senescere incipiunt: atq; ita sen-  
sim minui: ut postremo ad interitum etiam dilabātur.  
id & in natis è terra stirpibus, & in omni animan-  
tum genere intueri licet. quæ ut imbecilla primo in lu-  
cem exierunt: hinc uires in dies sumant, mox quæ ac-  
quisierint paulatim dependant, ac conficiantur deniq;  
neccesse est. neq; uero fieri potuit, ut non eandem hāc  
conditionem omnes item artes, omnia opera, omnia in-  
uenta hominum sequerentur. sed & hæc cum ab ortu  
adoleuerint: eadem postea uetustate tandem extabe-  
scunt. tulit hanc scilicet legem natura: quæ nulla un-  
quam ui abrogari posset: sed una sine ulla exceptione  
inferiora hæc omnia necessitate quadam immutabilē  
contineret. Ac ne multis ego exemplis conquirēdis lon-  
gus in re manifesta immorer, quā necesse est: uel ex  
ipsa id Eloquentia, cuius causa hæc à nobis dicta sunt,  
cognosci potest. Hæc (ut græcos omittam: quibus tamen



hoc idē euenisse reperietur) cum primum Romæ exor-  
ta est: per parua quædā incrementa longo tempore pau-  
latim se ad summum euexit. cum rudis antea, et pro-  
pè infans esset: primus Cato ei multum addidit. Lon-  
gius Galba, Porcinna, Carbo, Gracchi prouexerunt.  
græcorum eam gloriæ Antonius, Crassus, Hortensius  
æquauerunt. ita summa demum illi manus ab Cicero-  
ne imposta est: ut nihil præterea cuiusquam neq; in-  
genio, neq; industria, neq; ullo doctrinæ genere addi  
posset. Ab eo ruere, et ferri in peius cœpit. ac primo  
qdem, sublata ē ciuitate pax, et ea, cum qua simul cre-  
uerat, extincta libertas est. nam cum bellis cuncta ciui-  
libus diutius agitata essent: eorū deniq; is finis fuit: ut  
oppressa tandem post multas ciuiū clades respublica in  
unius potestatem concesserit. tum uero cum omnia ex uni-  
us nutu penderent: nulla maiorū more iudicia exercere-  
tur: nullæ in senatu sententiæ, aut eæ certe nō liberæ di-  
cerentur: nullæ ad populum conciones haberentur: sed  
omne penitus sublatum Eloquentiæ theatrū esset: alijs  
qbusdam artibus, et his prauis plerunq; ac flagitiosis  
summa omnia homines consequerentur: simul præcla-  
rissimæ artis restringi in dies studiū, simul ea euanesce-  
re paulatim cœpit. Post uero cum illa omnium populorū  
uictrix, ac totius terrarum orbis imperio diu potita, cō-  
tandem (ut humanarum rerum uices sunt) redacta gens  
esset: ut nulli non nationi contemptui ac prædæ esset: ac  
nouæ quotidie, & eæ ab omni humanitate alienæ gen-  
tes, uel ab extremis etiam orbis finibus, Italiam de-  
uastarent: extincto latinæ linguæ usu, deletō pene ro-  
mano nomine factum est, ut e tot cladibus uix um-  
bra quædam ad nos Eloquentiæ peruenerit. Sed &



hæc etiam penè e' manibus nuper elapsa, penè o-  
mnis funditus extincta est. quam enim post tot incom-  
moda recreari iam aliquantum decuit: eā noua quæ-  
dam calamitas excepit. exorta opinio est: & ea per plu-  
rimorum iam animos peruaserat: ut nemo satis eru-  
ditus, nemo satis ullo doctrinæ genere excultus in-  
dicaretur, qui cognitis, & usitatis uerbis uteretur. hi de-  
num præclare locuti, hi omni laude, omni admiratio-  
ne digni præter ceteros putabantur: qui ita aliquid scri-  
pserant: ut uix id percipi ab ullo posset. imperiti quidā  
& nullo usu, nullo ingenio homines, cum ea plerunque  
plurimum fieri vulgi iudicio uiderent, quæ ab omnibus  
ignorarentur: nec sibi aliud ad commendationem homi-  
num patefieri iter animaduverterent: eò se posse per te-  
nebras peruenire arbitrati sunt: quo pauci luce potuis-  
sent. quod cum primo illis in maxima latinæ linguæ,  
atq; omniū bonarū artium inscitia recte cessisset: tum nō  
pauci eos secuti eò tandem rem adduxerant: ut breuē  
tempore ueterē illā dicendi gloriam hac caligine obrui,  
atq; aboleri penitus necesse esset. nullas hi non uetusta-  
tis latebras perscrutabantur. hinc uerba uel ipsi etiam  
Romulo, & priscis illis latinis iam tum obsoleta, & de-  
sita proferebant. quin ut obscuriora ea essent, quæ dice-  
rēt, græci etiam sæpe pleraq; sæpe barbara congere-  
bant. digni qui eo naturæ munere, quo tam male abute-  
bantur, omnino carerent. cum enim ob id nobis sermo  
datus sit: ut hoc ea, quæ animo occultantur, depromi  
possint: quid fieri alienius potest? quā ita quenquam  
loqui: ut nihilo magis intelligatur, quā si omnino ni-  
hil loqueretur. nulla unquam res magis omnem euer-  
tere eloquentiam potuit. quippe & labefactata iam ac

aaa iij



propè dirutæ inciderat: & sublata uerborum elegan-  
tia ipsum etiam illius solum, ac fundamenta erueban-  
tur. Quid? quod insolentibus & sordidis illis uerbis hæ  
sententiæ suberant: ut recte hoc saltem fecisse uideri  
queant: quod tam abiectas res tam sedulo tantis uerbo-  
rū tenebris occultarint. Sed bene id profecto cecidit, quod  
non melior huic q̄ cæteris rebus conditio data est. cum  
late serperet: ac non paruam iam Italiae partem occu-  
passet: atq; ubiq; iam se terrarum diffunderet: medio in-  
cursu concidit. nonnulli his scilicet se uiri doctissimi, ue  
infestissimus latini nominis hostibus obiecerunt. quorum  
ope factum est: ut fœda illa barbarie profligata, ab pro-  
pinquo iam interitu Eloquentia uindicata sit. & ini-  
tium quidem bene gerendæ rei ab romanis ortum est:  
una Roma, quasi tutissima arx quedam fuit: à qua  
semper hæc labes reiecta sit: quo nullo unquam cona-  
tu irruerit. hic tanquam pro aris, ac focus summa ui-  
certatum est, ut, cum cætera à maioribus tradita, amissa  
essent: hæc saltem parentum laus retineretur. re-  
presso igitur fœdissimorum hostium impetu, facilior  
de illis uictoria facta est. Ac ne omnes à me hi, quo-  
rum egregia in hac re opera extitit, commemorentur:  
tu certe præter cæteros acerrime illos semper infecta-  
tus es: tu afflictam semper eloquentiam protexisti:  
tu tuis scriptis, quorum nemo non maxime elegan-  
tiam admiratur, quæ illius, quæ latinæ linguæ uox  
esset, ostendisti. factum est igitur, ut nemo iam tota  
Italia sit, qui obscurum id, & incultum dicendi ge-  
nus non magnopere contemnat: qui non unum sibi ma-  
xime Ciceronem, tum ut quisq; Ciceroni simillimus est,  
& sæpissime perlegendos, & omni studio sequendos pu-



et. Quin & transalpinae etiam nationes iam se nobis  
coniuxerunt: nec minus ab his feliciter arma pro latino  
nomine sumpta sunt. ut reliquos ex his omittam, tuus  
ille e' tuis castris profectus, tuis praeceptis instructus,  
tuis monitis excitatus Longolius ita rem gerit: ita lon-  
gius quotidie romanae linguae fines profert: & ea ab  
alijs item nonnullis opera navatur: ut si id desperandum  
sit, posse aliquando Eloquentiam, in antiquam illam, e'  
qua deiecta est, restitui dignitatem: id certe affirmari pos-  
sit: eam linguam, quae quondam, tum, cum maxime flo-  
ruit, Italiae tantum finibus continebatur: nunc breui tem-  
pore in nullas non totius orbis partes, peruenturam. neq;  
tamen cessandū est: sed si usquā lateret: et ubiq; locorum  
pquirenda, et omni ratione eicienda penitus haec pestis  
est. Ego quidem quantum in me uirum est: id omne  
in hanc rem confero: & cum maiora non aude-  
am, id saltem eutor: ut Ciceronis scripta, quae incu-  
ria quadam ac uetustate deformata circumferuntur, ex  
antiquis exemplaribus meo labore suae dignitati red-  
dantur: & emendatiora in lucem prodeant. atq; alia  
quidē aliās. nunc eius orationes damus. quarū cum duo  
iam uolumina alterū Leoni X. alterum Petro Bem-  
bo missum sit: tertium hoc Sadolete sub tuo nomine in  
manus hominum perueniet. Recte tu mihi Bembo adiun-  
gi uisus es. ambo eiusdē Pontificis a secretis estis: ambo et  
literis, & omni morū elegantia praestantissimi: quin eo  
etiam inter uos amore deuincti: ut exemplo esse possi-  
tis, nullum esse ad confirmandam amicitiam arctius uin-  
culum, quā morum similitudinem, ac studiorum so-  
cietatem. Sed et ego tanti te facio: ut egregias tuas uirtu-  
tes neq; admirari, neq; de his, quoties aliqua offertur oca-



sio, prædicare unquam destinam. id adeo cum mea ipse  
sponte libens facio: tum eo libentius etiam, quod nihil ar-  
bitror posse à me Bembo gratius accidere. multæ mihi  
cum illo ac magnæ necessitudinis causæ intercedunt. con-  
iunxit patria communis utriusque nostrum parens.  
mea quædam præstantis ingenij admiratio, & non alie-  
nus illius à me animus coniunctiores fecit. auctam in dies  
benevolentiam assidua familiaritas confirmavit. pluri-  
mus illius in me meritis hæc omnia cummulata sunt.  
quam ob rem, ut nihil me aliud ad id impellat: qui  
possum non summa te benevolentia prosequi? cuius  
summa cum amicissimo mihi uiro coniunctione ni-  
hil sit illustrius. cum uero animi ad id tui ea etiam  
accedant ornamenta: quæ uel ignotos etiam ut ame-  
mus cogere consueuerunt: quam tandè meam in te esse uo-  
luntatem decet? eam scilicet, quæ et amicissimo, & omni  
laude præstantissimo uiro debetur. accipe igitur paruum  
hoc mei in te amoris pignus: neq; eû tamen ex hoc meti-  
ri uelis. sed ex eo potius: quod profectus à Leone Ponti-  
fice Max. cui literarum amantiſſimo omnia literarum  
monimenta deberi uidentur: & Petro Bembo, cui ego o-  
mnia debeo: neminem habui, quem tibi præferen-  
dum putarim.

# INDEX TERTII VOLUMINIS.

3	Pro T. Spho. Oratio XXXIII.
19	In Vannone. Oratio XXXIII.
36	Pro M. Cello. Oratio XXXV.
52	Pro L. Cornelio Balbo. Oratio XXXVI.
69	De praenuntio consulari. Oratio XXXVII.
79	In L. praenuntio. Oratio XXXVIII.
101	Pro T. Annio Milone. Oratio XXXIX.
113	Pro C. Rabirio Postumo. Oratio XL.
131	Pro M. Marcello. Oratio XLI.
137	Pro Q. Ligario. Oratio XLII.
142	Pro Regio Decimo. Oratio XLIII.
	In M. Antonium Philippi. prima.
152	Oratio XLIII.
160	In M. Antonium Philippi II. Oratio XLIV.
182	In M. Ant. Philippi III. Oratio XLV.
191	In M. Ant. Philippi III. Oratio XLVI.
194	In M. Ant. Philippi V. Oratio XLVII.
202	In M. Ant. Philippi VI. Oratio XLIX.
209	In M. Ant. Philippi VII. Oratio LI.
214	In M. Ant. Philippi VIII. Oratio LI.
221	In M. Ant. Philippi IX. Oratio LII.
222	In M. Ant. Philippi X. Oratio LIII.
230	In M. Ant. Philippi XI. Oratio LIV.
239	In M. Ant. Philippi XII. Oratio LV.
246	In M. Ant. Philippi XIII. Oratio LVI.
252	In M. Ant. Philippi XIII. Oratio LVII.
268	Epistola ad Octavianum.
270	Cassii Salustii in Ciceronem Oratio.
272	M. Tullii Ciceronis in Salustium responsio.



# INDEX TERTII VOLUMINIS.

Pro P. Sesto. Oratio XXXIII.	3
In Vatinius. Oratio XXXIII.	29
Pro M. Celio. Oratio XXXV.	36
Pro L. Cornelio Balbo. Oratio XXXVI.	55
De prouincijs consularibus. Oratio XXXVII.	69
In L. Pisonem. Oratio XXXVIII.	79
Pro T. Annio Milone. Oratio XXXIX.	101
Pro C. Rabirio Posthumo. Oratio XL.	123
Pro M. Marcello. Oratio XLI.	131
Pro Q. Ligario. Oratio XLII.	137
Pro Rege Deiotaro. Oratio XLIII.	145
In M. Antonium Philippica prima.	
Oratio XLIII.	153
In M. Antonium Philippica II. Oratio XLV.	160
In M. Ant. Philip. III. Oratio XLVI.	183
In M. Ant. Philip. IIII. Oratio XLVII.	191
In M. Ant. Philip. V. Oratio XLVIII.	194
In M. Ant. Philip. VI. Oratio XLIX.	205
In M. Ant. Philip. VII. Oratio L.	209
In M. Ant. Philip. VIII. Oratio LI.	214
In M. Ant. Philip. IX. Oratio LII.	221
In M. Ant. Philip. X. Oratio LIII.	225
In M. Ant. Philip. XI. Oratio LIIII.	230
In M. Ant. Philip. XII. Oratio LV.	239
In M. Ant. Philip. XIII. Oratio LVI.	246
In M. Ant. Philip. XIIIII. Oratio LVII.	258
Epistola ad Octavianum.	268
Crispi Salustij in Ciceronem Oratio.	270
M. Tullij Ciceronis in Salustum responsio.	272

15.

3

19

36

55

69

79

101

113

111

137

145

153

160

183

191

194

105

109

114

111

115

130

139

146

158

168

170

171

aaa yi



INDEX TERTIUS VOLUMINIS.

INDEX TERTIUS VOLUMINIS.	3
INDEX TERTIUS VOLUMINIS.	19
INDEX TERTIUS VOLUMINIS.	16
INDEX TERTIUS VOLUMINIS.	55
INDEX TERTIUS VOLUMINIS.	69
INDEX TERTIUS VOLUMINIS.	79
INDEX TERTIUS VOLUMINIS.	101
INDEX TERTIUS VOLUMINIS.	115
INDEX TERTIUS VOLUMINIS.	111
INDEX TERTIUS VOLUMINIS.	112
INDEX TERTIUS VOLUMINIS.	113
INDEX TERTIUS VOLUMINIS.	114
INDEX TERTIUS VOLUMINIS.	115
INDEX TERTIUS VOLUMINIS.	116
INDEX TERTIUS VOLUMINIS.	117
INDEX TERTIUS VOLUMINIS.	118
INDEX TERTIUS VOLUMINIS.	119
INDEX TERTIUS VOLUMINIS.	120
INDEX TERTIUS VOLUMINIS.	121
INDEX TERTIUS VOLUMINIS.	122
INDEX TERTIUS VOLUMINIS.	123
INDEX TERTIUS VOLUMINIS.	124
INDEX TERTIUS VOLUMINIS.	125
INDEX TERTIUS VOLUMINIS.	126
INDEX TERTIUS VOLUMINIS.	127
INDEX TERTIUS VOLUMINIS.	128
INDEX TERTIUS VOLUMINIS.	129
INDEX TERTIUS VOLUMINIS.	130
INDEX TERTIUS VOLUMINIS.	131
INDEX TERTIUS VOLUMINIS.	132
INDEX TERTIUS VOLUMINIS.	133
INDEX TERTIUS VOLUMINIS.	134
INDEX TERTIUS VOLUMINIS.	135
INDEX TERTIUS VOLUMINIS.	136
INDEX TERTIUS VOLUMINIS.	137
INDEX TERTIUS VOLUMINIS.	138
INDEX TERTIUS VOLUMINIS.	139
INDEX TERTIUS VOLUMINIS.	140
INDEX TERTIUS VOLUMINIS.	141
INDEX TERTIUS VOLUMINIS.	142
INDEX TERTIUS VOLUMINIS.	143
INDEX TERTIUS VOLUMINIS.	144
INDEX TERTIUS VOLUMINIS.	145
INDEX TERTIUS VOLUMINIS.	146
INDEX TERTIUS VOLUMINIS.	147
INDEX TERTIUS VOLUMINIS.	148
INDEX TERTIUS VOLUMINIS.	149
INDEX TERTIUS VOLUMINIS.	150
INDEX TERTIUS VOLUMINIS.	151
INDEX TERTIUS VOLUMINIS.	152
INDEX TERTIUS VOLUMINIS.	153
INDEX TERTIUS VOLUMINIS.	154
INDEX TERTIUS VOLUMINIS.	155
INDEX TERTIUS VOLUMINIS.	156
INDEX TERTIUS VOLUMINIS.	157
INDEX TERTIUS VOLUMINIS.	158
INDEX TERTIUS VOLUMINIS.	159
INDEX TERTIUS VOLUMINIS.	160
INDEX TERTIUS VOLUMINIS.	161
INDEX TERTIUS VOLUMINIS.	162
INDEX TERTIUS VOLUMINIS.	163
INDEX TERTIUS VOLUMINIS.	164
INDEX TERTIUS VOLUMINIS.	165
INDEX TERTIUS VOLUMINIS.	166
INDEX TERTIUS VOLUMINIS.	167
INDEX TERTIUS VOLUMINIS.	168
INDEX TERTIUS VOLUMINIS.	169
INDEX TERTIUS VOLUMINIS.	170

sal  
o  
tu  
que  
le  
rea  
nat  
lar  
os  
di  
na  
no  
lun  
mo  
gua  
no  
le  
m  
di  
le  
ga  
du



3  
M. TVLLII CICERONIS  
PRO P. SESTIO. ORA  
TIO XXXIII.

IQVIS antea Iudices mirabatur:  
quid esset, quod pro tātis opibus Reip.  
s tantaq; dignitate imperij, nequaquam  
satis multi ciues, forti & magno ani-  
mo inuenirentur: qui auderent se, &  
salutem suam in discrimen offerre pro statu ciuitatis,  
& pro communi libertate: ex hoc tempore miretur po-  
tius, si quem bonum & fortem ciuem uiderit: quā si  
quem aut timidum, aut potius sibi, quā Reipu. consu-  
lētem. nam ut omittatis de uniuscuiusq; casu cogitando  
recordari: uno aspectu intueri potestis eos, qui cum se-  
nati, cum bonis omnibus, Rēp. afflictam excitauit: et  
latrocinio domestico liberauit: mœstos, sordidatos, re-  
os, de capite, de fama, de ciuitate, de fortunis, de liberis  
dimittentes. eos autem, qui omnia diuina, & huma-  
na uexarint, uiolarint, perturbarint, euerterint:  
non solum alacres, lætos que uolitare: sed etiam uo-  
luntarios fortissimos, atque optimis ciuibus periculum  
moliri: de se nihil timere. In quo cum multa sint indi-  
gna: tum nihil minus est ferendum: quā quod iam  
non per latrones suos, non per homines egestate, et scō-  
lere perditos, sed per uos nobis, per optimos uiros opti-  
mis ciuibus periculum inferre conantur: & quos lapī-  
dibus, quos ferro, quos fœcibus, quos ui, manu, copijs de-  
lere non potuerunt: hos uestra authoritate, uestra reli-  
gione, uestris sententijs se oppressuros arbitrantur. Ego  
autem Iudices qua uoce mihi in agendis gratijs, com-



memorādoq; eorū, qui optime de me sunt meriti: beneficio, esse utendum putavi: ea nunc uti cogor in eorum periculis depellendis. his potissimum uox hæc seruiat: quorum opera & mihi, & uobis, & populo Ro. restituta est. Et quanquam a Q. Hortensio clarissimo uiro, atq; eloquentissimo causa est P. Sestij perorata: nihilq; ab eo prætermisum est: quod aut pro Rep. conquerendum fuit: aut pro reo disputandum: tamen aggrediar ad dicendum: ne mea propugnatio ei potissimum. defuisse uideatur: per quem ē perfectum, ne cæteris auibus deesset. Atq; ego sic statuo Iudices: in hac causa, atque exercitatione dicendi, a me locū pietatis potius, quā defensionis, querelam, quā eloquentiā, doloris, quā ingenij partes esse susceptas. itaq; si aut acrius egero: aut liberius, quā qui ante me dixerunt: peto a uobis: ut tantum orationi meæ concedatis: quantum & pio dolori, & iustæ iracundiæ concedendum putetis. Neq; enim unquam officio coniunctior dolor esse ullus potest: quā hic meus, susceptus ex hominis de me optime meriti, periculo: neq; iracundia magis ulla laudanda: quam ea, quæ me inflammat eorum scelere: qui cum omnibus salutis meæ defensoribus bellum esse gerendum sibi iudicauerunt. Sed quoniam singulis criminibus cæteri responderunt: dicam ego de omni statu P. Sestij: de genere uitæ, de natura, de moribus, de incredibili amore in bonos, de studio conseruandæ salutis communis, atq; oculis contendamq; (si modo id consequi potero) ut in hac cōfusa, atq; uniuersa defensione, nihil a me, quod ad uestram quæstionem, nihil quod ad reum, nihil quod ad Remp. pertineat, prætermisum esse uideatur. Et quoniam in grauissimis temporibus ciuitatis, atq; in ruinis



euerſæ, atq; afflictæ reipublicæ, P. Seſtj Tribunatus  
 eſt a fortuna ipſa collocatus: non aggrediar ad illa ma-  
 xima, atq; ampliſſima priuſquam docuero, quibus ini-  
 tijs, ac fundamentis hæ tantæ ſummis in rebus laudes  
 exatate ſunt. Parente P. Seſtus natus eſt Iud. homi-  
 ne (ut pleriq; memniſtis) et ſapiente, et ſancto, et ſeuero.  
 qui cum tribunus pl. priuſ inter homines nobiliſſi-  
 mos temporibus optimis factus eſſet: reliquis honori-  
 bus nõ tam uti uoluit: quàm dignus uideri. eo autho-  
 re duxit honeſtiſſimi, & ſpectatiſſimi uiri, C. Albini fi-  
 liam: ex qua hic eſt puer: & nuptiam filia. duobus  
 grauiffimis antiq̃tatis uiris ſic probatus fuit: ut utriq;  
 eorum & charus maxime & iucundus eſſet. ademit  
 Albino ſoceri nomen, mors filiæ: ſed charitatem illius  
 neceſſitudinis & beneuolentiã nõ ademit. hodie ſic hũc  
 diligit: ut uos facillime poteſtis ex hac uel aſſiduitate  
 eius, uel ſollicitudine, et moleſtia indicare. duxit uxore  
 patre uiuo optimi, et calamitoſiſſimi uiri filiam, C. Sci-  
 pionis. clara in hoc P. Seſtj pietas extitit oĩbus gra-  
 ta: quod, & Maſſiliam ſtatim proſectus eſt: ut ſocerum  
 uidere conſolariq; poſſet fluctibus reip. expulſum, in  
 alienis terris iacentem, quem in maiorum ſuorum ue-  
 ſtigijs ſtare oportebat: & ad eum filiam eius adduxit:  
 ut illo inſperato aſpectu, complexuq; ſi non omnem,  
 at aliquam partem mœroris ſui deponeret: et maximis  
 officijs & illius erumnam, quoad uixit: & filiæ ſoli-  
 tudinem ſuſtentauit. poſſum multa dicere de liberalita-  
 te, de domeſticis officijs, de Tribunatu militum, de pro-  
 uinciali in eo magiſtratu abſtinentia. ſed mihi ante ocu-  
 los obuerſatur Reip. dignitas: quæ me ad ſe rapit: hæc  
 minora relinquere hortatur. Quæſtor hic C. Antoni



PRO P.

collegæ mei Iud. fuit sorte, sed societate consiliorum me-  
us. impediō nonnullius officiū, ut ego interpretor, reli-  
gione: quominus exponam quanta ad me detulerit: quā-  
to ante prouiderit. Atq; ego de Antonio nihil dico, præ-  
ter unum: nunquam illum in illo summo timore, ac pe-  
riculo ciuitatis, neq; communem metum omnium, neq;  
propriam nonnullorum de ipso suspicionem, aut infi-  
ciando tollere, aut dissimulando sedare uoluisse. In quo  
collegæ sustinendo atq; moderando, si meam in illum in-  
dulgentiam coniunctam cum summa custodia Reip.  
laudare uere solebatis: par propè laus P. Sestij esse de-  
bet: qui suum ita consulem obseruauit: ut & illi Quæ-  
stor bonus, & uobis omnibus optimus ciuis uideretur.  
Idem cum illa coniuratio ex latebris, atq; ex tenebris  
erupisset: palamq; armata uoligaret: uenit cum exercitu  
Capuam: quam urbem propter plurimas belli opportu-  
nitates, ab illa impia, & scelerata manu attentari su-  
spicabamur: & inde M. Aulanum Tr. mil. Antoniū  
Capua præcipitem eiecit, hominem perditum, & non  
obscure, Pisauri, & in alijs agri Galliæ partibus, in  
illa coniuratione uersatum. Idemq; C. Marcellum,  
cum is non solum Capuam uenisset: uerum etiam se  
quasi armorum studio in maximam familiam conie-  
cisset: exterminandum cum illa urbe curauit. qua de  
causa & tum conuentus ille Capuæ, qui propter salu-  
tem illius urbis consulatu conseruata meo, me unum  
patronum adoptauit: huic apud me P. Sestio maximas  
gratias egit: & hoc tempore fidem hominis, benefi-  
ciumq; testimonio declarant: periculumq; deprecantur  
suo decreto. Recita quæso P. Sesti quid decreuerint Ca-  
puæ Decuriones: ut iam uirilīs tua uox possit aliquid



significare inimicis nostris: quid nam cum se corrobo-  
 rarit, effectura esse uideatur. **DECRETVM DE-  
 CVRIONVM.** Non recto decretum officio ali-  
 quo expressum uicinitatis, aut clientelæ, aut hospitij pu-  
 blicæ, aut ambitionis, aut commendationis gratia: sed re-  
 cito memoriam persuncti periculi, prædicationem am-  
 plissimi beneficij, uicem officij præsentis, testimonium  
 præteriti temporis. Atq; illis temporibus cum iam Ca-  
 puam metu Sestius liberasset: urbem Senatus atq; omnes  
 boni, deprehensis atq; oppressis domesticis hostibus, me-  
 duce ex periculis maximis extraxissent: ego literis eū  
 Capua accersui cum illo exercitu: quem tum secum ha-  
 bebat. quibus hic literis lectis, ad urbem confestim in-  
 credibili celeritate aduolauit. Atq; ne illius temporis  
 atrocitatem recordari possitis: claudite literas: & ue-  
 stram memoriā ad timoris præteriti cogitationem ex-  
 cite. **LITERAE CI. CONSVLIS.** Hoc P.  
 Sestio Tribunorū pl. nouorū, qui tum extremis diebus  
 cōsulatus mei res eas quas gesseram: uexare cupiebant:  
 reliquiq; coniurationis impetus et conatus sunt retarda-  
 ti. Ac posteaquam est intellectum Catone tribuno pl.  
 fortissimo, atq; optimo ciue Remp. defendente, per se-  
 ipsum S. P. Q. R. sine militum præsidio tueri facile ma-  
 iestatem suam, et dignitatem eorū, qui salutem commu-  
 nem periculo suo defendissent: Sestius cū illo suo exer-  
 citu summa est celeritate Antonium consecutus. Hic ego  
 quid prædicem, quibus hic rebus consulem ad rem ge-  
 rendam excitari? quot stimulos admonerit homini for-  
 tassis studioso uictoriæ, sed tamen nimium communem  
 martem belliq; casum metuenti? longum est dicere. sed  
 hoc breue dicam. si M. Petrei non excellens animo &



amore Reipub. uirtus, non summa authoritas apud milites, non mirificus usus in re militari extitisset: neq; adiutor Reip. Sestius ad excitandum Antonium, cohortandum, impellendum, fuisset datus illo in bello: nequaquam Catilina cum e pruina Apennini atq; e niuib; illis emerisset: atq; æstatem integrã nactus Italiae callis & pastorum stabula præclara coepisset: sine multo sanguine ac sine totius Italiae uastitate miserrima concidisset. Hunc igitur animum ad tribunatum attulit P. Sestius: ut questuram Macedoniae relinquam: & aliquando ad hæc propiora ueniam. quanquam non est omittenda singularis illa integritas provincialis: cuius ego nuper in Macedonia uidi uestigia non pressa leuiter ad exigui prædicationem temporis, sed fixa ad memoriã illius provinciae sempiternam. Verum hæc ita prætereamus: ut tamen intuentes & respectantes relinquamus. Ad tribunatum quia ipse ad id iam dudum uocat: & quodammodo absorbet orationem meã: contento studio cursuq; ueniamus. De quo quidem tribunatu ita dictum ab Hortensio: ut eius oratio defensionem modo criminum non uideretur continere: sed etiam memoria digna uti Reip. capeßendæ authoritatem disciplinãq; præscribere. Sed tamẽ quoniã tribunatus quidẽ totus P. Sestij nihil aliud nisi meũ nomen causãq; sustinuit: necessario mihi de hisdem rebus esse arbitror, si non subtilius disputandum: at certe Iud. dolentius deplorandum. qua in oratione si asperius in quosdam homines inuchi uellem: quis non concederet? ut eos quoru scelere, furore, uiolatus essem: uocis libertate perstringerẽ? sed ut quã moderate, et huic potius tempori seruiam, quã dolori meo: siquẽ



occulte à salute nostra dissentiunt: lateant. si qui fecerunt  
 aliquid aliquando: atque idem nunc tacent: et quiescunt:  
 nos quoque simus obliui. si qui se offerunt: insectantur: quoad  
 ferri poterunt perferemus: neque quenquam offendet ora-  
 tio mea: nisi qui se ita obtulerit: ut in eum non inuasisset  
 se, sed incurrisse uideamur. Sed necesse est antequam de  
 tribunatu P. Sextij dicere incipiam: me totum superio-  
 ris anni reip. naufragium exponere. In quo colligendo,  
 ac reficiendo saluti communi omnia reperientur P. Se-  
 stj dicta, facta, consilia uersata. Fuerat ille annus tan-  
 quam in Rep. Iud. quam in magno metu et multorum  
 timore intentus, arcus in me unum: sicut uulgo ignari  
 rerum loquebantur: re quidem uera, in uniuersam  
 Remp. translatione ad plebem furibundi hominis ac  
 perditum, mihi irati, sed multo acrius oculi et communis  
 salutis inimici. Hunc uir clarissimus mihi multis  
 repugnantibus amicissimus Cn. Pompeius omni cau-  
 tione, foedere, execratione deuinxerat: nihil in tri-  
 bunatu contra me esse facturum. At ille nefarius ex  
 omnium scelerum colluione natus, parum se foedus  
 uiolaturum arbitratus, nisi ipsum autorem alieni pe-  
 riculi, suis proprijs periculis terruisset: hanc tetram  
 immanemque beluam, uinctam auspicijs, alligatam mo-  
 re maiorum, constrictam legum sacrarum catenis sol-  
 uit subito legum consul uel ut ego arbitror exhorta-  
 tus, uel ut non nemo putaret miratus: gnarus qui-  
 dem certe, et prudens impendentium scelerum tan-  
 torum ac malorum. qui Tribunus Pl. felix in euer-  
 tenda Rep. fuit nullis suis neruis: qui enim in eius-  
 modi uita nerui esse potuerunt hominis fraternis fla-  
 gitijs, sororijs stupris, omni inaudita libidine insani?



sed fuit profecto quædam illa Reip. fortuna fatalis:  
ut ille cæcus atque amens Tribunus plebis nascere-  
tur quid dicam consules? hocne ego appellem nomi-  
ne, eueriores huius imperij? proditores uestre dignita-  
tis? hostes bonorum omnium? qui ad delendum sena-  
tum, affligendum equestrem ordinem, extinguenda o-  
mnia iura atq; instituta maiorum, se illis fascibus cæ-  
terisq; insignibus summi honoris atq; imperij ornatos  
esse arbitrabantur. quorum per deos immortales si nō  
dū scelera, vulneraq; iniusta reip. multis recordari: vul-  
tum atq; incessum animis intueamini. facilius facta eo-  
rū occurrēt mētibus uestris: si ora ipsa oculis uestris pro-  
posueritis. Alter unguētis affluēs, calamistrata coma,  
despiciens conscios stuprorū, ac ueteres uexatores ætatu-  
\* læ suæ putealis, et foeneratorū gregibus inflatus atq;  
percussus: olim Nesculeio illo æris alieni in freto ad co-  
lūnā adhæresceret, nī in tribunatus portū infugeret.  
contēnebat Equites romanos: munitabatur senatui: nē-  
ditabat se operis: atq; ab ijs se ereptū ne de ambitu cau-  
sam diceret, prædicabat: ab ijsdēq; se et inuito senatu,  
provincia sperare dicebat: eaq; nisi adeptus esset: se inco-  
lumē nullo mō fore arbitrabatur. Alter o dū boni q̄ te-  
ter incedebat, q̄ truculētus, q̄ terribilis aspectu: unū ali-  
quē te ex barbatis illis, exēplū imperij ueteris, magi-  
nē antiquitatis, columnen reipub. diceret intueri. uestitus  
asper nostra hac purpura plebeia ac penē fusca, capillo  
ita horrido, ut Capua, qua ipsa tum imaginis formæ adæ-  
\* cusa Diuuirū gerebat: sæpius iā sub laurus uideretur.  
nā qd ego de supilio dicā? qd tū hominibus nō supi-  
liū, sed pignus Reip. uidebatur. tāta erat grauitas in o-  
\* culo: tāta frontis cōtractio: ut illo supilio Aumantius



ille niti tanq̃ uideretur. erat deniq; hic oīum sermo. est  
tādē reip. magnū firmūq; subsidium: habeo quē op=  
ponā labi illi, atq; cœno: multo medius fidius Collegæ suī  
libidinē leuitatēq; franger: habebit senatus in hunc an  
nū quem sequatur: non deerit author et dux bonis. mihī  
deniq; homines præcipue congratulabantur: quod habi=  
turus essem contra tribunum pl. furiosum, et audacem,  
cum & amicum & affinem, tum etiam fortem & gra  
uem consulem. Atq; eorum alter fefellit neminem. quis  
enim clauū tanti imperij tenere, & gubernacula Reip.  
tractare i maximo cursu ac fluctibus posse arbitraretur,  
hominem emersum subito ex diuturnis tenebris lustro=  
rum, ac stuprorum, uino, ganeis, lenocinijs, adulterijsq;  
confectum. cum is præter spem in altissimo gradu alie  
nis opibus positus esset: qui non modo tempestatem intueri  
impendentem temulentus, sed ne lucem quidem in soli=  
tam aspiciere posset. Alter multos plane in omnes par=  
tes fefellit. erat enim hominum opinione, nobilitate ipsa  
blanda conciliatricula cōmendatus. Omnes boni semper  
nobilitati fauimus: & quia utile est Reip. nobiles esse  
homines dignos maioribus suis: & quia ualet apud  
nos clarorum hominum senex de Rep. meritum me  
moriam, etiam mortuorum. quia tristem semper, quia taci  
turnum, quia subhorridum atq; incultum uidebant: &  
quod erat eo nomine ut ingenerata familiæ frugalitas  
uideretur: fauebant: gaudebant: & ad integritatem ma  
iorum spe sua hominem uocabant, materni generis obli  
ti. Ego autem, uere dicam Iud. tantum esse in homine sce  
leris, audaciæ, crudelitatis, quantum ipse cum Rep. sensi:  
nunquam putauī. nequam esse hominem & leuem, &  
falsa opinione errore hominum ab adolescentia commen



PRO P.

datum sciebam. etenim animus eius uultu, flagitia pa-  
rietibus tegebantur. sed hæc obstructio nec diuturna est:  
nec obducta: ita, ut curiosis oculis perspicere non possit. uide-  
bamus genus uitæ, desidiam, inertiam: inclusas eius  
libidines, qui paulo propius accesserant, intuebantur.  
denique etiam sermonis ansas dabat: quibus reconditos  
eius sensus tenere possemus. Laudabat homo doctus  
philosophos nescio quos: neque eorum tamen nomina  
poterat dicere. sed eos tamen laudabat maxime: qui  
dicuntur præter cæteros esse authores & laudatores  
uoluptatis. cuius, & quo tempore, & quomodo non  
querebat. uerbum ipsum omnibus modis animi & corporis  
deuorabat: eosdemque præclare dicere aiebat: sapientes omnia sua causa facere: Rempublicam  
capessere hominem benefanum non oportere: nihil  
esse præstabilius ociosa uita, & conferta, & plena  
uoluptatibus. eos autem, qui dicerent dignitati esse  
seruiendum: Reipublicam consulendum: officij rationem in  
omni uita non commodi esse ducendam: subeunda pro  
patria pericula: uulnera excipienda: mortem oppetendam:  
natiuari, atque insanire dicebat. ex his assidue  
eius quotidianisque sermonibus, & quod uidebam  
quibus cum hominibus in interiore ædium parte  
uiueret: & quod ita domus ipsa fumabat: ut multa  
eius sermonis indicia redolerent: statuebam sic: boni  
nihil ab illis nugis esse expectandum: mali quidem  
certe nihil pertimescendum. sed ita est iudices: ut si gladium  
paruo puero, aut si imbecilli seni, aut debili  
dederis: ipse impetu suo nemini noceat. sin ad nudum  
uel fortissimi uiri corpus accesserit: possit acie  
ipsa uel ferri uiribus uulnerari. ita cum hominibus



eneruatis atq; ex anguib; consularis tanquam gladius  
esset datus: qui per se pungere neminem unquam potuis-  
sent: hi summi imperij nomine armati, Remp. truida-  
uerunt. fœdus fecerunt cum tribuno Pl. palam: ut ab  
eo provincias acciperet, quas ipsi uellent: exercitū et pecu-  
niā quantā uellent: ea lege, si ipsi prius tribuno Pl. affli-  
ctam Remp. tradidissent. id enim fœdus meo sanguine  
ictum sanctari posse dicebant. Quā re patefacta (neque  
enim dissimulari tantum scelus poterat: nec latere) pro-  
mulgantur uno eodemq; tempore rogationes ab eodem  
Tr. de mea perniciē, & de provincijs nominatim con-  
sularibus. hic tum senatus sollicitus: uos equites excitati:  
Italia cuncta permota: omnes deniq; omnium generum  
atq; ordinum ciues summæ Reip. a Conss. atq; a summo  
imperio petendum esse auxilium arbitrabantur: cum  
illi soli essent, præter furiosum illum tribunum, duo  
Reip. turbines: qui non modo præcipitanti patriæ non  
subuenirent: sed eam nimis tarde concidere mœrerent.  
flagitabatur ab his quotidie, cum querelis bonorum o-  
mnium, tum etiam precibus senatus: ut meam causam  
susciperent: agerent aliquid: deniq; ad senatum referret.  
hi non modo negando, sed etiam irridēdo amplissimum  
quēq; illius ordinis in se quebantur. Hic subito cum incre-  
dibilis in Capitolium multitudo ex tota urbe, cunctaq;  
Italia conuenisset: uestem mutandam omnes, meq; etiam  
omni ratione priuato consilio (quoniam publicis ducibus  
Resp. careret) defendendum putarunt. erat eodem tem-  
pore senatus in æde concordiae: quod ipsum templum re-  
præsentabat memoriam consulatus mei: cum flens uniuersus  
ordo Cincinatum consulem orabat: nam alter ille hor-  
ridus & seuerus consulto se domi continebat. quā tum



superbia coenum illud, ac labes, amplissimi ordinis preces, amplissimorum civium lachrymas repudiavit? me ipsum ut contempsit belluo patriæ, nam quid ego patrimonij dicam? quod ille cum quasi quæstum faceret, amisit. uos inquam Equites romani, & omnes boni ueste mutata, uos inquam pro meo capite ad pedes lenonis impurissimi proiecistis. cum uestris precibus a latrone illo repudiati estis. uir incredibili fide, magnitudine animi L. Mummius ad senatum de Rep. retulit: senatusq; frequens uestem pro mea salute mutandam censuit. O diem illū Iud. funestum senatui, bonisq; omnibus, Reip. luctuosum, mihi ad domesticum mœrorem grauem, ad posteritatis memoriam gloriosum. quid enim quisquam potest ex omni memoria sumere illustrius? quàm pro me uno ciue, & bonos omnes priuato consensu, & uniuersum senatum publico consilio mutasse uestem? quæ quidem tum mutatio non deprecationis causa est  
 \* facta: sed luctus. quem enim deprecari se: cum omnes essent sordidati? cumq; hoc satis esset signi esse improbum: qui mutata ueste non esset. Hac mutatione facta uestis, tanto in luctu ciuitatis, omitto quid ille Tribunus omnium rerum diuinarum humanarumq; prædo fecerit: qui adesse nobilissimos adolescentes, honestissimos equites Ro. deprecatores salutis meæ iusserit: eosq; operarum suarum gladijs, & lapidibus obiecerit: de consulibus loquor: quorum fide Resp. niti debuit. exanimatus euolat ex senatu, non minus perturbato animo atq; uultu: quàm si annis ante paucis in creditorum conuentum incidisset: aduocat concionem: habet orationem talem consul: qualem nunquam Catilina uictor habuisset. errare homines: si etiam tum senatum aliquid in Rep. posse



## SESTIO.

9

Rep. posse arbitrentur. equites uero ro. daturos illius  
 dici poenas: qui me consulem cum gladijs in Capitolium  
 duci fecissent: uenisse tempus ijs, qui in timore fuissent,  
 coniuratis uidelicet, dicebat ulascendis. si dixisset hoc so-  
 lum: omni supplicio esset dignus: nam oratio ipsa con-  
 sulis perniciofa potest Remp. labefactare. quid fecerit  
 uidete. illum iam, qui cum meis sum pro summa fam-  
 liaritate, quæ cum fratre mihi, uel cū patre eius erat:  
 unice diligebat. tum pro Rep. uel mortem oppetere cupie-  
 bat: in conione lege relegauit: edixitq; ut ab urbe ab-  
 esset M. passus: quod eēt ausus pro ciue, pro benemerito ci-  
 ue, pro amico, pro Rep. deprecari. qd hoc homine facias?  
 aut quo ciuem importunum, aut quo potius hostem tam  
 sceleratum reserves? qui, ut omitam cetera: quæ sunt  
 ei cum collega immani, impuroq; coniuncta, atq; com-  
 munia: hoc unum habet proprium: ut expulerit ex ur-  
 be, relegarit, non dico Equitem romanum, non ornatiss-  
 simum, atq; optimum uirum, non amantissimum reipubl-  
 cæ ciuem, non illo ipso tempore una cum senatu & cū  
 bonis omnibus causam amici, Rei q; P. lugentem: sed ci-  
 uem romanum sine ullo iudicio, atq; edicto ex patria  
 consul eiecerit. Nihil acerbius societati inferre soliti  
 sunt: quàm id quod perraro accidit: ex urbe ire à con-  
 sule iuberi. Atq; illis tum erat reditus in suas ciuitates,  
 ad suos lares familiares: & in illo communi incommo-  
 do nulla in quēquam propria ignominia nominatim  
 cadebat. hoc uero quid est? exterminabit ciues roma-  
 nos edicto consul à suis dijs penatibus? expellet à pa-  
 tria? uidelicet quem uolet damnabit? atq; eiciet nomi-  
 natim? hic, si unquam uos eos, qui nunc estis in Rep. so-  
 re putasset: si deniq; imaginem iudiciorum, aut simula-

b b b



crum aliquod futurum in ciuitate reliquum credidis-  
 set: nunquam ausus esset senatum de Rep. tollere: Equi-  
 tum ro. preces aspernari: ciuium deniq; omnium nouis  
 & inauditis edictis ius libertatemq; euertere. Et si me  
 attentissimis animis summa cum benignitate auditis Iu-  
 dices: tamen uereor, ne quis uestrum forte miretur: qd  
 hæc mea oratio tam alte, ac tam longe repetita uelit:  
 aut quid ad P. Sextij causam, eorum, qui ante huius tri-  
 bunatum rempub. uexarunt: delicta pertineant. mihi  
 enim propositum est ostendere, omnia consilia P. Sextij,  
 mentemq; totius tribunatus hanc fuisse: ut afflicta, &  
 perditæ Reip. quantum posset, mederetur. Ac si in expo-  
 nendis uulneribus illis, de meipso plura dicere uidebor:  
 ignoscite. nam & illam meam cladem uos, et omnes bo-  
 ni maximum esse Reip. uulnus indicastis: & P. Sextius  
 est reus non suo, sed meo nomine. qui cum omnem uim  
 sui tribunatus in mea salute consumpserit: necesse est me-  
 am causam præteriti temporis, cum huius præsentis de-  
 fensione esse coniunctam. Erat igitur in luctu senatus:  
 squallebat ciuitas publico consilio mutata ueste: nullum  
 erat municipium Italiæ, nulla colonia, nulla præfectu-  
 ra, nulla Romæ societas uectigalium, nullum collegiū,  
 aut concilium, aut omnino aliquod commune consilium:  
 quod tum non honorificentissime decreuisset de mea sa-  
 lute: cum subito edicunt duo consules: ut ad suum uesti-  
 tum Senatores redirent. quis unquam consul senatum  
 ipsius decretis parere prohibuit? quis Tyrannus mise-  
 ros lugere uetuit? parum ne est Piso? ut omittam Gabi-  
 nium: quod tantum homines fefellisti? ut negligeres au-  
 thoritatem senatus? optimi cuiusq; consilia contemneres?  
 Remp. proderes? consulare nomen affligeres? etiam no



edicere audeas ne moerent homines suam, meam, rei publicae calamitatem? ne ue hunc suum dolorem ueste mutata significarent? siue illa uestis mutatio ad luctum ipsorum, siue ad deprecandum ualebat: quis unquam tam crudelis fuit? qui prohiberet quenquam, aut sibi moerere? aut ceteris supplicare? quid? sua sponte homines in amicorum periculis uestitum mutare non solent? pro te ipso Piso nemo mutauit? ne isti quidem, quos legatos non modo nullo senatus consulto, sed etiam repugnante senatu, tu te tibi legasti. Ergo hominis desperati, et proditoris Reip. casum lugebunt fortasse qui uolent: ciuis florentissimi beniuolentia bonorum, et optime de salute patriae meriti periculum coniunctum cum periculo ciuitatis, lugere senatui non licebit? iidem consules si appellandi sunt consules: quos nemo est, qui non modo ex memoria, sed etiam ex fastis euellendos non putet: pacto iam foedere prouinciarum, producti in circo Flaminio in concione ab illa furia ac peste patriae maximo cum gemitu uestro, illa omnia, quae tam contra me, quam contra Remp. dixerant, uoce ac sententia sua comprobauerunt. Iisdem consulibus sedentibus, atque inspectantibus lata lex est: ne auspicia ualerent: ne quis obnuñciaret: ne quis lege intercederet: ut omnibus festis diebus legem ferri liceret: ut lex Helia, lex Fusia ne ualeret. qua una rogatione, quis est, qui non intelligat uniuersam Remp. esse deletam? Iisdem Cons. inspectantibus, seruorum delectus habebatur pro tribunali Aurelio nomine Collegiorum: cum uicatim homines circumscriberentur: decuriarentur: ad uim, ad manus, ad caedem, ad direptionem inatarentur. Iisdem Cons. arma in templo Castoris palam portabatur: gradus eius-



dem templi tollebantur: armati homines forum & con-  
 ciones tenebant: cædes, lapidationesq; fiebant: nullus  
 erat senatus: nihil reliqui magistratus: unus omnium po-  
 testatem armis & latrocinij possidebat, non aliqua uir-  
 sua: sed cum duos consules à Rep. prouinciarum fœdere  
 retraxisset: insultabat: dominabatur: alijs pollicebatur:  
 terrore ac metu multos, plures etiam spe et promissis te-  
 nebat. quæ cum essent eiusmodi Iudices: cum Senatus  
 duces nullos, ac pro ducibus proditores, aut potius aper-  
 tos hostes haberet: Equester ordo reus à consulibus cita-  
 retur: Italiae totius auctoritas repudiaretur: alij nomi-  
 natim relegarentur: alij metu ac periculo terrerentur: ar-  
 ma essent in templis: armati in foro: eaq; non silentio  
 consulum dissimularentur: sed & uoce & sententia cõ-  
 probarentur: cum omnes urbem nondum excisam, &  
 euersam, sed iam captam, atq; oppressam uideremus: ta-  
 men his malis tantis, tanto bonorum studio Iud. resistisse-  
 mus. Sed me alij metus, atq; aliæ curæ, suspensionesq; mo-  
 uerunt. Exponam enim hodierno die Iud. omnem ra-  
 tionem facti & consilij mei: neq; huic uestro tanto stu-  
 dio audiendi, nec huic tantæ multitudini, quanta mea  
 memoria nunquam ullo in iudicio fuerit: deero. nam si  
 ego in bona causa, tanto studio senatus, consensu tam in-  
 credibili bonorum omnium tam parato, tota denique  
 Italia ad omnem contentionem expedita, cessi Tribuni  
 plebis despiciatissimi hominis furori: contemptissimo-  
 rum consulum leuitatem, audaciamq; pertimui: me ti-  
 midum, nullius animi, nullius consilij fuisse confiteor.  
 quid enim simile fuit in M. Metello? cuius causam, &  
 si omnes boni probabant: tamen neq; senatus publice,  
 neq; ullus ordo proprie, neq; suis decretis Italia tota su-



sceperat. ad suam enim magis ille gloriam, quàm ad  
 perspicuam salutem Reip. spectarat: cum unus in le-  
 gem per uim latam iurare noluerat. deniq; uidebatur  
 hac conditione tam fortis fuisse: ut cum patriæ carita-  
 te constantiæ gloriam commutaret. erat enim huic res  
 cum exercitu C. Marij inuicto: habebat inimicum C.  
 Marium conseruatorem patriæ sextum iam illum con-  
 sulatum gerentem: res erat cum L. Saturnino iterum  
 tribuno pl. uigilante homine, & in causa populari si nō  
 moderate, at certe populariter agente. attamē nec tergi- \*  
 uersatus cessit: ne aut uictus à fortibus uiris cum dedeco-  
 re caderet: aut uictor multis co fortibus ciuibus Rēp. or-  
 baret. Meā causam senatus palam, Equester ordo acer-  
 rime, cuncta Italia publice, omnes boni enixe suscep-  
 rant. eas res gesseram: quarum non unus auctor, sed  
 dux omnium uoluntatis fuissem: quæq; non modo ad  
 singularem meam gloriam, sed ad salutem communem  
 omnium ciuium, & propē gentium pertinerent: ea cō-  
 ditione gesseram: ut meum factum semper omnes præ-  
 stare tueriq; deberent. erat enim mihi contentio non cū  
 uictore exercitu, sed cum operis conductis, et ad diripiē-  
 dam urbem concitatis. habebam inimicum non C. Ma-  
 rium terrorem hostium, spem subsidiumq; patriæ: sed  
 duo importuna prodigia: quos egestas, quos aeris alieni  
 magnitudo, quos leuitas, quos improbitas tribuno pl.  
 constrictos addixerat. nec mihi res erat cum Saturni-  
 no: qui quidē à Quæstore Ostensi per ignorantiam ad  
 prinapem & senatus, & ciuitatis M. Scæurum rem frui-  
 mentariam translatam sciebat: sed cum scurrarū locu-  
 pletum scorto, cum sororis adultero, cum stuprorum sa-  
 cerdote, cum uenefico, cum testamentario, cum sicario, cū



latrone. quos homines, si id quod facile factu fuit: & quod fieri debuit: quodq; à me optimi et fortissimi ciues flagitabant: ui armisq; superassem: non uerebar, ne quis aut uim ui repulsam reprehenderet: aut perditorum ciuium uel potius domesticorum hostium mortem mœreret. Sed me illa mouerunt. omnibus in concionibus illa furia clamabat: se quæ faceret contra salutem meam, facere authore Cn. Pompeio clarissimo uiro, mihiq; & nunc, & quoad licuit, amicissimo: M. Crassus, quo cum mihi erant omnes amicitiae necessitudines, uir fortissimus, ab eadem illa peste infestissimus esse meis fortunis prædicabatur: C. Cæsar, q; à me nullo meo merito alienus esse debebat: inimicissimus esse meæ salutis ab eodem quotidianis concionibus dicebatur. his se tribus authoribus in consilijs capiendis, adiutoribus in re gerenda, esse usurum dicebat. ex quibus unum habere exercitum maximum in Italia: duo, qui priuati essent: & præessent, & pararent si uellent exercitum: idq; facturos esse dicebat. nec mihi ille iudicium populi, nec legitimam aliquam contentionem, nec disceptationem, aut causæ dictionem, sed uim, arma, exercitus, imperatores, castra denunciabat. qd ergo? inimici oratio, uana præsertim, tam improbe in clarissimos uiros coniecta me mouit? me uero non mouit illius oratio: sed eorum taciturnitas: in quos illa oratio tam improba conferebatur. qui tum, quanquam ob aliam causam tacebant: tamen hominibus omnia timentibus tacendo loqui, nō inficiando confiteri, uidebatur. illi enim mali timore perterriti, quod acta illa, atq; omnis res superioris anni labefactari à prætoribus, infirmari à senatu, atq; principibus ciuitatis putabant: suaq; sibi propiora esse peria-



cula, quam mea loquebantur: Tribunum popularem à se alienari nolebant. Et tamen et Crassus à Consulibus meam causam suscipiendam esse dicebat: et eorum fidem Pompeius implorabat: neque se priuatum publicæ causæ susceptæ defuturum esse dicebat. quem uirum studiosum mei, cupidissimum Reip. seruandæ, domi meæ certi homines compositi monuerunt: ut esset cautior: eiusque uitæ à me insidias apud me domi positas esse dixerunt. atque hanc ei suspicionem alij literis mittendis, alij nuncijs, alij coram ipsi excitauerunt. tot ille, cum à me nihil certe timeret: ab illis nequid meo nomine molirentur, sibi cauendum putaret: L. ipse Cæsar, quæ maxime ignari homines ueritatis mihi esse iratum putabant: erat ad portas cum imperio: erat in Italia eius exercitus: inque eo exercitu ipsius tribuni plebis inimici mei fratrem præfecerat. Hæc ego cum uiderem: neque enim erant occulta: Senatum, sine quo ciuitas stare non posset: omnino de ciuitate esse sublatum: Consules, qui publici consilij duces esse deberent: perfecisse, ut per ipsos publicum consilium funditus tolleretur: eos qui plurimum posset: opponi omnibus concionibus falso, sed et formidolose tamen, auihores ad perniciem meam: conciones haberi quotidie contra me: uocem pro me, ac pro Reip. neminem mittere: intenta signa legionum existimari ceruiabus ac bonis uestris falso: sed putari tamen: coniuratorum ueteres copias et effusam illam ac superatam Catilinæ manum importunam nouo duce et insperata commutatione rerum esse renouatam. hæc cum uiderem: quid agerem Iudices? scio enim tum, non mihi uestrum studium, sed meum propè uestro defuisse. contenderem contra tribunum pl. priuatus armis? uicissens



improbos boni, fortes inertes: interfectus esset is, qui  
hac una medicina sola potuit à Reip. peste depelli. quid  
deinde? quid reliquiarum restaret? quid deniq; erat dis-  
bium, quin ille sanguis tribunitius nullo præsertim pu-  
blico consilio profusus, Consules auctores & defensores  
esset habiturus? cum quidē in concione dixisset: aut mi-  
hi semel pereundum: aut bis esse uincendum: quid erat  
bis uincere? id profecto: ut cum amentissimo cum tribuno  
plebis decertassem: cum consulibus cæterisq; eius ultori-  
bus dimicaret. Ego uero si mihi uni pereundum fuisset:  
ac non accipienda plaga mihi insanabilis illa mortife-  
ra: quā reipub. imposuisset: semel perire tamen Iud. ma-  
luissem: q̄ bis uincere. Erat enim altera eiusmodi con-  
tentio illa: ut neq; uicti neq; uictores Remp. tenere posse-  
mus. quid? si in prima contentione, ui tribunitia uictus  
in foro cum multis bonis uiris concidissem? Senatum con-  
sules credo uocassent? quē totum de ciuitate deiecerant.  
ad arma uocarent? qui ne uestitum quidem defendissent  
reipublicæ. a tribuno pl. post interitum dissidissent? q̄  
eandē horam meæ pestis & suorū præmiorum esse uo-  
luissem. Vnum enim mihi restabat illud quod forsitan  
non nemo uir fortis, & acris animi magniq; dixerit:  
resistisses: repugnasses: mortem pugnās oppetisses: de quo  
inquam te te patria obtestor, et uos penates patriq; dū,  
me uestrarum sedium templorumq; causa, me propter  
salutem meorum ciuium, quæ mihi semper fuit mea ca-  
rior uita: dimicationem cædemq; fugisse. Et enim si mi-  
hi in aliqua naue cum meis amicis nauiganti hoc Iud.  
accidisset: ut multi ex multis locis prædones classibus eā  
nauem se oppressuros munitarentur: nisi me unū sibi de-  
didissent: si id uectores negarent: ac mecum simul inte-



vire, quàm me tradere hostibus mallent: iecissem me po-  
 tius ipse in profundum: ut cæteros conseruarem: quàm  
 illos mei tam cupidos non modo ad certam mortem, sed  
 in magnum uitæ discrimen adducerem. Cum uero in  
 hanc reipublicæ nauem, creptis senatui gubernaculis,  
 fluitantem in alto tempestatibus seditionum, ac discor-  
 diarum armatæ tot classes, nisi ego unus deditus essem:  
 incursuræ uiderentur: cum proscriptione, cædes, direptio,  
 denunciarentur: cum alij me suspitione periculi sui non  
 defenderent: alij uetere odio bonorum inatarentur: alij  
 inuiderent: alij obstare sibi me arbitrantur: alij ul-  
 sci dolorem suum aliquē uellent: alij rem ipsam publi-  
 cam, atq; hunc bonorum statum oculumq; odissent: Et  
 ob hæc causas tot tamq; uarias me unum deposcerent:  
 depugnarem potius cum summo non dicam exitio, sed  
 periculo certe uestro, liberorumq; uestrorum: quam nō  
 id, quod etiam omnibus impēdebat: unus pro omnibus  
 susceperem? ac subirem? uicti essent improbi. at ciues.  
 at ab eo priuato, qui sine armis rempub. etiam consul  
 conseruaret. sin uicti essent boni: quid superesset? non ad  
 seruos uidetis rempublicam uenturam fuisse? an mihi  
 ipsi, ut quidam putant, fuit mors æquo animo oppeten-  
 da? quid? tum mortem ne fugebam? an erat res ulla?  
 quam mihi magis optandam putarem? aut ego illas res  
 tantas in tanta improborum multitudine cum gerebam:  
 non mihi mors, non exilium ob oculos uersabantur? nō  
 hæc deniq; à me, tum tanquam fata, in ipsa re gerenda  
 concinebantur? an erat mihi in tanto luctu meorum, in  
 tanta disunctione, tanta acerbitate, tanta spoliatione o-  
 mnium rerum, quas mihi aut natura aut fortuna de-  
 derat: uita retinenda? tam eram rudis? tam ignarus



PRO P.

rerum? tam expers consilij, aut ingenij? nihil audieram?  
nihil uideram? nihil ipse legendo quærendoq; cognoueram?  
nesciebam uitam breuem esse? cursum gloriæ sempiternum?  
cum esset omnibus definita mors: optandum esse, ut uita quæ necessitati deberetur: patriæ potius donata, quàm reſeruata naturæ uideretur? nesciebam inter ſapientiſſimos homines hanc contentionem fuiſſe: ut alij dicerent animos hominum, ſenſusq; morte reſtingui: alij autem tum maxime mentes ſapiētum ac fortium uirorum, cum è corpore exceſſiſſent: ſentire, ac uigere? quorum alterum fugiendum non eſſe, carere ſenſu: alterum etiam optandum, meliore eſſe ſenſu. deniq; cum omnia ſemper ad dignitatem retuliſſem: nec ſine ea quicquam expetendum eſſe homini in uita putaſſem: mortem, quā etiam uirgines Athenis, regis opinor Erichihei filiæ, pro patria contempſiſſe dicuntur: ego uir conſularis tantis rebus geſtis timerem? præſertim cum eius eſſem ciuitatis: ex qua Q. Mutius ſolus in caſtra Porſenæ ueniſſet: eumq; interficere propoſita ſibi morte conatus eſſet? ex qua P. Decius primum pater, poſt aliquot annos patria uirtute præditus filius, ſe ac uitā ſuam inſtructa acie pro ſalute populi romani, uictoriāq; deuotiſſet? ex qua innumerabiles alij partim adipiſcendæ laudis, partim uitandæ turpitudinis cauſa mortem in uarijs bellis æquiſſimis animis oppetiſſent? in qua ciuitate ipſe meminiſſem patrem huius M. Crassi fortiffimum uirum, ne uideret uictorem uiuus inimicum: eadem ſibi manu uitam exhauiſſe: qua mortem ſæpe hoſtibus obtuliſſet? Hæc ego & multa alia cogitans, hoc uidebam: ſi cauſam publicam mea mors peremiſſet: neminem unquam fore, qui auderet, ſuſcipere contra im-



probos ciues reipublicæ salutem. Itaq; non solum si uã  
 interissem: sed etiã si morbo extinctus essem: fore puta-  
 bā: ut exemplū Reip. cōseruādæ mecum simul interiret.  
 quis .n. unq̃ me à senatu populoq; romano, tanto bonorū  
 omniū studio nūc restituto, omnia adire pericula pro rep.  
 dubitabit? quod certe si essem interfectus: nunquā accide-  
 re potuisset ut q̃squā ullā Reip. partem cum sua minima  
 inuidia auderet attingere. seruauī igitur Rēp. discessi  
 meo Iudices: cādē à uobis, liberisq; uestris, uasitatē, in-  
 cēdia, rapinas, meo dolore luctuq; depulsi: et unus Rēp-  
 bis seruauī: semel gloria: iterū erūna mea. neq; .n. hoīem  
 in hoc me inficiabor unq̃: ut nūc optimo fratre, carissimis  
 liberis, fidissima cōiuge, uestro conspectu, patria, hoc ho-  
 noris gradu, sine dolore caruisse glorier. quod si fecissem:  
 quod à me beneficiū haberetis? cū pro uobis ea, quæ mi-  
 hi essent uilia, reliquissem. hoc, meo qdē animo, summū in  
 patriā amoris mei signum esse debet certissimum: quod  
 cum abesse ab ea non possem sine summo dolore: hunc  
 me perpeti, quā illam labefactari ab improbis ma-  
 lui. memineram Iud. diuinum illum uirū, atq; ex his-  
 dem, quibus nos, radiabus natum ad salutem imperij  
 huius C. Marium, summa senectute, cum propē uim ius-  
 storum armorum profugisset, primo senile corpus pa-  
 ludibus occultasse demersum: deinde ad infirmorum ac  
 tenuissimorum hominum Minturnis misericordiā con-  
 fugisse: inde nauigio pparuo, cum omnis portus terrasq;  
 fugeret: in oras Africæ desertissimas peruenisse. atque  
 ille uitam suam, ne inultus esset: ad incertissimam spem,  
 et ad Reip. statum reseruauit. ego qui (quemadmodū  
 multi in senatu me absente dixerunt) periculo reipubli-  
 cæ iniebam: quiq; ob eam causam consularibus literis



PRO P.

de senatus sententia exteris nationibus commendabar:  
nonne si meam uitam deseruisssem: Remp. prodidisssem?  
in quo quidē nunc me restituto uiuit mecum simul exē  
plum fidei publicæ. quod si immortale retinetur: quis  
non intelligit immortalem hanc ciuitatem futuram?  
nam externa bella regum, gentium, nationū iam pri-  
dē ita extincta sunt: ut præclare cum his agamus: quos  
pacatos esse patiamur: deniq; ex bellica uictoria non fe-  
re' quam est inuidia ciuium consecuta. domesticis malis,  
& audacium ciuium consilijs sæpe est resistendum: co-  
rumq; periculo est in Rep. retinenda medicina: quam o-  
mnem Iud. perdidissetis: si meo interitu senatui populoq;  
ro. doloris sui de me declarādi potestas esset erepta. qua-  
re moneo uos adolescentes: atq; hoc meo iure præcipio: q  
dignitatem, qui Remp. qui gloriam spectatis, ne si qua  
uos aliquando necessitas ad Remp. contra improbos ci-  
ues defendendam uocabit. se gniores sitis: et recordatio-  
ne mei casus à consilijs fortibus refugiatis. primum nō  
est periculum ne qui unquam sint in ciuitate eiusmodi  
consules: præsertim si erit is id, quod debetur, persolu-  
tum. deinde nūquam, ut spero, quisquam improbus con-  
silio & auxilio bonorum se oppugnare rempublicam  
dicet, illis tacentibus: nec armati exercitus terrorem op-  
ponet togatis: neq; erit iusta causa ad portas sedēti im-  
peratorī, quare terrorem suum iactari opponiq; patia-  
tur. nunquam enim erit tam oppressus senatus: ut ei ne  
supplicandi quidem, ac lugendi sit potestas: tam captus  
equester ordo: ut Equites romani à consule relegentur.  
Quæ cum omnia, atq; etiam multo alia maiora, quæ  
consulto prætereo: accidissent: uidetis me tamen in pristi-  
nam meam dignitatem, breui temporis dolore interie-

sto R  
quod  
bus n  
etam  
bus  
spe  
mei  
sem  
par  
tam  
lum  
mo  
uella  
puncto  
nio, &  
les cū  
rū, qua  
cū  
te con  
aliqu  
bus, fe  
ac reli  
que ne  
ta perti  
temen  
sunt  
dum  
da ac  
tione  
paucor  
necem



Eto Reip. uoce esse reuocatum. Sed ut reuertar ad illud,  
 quod mihi in hac omni est oratione propositum: omni-  
 bus malis illo anno scelere consulum Remp. esse confe-  
 ctam: primum illo ipso die, qui mihi funestus fuit: omni-  
 bus bonis luctuosus: cum ego me complexu patriæ, con-  
 spectuq; uestro eripuissem: & metu periculi uestri, non  
 mei, furori hominis, sceleri, perfidiæ, telis, minisq; cassis-  
 sem: patriamq; quæ mihi erat carissima: propter ipsius  
 patriæ caritatem reliquissem: cum meum illum casum  
 tam horribilem, tam grauem, tam repentinum, non so-  
 lum homines, sed tecta urbis ac templa lugerent: ne-  
 mo uestrum forum, nemo curiam, nemo lucem aspicere  
 uellet: illo inquam ipso die, die dico? immo hora, atq; et  
 puncto temporis eodem, mihi Reiq; p. perniciēs, Gabi-  
 nio, & Pisoni provincia rogata est. Pro'dij immorta-  
 les custodes & conseruatores huius urbis atq; impe-  
 rij, quæ nam illa in Rep. monstra? quæ scelera uidistis?  
 cuius erat expulsus is: qui Remp. ex senatus authorita-  
 te cum omnibus bonis defenderat: & expulsus nō alio  
 aliquo, sed eo ipso crimine: expulsus sine iudicio, lapidi-  
 bus, ferro, seruitio deniq; conatato: lex erat lata uastato,  
 ac relicto foro, & sicarijs seruisq; tradito: & ea lex,  
 quæ ne ferretur, Senatus fuerat ueste mutata. hac tan-  
 ta perturbatione ciuitatis ne noctem quidē consules in-  
 ter meum discrimen, & eorum prædam interesse passi  
 sunt. statim me percusso, ad meum sanguinem haurien-  
 dum, & spirante etiam Rep. ad eius spolia deirahen-  
 da aduolauerunt. omitto gratulationes, epulas, parti-  
 tionē ærarij, beneficia, spem, promissa, prædā, læticiam  
 paucorū in luctu omniū: uexabatur uxor mea: liberi ad  
 necem quærebatur: gener, et Piso gener, à Pisonis consulis



pedibus supplex reijciebatur: bona diripiebantur: eaq;  
 ad consules deferebantur: domus ardebat in palatio:  
 consules epulabatur. quod si meis incommodis lætaba-  
 tur: urbis tamen periculo commouerentur. Sed ut à mea  
 causa iam recedam: reliquas illius anni pestes recorda-  
 mini. sic enim facillime perspicietis, quantam uim omniū  
 remediorum à magistratibus proximis Resp. desidera-  
 rit. legum multitudinem, cum earū, quæ latæ sunt: tum  
 uero quæ promulgatæ fuerunt: dicam? nam latæ sunt  
 consulibus illis, tacentibus, immo uero approbantibus  
 etiam, ut Cēforia notatio, et grauiissimum iudiciū san-  
 ctissimi magistratus tolleretur de republica: ut Collegia  
 nonmodo illa uetera contra senatus consultiū restituerē-  
 tur: sed ab uno gladiatore innumerabilia alia noua  
 conscriberentur: ut remissis semissibus et triētibus quin-  
 ta propè pars uestigalium tolleretur: ut Gabinio pro illa  
 sua Cilicia, quam sibi, si remp. prodidisset: pactus erat:  
 Syria daretur: ut uni helluoni bis de eadē re deliberādi  
 esset potestas: ut rogata lege, legē ferret provincia cōmu-  
 tandæ. mitto eā legē: quæ omnia religionum iura, auspi-  
 ciorū, potestatum, omnes leges, quæ sunt de iure, et de  
 tempore legum rogandarum, una rogatione deleuit:  
 mitto omnem domesticam laudem: etiam exteras natio-  
 nes illius anni furore, conquassatas uidebamus. lege Tri-  
 bunitia Matris Magnæ Pessimuntius ille sacerdos ex-  
 pulsus, et spoliatus sacerdotio est: sanumq; sanctissima-  
 rum atq; antiquissimarum religionum uēditum pecu-  
 nia grandi Brogitaro impuro homini, atq; indigno  
 illa religione: præsertim cum ea sibi ille non colendi, sed  
 uiolandi causa appetisset: appellati Reges à populo: qui  
 id nunquam ne à senatu quidem postulassent: reducti



exules, Byzantium condemnati, tum, cum indemnati ci-  
 ues è ciuitate eiciebantur: rex Ptolemæus, qui si non-  
 dum erat ipse à senatu socius appellatus: erat tamen fra-  
 ter eius regis: qui cum esset in eadem causa iam per-  
 orata à senatu honorem istum consecutus erat: eodem  
 genere ipsdemq; maioribus, eadē uetustate societatis de-  
 niq; erat Rex: sed nondum socius: at non hostis: pacat-  
 us, quietus, fretus imperio populi romani, regno pa-  
 terno atq; auito regali ocio perfruebatur. de hoc nihil  
 cogitante, nihil suspicante, eisdem operis suffragium fe-  
 rentibus, est rogatum: ut sedens cum purpura & sceptro  
 & illis insignibus regijs præconi publico subiiceretur:  
 & imperante populo romano, qui etiam bello uictis re-  
 gibus regna reddere consuevit: rex amicus, nulla iniu-  
 ria commemorata, nullis repetitis rebus, cum bonis o-  
 mnibus publicaretur. multa acerba, multa turpia, multa  
 turbulenta habuit ille annus: tamen illi sceleri, quod in  
 me illorum immanitas edidit: haud scio, an hoc recte  
 proximum esse dicam. Antiochum illum magnum ma-  
 iores nostri magna belli contentione terra mariq; supe-  
 ratum, intra montem Taurum regnare iusserunt: Asiā,  
 qua illum mulctarunt: Attalo, ut is regnaret in ea,  
 condonauerunt. cum Armeniorū Rege Tigrane gra-  
 ue bellum per diuturnumq; gessimus: cum ille iniurijs  
 in socios nostros inferendis, bello propè nos laceffisset.  
 hic & ipse per se uehemens fuit: & acerrimum hostem  
 huius imperij Mythridatem pulsum ponto opibus suis  
 regnoq; defendit: & a Lucullo summo uiro atq; impe-  
 ratore pulsus animo tamen hostili cum reliquis copijs  
 suis in pristina mente mansit. hunc Cn. Pompeius, cum  
 in suis castris supplicem abiectumq; uidisset: erexit: atq;



insigne regum, quod ille de suo capite abiecerat: re-  
 suit: & imperatis certis rebus regnare iussit: nec mi-  
 nus & sibi & huic imperio gloriosum putauit: consti-  
 tutum a se Regem, quam constrictum uideri. Tulit-  
 gessit. qui & ipse hostis fuit populi romani: & acerr-  
 imum hostem in regnum recepit: qui conflixit: qui signa  
 contulit: qui de imperio penè certauit: regnat hodie: &  
 amicitiae nomen, ac societatis, quod armis uiolarat: id  
 precibus est consecutus. Ille Cyprius miser, qui semper  
 socius, semper amicus fuit: de quo nulla unquam suspi-  
 cio durior ad senatum, aut ad imperatores nostros al-  
 lata est: uiuus (ut aiunt) est & uidens cum uictu ac ue-  
 situ suo publicatus. En cur ceteri Reges stabilem esse suam  
 fortunam arbitrentur? cum hoc illius funesti anni per-  
 dito exemplo uideant, per Tribunum aliquem, et sex-  
 centas operas, se fortunis spoliari & regno omni posse  
 nudari. At etiam eo negotio M. Catonis splendorem ma-  
 culare uoluerunt, ignari quid grauitas, quid integri-  
 tas, quid magnitudo animi, quid denique uirtus ualeret.  
 quae in tempestate quieta est: & lucet in tenebris: &  
 pulsa loco, manet tamen, atque haeret in patria: splendens  
 per sese semper: neque alienis unquam sordibus obsolescit.  
 Non illi ornandum M. Catonem, sed relegandum ad  
 illud negotium putauerunt: qui in concione palam di-  
 xerint: linguam se euellisse M. Catoni: quae semper con-  
 tra extraordinarias potestates libera fuisset. Sentient ut  
 spero breui tempore, manere libertatem illam: atque hoc  
 etiam, si fieri poterit: esse maiorem: quod cum consuli-  
 bus illis M. Cato, etiam cum iam desperasset aliquid au-  
 thoritate sua perficere posse: tamen uoce ipsa ac dolore  
 pugnavit: & post meum discessum his Pisonem uerbis  
 flens meum

flens  
 perdit  
 aie po  
 le no  
 ret: i  
 bus:  
 fule  
 disci  
 midia  
 uehem  
 aulhor  
 suum  
 bi, nisi  
 citus e  
 gnitudi  
 memora  
 nobis  
 animo  
 minui  
 dunt  
 ta fieri  
 rogatio  
 bilomni  
 to, de ip  
 repudi  
 acta  
 tur?  
 cula  
 eluere  
 id util  
 ille etia



flens meum & Reip. casum uexauit: ut illum hominem  
 perditissimum, atq; impudētissimum pene iam provin-  
 ciae poeniteret. cur igitur rogationi paruit? quasi uero il-  
 le non in alteras quoq; leges, quas iniuste rogatas puta-  
 ret: iam ante iuravit. non offert se ille testis temeritati-  
 bus: ut cum Reip. nihil prosit: se ciuitate ro. priuet. con-  
 sule me, cum esset designatus tribunus plebis: obtulit in  
 discrimen uitam suam: dixit eam sententiam: cuius in-  
 uidiā, capitis periculo sibi praestandam uidebat: dixit  
 uehementer: egit acriter: ea quae sensit, pra se tulit: dux,  
 auctor, actor rerum illarum fuit: non quo periculum  
 suum nō uideret: sed in tanta Reip. tempestate nihil si-  
 bi, nisi de patriae periculis cogitandum putabat. conse-  
 cutus est ipsius Tribunatus. quid ego de singulari ma-  
 gnitudine animi eius, ac de incredibile uirtute dicam?  
 meministis illum diem: cum templo à Collega occupato,  
 nobis omnibus de uita eius uiri, et ciuis timentibus, ipse  
 animo fortissimo uenit in templum: & clamorem ho-  
 minum auctoritate, impetum improborum uirtute se-  
 dauit. adiit cum periculo: sed adiit cū causa: quae quā-  
 ta fuerit, mihi dicere non est necesse. At si isti Cypriae  
 rogationi sceleratissimae non paruisset: haerere illa ni-  
 hilominus in Rep. turpitudine. Regno enim iam publica-  
 to, de ipso Catone erat nominatim rogatum. quod ille si  
 repudiasset: dubitatis quin ei uis esset allata? cum omnia  
 acta illius anni per illum unum labefactari uideren-  
 tur? Atq; etiam hoc uidebat: quoniam illa in Rep. ma-  
 cula regni publicati maneret: quam nemo iam posset  
 eluere: quod ex malis bonum possit in Rep. peruenire:  
 id utilius esse per se conseruari: quā per alios. Atque  
 ille etiam si aliquapiam ui pelleretur illis temporibus



ex hac urbe: facile pateretur. etenim qui superiore anno senatu caruisset: quo si tum ueniret: me tamen socium suorum in Rep. consiliorum uidere posset: is a quo animo tum me expulso, & meo nomine cum uniuerso senatu, tum sententia sua condemnata, in hac urbe esse posset? ille uero eidem tempori, quo nos, eidem furori, eisdem Consulibus, eisdem munus, insidijs, periculis cessit. luctum nos hausimus maiorem: ille animi non minorem. his de tantis iniurijs in socios, in reges, in liberas ciuitates, consulum querela esse debuit. in eius magistratus tutela reges, atq; exteræ nationes semper fuerunt. ecquæ uox consulum unquam est audita? quam quis auderet, si maxime queri uellent: de Cyprio rege querere: qui me ciuem nullo meo crimine, patriæ nomine laborantem non modo stantem non defenderunt: sed ne quidem iacentem protexerunt. cessaram, si alienam à me plebem fuisse multis: quæ non fuit: inuidiæ: si quo moueri omnia uidebatur: temporis: si ius susceperat: armis: si societas: magistratum pactio: ni: si periculum ciuium: reipublicæ. cur, cum de capite ciuis, non disputo cuiusmodi ciuis, & de bonis proscriptio ferretur: cum & sacris legibus, & XII tabulis sanatum esset: ut neq; priuilegium irrogari, neq; de capite, nisi comitijs centuriatis rogari: nulla uox est audita consulum? constitutumq; illo anno est: quantum in illis duabus huius imperij pestibus fuit: iure posse per operas conditatas quemuis ciuem nominatim tribuni plebis consilio ex ciuitate perturbari. Quæ uero promulgata illo anno fuerunt: quæ promissa multis: quæ conscripta: quæ sperata: quæ cogitata: quid dicam? qui locus orbis terræ iam non erat alicui destinatus? cuius ne-



gocij publici cogitari, optari, fingiq; procuratio potuit?  
 quæ nō eēt attributa atq; descripta? quod genus imperij,  
 quæ provincia, quæ ratio aut auferendæ aut consilidæ pe-  
 cuniæ non reperiēbatur? quæ regio, oraue terrarū erat  
 latior? in qua non regnum aliquod statueretur? quis au-  
 tem Rex erat? qui illo anno non aut emendū sibi, quod  
 non habebat: aut redimendum quod habebat arbitra-  
 retur? quis provinciam, quis pecuniam, quis legationem  
 ab senatu petebat? damnatis de ui, restitutio, consulatus  
 petitio ipsi illi populari sacerdoti comparabatur. hæc ge-  
 mebant boni: sperabant improbi: agebat tribunus ple-  
 bis: Consules adiuvabant. Hic aliquanto serius, quā  
 ipse uellet: Cn. Pompeius, inuitissimis ijs, q; mentem opti-  
 mi ac fortissimi uiri suis consilijs, ac fictis terroribus a  
 defensione meæ salutis auerterant: excitauit illam suam  
 non solutam, sed suspitione aliqua retardatam consue-  
 tudinem Reip. bene gerendæ. non est passus ille uir, qui  
 sceleratissimos aues, qui acerrimos hostes, qui maximas  
 nationes, qui reges, qui gentes feras, atq; inauditas, qui  
 prædonum infinitam manum, qui seruitia uirtute ui-  
 ctoriaq; domuisset: qui omnibus bellis terra mariq; cō-  
 pressis, imperium populi romani orbis terrarum ter-  
 minis definisset: Remp. euerti scelere paucorum: quam  
 ipse non solum consilijs, sed etiam sanguine suo sæpe  
 defendisset. accessit ad causam publicam: restitit autho-  
 ritate sua reliquis rebus: de præteritis questus est. fieri  
 quædam ad meliorem spem inclinatio uisa est. decreuit  
 senatus frequens de meo reditu Cal. Iunij dissentiente  
 nullo, referente L. Mūnio, cuius in mea causa nūquam  
 fides, uirtusq; contremuit. Intercessit Ligus iste nescio  
 qui, additamentum inimicorum meorum. res erat &



causa nostra eo loci: ut erigere oculos, & uiuere uideretur. quisquis erat, qui aliquam partem in meo luctu sceleris Clodiani attigisset: quocumque uenerat: quod iudicium cumque sibi erat: damnabatur: inueniebatur nemo: qui se suffragium de me tulisse confiteretur. discesserat ab Asia frater meus magno squalore, sed multo etiam maiore mœrore. huic ad urbem uenienti tota obuiam ciuitas cum lachrymis gemituque processerat: loquebatur liberius senatus: concurrebant Equites romani: Piso ille gener meus, cui fructum pietatis suæ, neque ex me neque à populo romano ferre licuit: à propinquo suo socerum suum flagitabat: omnia senatus reiciebat: nisi de me consules primo retulissent. quæ cum res iam manibus teneretur: cum consules prouinciarum pactione libertatem omnem perdidissent: qui cum in senatu priuati, ut de me sententias dicerent flagitabantur: legem illi se Clodiam timere dicebant. cum hæc non possent iam diutius sustinere: initur consilium de interitu Cn. Pompei. quo patefacto, ferroque deprehenso, ille inclusus domi tãdiu fuit: quãdiu, inimicus meus in Tribunatu. de meo reditu octo Tribuni promulgarunt. ex quo intellectum est, mihi absenti creuisse amicos: in ea præsertim fortuna, in qua nonnulli etiam, quos esse putaueram: non erant. sed eos uoluntatem semper eandem, libertatem eandem non semper habuisse. nam ex octo tribunis, quos tunc habueram: unus me absente defluxit: qui cognomen sibi ex aliorum imaginibus arripuit: quo magis nationis eius esse, quàm generis uideretur. Hoc igitur anno magistratibus nouis designatis, cum omnes boni omnem spem melioris status in eorum fidem conuertissent: princeps P. Lentulus autoritate ac senten-



tia sua Disone & Gabinio repugnantibus, causam suscepit: tribunisq; plebis octo referentibus, præstantissimam de me sententiam dixit. qui cum ad gloriam suam, atq; amplissimam beneficij gratiam magis pertinere uideret, causam illam integram ad suum consulum reservari: tamen rem tale per alios citius, quam per se tardius confici malebat. Hoc interim tempore P. Sestius Iudices, designatus iter ad C. Cæsarem pro mea salute suscepit. quid egerit: quantum profecerit: nihil ad causam. equidem existimo, si ille (ut arbitror) æquus nobis fuerit: nihil ab hoc perfectum: sin irator: non multum. sed tamen sedulitatem atq; integritatem hominis uidetis. Ingredior iam in Sestij Tribunatum. nam hoc primum iter designatus Reip. causa suscepit. pertinere & ad concordiam ciuium putauit: & ad perficiendi facilitatem, animum Cæsaris a causa nō abhorreret. abiit ille annus: respirasse homines uidebantur, nondum re, sed spe Reip. recuperandæ. exierunt malis ominibus atq; execrationibus duo uulturij paludati: quibus utinam ipsis euenissent ea: quæ tum homines precabantur. neq; nos prouinciam Macedoniam cum exercitu, neque equitatum in Syria, & cohortes optimas perdidissemus. Ineunt magistratum Tribuni plebis: qui omnes de me promulgaturos confirmarant. ex his princeps emitur ab inimicis meis, is: quē homines in luctu irridentes Gracchum uocabant: quoniam id etiam fatum ciuitatis fuit: ut illa ex uepretulis extracta nitedula Remp. conaretur arrodere. Alter uero non ille Serranus ab aratro, sed ex deserto Gaii Oleli horreo: calatis granis, in Calatinos ac Lelios insitus subito nominibus in tabulas relatis, nomen suum de tabula sustulit. Veniunt calēda



Ianuarij: nos hæc melius scire potestis: equidem audita  
 dico: quæ tum frequentia senatus, quæ expectatio popu-  
 li, qui concursus legatorum ex Italia cuncta, quæ uir-  
 tus, actio, grauitas, P. Lentuli fuerit Consul: quæ etiã  
 Collegæ eius moderatio de me: qui cum inimicitias si-  
 bi mecum ex Reip. dissensione susceptas esse dixisset: eas  
 se dixit & temporibus, & reipublicæ permissurum.  
 Tū princeps rogatus sententiã L. Cotta, dixit id, quod  
 dignissimum Rep. fuit: nihil de me actum esse iure: ni-  
 hil more maiorum: nihil legibus: non posse quenquam  
 de ciuitate tolli sine iudicio: de capite non modo ferri, sed  
 ne iudicari quidem posse, nisi comitijs centuriatis. uim  
 fuisse illam: flammam quassatæ reipublicæ: perturba-  
 to undiq; tempore, iure, iudicijsq; sublatis, magna rerũ  
 permutatione impendente, declinasse me paululum: &  
 spe reliquæ tranquillitatis præsentis fluctus, tempesta-  
 temq; fugisse. Quare cum absens non minus repu-  
 blicam magnis periculis, quàm quodam tempore præ-  
 sens liberassem: non restitui me solum, sed etiam orna-  
 ri à senatu decere. disputauit etiam multa prudenter:  
 ita de me illum amentissimum, & profligatissimum ho-  
 stem pudoris & pudiciæ scripsisse quæ scripserat: his  
 uerbis, rebus, sententijs: ut etiam si iure esset rogatum:  
 tamen uim habere non posset. quare me, qui nulla lege  
 abessem: non restitui lege, sed reuocari senatus auctori-  
 tate oportere. hūc nemo erat, quin uerissime sentire di-  
 ceret. post eum rogatus Cn. Pompeius approbata lauda-  
 taq; Cotte sententiã dixit: sese ocij mei causa aut omni  
 \* populari concitatione de fringier censere: & ad senatum  
 non se referri iussit. Cum omnes certatim, aliusq; alio  
 grauius, atq; ornatus de mea salute sine ulla uarieta-



te dixissent: venit consilij de me agendi dies, VIII cal.  
februarij. princeps rogationis Q. Fabricius uir mihi a-  
miciſſimus, templum aliquanto ante lucem occupauit.  
Quid eo die Sestius? is qui est de ui reus? actor hic,  
defensorq; causæ meæ, nihil progreditur: consilia expe-  
ctat inimicorum meorum. quid illi? quorum consilio P.  
Sestius in iudicium uocatur: quo se pacto gerunt? cum  
forum, comitium, curiam, multa de nocte armatis ho-  
minibus ac seruis plerisq; occupauissent: impetum fa-  
ciunt in Fabricium: manus afferunt: occidunt nonnul-  
los: uulnerant multos: uniuersiq; districtis gladijs &  
cruentis in omnibus fori partibus fratrem meum uirū  
optimum, oculis querebant: uoce poscebant: quorum il-  
le telis libenter suum corpus obtulisset: nisi suam uitam  
ad spem mei reditus reseruasset. pulsus tamen è rostris  
in comitio iacuit: seq; seruorum, & libertorum corpo-  
ribus obtexit: uitamq; suam tum noctis & fugæ præ-  
sidio non iuris iudiciorumq; defendit. meministis tum  
Iud. corporibus ciuium Tyberim repleti: cloacas re-  
farari: nihilq; neq; ante hoc tempus, neq; hoc ipso turbu-  
lentissimo die criminationis esse in Sestium. Hic etiam  
de ipso accusatore quaero: qui P. Sestium quaeritur cum  
multitudine in Tribunatu & cum praesidio magno fuis-  
se: num illo die fuerit? certe non fuit. gladiatores tu sup-  
ponas? cum sicarijs è carcere emissis ante lucem in forū  
immittas? magistratus templo eicias? cædem maximā  
facias? forum purges? et cum omnia ui, armis, egeris: ac-  
cuses eum, qui se praesidio munierit? non ut te oppugna-  
ret: sed ut uitam suam posset defendere? Ex eo tem-  
pore id egit Sestius: ut à suis munitus tuto in foro magi-  
stratum gereret: ut à suis munitus Remp. administraret.



Itaque cum fretus sanctitate Tribunatus, se non modo contra vim, & ferrum, sed etiam contra uerba, atque intercessionem legibus sacratis esse armatum putaret: uenit in templum Castoris: obnunciavit consuli: cum subito manus illa Clodiana in caede ciuium sepe iam uictrix, exclamat: incitatur: inuadit: inermē, atque imparatum Tribunum alij gladijs adoriuntur: alij fragmentis septorum, & fustibus: à quibus hic multis uulneribus acceptis ac debilitato corpore & contrucidato se abiecit exanimatus: neque ulla alia re ab se mortem, nisi opinione mortis depulit. quem cum iacentem & confusum plurimus uulneribus extremo spiritu exanquem & confectum uiderent: defatigatione magis & errore, quam misericordia ei modo, aliquando cedere destiterunt. Et causam dicit Sestius de ui. quid ita? quia uiuit. & id non sua culpa. plaga una illa extrema defuit. quæ si accessisset: reliquum spiritum exhausisset. accusa Lentidium. non percussit locum: maledicto homini Reatino: cur tam tempore exclamaret occisum. ipsum uero quid accusas? num defuit gladijs? num repugnauit? num ut gladiatoribus imperari solet, ferrum non recepit? an hæc ipsa uis est? non posse emori? an illa? quod tribunus plebis templum cruentauit? an quod cum esset ablatu: primumque resipisset: non se referri iussit? ubi est crimen: quod reprehenditis? Hic quæro Iudices: si illo die gens ista Clodiana, quod facere uoluit, effecisset: sit P. Sestius, qui pro occiso relictus est: occisus esset: fuisset ne ad arma ituri? fuisset ne uos ad patrium illum animum maiorumque uirtutem excitaturi? fuisset ne aliquando Rempub. à funesto latrone repetituri? an



etiam tunc quiesceretis? cunctaremini? timeretis? cum  
 Remp. a facinorosissimis sicarijs, & a seruis esse op-  
 pressam, atq; occupatam uideretis? cuius igitur mortem  
 ulcisceremini: siquidem liberi esse, et habere rempubli-  
 cam cogitaretis: de eius uirtute uiri quid uos loqui, quid  
 sentire, quid cogitare, quid iudicare oporteat, dubitan-  
 dum putatis? At uero illi ipsi parricidae, quorum effre-  
 natus furor alitur impunitate diuturna: adeo uim faci-  
 noris sui perhorruerant: ut si paulo longior opinio mor-  
 tis Sestij fuisset: Gracchum illum suum transferendi in  
 nos criminis causa occidere cogitarint. sensit rusticulus  
 non incautus, neq; enim homines tacere potuerunt: suum  
 sanguinem queri ad restringendam inuidiam facino-  
 ris Clodiani. mulioniam penulam arripuit: cum qua  
 primum Romam ad comitia uenerat: messoria se corbe  
 contexit. cum quaererent alij numerium: alij Quin-  
 tum: gemini nominis errore seruatus est. atq; hoc scitis  
 omnes: usq; adeo hominem in periculo fuisse: quoad  
 Sestium scitum est uiuere. quod nisi esset patefactum  
 paulo citius, quam uellem: non illi quidem morte mer-  
 cenarij sui transferre potuissent inuidiam in quos puta-  
 bant: sed acerbissimi sceleris infamiam grato quodam  
 scelere munuissent. Ac si tunc P. Sextius Iud. in templo  
 castoris animam, quam uix retinuit: edidisset: non dubi-  
 to, quin, si modo esset in Rep. Senatus: si maiestas populi  
 romani reuixisset: aliquando statua huic ob Remp. inter-  
 fecto in foro statueretur. Nec uero illorum quisquam,  
 quos a maioribus nostris morte obita positos in illo lo-  
 co, atq; in rostris collocatos uidetis: esset P. Sestio aut acer-  
 bitate mortis, aut in rempublicam animo praeponendus:  
 qui cum causam ciuis calamitosi, causam amici, causam



bene de Rep. meriti, causam senatoris, causam Italiae,  
 causam Reip. suscepisset: cumq; auspicijs religioniq; pa-  
 rens obnunciaret, quod senserat: luce palam a nefarijs  
 pestibus in deorum, hominumq; conspectu esset occisus,  
 sanctissimo in templo, sanctissima in causa, sanctissimo  
 in magistratu. Eius igitur uitam quis nam spoliandam  
 ornamentis esse dicet? cuius mortem ornandam monu-  
 mento sempiterno putaretis? homines inquit emisti: coe-  
 gisti: parasti. quid uti faceret? senatum obsideret? ciuis  
 indemnatos expelleret? bona diriperet? aedes incende-  
 ret? tecta disturbareret? templa deorum immortalium  
 inflammaret? tribunos plebis ferro e rostris expelle-  
 ret? prouincias quas uellet, quibus uellet, uenderet? re-  
 ges appellaret rerum capitalium condemnatos? princi-  
 pem ciuitatis ferro obsessum teneret? hæc ut efficere  
 posset: quæ fieri, nisi armis oppressa Rep. nullo modo po-  
 terant: itaque credo manum sibi P. Sestius et copias  
 comparauit. At cum forum corporibus ciuium romano-  
 rum esset constratum cæde nocturna: non modo nulla  
 noua quæstio: sed etiam uetera iudicia sublata: Tribu-  
 num plebis plus uiginti uulneribus acceptis iacentem,  
 moribundumq; uidistis: alterius Tribuni plebis, diuini  
 hominis, dicam enim quod sentio: et quod mecum sen-  
 tiunt omnes: diuina, insigni quadam, inaudita, noua  
 magnitudine animi, grauitate, fide præditi, domus est  
 oppugnata ferro, facibus, exercitu Clodiano. et tu hoc  
 loco laudas Milonem: et iure laudas? quem enim un-  
 quam uirum tam immortalis uirtute præditum uidi-  
 mus? qui nullo præmio proposito, præter hoc, quod iam  
 contritum, et contemptum putatur: iudicium bonorum:  
 omnia pericula, summos labores, grauissimas conten-



tiones, inimiziasq; suscepit: qui mihi unus ex omnibus  
 quibus uidetur re docuisse, non uerbis: quid oporteat a  
 praestantissimis uiris in repub. fieri: et quid necesse esset.  
 oportere hominum audacium, euersorum reipublicae  
 sceleribus, legibus & iudicijs resistere. si leges non uale-  
 rent: iudicia non essent: si Resp. ui consensuq; audacium  
 armis oppressa teneretur: praesidio & copijs defendi ui-  
 tam & libertatem necesse esse. hoc sentire, prudentiae est:  
 facere, fortitudinis: sentire uero, & facere, perfectae cu-  
 mulataeq; uirtutis. Adijt ad Remp. tribunus plebis Me-  
 lo: de cuius laude plura dixi: non quo aut ipse haec  
 dici, quam existimari, malit: aut ego hunc laudis fru-  
 ctum praesenti libenter impertiam: praesertim cum uer-  
 bis consequi non possim: sed quod existimo si Milonis  
 causam accusatoris uoce collaudata probaro: uos in hoc  
 crimine parem Sestij causam existimatueros. Quomo-  
 do in hoc genere praesidij comparati accusas Sestium?  
 cum idem laudes Milonem? an qui sua tecta defendit:  
 qui ab aris, focis, ferrum flammamq; depellit: qui sibi  
 licere uult tuto esse in foro, in templo, in curia: qui uitae  
 praesidium comparat: qui uulneribus, quae cernit quoti-  
 die toto corpore: monetur, ut aliquo praesidio caput, &  
 ceruices, & iugulum ac latera tutetur: hunc de ui accu-  
 sandum putas? quis enim uestrum Iud. ignorat: ita na-  
 turam reru tulisse: ut quodam tempore homines, non-  
 dum neque naturali, neque civili iure descripto, fusi  
 per agros ac dispersi uagarentur: tantumq; haberent:  
 quantum manu ac uiribus per caedem ac uulnera aut  
 eripere aut retinere potuissent. qui igitur primi uirtute,  
 & consilio praestanti extiterunt: u; perspecto genere hu-  
 manae docilitatis, atq; ingenij, dissipatos unum in locum



PRO. P.

congregarunt: eosq; ex feritate illa ad iusticiam, atq;  
mansuetudinem transtulerunt. tum res communem uti-  
litatem continentes, quas publicas appellamus: tum  
conuenticula hominum, quæ postea ciuitates nomina-  
uerunt: tum domicilia coniuncta, quas urbes dicimus: in-  
uento & diuino & humano iure mœnibus sepsērunt.  
atq; inter hanc uitam perpolitam humanitate, & illam  
immanem, nihil tam interest: quàm uis, & ius. horum  
utro uti uolumus: altero est carendum. uim uolumus?  
extingui ius necesse est: idest iudicia: quibus omne ius  
continetur. iudicia displicent? aut nulla sunt? uis domi-  
netur necesse est. hæc uident omnes. Milo & uidit: &  
fecit. ut ius experiretur: uim depelleret: altero uti uolu-  
it: ut uirtus audaciam uinceret: altero usus necessario est:  
ne uirtus ab audacia uinceretur. Eademq; ratio fuit P.  
Sestij, si minus in accusando (neq; enim per omnes fuit  
idem necesse fieri) at certe in necessitate defensionis sa-  
lutis suæ, præsidioq; contra uim, et manum comparato.  
nam quid ageret uir ad dignitatem & gloriam natus?  
agebat authoritate: agebat consilio: agebat per summum  
ordinem: agebat exemplo bonorum ac fortium ciuiū:  
quid republicæ, quid se dignum esset: quis esse ipse posset:  
quid sperare, quid maioribus suis reddere deberet: di-  
ligentissime cogitabat. O' dij immortales, quem iam o-  
stenditis exitum nobis? quam spem Reip. datis. quotus  
quisq; inuenietur tanta uirtute uir? qui optimam quanq;  
causam reip. amplectatur? qui bonis uiris deseruiat?  
qui solidam laudem, ueramq; querat? neq; hic tamen  
ulla unquam iniuria adducetur: ut eum tali uirtute, tan-  
taq; firmitate animi se in Remp. fuisse poeniteat. sed qui  
hæc uident, adolescentes, quonam suas mentes conferent?

ille q  
uit: e  
arma  
dum  
fero  
ut i  
nat  
quo  
est  
uim  
tium  
titi a  
de qua  
tate co  
sa cau  
ra sen  
in Re  
quib  
tes  
que  
pular  
cuip  
mus i  
enim a  
a. sum  
ordin  
les r  
berti  
diffu  
ni cri  
qui ne



ille qui monumenta publica, qui aedes sacras expugna-  
uit: exadit: incendit: qui stipatus semper sicarijs, septus  
armatis, munitus iudicibus fuit: quorum hodie copia re-  
dundans uolitat aedibus: accusat eum: qui aliqua parte  
furorem exultantem repressit. hic qui est se tutatus: sic  
ut in priuata re deos penates suos, in Rep. iura Tribu-  
natus auspiciq; defenderet: accusare eum moderate, a  
quo ipse nefarie accusatur: per senatus auctoritatem nō  
est situs. Nimirum hoc illud est: quod de me potissimum  
tu in accusatione quaesisti: quae esset nostra natio optima-  
tium. sic enim dixisti. Rem quaeritis praecelaram iuuen-  
tuti ad discendum: nec mihi difficilem ad perdocendum.  
de qua pauca Iud. dicam: & ut arbitror, nec ab utili-  
tate eorum, qui audient: nec ab officio nostro, nec ab ip-  
sa causa P. Sestij abhorrebit oratio mea. Duo gene-  
ra semper in hac ciuitate fuerunt eorum qui uersari  
in Rep. atque in ea se excellentius gerere studuerunt.  
quibus ex generibus alteri se populares, alteri optima-  
tes & haberi, & esse uoluerunt. qui ea, quae faciebant:  
quaeq; dicebant: multitudini iucunda esse uolebant: po-  
pulares, qui autem ita se gerebant: ut sua consilia optimo  
cuiq; probarentur: optimates habebantur. quis ergo opti-  
mus iste? quis? de numero si quaeris: innumerabiles: neq;  
enim aliter stare possemus. Sunt principes consilij publi-  
ci, sunt qui eorum sectam sequuntur, sunt maximorum  
ordinum homines, quibus patet Curia: sunt municipa-  
les rusticiq; romani, sunt negocia gerentes, sunt etiam li-  
bertini optimates. numerus huius generis late, & uarie  
diffusus est. sed genus uniuersum (ut tollatur error) bre-  
ui circumscribi & definiri potest. omnes optimates sunt:  
qui neq; nocentes sunt: nec natura improbi: nec furiosi:



PRO P.

nec malis domesticis impediti. Esto igitur ut hi sint: quam tu nationem appellasti: & qui integri sunt, & sani, & bene de rebus domesticis constituti. horum qui uoluntati, commodis, opinioni in gubernanda Rep. seruiunt: defensores optimatum, ipsiq; optimates grauissim & clarissim ciues nominantur, & principes ciuitatis. quid est igitur propositum his Reip. gubernatoribus: quod intueri: & quo cursum suum dirigere debeant? id quod est praestantissimum: maximeq; optabile sanis, & bonis, & beatis: cum dignitate otium. hoc qui uolunt, omnes optimates, qui efficiunt, summi uiri & conseruatores ciuitatis putantur. neq; enim rerum gerendarum dignitate homines efferri ita conuenit: ut otio non prospiciant: neq; ullum amplexari otium: quod abhorreat a dignitate. huius autem otiosae dignitatis haec fundamenta sunt: haec membra: quae tuenda principibus, & uel capitis periculo defendenda sunt: religiones, auspicia, potestates magistratum, Senatus auctoritas, leges, mos maiorum, iudicia, iurisdictio, fides, prouinciae, socij, imperij laus, res militaris, aerarium. harum rerum tot atq; tantarum esse defensorem & patronum magni animi est: magni ingenij: magnaeq; constantiae. Hanc ego uiam Iudices, si aut asperam, atque arduam, aut plenam esse periculorum aut insidiarum negem: mentiar: praesertim, cum id non modo intellexerim semper: sed etiam praeter caeteros senserim. maioribus praesidijs et copijs oppugnatur Respublica: quam defenditur: propterea quod audaces homines, et perdit, nutu impelluntur: & ipsi etiam sua sponte contra Rem publicam incitantur. boni nescio quo modo tardiores sunt: & principijs rerum neglectis, ad extremum ipsa



deniq; necessitate excitantur: ita ut nonnunquam cunctatione ac tarditate, dum ocium uolunt etiam sine dignitate retinere: ipsi utrunq; amittant. Propugnatores autem Reipublicæ qui esse uoluerunt: omnia Reipublicæ causa perferunt: qui sunt tales, qualis pater tuus M. Scæu-  
re fuit: qui seditiosis omnibus resistit: quem nulla unquam uis, nullæ minæ, nulla inuidia labefecit: aut qualis Q. Metellus patruus matris tuæ: qui de ciuitate maluit, quàm de sententia dimoueri: aut, ut uetera exempla, quorum est copia digna huius imperij gloria: relinquam: ne uel eorum aliquem qui uiuunt, nonneminem: qualis nuper Q. Catulus fuit: quem neq; periculi tempestas, neq; honoris aura potuit unquam de suo cursu uitæ, aut spe, aut metu dimouere. Hæc imitamini per deos immortales, qui dignitatem, qui laudem, qui gloriam quaeritis. hæc ampla sunt: hæc immortalia: hæc diuina: hæc fama celebrantur: monumentis annalium mandantur: posteritati propagantur. Nunc, nisi me fallit, in eo statu ciuitas est: ut si operas conductorum remoueris: omnes idem de reipublica sensuri esse uideantur. etenim tribus locis significari maxime populi romani iudicium, ac uoluntas potest. concione, comitijs, ludorum gladiatorumq; consessu. quæ concio fuit per hos annos? quæ quidem esset non conducta, sed uera: in qua populi romani consensus perspicui posset? habitæ sunt multæ de me a gladiatore sceleratissimo conciones: ad quas nemo adibat incorruptus: nemo integer: erant enim illæ conciones perditorum hominum necessario turbulentæ. habuit de eodem me P. Lentulus Consul concionem: concursus est populi romani factus: egi causam summa cum grauitate copiaq; dicendi, tanto silentio, tanta appro-



PRO P.

batione omnium: nihil ut unquam uideretur tam popularare ad populi ro-aures accidisse. productus est ab eo Cn. Pompeius: qui se non solum authorem meae salutis, sed etiam supplicem populo ro. exhibuit. huius oratio et per grauis et grata in concione fuit. quo silentio sunt auditi de me ceteri principes ciuitatis. quos igitur non appello hoc loco: ne mea oratio, si minus de aliquo dixerim: ingrata sit: si satis de omnibus: infinita esse uideatur. cædo nunc eiusdem illius inimici mei de me eodẽ ad uerum populum in campo Martio concionem. quis non modo approbavit: sed non indignissimum facinus putauit. illum non dicam loqui: sed uiuere, ac spirare. quis fuit: qui non eius uoce maculari rem publicam: seque, si tum audiret, scelere astringi arbitraretur? Venio ad comitia siue magistratuum siue legum placet. de me, quẽ Tyrannum atque ereptorẽ libertatis esse dicebat: in illa ruina Reip. dicat se legem tulisse. quis est: qui, cum contra me ferebatur: inisse se suffragium confiteatur? cum autem de me eodem ex senatus consulto comitijs Centuriatis ferebatur: quis est: qui non profiteatur se affuisse: et suffragiũ de salute mea tulisse? utra igitur causa popularis debet uideri? in qua omnes honestates ciuitatis, omnes ætates, omnes ordines una consentiunt? an in qua furie concitatae tanquã ad funus Reip. conuolant? An sicubi aderit Gellius, homo et fratre indignus uiro clarissimo, et ordine Equestri, cuius ille ordinis nomen retinet: ornamenta confecit: id erit popularare? usque eo non fuit popularis: ut bona solus comesset. libelli etiã pro uino sæpe oppignerabantur. manebat insaturabile abdomen: copie deficiebant. qui quasi mea culpa bona perdiderit: ita ob eam ipsam causam est mihi inimicus: quia



eis: quia nihil habet. utrum ego tibi patrimonium eri-  
 pui Gelli? an tu comedisti? quid tu meo periculo gurgis  
 ac uorago patrimonij helluabare? ut si ego consul rem-  
 pub. contra te, & gregales tuos defendissem: in ciuitate  
 esse me nolles? te nemo tuorum uidere uult: omnes adi-  
 tum, sermonem, congressum tuum fugiunt. Plura dixi,  
 quam dicendum fuit, in furiosissimum atq; egentissimū  
 ganeonem. ueniamus ad ludos. facit enim Iudices uester  
 iste in me animorum, oculorumq; contuitus, ut mihi iam  
 licere putem remissione uti genere dicendi. et quaeso hoc  
 loco Iudices nequa me leuitate ductum ad insolitum ge-  
 nus dicendi labi putetis: si de poetis, de histrionibus, de  
 ludis in iudicio loquar. non sum tam ignarus Iud. cau-  
 sarum: non tam insolens in dicendo: ut omni ex genere  
 rationem auceper: & omnes undiq; flosculos carpam,  
 atq; delibē. scio quid grauitas uestra, quid haec aduoca-  
 tio, quid ille conuentus, quid dignitas populi romani, et  
 quid periculi magnitudo, quid aetas, quid honos meus  
 postulet. sed mihi sumpsi hoc loco doctrinam quandam  
 inuētuti: qui essent optimates. in ea explicanda demon-  
 strandum fuit, non esse popularis omnis eos: qui puten-  
 tur. Ex te igitur Scāure potissimum quaero, qui ludos ap-  
 paratissimos magnificentissimosq; fecisti: cur ille ipse ma-  
 xime ludius non solum spectator, sed actor, & achro-  
 ma, qui omnia sororis embolia nouit: qui in coetu mu-  
 lierum pro psaltria adducitur: nec tuos ludos aspexit, in  
 illo ardenti Tribunatu suo? nec ullos alios, nisi eos, a  
 quibus uix uiuus effugit? uix se populus romanus te-  
 nuit: uix homines odium suum a corpore eius impuro  
 atq; nefando represserunt: ne histriones quidem coram  
 sedenti pepercerunt. quid fuit illud? quod summus arti-

d d d



fex flens, & recentilæctia, & mæsto dolore, ac desi-  
 derio mei egit aperte multo grauioribus uerbis meam  
 causam, quam ego met de me agere potuissem? summum eni  
 poetæ ingenium non solum arte sua, sed etiam dolore  
 exprimebat. Tum illa quanto cum gemitu acta sunt?  
 O pater. me me ille absentem ut patrem deplorandum  
 putarat, quem Q. Catulus, quem multi alij sæpe in se-  
 natu patrem patriæ nominarant. quanto cum fletu? cū  
 patrem pulsum, patriam afflictam deploraret, domum  
 incensam, euersamq; sic egit: ut demonstrata pristina  
 fortuna fletum etiam inimicis, atq; inuidis excitaret. no-  
 minatum sum appellatus in Bruto Tullius, qui liberta-  
 tem ciuibus stabiliuerat. millies reuocatus est. In hunc  
 consensum P. Sestius tribunus pl. cum ageret: nihil aliud  
 in eo magistratu nisi meā causam egit. us se populo de-  
 dit, non plausus cupiditate: sed ut ipsi inimici nostri uo-  
 luntatem uniuersi populi uiderent. uenit ut scitis ad co-  
 lumnā Meniā: tantus est ex omnibus spectaculis usq;  
 à capitolio, tantus ex fori cancellis plausus excitatus: ut  
 nunquam maior consensio, aut apertior populi romani  
 uniuersi fuisse ulla in causa diceretur. Tu etiam mihi M.  
 Attilium Regulum commemoras: qui redire ipse Car-  
 thaginē sua uoluntate ad supplicium, quā sine his  
 captiuis, pro quibus ad senatum missus erat: Romæ ma-  
 nere maluerit? & mihi negas optandum reditum fuis-  
 se? hunc ego reditum repudiarem? qui ita florens fuit:  
 ut uerear, ne quis me studio gloriæ putet ita exis-  
 se: ut ita redirem. quem enim unquam senatus ciuē, nisi  
 me, nationibus exteris commendauit? quem curia magis  
 requisiiuit? quem forum luxit? quem æque ipsa tribu-  
 nalia desiderauerunt? omnia discessu meo deserta, horri-

da, m  
 lia lo  
 tis fr  
 ditus  
 nis se  
 lis r  
 toto  
 mul  
 ad n  
 flore  
 lud d  
 oppre  
 essent  
 sus est  
 effect  
 ce. no  
 pellun  
 crude  
 aliq  
 mun  
 finem  
 illud d  
 ce dep  
 ad ma  
 ingeni  
 ratio  
 glori  
 dite, e  
 ris, &  
 et dil  
 stris fa



da, muta, plena luctus, et mœroris fuerūt. quis est Italiae locus? in quo non fixum sit in publicis monumentis studium salutis meæ? testimonium dignitatis? Reditus uero meus qui fuerit, quis ignorat? cum ipsis nonis sextilibus idem dies reditus mei fuisset: qui et natalis meus: idem et filiae meae carissimæ: cumq; itinere toto urbes Italiae festos dies agerent aduentus mei: uia multitudine legatorum undiq; missorum celebrabatur: ad urbem accessus incredibili hominum gratulatione florebat: reditus erat eiusmodi: ut summa in læticia illud dolerem: ciuitatem tam gratam, tam miseram atq; oppressam fuisse. Habes igitur quod ex me quæsisti: qui essent optimates. non est natio, ut dixisti. Et cohortari ausus est accusator in hac causa uos Iudices: ut aliquando essetis seueri: aliquando medicinam adhiberetis reipublicæ. non ea est medicina: cum sanæ parti corporis scællum adhibetur, atq; integræ. carnificina est ista, et crudelitas. hi medentur reipublicæ: qui exsecant pestem aliquam, tanquam strumam ciuitatis. Sed ut extremum habeat aliquid oratio mea: et ut ego ante dicendi finem faciam: quam uos me attente audiendi: concludā illud de optimatibus, eorumq; principibus, ac reipublicæ defensoribus: uosq; adolescentes, et qui nobiles estis ad maiorum uestrorum imitationem excitabo: et qui ingenio, et uirtute nobilitatem potestis consequi: ad eā rationem, in qua multi homines noui et honore et gloria floruerunt: cohortabor. hæc est una uia, mihi credite, et laudis, et honoris, et dignitatis: à bonis uiris, et sapientibus, bene à natura constitutis, laudari, et diligere: nosse descriptionem ciuitatis à maioribus nostris sapientissime constitutam: qui cum regiam potesta-

ddd y



tem non tulissent: ita magistratus annuos creauerunt: ut consilium senatus Reip. præponerent sempiternum: deligerentur autem in id consilium ab uniuerso populo: aditusq; in illum summum ordinem omnium ciuium industria ac uirtute pateret. Senatum reipublicæ custodem, præsidem, propugnatorem collocauerunt. huius ordinis uti autoritate magistratus, et quasi ministros grauissimi consilij esse uoluerunt: senatum autem ipsum proximorum ordinum splendore confirmari: plebis libertatem et commoda tueri atq; augere uoluerunt. hæc qui pro uirili parte defendunt: optimates sunt, cuiusq; sint ordinis. qui autem præcipue suis ceruicibus tanta munia, atq; Remp. sustinent: ij semper habiti sunt optimatum principes, authores, & conseruatores ciuitatis. Huic hominum generi fateor multos aduersarios, inimicos, inuidos esse: multa proponi pericula: multas inferri iniurias: magnos esse experiundos, & subeundos labores. sed mihi omnis oratio est cum uirtute, nõ cum desidia: cum dignitate, non cum uoluptate: cum ijs, qui se patriæ, qui suis ciuibus, q; laudi, qui gloriæ, non qui somno, & conuiuijs, & delectationi natos arbitrantur. Nam si qui uoluptatibus ducantur: & se uitiorum illecebris, & cupiditatum lenocinijs dediderunt: missos faciant honores: nec attingant rempublicam: patiatur uiros laborum patientes frui. qui autem bonam famam bonorum, quæ uere sola gloria nominari potest: expetunt: alijs ocium quærere debent, et uoluptates: non sibi. sudandum est his, pro communibus commodis: adeunda inimicitia: subeunda sæpe pro Rep. tempestates: cum multis audacibus, improbis, nonnunquam etiam potentibus, dimicandum. Hæc audiuius de clarissimorum



uirorum consilijs, et factis: hæc accepimus: hæc legimus. neq; eos in laude positos uidemus: q̄ incitarunt aliquādo populi animos ad seditionem: aut qui largitione cæcaturunt mentes imperitorum: aut qui fortis, et claros uiros, & bene de Rep. meritos in inuidiam aliquam uocauerunt. leuis hos semper, & audaces, & malos, & perniciosos ciues putauerunt. at uero qui horum impetus reprefferunt, & conatus: qui auctoritate, qui fide, qui constantia, qui magnitudine animi consilijs audacium resisterunt: ū graues, ū principes, ū duces, ū auctores huius ordinis, & dignitatis, atque imperij semper habiti sunt: & si quos eorum aut iniqui iudicij quædā procella peruertit: aut aliqua repentina uis ac tempestas perculit popularis: per populū tamen ipsam recreati sunt: atq; reuocati: aut omnino inuulnerati inuolatiq; uixerunt. At uero ū, qui senatus consilium, qui auctoritatem bonorum, qui instituta maiorum neglexerunt: et imperitæ aut concitatæ multitudini incundi esse uoluerunt: omnes fere Reip. poenas aut præsentī morte, aut turpi exilio dependerunt. Quod si apud Athenienses homines Græcos longe à nostrorum hominum grauitate disiunctos non deerant, qui Remp. contra populi temeritatem defenderent: cum omnes qui ita fecerunt, è ciuitate eijcerentur: si Themistoclem illum conseruatorē patriæ non deterruit à Rep. defendenda, nec Milciadis calamitas: qui illam ciuitatem paulo ante seruauerat: nec Aristidis fuga: qui unus omniū iustissimus fuisse traditur: quid nos tandem facere debemus? primum in ea ciuitate nati: unde orta mihi grauitas & magnitudo animi uidetur: tum in tanta gloria insistentes: ut omnia humana leuiora uideri debeant: deinde ad eam

ddd iij



PRO P.

rempub. tuendam aggressi: quæ tanta dignitate est: ne  
eam defendentem occidere nõ aliud sit: quam oppugnan-  
tem rerum potiri. Homines Græci, quos antea nomi-  
navi: inique à suis civibus damnati, atq; expulsi, tamẽ  
quia sunt de suis civitatibus bene meriti: tanta hodie glo-  
ria sunt, non in Græcia solum, sed etiã apud nos, atq;  
in cæteris terris: ut eos, à quibus illi oppressi sunt, ne-  
mo non nunc: horum calamitatem dominationi illorum  
omnes anteponant. quis Carthaginiensium pluri fuit  
Annibale consilio, uirtute, rebus gestis? qui unus nobis-  
cum tot annos de imperio, de gloria decertavit. hunc  
sui ciues è civitate eiecerunt. nos etiam hostem literis  
nostris & memoria uidemus esse celebratum. Quare  
imitemur nostros Brutos, Camillos, Halas, Decios, Cu-  
rios, Fabricios, Maximos, Sapiões, Lentulos, Emili-  
os, innumerabiles alios: qui hanc Rempublicam stabiliue-  
runt: quos equidem in deorum immortalium cætu ac nu-  
mero repono. amenus patriam: pareamus senatui: con-  
sulemus bonis: præsentis fructus negligamus: posterita-  
ti & gloriæ seruiamus: id esse optimum putemus: quod  
erit rectissimum: speremus, quod uolumus: sed quod acci-  
derit, feramus: cogitemus deniq; corpus uirorum fortium,  
magnumq; hominum esse mortale: animi uero mo-  
tus & uirtutis gloriam sempiternam: neq; hanc opinio-  
nem si in illo sanctissimo Hercule consecratam uide-  
mus: cuius corpore ambusto uitam eius, & uirtutem im-  
mortalitas excepisse dicitur: minus existimemus eos: qui  
hanc tantam Remp. suis consilijs aut laboribus aut au-  
xerint: aut defenderint: aut seruauint, esse immortalẽ  
gloriam consecutos. Sed me repente iudices, de for-  
tissimorum, & clarissimorum ciuium dignitate, et glo-

ria di-  
aspect-  
mea si-  
rem-  
textu-  
enter  
dem  
etor-  
ne, a  
Curia  
ius eg-  
nomi-  
sero sp-  
uilem  
derich-  
mae fu-  
rissima  
sqvall-  
uine  
cten  
natio-  
derum  
deliqu-  
fiores e-  
sali-  
euer-  
com-  
audi-  
m-  
strac-  
certe



ria dicentem, & plura etiam dicere parantem, horum  
 aspectus in ipso cursu orationis repressit. uideo P. Sestium  
 meae salutis, uestrae auctoritatis, publicae causae defensor-  
 rem, propugnatorem, authorem, reum: uideo hunc praetextatum  
 eius filium oculis lachrymantibus me intu-  
 entem: uideo Milonem uindictae libertatis uestrae, custo-  
 dem salutis meae, subsidium afflictae Reipublicae, extin-  
 ctorem domesticae latrocinij, repressorem caedis quotidianae,  
 defensorem templorum atque tectorum, praesidium  
 Curiae, sordidatum, & reum: uideo P. Lentulum, cu-  
 ius ego patrem deum ac parentem statuo fortunae, ac  
 nominis mei, & fratris, rerumque nostrarum, in hoc mi-  
 sero squallore & sordibus: cui superior annus idem co-  
 uirilem patris, & praetextam populi iudicio togam de-  
 derit: hunc hoc anno in hac toga, rogationis iniustissi-  
 mae subitam acerbitatem pro patre fortissimo, & cla-  
 rissimo ciue deprecantem. atque hic tot & talium ciuium  
 squalor, hic luctus, haec sordes susceptae sunt propter  
 unum me: quia me defenderunt: quia meum casum, lu-  
 ctumque doluerunt: quia me lugenti patriae, flagitanti se-  
 natui, poscenti Italiae, uobis omnibus orantibus reddi-  
 derunt. quod tantum est in me scelus? quid tantopere  
 deliqui illo, illo die? cum ad uos indicia, literas, confes-  
 siones communis exitij detuli? cum parui uobis? Ac si  
 scelestum est amare patriam: pertuli poenarum satis.  
 euerfa domus est: fortunae uexata: dissipati liberi: raptae  
 coniunx: frater optimus, incredibili pietate, amore in-  
 audito, maximo in squallore, uolutatus est ad pedes ini-  
 micissimorum. ego pulsus aris, focus, deis penetibus, di-  
 stractus a meis, carui patriae: quam (uti leuissime dicam)  
 certe texeram: pertuli crudelitatem inimicorum, scelus

ddd iiij



PRO P. SESTIO.

infidelium, fraudem inuidorum. Si hoc non est satis: quod hæc omnia deleta uidentur reditu meo, multo mihi, multo inquam Iudices præstat, in eandem illam re-  
cidere fortunã: quàm tantum importare meis defen-  
soribus, & conseruatoribus calamitatem. an ego in hac ur-  
be esse possum, his pulsus, qui me huius urbis compotem  
fecerunt: non ero: nõ potero esse Iudices: neq; hic unquã  
puer, qui his lachrymis qua sit pietate declarat: amisso  
patre suo propter me, me ipsum incolumen uidebit: &  
quotienscunq; me uiderit: ingemiscet: ac pestem suam &  
patris sui sese dicet uidere. ego uero uos in omni fortu-  
na, quæcunq; erit oblata: complectar: nec me ab ijs, quos  
meo nomine sordidatos uidetis: unquam ulla fortuna  
diueller: neq; hæ nationes, qbus me senatus commenda-  
uit: quibus de me gratias egit: hunc exulem propter me  
sine me uidebunt. Sed hæc dñ immortales, qui me suis  
templis aduenientem receperunt, stipatum ab his uiris:  
& P. Lentulus Consul, atq; ipsa Resp. qua nihil est san-  
ctius: uestre potestati commiserunt. uos hoc iudicio o-  
mnium bonorum mentes confirmare, improborũ re-  
primere potestis: uos his ciuibus uti optimis, uos me refi-  
cere, et renouare Rempublicam potestis. Quare uos ob-  
testor, atq; obsecro: ut sicut me saluum esse uoluistis: eos  
conseruetis: per quos me recuperauistis.



## IN VATINIVM ORATIO.

## XXXIIII.

I tua tantummodo Vatini qd indigni-  
tas postulare: spectare uoluisssem: fecis-  
sem id, quod his uehementer placebat:  
ut te, cuius testimonium, propter turpi-  
tudinem uitæ, sordesq; domesticas, nul-

lius momenti putaretur: tacitus dimitterem. nemo enim  
horum ita te refutandum, ut grauē aduersarium, aut  
ita rogandum, ut religiosum testem arbitrabatur. sed fui  
paulo in te intemperantior fortasse quàm debui: odio  
enim tui, in quo & si omnes, propter tuum in me scelus,  
superare debeo: tamen ab omnibus penè uincor: sic sum  
incitatus: ut cum te non minùs contemnerem: quàm odif-  
sem: tamen uexatum potius, quàm despectum uellem  
dimittere. quare ne tibi hunc honorē a me haberi for-  
te mirere: quod interrogem, quem nemo congressu, nemo  
aditu, nemo suffragio, nemo ciuitate, nemo luce dignum  
puter: nulla me ad id causa impulsisset: nisi ut ferocitatem  
istam tuam comprimerem: & audaciam frangerem: &  
loquacitatē paucissimis interrogationibus irretitam re-  
tardarem. etenim debuisti Vatini, etiam si falso uenisses  
in suspicionem P. Sestio: tamen mihi ignoscere: si in tanto  
hominis de me optime meriti periculo, & tempori eius,  
& uoluntati parere uoluisssem. sed hesterno pro testi-  
monio esse mentitum, cum affirmares nullū tibi omni-  
no cum Albinouano sermonem non modo de Sestio ac-  
cusando, sed ulla unquam de re fuisse, paulo ante im-  
prudens indicasti: qui & T. Claudium tecum comuni-  
casse: et a te consilium P. Sestij accusandi petisse: & Al-



## IN VATINIVM

binouanum, quem antea uix tibi notum esse dixisses: domum tuam uenisse: multa tecum locutum, dixeris: deniq; conciones P. Sestij scriptas, quas neq; nosset: neq; reperire posset: te Albinouano dedisse: easq; in hoc iudicio recitatas. In quorum altero es confessus, a te accusatos esse instructos, et subornatos. in altero inconstantiam tuam cum leuitate, tum etiam periurio implicatam, refellisti: cum quem alienissimum a te esse dixisses: eum domi tuae fuisse: quem prauaricatorem ab initio iudicasses: ei te, quos rogasset, ad accusandum libros dixeris dedisse. Nimum es uehemens feroxq; natura. non putas fas esse uerbum ex ore exire cuiusquam: quod non iucundum, & honorificum ad aures tuas accedat. uenisti iratus omnibus. quod ego, simulac te aspexi: priusquam loqui coepisti: cum ante Gellius, nutricula seditionum omnium, testimonium diceret: sensi: atq; prouidi. repente enim te, tanquam serpens e latibulis, oculis eminentibus, inflato collo, tumidis ceruicibus intulisti. ut mihi re-  
 \* nouatus ille tuus in te ueterem eum amicum: sed tamen tuum familiarem defenderim. cum in hac ciuitate oppugnatio soleat, qua tu nunc uteris: nonnunquam defendi: nonnunquam uituperari. sed quaero a te, cur C. Cornelium non defenderem? num legem aliquam Cornelius contra auspicia tulerit? num heliam? num Fusi- am legem illeferit? num Consuli uim attulerit? num armatis hominibus templum tenuerit? num intercessorem ui deiecerit? num religiones polluerit? aerarium exhausserit? remp. compilarit? tua sunt, tua sunt haec omnia. Cornelio eiusmodi nihil obiectum est. codicem legisse dicebatur: defendebatur testibus Collegis suis, non recitandi causa legisse, sed recognoscendi. constabat ta-



men Cornelium consilium illo die dimisisse: intercessionem  
paruisse. tu uero, cui Cornelij defensio displicet: quam  
causam ad patronos tuos, aut quod os afferes? quibus  
iam praescribis, quanto illis probro futurum sit: si te de-  
fenderint: cum tu mihi Cornelij defensionem in maledi-  
ctis obijciendam putaris. attamen hoc Vatini memento:  
paulo post istam defensionem meam, quam tu bonis uiris  
displicuisse dicis: me cum uniuersi Populi Ro. summa uo-  
luntate, tum optimi cuiusq; singulari studio magnifi-  
centissime post hominum memoriam Consulem factum:  
omniaq; ea me pudenter uiuendo consecutum fuisse: quae  
tu impudenter uaticinando sperare te saepe dixisti. Nam  
quod mihi discessum obiecasti meum: et quod horum,  
quibus ille dies acerbissimus fuit, qui idem tibi laetissi-  
mus: luctum et gemitum renouare uoluisti: tantum tibi  
respondebo: me cum tu, caeteraq; Reip. pestes armorum  
causam quaereretis: et cum per meum nomen fortunas  
locupletum diripere, sanguinem principum ciuitatis  
exorbere, crudelitatem uestram, odiumq; diuturnum,  
quod in bonos iam inueteratum habebatis: saturare ca-  
peretis: scelus et furorem uestrum cadendo maluisse  
frangere: quam resistendo. Quare peto a te: ut mihi  
ignoscas Vatini: cum patriae pepercerim, quam serua-  
ram: et si ego te perditorem, et uexatorem Reipubli-  
cae fero: tu me conseruatorem et custodem feras. deinde  
eius uiri discessum increpas: quem uides omnium ciuium  
desiderio, ipsius deniq; Reip. luctu, esse reuocatum. At  
enim dixisti non mea, sed Reip. causa homines de meo  
reditu laborasse. quasi uero quisquam uir excellēti ani-  
mo in Remp. ingressus, optabilius quicquam arbitra-  
retur: quam se a suis ciuibus Reip. causa diligere. scilicet



## IN VATINIVM

aspera mea natura: difficilis aditus: grauis uultus: superba responsa: insolens uita: nemo humanitatem meam, nemo consuetudinem, nemo consilium, nemo auxilium requirebat: cuius desiderio (ut hæc minima dicam) forum moestum, muta Curia, omnia deniq; bonarum artium studia siluerunt. Sed nihil sit factum mea causa: omnia illa Senatus consulta, populi iussa, Italiae totius, cunctarum societatum, collegiorum omnium decreta de me, Reip. causa esse facta fateamur. qd ergo homo imperitissime solidæ laudis ac ueræ dignitatis, præstantius mihi potuit accidere? quid optabilius ad immortalitatem gloriæ, atq; ad memoriam mei nominis sempiternam? q̄ omnis hoc ciues meos iudicare: ciuitatis salutem cum unius mei salute esse coniunctam? quod quidem ego tibi reddo tuum. nam ut tu me carum esse dixisti senatui populoq; romano, non tam mea causa, quàm Reip. nomine: sic ego te, quanquam sis omni duritate atq; immanitate teterrimus: tamen dico esse odio ciuitati, non tam tuo, quàm Reip. nomine. atq; ut aliquando ad te ueniam: de me hoc sit extremum. quid quisq; nostrum de seipso loquatur: non est sanè, non est requirendum: boni uiri iudicent: id est maximi momenti & ponderis. duo sunt tempora: quibus nostrorum ciuium spectentur iudicia de nobis: unum honoris: alterum salutis. honos talis Populi Ro. uoluntate paucis est delatus, ac mihi. salus tanto studio ciuitatis, quanto nemini, reddita. de te autem homines quid sentiant: in honore experti sumus. in salute expectamus. Et ut me cum homine uno non solum impudentissimo atq; infimo conferam: de te ipso homine et arrogantissimo & mihi inimicissimo, quero Vatini: utrum tandem putes, huic ciuitati, huic Reip. huic urbi,

his ter  
bonis  
imma  
fuisse  
an te  
ut m  
lent  
tum  
asp  
paria  
sentia  
ris: ha  
tie ter  
questi  
tur, ni  
te dicit  
P. Sept  
uix i  
lis, e  
gno  
ne sit  
argenti  
fide m  
merces  
eis, pa  
rente  
egre  
mem  
ad m  
post q  
spani



his templis, ærario, curiæ, uiris his quos uides, horum bonis, fortunis, liberis, ciuibus, cæteris deniq; deorum immortalium delubris, auspicijs, religionibus, melius fuisse, & præstabilius: me ciuem in hac ciuitate nasci? an te? cum mihi hæc responderis, aut ita impudenter: ut manus a te homines uix abstinere possint: aut ita dolenter: ut aliquando ista, quæ sunt inflata, rumpantur: tum memoriter respondeto ad ea, quæ de te ipso rogato. atq; illud tenebrosissimum tempus ineuntis ætatis tuæ pariar latere. licet impune per me parietes in adolescentia perfoderis: uianos compilaris: matrem uerberaris: habeat hoc præmium tua indignitas: ut adolescentiæ turpitudine obscuritate, & sordibus tuis obtegatur. quæsturam petisti cum P. Sestio: cum hic nihil loqueretur, nisi quod agebat: tu de altero Consulatu gerendo te diceres cogitare. quæro abs te teneas ne memoria: cum P. Sestius Quæstor sit cunctis suffragijs factus: tunc te uix inuitis omnibus non populi beneficio, sed Consulis, extremum adhesisse? in eo magistratu, cum tibi magno clamore aquaria provincia sorte obtigisset: missus ne sis a me consule puteolos: ut inde aurum exportari, argentumq; prohiberes? in eo negotio, cum te non custodem ad continendas, sed portitorem ad partiendas merces missum putares: cumq; omnium domos, apothecas, nauis, furacissime scrutarere: hominesq; negocia gerentes iudicijs iniquissimis irretires: mercatores e nauibus egredientes terreres: consendentes morarere: teneas ne memoria, tibi inconuentu Puteolis manus esse allatas? ad me consulem Puteolanorum querelas esse delatas? post quæsturam, exieris ne legatus in ulteriorem Hispaniam C. Cosconio Proconsule? cum illud iter Hispaniam



# IN VATINIVM

niense pedibus fere confici soleat: aut si quis nauigare  
uelit: certa sit ratio nauigandi: ueneris ne in Sardinia?  
atq; inde in Africam? fueris ne, quod sine Senatus C.  
tibi facere non licuit: in regno Hiempsalis? fueris ne in  
regno Mastanesosi? ueneris ne ad fretum per Maurita-  
niam? quem scis unquam Legatum Hispaniensem in  
illam provinciam istis itineribus peruenisse? factus es  
Tribunus plebis. quid enim te de Hispaniensibus flagi-  
tijs tuis, sordidissimisq; furtis interrogem? quæro pri-  
mū quod genus improbitatis, & sceleris in eo magistra-  
tu prætermiseris? Ac tibi iam inde præscribo: ne tuas  
sordes cum clarissimorum uirorum splendore permi-  
sceas. ego te, quæcunq; rogabo: de te ipso rogabo: neq; te  
ex amplissimi uiri dignitate, sed ex tuis tenebris ex-  
traham: omniaq; mea tela sic in te conijcientur: ut nemo  
per tuum latus (quod soles dicere) saucietur. in tuis pul-  
monibus, & uisceribus adhærebunt. Et quoniam omni-  
um rerum magnarum à dijs immortalibus principia  
ducuntur: uolo ut mihi respondeas tu, qui te Pythagori-  
cum soles dicere: & hominis doctissimi nomen tuis im-  
manibus, & barbaris moribus prætere: quæ tanta  
prauitas te mentis tenuerit? qui tantus furor? ut, cum in  
audita ac nefaria sacra susceperis: cum inferorum ani-  
mas elicere, cum puerorum extis deos manes mactare  
soleas: auspicia, quibus hæc urbs condita est: quibus o-  
mnis Resp. atq; imperium tenetur: contempseris? initioq;  
Tribunatus tui Senatui denunciariis, tuis actionibus Au-  
gurum responsa, atq; eius Collegij arrogantiam impe-  
dimento non futuram? secundum ea quæro, seruari ne  
in eo fidem? num quando tibi moram attulerit: quom-  
inus consilium aduocares: legemq; ferres: quod eo die sci-

res d  
est: q  
gam  
Cæsa  
dign  
nata  
qua  
fena  
nax  
lentia  
do con  
lentia  
tum fe  
sircob  
trom  
sibi co  
bume  
si uir  
die  
tor e  
des, a  
cras  
Tribu  
adole  
bus  
quæ  
m  
fente  
ris, c  
quis  
te: qu



res de cœlo esse seruatum? Et quoniam hic locus unus  
 est: quem tibi cum Cæsare communem esse dicas: seiun-  
 gam te ab illo, non solum Reip. causa: uerum etiam  
 Cæsaris: ne qua ex tua summa indignitate labes illius  
 dignitati aspergi uideatur. Primum quæro num tu Se-  
 natui causam tuam permittas: quod facit Cæsar? deinde  
 quæ sit authoritas eius: qui se alterius facto non suo de-  
 fendit? deinde (erumpet enim aliquando ex me uera  
 uox: & dicam sine cunctatione quod sentio) si iam uiol-  
 lentior aliqua in re C. Cæsar fuisset: si eum magnitu-  
 do contentionis, studium gloriæ, præstans animus, excel-  
 lens nobilitas aliquo impulsisset: quod in illo uiro &  
 tum ferendum esset: & maximis rebus quas postea ges-  
 sit: obliterandum: id tu tibi furcifer sumes? & Vatini la-  
 tronis ac sacrilegi uox audietur, hoc postulantis, ut idē  
 sibi concedatur, quod Cæsari: sic enim ex te quæro: Tri-  
 bunus plebis fuisti. seiunge te a Consule. collegas habui-  
 sti uiros fortis nouem. ex his tres erant: quos tu quoti-  
 die sciebas de cœlo seruare: quos irridebas quos priua-  
 tos esse dicebas. de quibus duos prætextatos sedentes ui-  
 des, te edilitia prætexta in togam, quam frustra confe-  
 ceras: uendidisse. tertium scis, ex illo obsessō, atq; afflicto  
 Tribunatu, Consularem authoritatem, hominem esse  
 adolescentem consecutum. reliqui sex fuerunt: ex qui-  
 bus partim planē tecum sentiebant: partim medium  
 quēdam cursum tenebant. omnes habuerunt leges pro-  
 mulgatas. in his multas meus necessarius, etiam de mea  
 sententia, C. Cosconius iudex noster: quem, disrumpe-  
 ris, cum edilitium uides. uolo uti mihi respondeas: num  
 quis ex toto collegio legem sit ausus ferre, præter unum  
 te? quæ tanta in te fuit audacia? quæ tanta uis? ut cum



## IN VATINIVM

tui nouem collegæ sibi timendum esse duxerint: id unus  
 tu emerſus è cæno, omnium facile omnibus infimus,  
 contemnendum, deſpiciendum, irridendum putares? nū  
 quem poſt urbem conditam ſcias Tribunum plebis egiſ-  
 ſe cum plebe: cum conſtaret ſeruatum eſſe de cælo? ſimul  
 etiam illud uolo uti reſpondeas: cum te tribuno plebis  
 eſſet etiam tum in Rep. lex Helia & Fuſia: quæ leges  
 ſæpe numero tribunitios furores debilitarunt: & re-  
 preſſerunt: quas contra præter te nemo unquam eſt fa-  
 cere conatus: quæ quidem leges anno præſidentibus in  
 \* templo non duobus Conſulibus, ſed proditoribus huius  
 ciuitatis, ac poſtibus, una cum auſpicijs, cum interceſſio-  
 nibus, cum omni iure publico conſta grauerunt: ecquan-  
 do dubitaris contra eas leges cum plebe agere? num quæ  
 ex omnibus Tribunis Pl. quicunq; ſeditioſi fuerint: tam  
 audacem audieris fuiſſe: ut unquam contra legem Hæ-  
 liam aut Fuſiam concilium conuocaret? quero etiam  
 illud ex te: conatus ne ſis, uolueris ne, deniq; cogitaris?  
 eſt enim res eiufmodi: ut ſi tibi in mentem modo uenit:  
 nemo ſit: qui te ullo cruciatu eſſe indignum putet: cogi-  
 taris ne, in illo tuo intolerabili non regno, nam cupis  
 id audire: ſed latrocinio, augurem fieri pro Q. Metello?  
 cum ut quicunq; te aſpexiſſet: duplicem dolorem gem-  
 tumq; ſuſciperet: & ex deſiderio clariffimi & fortiſſi-  
 mi ciuis, & ex honore turpiſſimi atq; improbiſſimi.  
 adeo ne non labefactatam Rempu. te tribuno, neq; con-  
 quaſſatam ciuitatem, ſed captam hanc urbem, atq; euer-  
 ſam putares? ut augurem Vatinium ferre poſſemus? Hoc  
 loco quero, ſi id quod concupieras, Augur factus eſſes:  
 in qua tua cogitatione nos, qui te oderamus, uix dolo-  
 rem ferebamus: illi autem, quibus eras in delitijs: uix  
 riſum tenebant.



risum tenebant. sed quæro, si ad cætera uulnera, quibus putasti Remp. deleri: hanc quoq; mortiferam plagam infixisses auguratus tui: uirum decreturus fueris id: quod Augures omnes usq; à Romulo decreuerunt: Ioue fulgente cum populo agi nefas esse? an quia tua semper sic egisses auspicia: fueris auguria dissoluturus? Ac ne diutius loquar de auguratu tuo: quod inuitus facio: ut recorder ruinas rei publicæ: neq; enim te unq; stante nō modo maiestate horum, sed etiam urbe, augurem fore putasti: ueruntamen ut somnia tua relinquam: ad scelerum ueniam: uolo uti mihi respondeas: cum M. Bibulū consulem non dicam bene de Rep. sentientem: ne tu mihi homo potens irascere: qui ab eo dissensisti: sed hominem certe nusquam progredientem, nihil Reip. molientem, tantum animo ab actionibus tuis dissentientem, cum eum tu consulem in uincula duceres: & à tabula Valeria Collegæ tui mutti iuberent: feceris ne ante rostra pontem continuatis tribunalibus? per quem consul Populi Ro. moderatissimus, & constantissimus, sublato auxilio, exclusis amicis, ui perditorum hominum inatata, turpissimo miserrimoq; spectaculo non in carcerem, sed ad supplicium & ad necem duceretur? quæro nunquis ante te tam fuerit nefarius? qui id fecerit? ut sciamus utrum ueterum facinorum sis imitator: an inuentor nouorum? idemq; tu, cum his atq; huiusmodi consilijs ac facinoribus, nomine C. Cæsaris clementissimū, atq; optimū uiri, scelere uero atq; audacia tua, M. Bibulum foro, curia, templis, locis omnibus expulisses: inclusum domi contineres: cumq; non maiestate imperij, non iure legum, sed ianuæ præsidio & parietum custodij consulis uita tegetetur: miseris ne uiatorem? qui

e e e



# IN VATINIVM

M. Bibulum domo ui extraheret. ut quod est in priua-  
tis semper obseruatum: id te Tribuno plebis Consuli, do-  
mus exilium esse non posset. simulq; mihi respondeto: tu  
qui nos, qui de communi salute consentimus: Tyrannos  
uocas: fueris ne non tribunus plebis, sed intolerandus  
ex ceno nescioquo atq; ex tenebris Tyrannus. qui pri-  
mum eam remp. quæ auspicijs inuentis constituta est: us-  
dem auspicijs sublatis conarere peruertere. deinde san-  
ctissimas leges, Hæliam & Fusiam dico, quæ in Grac-  
chorum ferocitate, & in audacia Saturnini, & in col-  
lusione Drusi, & in contentione Sulpicij, et in cruore  
Cinnano, & inter Syllana arma uixerunt: solus con-  
culcatis: & pro nihilo putaris. qui consulem morti adie-  
ceris: inclusum obsederis: extrahere ex suis tectis cona-  
tus sis. qui ex eo magistratu, non emerferis ex mendia-  
tate: sed etiam ex diuitijs nos iam tuis terreas. fueris ne  
tanta crudelitate. ut delectos uiros, & principes tollere,  
& delere tua rogatione conareris. cum enim L. Ve-  
ctium, qui in Senatu confessus esset se cum telo fuisse: Cn.  
Pompeio summo & clarissimo ciui suis manibus necem  
afferre uoluisse: in concionem produxeris indicem in ro-  
stris: in illo inquam augurato templo ac loco collocaris:  
quo authoritatis exquirendæ causâ cæteri Tribuni ple-  
bis principes ciuitatis ducere consueuerunt: ibi tu indi-  
cem Vectium linguam & uocem suam sceleri & menti  
tuæ præbere uoluisti: ut diceret L. Vectius in concione  
tua rogatus a te, se authores & impulsores & socios  
habuisse sceleris illius, eos uiros: quibus è ciuitate sub-  
latis, quod tu eo tempore moliebare: ciuitas stare non  
posset. M. Bibulum, cuius inclusione contentus non eras:  
interficere uolueras: spoliaueras cōsulatu: patria priua-



re cupiebas: L. Lucillum, cuius tu rebus gestis, quod ipse ad imperatorias laudes a puero uidelicet spectaras: uehementius inuidebas: Curionem, perpetuum hostem improborum omnium, authorem publici consilij, libertate communi tuenda maxime liberum, cum Rep. coniunctiorem etiam, quam ab illa ætate postulandum fuit: delere uoluisti: L. Domitium, cuius dignitas & splendor perstringebat credo oculos Vatini, quem tu propter commune odium in bonos oderas: in posterum propter omnium spem, quæ de illo est, atq; erat: ante aliquanto timebas: L. Lentulum hunc iudicem nostrum Flammam Martialem, quod erat eo tempore Gabinij tui competitor: eiusdem Vectij indicio opprimere uoluisti. qui si tum illam labem, pestemq; uicisset: quod & tuo scelere non licuit: Respu. uicta nõ esset. huius etiam filium eodem indicio, & crimine ad patris interitum aggregare uoluisti. L. Paulum, qui tum quæstor Macedoniam obtinebat: quem ciuem? quem uirum? qui duos nefarios patriæ proditores, domesticos hostes, legibus exterminarat: hominem ad conseruandam Rempub. natum, in idem Vectij indicium, atq; in eundem hunc numerum congregasti. quid ego de me querar? qui etiam gratias tibi agere debeo: quod me ex fortissimorum ciuium numero seiungendum non putaris? sed qui fuit ille tantus furor tuus? ut cum iam uectius ad arbitrium tuum perorasset: & ciuitatis lumina notasset: descendissetq; de rostris: eum repente reuocares: colloquerere Populo Romano: deinde interrogares ecquosnam alios posset nominare? inculcaris ne etiam, ut C. Pisonem generum meum nominaret? qui in summa copia optimorum adolescentium, pari continentia, uirtute pietate re-

eee ij



# IN VATINIVM

liquit neminem. itemq; M. Laterensem hominem dies,  
ac noctes de laude, & de Rep. cogitantem? promulga-  
ris ne impurissime & perditissime hostis, quaestionem  
de tot amplissimis & talibus uiris? iudici Vectio prae-  
mia amplissima? quibus rebus omnium mortalium non  
uoluntate, sed conuicio repudiatis fregeris? ne in carce-  
re ceruices ipsi Vectio? ne quod iudicium corrupti indi-  
cū extaret: eiusq; sceleris in teipsum quaestio flagitaretur?  
Et quoniam crebro usurpas: legem te de alternis consi-  
lijs reiiciendis tulisse: ut omnes intelligant te ne recte  
quidem facere sine scelere potuisse: quaero, cum lex esset  
aqua promulgata initio magistratus: multas etiam alias  
tulisses: expectaris? ne cum C. Antonius reus fieret apud  
Cn. Lētulum, Q. Claudium? et posteaq; ille est reus fa-  
ctus: statim tuleris in eum, q; tuā post legem reus factus  
esset: ut homo consularis exclusus miser puncto tempo-  
ris spoliaretur beneficio, & aequitate legis tuae? dices fa-  
miliaritatem tibi fuisse cum Q. Maximo. praecleara de-  
fensio facinoris tui. nam Maximus quidem summa laus  
est, sumptis inimicis, suscepta causa, quaesitore, consilioq;  
delecto, commodiore inimico suo contentionem reiectio-  
nis dare noluisse: nihilq; Maximus fecit alienum aut  
sua uirtute: aut illis uiris clarissimis Paulis, Maximis,  
Africanis: quorum gloriam huius uirtute renouatam  
non modo speramus, uerum etiam iam uidemus. tua  
fraus, tuum maleficiū, tuū scelus illud est: te id quod  
promulgasses misericordiae nomine, ad crudelitatis tem-  
pus distulisse. At nunc quidem C. Antonius hac una re  
miseriam suam solatur: quod imagines patris, & fra-  
tris sui, fratrisq; filiam, non in familia sed in carcere  
collocatas audire maluit quā uidere. Quoniam pecu-

nam  
gloria  
tribus  
chis?  
puer  
sare  
te: si  
quo  
ma  
quos  
conter  
qui il  
ledicat  
sare e  
in ep  
beres  
plo, q  
basse  
nibi  
mus  
lerid  
unqu  
bre: m  
tis. Se  
to: ne  
in l  
toga  
dat  
epul  
stori  
stun



niam aliorum despicias: de tuis diuitijs intolerantissime gloriaris: uolo uti mihi respondeas: feceris ne foedera tribunus pl. cum ciuitatibus, cum regibus, cum Tetrarchis? erogaris ne pecunias ex aerario tuis legibus? eripueris ne partes illo tempore carissimas partim à Cæsare, partim à publicanis? quæ cum ita sint: quæro ex te: sis ne ex pauperrimo diues factus in illo ipso anno? quo lex lata est de pecunijs repetundis acerrime? ut omnes intelligere possent, a te non modo nostra acta, quos Tyrannos uocas: sed etiã amicissimæ tui legem esse contemptam. apud quem tu etiam nos criminari soles: qui illi sumus amicissimæ: et contumeliosissime totiens maledicis: quotiens illi affinem te esse dicis. Atq; illud etiã scire ex te cupio: quo consilio aut qua mente feceris? ut in epulo Q. Arii familiaris mei cum toga pulla acum beres? quem unquam uideris? quem audieris? quo exemplo, quo more feceris? dices supplicationes te illas nõ probasse. optime. nullæ fuerint supplicationes. uides ne me nihil de anni illius causa, nihil de eo quod tibi cum summis uiris commune esse uideatur: sed de tuis proprijs sceleribus ex te quærere? nulla supplicatio fuerit. cedo q̃s unquam cenauit atratus? ita enim illud epulum est funebre: ut munus sit funeris: epulæ quidem ipsæ dignitatis. Sed opiteo epulum Populi Ro. festum diem: argento, ueste, omni apparatu ornatusq; uisendo: quis unquam in luctu domestico, quis in funere familiari cenauit cū toga pulla? qui de balneis exeunti, præter te, toga pulla data est? cum tot hominū millia acumberent: cum ipse epuli dominus Q. Arius albatu esset: tu in templū Castoris te cum C. Fidulo atrato cæterisq; tuis furijs funestum intulisti. quis tum non ingemuit? quis non doluit

eee ij



## IN VATINIVM

Reipub. casum? quis sermo alius in illo epulo fuit? nisi hanc tantam & tam grauem ciuitatem subiectam esse non modo furori, uerum etiam irrisioni tuæ? hunc tu morem ignorabas? nunquam epulum uideras? nunquam puer aut adolescens inter coæuos fueras? Fausti adolescentis nobilissimi paulo ante ex epulo magnificentissimo famem illam ueterem tuam non expleras? quem accumbere atratum uideras? dominum cum toga pulla & eius amicos ante conuiuium? quæ te tanta tenuit amentia? ut tum nisi id fecisses: quod fas nõ fuit: nisi uio- lasses templum Castoris, nomen epuli, oculos ciuium, morem ueterem, eius, qui te inuitarat, auctoritatem: parum putares testificatum esse: supplicationes te illas non putare? Quæro illud etiam ex te quod priuatus admisisti: in quo certe iam tibi dicere non licebit, cum clarissimis uiris causam tuam esse conuinctam: postulatus ne sis lege Licinia & Iulia? edixerit ne Memmius Trætor ex ea lege, ut adesses die tricesimo? cum is dies uenisset: feceris? ne, quod in hac Rep. non modo factum ante nunquam est: sed in omni memoria sit omnino inauditum? appellaris? ne tribunos plebis: ne causam diceres? leuius dixi: quanquam id ipsum esset, & nouum, & non ferendum: sed appellaris? ne nominatim pestem illius anni? furiam patriæ? tempestatem Reip. Clodium? qui tamen, cum iure, cum more, cum potestate iudicium impedire non posset: redijt ad illam uim, et furorem suum: ducemq; se militibus tuis præbuit. in quo nequid à me dictum in te potius putes: quàm abs te esse questum: nullum onus imponam mihi testimonij. quæ mihi breui tempore ex eodem isto loco uideo esse seruanda, uel dicenda: seruabo: tēq; non arguam: sed, ut in cate-

vis re  
hac a  
laris:  
quæsi  
spari  
ao d  
cia  
sato  
ces q  
sist  
magi  
nam e  
lo etia  
gatus  
as: es  
id: ut  
ne ha  
quan  
gare  
uifu  
profi  
non c  
thores  
re ma  
ae d  
cium  
rom  
gube  
aliqu  
ligere  
ne se



vis rebus feci: rogabo. Quæro ex te Vatini: nunquis in hac civitate post urbem conditam Tribunos pl. appellari: ne causam diceret? nunquis reus in tribunal sui quaestoris ascenderit? eumq; ui deturbarit? subsellia dissiparit? urnas deleverit? easq; deniq; omnes res in iudicio deturbando commiserit? quarum rerum causa iudicia sunt constituta? scias ne tum fugisse Memmum? accusatores esse tuos, de tuis tuorumq; manibus ereptos? Iudices quaestionum de proximis tribunalibus esse depulso. in foro, in luce, inspectante populo Ro. quaestionem magistratus, morem maiorum, leges, iudices, rerum penam esse sublatam: hæc omnia scias? ne diligentia. Vo-  
 lo etiam audire de te: quo tandem senatus consulto Legatus sis? de gestu intelligo, quid respondeas: tua lege dicis. es ne igitur patriæ certissimus Parricida? speraras ne id? ut patres conscripti ex Repub. funditus tollerentur? ne hæc quidem senatui relinquebas? quæ nemo unquam ademit: ut Legati ex eius ordinis auctoritate legarentur? adeo ne tibi sordidum Consilium publicum visum est? adeo afflictus senatus? adeo misera & prostrata Respublica? ut non nuncios pacis ac belli, non curatores, non interpretes, non bellici consilij aucthores, non ministros muneris provincialis Senatus more maiorum delegere possit? eripueras Senatui provinciae decernendæ potestatem, imperatoris deligendi iudicium, ærarij dispensationem: quæ nunquam sibi populus romanus appetiuit: qui nunquam hæc à summi consilij gubernatione auferre conatus est. age, factum est horum aliquid in alijs, raro: sed tamen factum: ut populus deligeret Imperatorem. quis Legatos unquam audiuit sine senatus consulto? ante te nemo. post te continuo fecit

eee iiij



## IN VATINIVM

Idem in duobus prodigijs Reip. Clodius. quo etiam ma-  
iore es malo mactandus: quod non solum facto tuo, sed  
etiam exemplo Remp. vulnerasti: neq; tantum es im-  
probus ipse: sed etiam alios docere uoluisti. Atq; illud  
etiam audire à te cupio: quare, cum ego legem de ambi-  
tu ex senatus consulto tulerim salua lege Helia & Fu-  
sia: tu eam esse legem non putes? praesertim cum ego le-  
gibus tuis quo quo modo latae sint: paream? ac si haec  
omnia contemnis: ac despicias: quod ita tibi persuaseris, ut  
palàm dictitas, te dijs hominibusq; inuitis, amore in te  
incredibili quodam Caesaris, omnia, quae uelis, con-  
secuturum: ecquid audieris? ecquisnam tibi dixe-  
rit? Caesarem nuper Aquileiae, cum de quibusdam es-  
set mentio facta: dixisse C. Alsium praeteritum permo-  
leste tulisse: quod in homine summam fidem probita-  
temq; cognosset: grauiterq; etiam se ferre Praetorem ali-  
quem esse factum: qui à suis rationibus dissensisset. tum  
quaesisse quendam, de Vatiniio, quemadmodum ferret?  
ipsum respondi: Vatiniium in Tribunatu gratis nihil  
fecisse: q omnia in pecunia posuisset: honore animo aequo  
carere debere. quod si ipse, qui te suae dignitatis augen-  
dae causa, periculo tuo, nullo suo delicto ferri praecipitè  
est facile passus, tamen te omni omni honore indignissi-  
mum iudicat: si te uicini, si affines, si tribules ita oderunt:  
ut repulsam tuam triumphum suum duxerint: si nemo  
aspicit: quin ingemiscat: nemo mentionē facit: quin exe-  
cretur: si uitant: fugiunt: audire de te nolunt: cum ui-  
derint: tanquam auspiciū malū detestantur: si cogna-  
ti respuunt: uicini metuunt: affines erubescunt: si Romae  
deniq; ab ore improbo demigrarunt: & alijs iam se  
locis collocarunt: si es odium publicum populi, Senatus,



univerſorum hominum: quid eſt quamobrem Præturâ  
potius exoptes? quam mortem? præſertim cum popula-  
rem te uelis eſſe: neq; ulla in re populo gratius facere  
poſſis? Sed ut aliquando audiam: quàm copioſe mihi ad  
interrogata reſpondeas: concludam iam interrogationē  
meam: teq; in extremo de ipſa cauſa rogabo. Quæro  
quæ tanta in te uanitas, tanta leuitas fuerit? ut T. An-  
nium iſdem uerbis laudares: quibus eum laudare &  
boni uiri & boni ciues conſueuerunt? cum in eundem  
nuper cupidiffime falſum teſtimonium dixeris? An erit  
hæc optio & poteſtas tua? ut cum Clodianas operas et  
facinoroſorum hominum manu uideris: Milonem, di-  
cas Gladiatoribus, et Beſtiarijs obſediſſe rempublicam?  
cum autem ad tales uiros ueneris: non audeas ciuē ſin-  
gulari uirtute, fide, conſtantia, uituperare? ſed cum T.  
Annum tantopere laudes: & clariffimo uiro nonnul-  
lam laudatione tua labeculam aſpergas: in illorū enim  
numero mauult T. annius eſſe: qui à te uituperantur:  
uerum etiam quæro, cum in Republica adminiſtran-  
da T. Annio cum P. Seſtio conſiliorum omnium ſocietas  
fuerit: qui poſſis eos, quos crimine coniungis: teſtimonio  
diſiungere? non arguo inconstantiam rationis ac teſti-  
monij tui: nequid tibi authoritatis, à me tributum eſſe uis  
deatur.

Deſit fortasſe quippiam.



PRO M. CAELIO. ORA-  
TIO XXXV.

I quis Iudices forte nunc adsit igna-  
rus legum, iudiciorū, consuetudinis ue-  
strae: miretur profecto, quæ sit tanta a-  
trocitas huiuscæ causæ: quod diebus fe-  
stis, ludisq; publicis, omnibusq; negocijs  
forensibus intermissis, unum hoc iudicium exerceatur.  
nec dubitet: quoniam tanti facinoris reus arguatur: ut eo ne-  
glecto, ciuitas stare non possit. idem cum audiat esse le-  
gem: quæ de seditiosis, sceleratisq; ciuibus, qui armati se-  
natum obsederint: magistratibus vim attulerint: Rēp.  
oppugnarint: quotidie quæri iubeat: legem non impro-  
bet: crimen quod uersetur in iudicio requirat. cum au-  
diat nullum facinus, nullam audaciam, nullam vim  
in iudiciū uocari: sed adolescentem illustri ingenio, indu-  
stria, gratia accusari ab eius filio: quem ipse in iudici-  
um et uocet et uocarit: oppugnari autem opibus me-  
retricijs: Atracini illius pietatem non reprehendat: mu-  
liebrem libidinem comprimendam putet: uos laborio-  
sos existimet: quibus ociosis ne in communi quidem ocio  
liceat esse. etenim si attendere diligenter, existimare ue-  
re, de omni hac causa uolueritis: sic constituetis Iudices:  
nec descensurum quenquam ad hanc accusationē fuis-  
se: cui utrum uellet, liceret: nec cum descendisset: quic-  
quam habiturum spei fuisse: nisi alicuius intolerabili li-  
bidine, et nimis acerbo odio niteretur. sed ego Atraci-  
no humanissimo atq; optimo adolescenti meo necessario  
ignosco: qui habet excusationem uel pietatis, uel neces-  
sitatis, uel ætatis. si uoluit accusare: pietati tribuo. si in-



sus est: necessitati si sperauit aliquid: puericiæ. cæteris  
 non modo nihil ignoscendum, sed etiam acriter est re-  
 sistendum. Ac mihi quidem uidetur Iudices hic in-  
 troitus defensionis, adolescentiæ M. Cælij maxime conue-  
 nire: ut ad ea, quæ accusatores de formandi huius cau-  
 sa, detrahendæ, spoliandæq; dignitatis gratia dixerunt:  
 primum respondeam. Obiectus est pater uarie: quod  
 aut parum splendidus ipse: aut parum pie tractatus à  
 filio diceretur. de dignitate Cælius notis, ac maioribus  
 natu etiam sine mea oratione tacitus facile ipse respon-  
 det. quibus autem propter senectutem, quod iam diu mi-  
 nus in foro nobiscum uersatur: non æque est cognitus:  
 hi sic habeant: quæcunq; in Equite Ro. dignitas esse pos-  
 sit: quæ certe potest esse maxima: eam semper in M. Cæ-  
 lio habitam esse summam: hodieq; haberi, non solum à  
 suis, sed etiam ab omnibus, quibus potuerit aliqua de  
 causa esse notus. Equitis Ro. autem esse filium, criminis  
 loco poni ab accusatoribus: neq; iis iudicantibus oportuit:  
 neq; defendentibus nobis. Nam quod de pietate dixi-  
 stis: est quidem ista nostra existimatio: sed iudicium cer-  
 te parentis. quid nos opinemur: audietis ex iuratis. qd  
 parentes sentiant: lachrymæ matris, incredibilisq; mœ-  
 ror, squalor patris, & hæc præsens mœsticia, quam cer-  
 nitis, luctusq; declarat. Nam quod est obiectum: mu-  
 nicipibus esse adolescentem non probatum suis: nemini  
 unquam præsentis puteolani maiores honores habue-  
 runt: quàm M. Cælio: quem absentem in amplissimum  
 ordinem cooptarunt: & ea non petenti detulerunt: quæ  
 multis petentibus denegarunt: ydemq; nunc lectissimos  
 uiros, & nostri ordinis, & Equites Ro. cum legatione  
 ad hoc iudicium, & cum grauissima atq; ornatissima



PRO M.

laudatione miserunt. videor mihi iecasse fundamenta  
defensionis meae: quae firmissima sunt, si nitantur iudi-  
cio suorum. neque enim uobis satis commendata huius aetatis  
esse posset: si non modo parenti tali uiro, uerum etiam  
municipio tam illustri, ac tam graui displiceret. equidem,  
ut ad me reuertar: ab his fontibus profluxi ad hominum  
famam: et meus hic forensis labor, uitaque ratio dima-  
nauit ad existimationem hominum paulo latius com-  
mendatione ac iudicio meorum. Nam quod obiectum est  
de pudicitia: quodque omnium accusatorum non crimi-  
nibus, sed uocibus maledictisque celebratum est: id nun-  
quam tam acerbe feret M. Caelius: ut eum poeniteat non  
deformem esse natum. sunt etenim ista maledicta perunul-  
gata in omnes, quorum in adolescentia forma et species  
fuit liberalis. sed aliud est maledicere: aliud accusare.  
accusatio crimen desiderat: rem ut definiat: hominem ut  
notet: argumento probet: teste confirmet. maledictio au-  
tem nihil habet propositi, praeter contumeliam: quae si pe-  
tulantius iactatur: conuiuium, si facetius: urbanitas no-  
minatur. quam quidem partem accusationis admiratus  
sum, et moleste tuli potissimum esse Atracino datam.  
neque enim decebat: neque aetas illa postulabat: neque id, quod  
animaduertere poteratis: pudor patiebatur optimi ado-  
lescentis in tali illi oratione uersari. uelle aliquis ex  
uobis robustioribus hunc maledicendi locum suscepisset:  
aliquanto liberius et fortius et magis more nostro re-  
futaremus istam maledicendi licentiam. tecum Atraci-  
ne agam lenius: quod et pudor tuus moderatur oratio-  
ni meae: et meum erga te, parentemque tuum beneficiū  
tueri debeo. illud tamen te esse admonitum uolo. pri-  
mum qualis es: talem te esse existimes: ut quantum a re-

rum ta  
te seim  
tibi fa  
uia if  
uelit  
sine  
pa e  
quod  
ornat  
tione  
potuit  
inde et  
ut hinc  
metam  
a patre  
Caelius  
aut m  
tibus  
milia  
abho  
confu  
a me  
sentes  
tum ex  
fuisse  
illius  
quod  
festum  
Præto  
præto  
cuius



rum turpitudine abes: tantum te a uerborum libertate  
te seiungas. deinde ut ea in alterum ne dicas: quæ cum  
tibi falso responsa sint: erubescas. quis est enim? cui  
uia ista non pateat? qui isti ætati, non possit, quàm  
uelit petulanter, etiam si sine ulla suspitione, at non  
sine argumento maledicere? sed istarum partium, cul-  
pa est eorum, qui te agere uoluerunt: laus pudoris tui:  
quod ea te inuitum dicere uidebamus: ingenij: quod  
ornate politeq; dixisti. uerum ad istam omnem ora-  
tionem breuis est defensio. nam quoad ætas M. Cælij dare  
potuit suspitioni locum: fuit primum ipsius pudore, de-  
inde etiam patris diligentia, disciplinaq; munita. qui  
ut huic uirilem togam dedit: nihil dicam hoc loco de  
me: tantum sit, quantum uos existimatis: hoc dicam: hunc  
a patre continuo ad me esse deductum. nemo hunc M.  
Cælium in illo ætatis flore uidit: nisi aut cum patre,  
aut mecum, aut in M. Crassi castissima domo: cum ar-  
tibus honestissimis erudiretur. Nam quod Catilinæ fa-  
miliaritas obiecta Cælio est: longe ab ista suspitione  
abhorrere debet. hoc enim adolescente scitis Catilinam  
consulatum mecum petuisse. ad quem si accessit: aut si  
a me discessit unquam: quanquam multi boni adole-  
scentes illi homini nequam, atque improbo studuerunt:  
tum existimetur Cælius Catilinæ nimium familiaris  
fuisse. At enim postea scimus, et uidimus esse hunc in  
illius amicus. quis negat? sed ego illud tempus ætatis,  
quod ipsum sua sponte infirmum aliorum libidine in-  
festum est: id hoc loco defendo. fuit assiduus mecum  
Prætor me: non nouerat Catilinam: Africam tum  
prætor ille obtinebat. secutus est annus: causam de pe-  
cunijs repetundis Catilina dixit. mecum erat hic: illi ne



aduocatus quidem uenit unquam. deinceps fuit annus quo ego Consulatum petiti: petebat Catilina mecum nunquam ad illum accessu: a me nunquam recessit. tot igitur annos uersatus in foro sine suspitione, sine infamia, studuit Catilinæ iterum petenti. quem ergo ad finem putas custodiendam illam ætatem fuisse nobis quidem olim annus erat unus ad cohibendum brachium toga constitutus: & ut exercitatione ludoq; campestri tumuati uteremur. eademq; erat, si statim mereri stipendia ceperamus: castrensis ratio, ac militaris. qua in ætate, nisi qui se ipse, sua grauitate & castimonia, & cum disciplina domestica, tum etiam naturali quodam bono defenderet: quoquomodo a suis custoditus esset: tamen infamiam ueram effugere non poterat. sed qui prima illa initia ætatis integra atq; inuiolata præstiteret: de eius fama ac pudicitia, cum is iam se corroborauisset: ac uir inter uiros ceteri: nemo loquebatur. studuit Catilinæ cum iam aliquot annos esset in foro Cælius. et multi hoc idem ex omni ordine, atq; ex omni ætate fecerunt. habuit enim ille, sicuti meminisse uos arbitror: per multa maximarum non expressa signa, sed adumbrata uirtutum. utebatur hominibus improbis multis: & quidem optimis se uiris deditum esse simulabat. erant apud illum illecebræ libidinum multæ: erant etiam industrie quidam stimuli ac laboris. flagrabant uicia libidinis apud illum: uigebant etiam studia rei militaris. neq; ego unquam fuisse tale monstrum in terris ullum puto, tam ex contrarijs diuersisq; inter se repugnantibus naturæ studijs cupiditatibusq; conflatum. quis clarioribus uiris quodam tempore iucundior? quis turpioribus coniunctior? quis cuius meliorum partium aliquandos

quis te  
quint  
tate a  
in illo  
tos an  
quod  
cuius  
auda  
atq; h  
uere, c  
inueni  
dinos  
cui; na  
probos  
ros &  
bat. neq  
seleat  
manita  
ritere  
tilina  
ne cum  
sum, me  
uis mhi  
amicus,  
prius, c  
depre  
etiam  
sicut &  
roris m  
mudet. i  
uidiam



quis tetrior hostis huic ciuitati? quis in uoluptatibus in-  
 quinator? quis in laboribus patientior? quis in rapa-  
 citate auarior? quis in largitione effusior? illa uero Iud.  
 in illo homine mirabilia fuerunt: comprehendere mul-  
 tos amicitia: tueri obsequio: cum omnibus communicare  
 quod habebat: seruire temporibus suorum omnium: pe-  
 cunia, gratia, labore corporis, scelere, etiam si opus esset  
 audacia, uersare suam naturam, et regere ad tempus:  
 atque huc et illuc torquere, et flectere. cum tristibus se-  
 uere, cum remissis iucunde, cum senibus grauitate, cum  
 iuuentute comiter, cum facinorosis audacter, cum libi-  
 dinosis luxuriose uiuere. hac ille tam uaria, multipli-  
 cisque natura, cum omnis omnibus ex terris homines im-  
 probos audacesque collegerat: tum etiam multos fortis ui-  
 ros et bonos, specie quadam uirtutis assimilatae tene-  
 bat. neque unquam ex illo delendi huius imperij tam  
 sceleratus impetus extitisset: nisi tot uitiorum tanta im-  
 manitas quibusdam facilitatis et patientiae radicibus  
 niteretur. quare ista conditio Iudices respiciatur: nec Ca-  
 tilinae familiaritatis crimen hereat. Est enim commu-  
 ne cum multis et cum quibusdam etiam bonis. me ip-  
 sum, me inquam quondam pene ille decepit: cum et ci-  
 uis mihi bonus, et optimi cuiusque cupidus, et firmus  
 amicus, et fidelis uideretur. cuius ego facinora oculis  
 prius, quam opinione, manibus ante, quam suspitione  
 deprehendi. cuius in magnis ceteris amicorum sisuit  
 etiam Caelius: magis est, ut ipse moleste ferat errasse se:  
 sicut et nonnunquam in eodem homine me quoque er-  
 roris mei poenitet: quam ut istius amicitiae crimen refor-  
 mudet. itaque a maledictis pudicitiae, ad coniurationis in-  
 uiciam oratio est uestra delapsa. posuistis enim, atque id



PRO M.

tamen titubanter & strictim, coniurationis hunc pro-  
pter amicitiam Catilinæ participem fuisse: in quo non-  
modo crimen non hærebat: sed uix diserti adolescen-  
tis cohærebat oratio. qui enim tantus furor in Cælio?  
quod tantum aut in moribus naturaq; uulnus? aut in  
re atq; fortuna? ubi deniq; in ista suspitione est Cælij  
nomen auditum? nimum multa de re minime dubia lo-  
quor. hoc tamen dico: non modo si socius coniurationis,  
sed nisi inimicissimus istius sceleris fuisset: nunquam con-  
iurationis accusatione adolescentiam suam potissimum  
commendare uoluisset. quod haud scio an de ambitu &  
de criminibus istius sodalium ac sequestrium: quoniã  
huc incidi: similiter respondendum putem. nunquam  
enim tam Cælius amens fuisset: ut si se isto infinito ambi-  
tu commaculasset: ambitus alterum accusaret, neq; enim  
eius facti in altero suspitionem quæreretur: cuius ipse sibi  
perpetuam licentiam optaret. nec si sibi semel periculum  
ambitus subeundum putaret: ipse alterum iterum am-  
bitus crimine accersiret: quod quanquam nec sapienter,  
& me inuito facit: tamen est eiusmodi cupidus: ut ma-  
gis insectari alterius innocentiam, quàm de se timide  
cogitare uideatur. nam quod æs alienum obiectum est:  
sumptus reprehensi: tabulæ flagitatæ: uidete quàm pau-  
ca respondeam. tabulas qui in patris potestate est: nul-  
las confect: uersuram nunquam omnino fecit ullam.  
Sumptus unius generis obiectus est habitationis. trigin-  
ta millibus dixistis eum habitare. nunc demum intelli-  
go P. Clodij insulam esse uenalem: cuius hic in ædici-  
lis habitat decem ut opinor millibus: uos autem dum illi  
placere uultis: ad tempus ei mendacium uestrum ac-  
commodauistis. reprehendistis à patre quod semigra-  
rit. quod

rit. quod  
dend  
molesta  
& per  
mitter  
& a  
lius  
condu  
sum d  
aduent  
vinam  
conteret  
rans ha  
agra, a  
quod cr  
Medea  
maloru  
obrem  
iam  
non p  
qui se  
quo qua  
rit: deim  
ctus d  
tius, q  
acute  
iste fo  
tur ex  
rimula  
nis uest  
refatio



rit. quod quidem iam in hac ætate minime reprehendendum est. qui cum ex Reip. causa esset mihi quidem molestam, sibi tamen gloriosam uictoriam consecutus: & per ætatem magistratus petere posset: non modo permittente patre, sed etiam suadente, ab eo semi grauit. & cum domus patris à foro longe abesset: quo facilius & nostras obire domos, & ipse à suis coli posset: conduxit in Palatio non magnam domum. quo loco, possum dicere id quod uir clarissimus M. Crassus, cum de aduentu Regis Ptolemæi quereretur: paulo ante dixit. Utinam ne in nemore Delio. Ac longius quidem mihi contexere hoc carmen liceret. nam nunquam hera errans hanc molestiam nobis exhiberet, Medea animo ægra, amore sæuo saucia. sic enim Iudices reperietis: quod cum ad id loca uenero, ostendam: hanc palatinam Medeam, migrationemq; huic adolescenti causam siue malorum omnium, siue potius sermonum fuisse. quam obrem illa, quæ ex accusatorum oratione præmuniri iam & fingi intelligebam: fretus uestra prudētia Iud. non pertimesco. Aiebant enim fore testem Senatorem: qui se Pontificijs comitijs pulsatum à Cælio diceret. à quo quæram, si prodierit: primum cur statim nihil egerit? deinde si id queri, quàm agere maluerit: cur productus à uobis potius, quàm ipse per se? cur tanto post potius, quàm continuo, queri maluerit? si mihi ad hæc acute, argutèq; responderit: tum quæram deniq; ex quo iste fonte Senator emanet? nam si ipse orietur & nascetur ex sese: fortasse ut soleo commouebor. sin autem, ut riuulus, acersitus, & ductus ab ipso capite accusationis uestre: lætabor: cum tanta gratia, tantisq; opibus accusatio uestra nitatur: unum Senatorem solum esse, qui

fff



PRO M.

uobis gratificari uellet, inuentum. Nec tamen illud genus alterum nocturnorum testium ptimesco. est enim dictum ab illis: fore qui dicerent, uxores suas redeuntis à coena attrectatas esse à Caelio. graues erunt homines: qui hoc iurati dicere audeant: cum sit his confitendum, nunquam se ne congressu quidem, et constituto coepisse de tantis iniurijs experiri. Sed totum genus oppugnationis huius Iud. Et iam prospiciatis animus: Et cum inferretur: propulsare debebitis. nō enim ab iisdem accusatur M. Caelius, à quibus oppugnatur. palam in eū tela iaciuntur: clām subministrantur. neq; id ego dico: ut inuidiosum sit in eos: quibus gloriosum hoc etiam esse debet. funguntur officio: defendunt suos: faciunt quod uiri fortissimi solent: laesi dolent: irati efferuntur: pugnat laceffiti. sed uestrae sapientiae tamen est Iudices: non si causa iusta est uiris fortibus oppugnandi M. Caelium: ideo uos quoq; causam putare esse iustam alieno dolori potius, quā uestrae fidei consulendi. quae sit multitudo in foro, quae genera, quae studia, quae uarietates hominum uidetis: ex hac copia quā multos esse arbitraminis: qui hominibus potentibus, gratiosis, disertis cum aliis quid eos uelle arbitrentur: ultro se offerre soleant: operam nauare: testimonium polliceri. hoc ex genere si qui se in hoc iudicium forte proiecerint: excluditote eorum cupiditatem Iud. sapientia uestra: ut eodem tempore huius saluti, Et religioni uestrae, Et contra periculosissimas hominum potentias conditioni omnium ciuium prouidisse uideamini. Equidem uos abducat à testibus: neq; huius iudicij ueritatem, quae mutari nullo modo potest: in uoluntate testium collocari sinam: quae facillime fingi, nullo negotio flecti, ac detorqueri potest. argumentis

agimus  
mus: res  
gnabit  
Et orna  
politari  
Et de  
de Di  
quod  
eternum  
fauis, P  
huius  
nir: abfo  
uerum  
tio causa  
rit tuum  
ne, sed  
catione  
dere, m  
Caelio  
modi  
Caelio  
mi recti  
tus, Cael  
tem dolo  
tatis, tu  
apud  
drie.  
ter eim  
audiet  
bus cau  
Iudices



agemus: signis omni luce clarioribus crimina refelle-  
 mus: res cum re, causa cum causa, ratio cum ratione pu-  
 gnabit. itaq; illam partem causæ facile patior grauius,  
 & ornatè à M. Crasso peroratam: de seditionibus Nea-  
 politanis, de Alexandrinorum pulsatione Puteolana,  
 & de bonis Pallæ. uellem dictum esset ab eodem etiā  
 de Dione. de quo ipso tamen quid est quod expectetis?  
 quod is qui fecit: aut non timet: aut etiam fatetur?  
 etenim reus, qui dictus est & adiutor fuisse & con-  
 sciens, P. Ascitius: is iudicio est liberatus. quod igitur est  
 huiusmodi crimen? ut qui commisit, non neget: q; nega-  
 uit: absolutus sit: id hic pertimescat: q; non modo à factō,  
 uerum etiam à conscientie suspitione absit? et si Asci-  
 tio causa plus profuit: quàm nocuit inuidia: huic obe-  
 rit tuum maledictum: qui istius facti non modo suspicio-  
 ne, sed ne infamia quidem est aspersus? At prænari-  
 catione est Ascitius liberatus. per facile est isti loco respon-  
 dere, mihi præsertim, à quo illa causa defensa est. sed  
 Cælius optimam causam Ascitij esse arbitratur: cuius-  
 modi autem sit: à sua putat esse seiunctam. neq; solum  
 Cælius, sed etiam adolescentes humanissim & doctissi-  
 mi rectissim studijs: atq; optimis artibus præditi, Ti-  
 tus, Caiusq; Coponij: q; ex omnibus maxime Dionis mor-  
 tem doluerunt: qui cum doctrinæ studio, atq; humani-  
 tatis, tum etiam hospitio Dionis tenebantur. habitabat is  
 apud L. Luceium ut audistis: fuerat ei cognitus Alexan-  
 driæ. quid aut hic, aut summo splendore præditus fra-  
 ter eius, de M. Cælio existimet: ex ipsis, si producti erūt:  
 audietis. Ergo hæc remoueantur: ut aliquando in qui-  
 bus causa nititur, ad ea ueniamus. animaduerti enim  
 Indices audiri à uobis meum familiarem L. He-

fff ij



PRO. M.

rennium perattente. In quo & si magna ex parte ingenio eius, & dicendi genere quodam tenebamini: tamen nonnunquam uerebar ne illa subtiliter ad criminandum inducta oratio animos uestros sensim ac leniter accenderet. dixit enim multa de luxuria: multa de libidine: multa de uicijs iuuentutis: multa de moribus: et qui in reliqua uita mitis esset: & in hac suauitate humanitatis, qua propè iam delectantur homines: uersari periuicunde soleret: fuit in hac causa pertristis quidam patruus, censor, magister: obiurgauit M. Caelium, sicut neminem unquam parens: multa de incontinentia intemperantiâq; disseruit. quid queritis Iudices? ignoscebam uobis attente audientibus: propterea, quod ego met tam triste illud, & tam asperum genus orationis horrebam. ac prima pars fuit illa: quæ me minus mouebat. fuisse meo necessario Bestiæ Caelium familiare: coenasse apud eum: uentitasse domum: studuisse Præturæ. non me hæc mouent: quæ perspicue falsa sunt. etenim eos una coenasse dicit: qui aut absunt: aut quibus  
 \* necesse est idem dicere. neq; uero illud me comouet: quod sibi in Luperas sodalem esse Caelium dixit. fera quædam sodalitas, & planè pastoricia atq; agrestis germanorum Luperorum: quorum coitio illa siluestris ante est instituta: quàm humanitas atq; leges. siquidem non modo nomina deferunt inter se sodales: sed etiam commemorant sodalitatem in accusando: ut ne, si quis id forte nesciat, timere uideatur. Sed hæc omittam. ad illa quæ me magis mouerunt respondebo. deliciarum obiurgatio fuit longa: & ea lenior: plusq; disputationis habuit quàm atrocitatis: quo etiam audita est attentius. nam P. Clodius amicus meus cum se grauissime uehementis-



simēq; iactaret: & omnia inflammatus ageret tristissi-  
 mus uerbis: uoce maxima: tam et si probabam eius elo-  
 quentiam: tamen non pertimescebam. aliquot enim in  
 causis eum uideram frustra litigantem. tibi autem Bal-  
 be respondebo. primum precario, si licet, si fas est defen-  
 di à me eum: qui nullum conuiuium renuerit: qui un-  
 guenta sumpserit: qui Baias uiderit. Equidem multos et  
 uidi in hac ciuitate, & audiui, non modo qui primori-  
 bus labris gustassent genus hoc uitæ: et exiremis ut di-  
 citur digitis attigissent: sed qui totam adolescentiam uo-  
 luptatibus dedissent: emeruisse aliquando: & se ad fru-  
 gem bonam ut dicitur recepisse: grauisq; homines atq; il-  
 lustris fuisse. datur enim concessu omnium huic aliquis  
 ludus ætati: & ipsa natura profundit adolescentiæ cu-  
 piditates: quæ si ita erumpunt: ut nullius uitam labe-  
 factent: nullius domum euertant: faciles & tolerabiles  
 haberi solent. sed tu mihi uidebare ex communi infam-  
 ia iuuentutis aliquā inuidiam Cælio uelle conflare.  
 itaq; omne illud silentium, quod est orationi tuæ tribu-  
 tum: fuit ob eam causam: quod uno reo proposito de mul-  
 torum uitis cogitabamus. facile est accusare luxuriam.  
 dies iam me deficiet: si quæ dici in eam sententiam pos-  
 sunt: coner exprimere. de corruptelis, de adulterijs, de  
 proteruitate, de sumptibus, immensa oratio est: ut tibi re-  
 um neminem, sed uicia proponas: res tamen ipsa et gra-  
 uiter accusari potest. sed uestre sapientiæ est Iudices: nō  
 abduci ab reo: nec quos aculeos habeat seueritas gra-  
 uitasq; uestra: cum eos accusator crexerit in rem, in ui-  
 cia, in mores, in tempora: emittere in hominem, & in  
 reum. cum is non suo crimine, sed multorum uicio sit in  
 quoddam odium iniustum uocatus. Itaq; seueritati tuæ,

f f f iij



PRO M.

ut oportet, ita respondere non audeo. erat enim meum deprecari uacationem adolescentiæ: ueniamq; petere. nō inquam audeo. per fugijs non utor ætatis: concessa omnibus iura dimitto: tantum peto: ut, si qua est inuidia communis hoc tempore æris alieni, petulantiae, libidinum inuētutis: quam uideo esse magnam: ne huic aliena peccata, ne ætatis ac temporum uicia noceant. Atque ego idem, qui hæc postulo: quin criminibus, quæ in hunc proprie conferuntur: diligentissime respondeam, non recusato. Sunt autem duo crimina, auri, & ueneni: in quibus una atq; eadem persona urgetur. Aurum sumptum à Clodia: uenenum quæsitum, quod Clodiæ daretur dicitur: omnia sunt alia non crimina, sed maledicta iurgij petulantis magis, quàm publicæ quæstionis. adulter, impudicus, sequester, conuicium est, non accusatio. nullum est enim fundamentum horum criminū: nulla sedes: uoces sunt contumeliosæ temere ab irato accusatore nullo auctore emissæ. horum duorum criminū uideo fontem: uideo auctorem: uideo certum nomen & caput. auro opus fuit: sumpsit à Clodia: sumpsit sine teste: habuit quandiu uoluit. maximum uideo signum cuiusdā egregiæ familiaritatis. negare eidē noluit: quæsiuit uenenum: sollicitauit quos potuit: parauit locum: constituit: attulit. magnum rursum odium uideo cum crudelissimo dissidio extitisse. res est omnis in hac causa nobis Iud. cum Clodia, muliere non solum nobili, sed et nota. de qua ego nihil dicam, nisi depellendi criminis causa. sed intelligis pro tua præstanti prudentia Cn. Domiti cum hac sola rem esse nobis: quæ si se aurum Cælio commodasse non dicit: si uenenum ab hoc sibi paratum esse non arguit: petulanter facinus: si matrem fami-



lias, secus quàm matronarum sanctitas postulat, nominamus. sin ista muliere remota, nec crimen ullum, nec opes ad oppugnandum Caelium illis relinquentur: quid est aliud, quod nos patroni facere debeamus? nisi ut eos qui insectantur, repellamus? quod quidem facerem vehementius: nisi intercederent mihi inimici cum istius mulieris uiro. fratrem dicere uolui. semper hic error nunc agam modice: nec longius progrediar: quàm mea fides, & causa ipsa coget. neq; enim muliebres unquam inimicitias mihi gerendas putavi: præsertim cum ea: quam omnes semper amicam omnium potius, q̃ cuiusquam inimicam putauerunt. sed tamen ex ipsa quæram prius, utrum me secum seuerè, et grauius, & priusce agere malit: an remissè, ac leniter, & urbane. sin illo austero more ac modo: aliquis mihi ab inferis excitandus est ex barbatis illis, non hac barbula, qua ista delectatur: sed illa horrida: quam in statuis antiquis, et imaginibus uidemus: qui obiurget mulierem: et pro me loquatur: ne ista mihi forte succenseat. Existat igitur ex hac ipsa familia aliquis: ac potissimum cæcus ille. minimum enim dolorem capiet: qui istam non uidebit. quæ profecto si extiterit: sic aget: & sic loquetur. mulier quid tibi cum Cælio? quid cum homine adolescentulo? quid cum alieno? quid, aut tam familiaris huic fuisti: ut aurum commodares? aut tam inimica: ut uenenum timeres? non patrem tuum uideras? non patrum? non auum, proauum, atauum audieras Consules fuisse? non deniq; modo te Q. Metelli matrimonium tenuisse sciebas, clarissimi et fortissimi uiri, patriæq; amantiissimi? qui simul ac pedem limine extulerat: omnis propè cuius uirtute, gloria, dignitate superabat? cui cum ex amplis-

fff iij



simo genere in familiam clarissimam nupsisses: cur tibi Caelius tam coniunctus fuit? cognatus? affinis? uiri tui familiaris? nihil horum. quid igitur fuit, nisi quaedam temeritas ac libido? nonne te, si nostrae imagines uiriles non commouebant: ne progenies quidem mea Q. illa Claudia aemulam domesticae laudis, in gloria muliebri esse admonebat? non uirgo illa uestalis Claudia, quae patrem complexa triumphantem ab inimico tribuno plebis, de curru detrahi passa non est? cur te fraterna uicia potius, quam bona paterna, et auita, et usque a nobis cum in uiris, tum etiam in foeminis repetita mouerunt? ideo ne ego pacem Pyrrhi diremi? ut tu amorum turpissimorum quotidie foedera ferires? ideo aquam adduxi? ut ea tu incestu uterere? ideo uia muniri? ut eam tu alienis uiris commata celebrares? Sed quid ego Iudices ita grauem personam induxi? ut et uerear, ne se idem Appius repente conuertat: et Caelium incipiat accusare illa sua grauitate censoria? sed uidero hoc posterius: atque ita Iudices: ut uel seuerissimis disceptatoribus M. Caelij uita me probaturum esse confidam. tu modo mulier (iam enim ipse tecum nulla persona introducta loquar) si ea quae facis: quae dicis: quae insimulas: quae moliris: quae arguis: probare cogitas: rationem tantae familiaritatis, et tantae consuetudinis, tantae coniunctionis reddas, atque exponas necesse est. accusatores quidem libidines, amores, adulteria, Baias acta conuiuia, comestiones, cantus, Symphonias, nauigia iactant. idemque significant: nihil se te inuita dicere. quae tu, quoniam mente nescio qua effrenata atque praecipiti in forum deferri iudiciumque uoluisti: aut diluas oportet: et falsa esse doceas: aut nihil neque crimini tuo neque testimonio credendum esse fateare. sin autem urbanus me age-



re mauis: sic agam tecum: remouebo illum senem durū  
 ac penē agrestem: ex hisq; tuis sumam aliquem, ac po-  
 tissimum minimum fratrem tuum: qui est in isto ge-  
 nere urbanissimus: qui te amat plurimum: qui propter  
 nescioquam credo timiditatem, et nocturnos quosdā  
 inanes metus, tecum semper, pūso cum maiore sorore ca-  
 bitauit. eum putato tecum loqui. quid tumultuaris soror?  
 quid insanus? quid clamore exorsa, uerbis paruam rem  
 magnam facis: uicinium adolescentulū aspexisti: candor  
 huius te, et proceritas, uultus, oculiq; perpulerunt: se-  
 pius uidere uoluisti: fuisti nonnunquam in iisdem hor-  
 tis uisa nobilis mulier: illum filium familias patre  
 parco ac tenaci habere tuis copijs deuinctum non po-  
 tes: calatrat: respuit: non putat tua dona esse tanti. con-  
 fer te alio. habes hortos ad Tyberim: ac diligenter eo  
 loco pręparasti: quo omnis iuuentus natandi causa ue-  
 nit. hinc licet conditiones quotidie legas. cur huic, quē  
 te spernit, molesta es? Redeo nunc ad te Caeli uicissim  
 ac mihi auctoritatem patriam, seueritatemq; suscipio.  
 sed dubito quem patrem potissimum sumam. cecilia-  
 num ne aliquem, uehementem atq; durum? Nūc enim  
 demum mihi animus ardet: nunc meum cor cumulatur  
 ira. Aut illum. O' infelix, O' scelestē. ferrei sunt isti pa-  
 tres. ego ne quid dicam? ego ne quid uelim? ego ne?  
 quę tu omnia tuis fœdis factis facis: ut nequicquam  
 uelim. uix ferenda diceret talis pater. cur te in istam  
 uicinitatem meretriciam contulisti? cur illecebris co-  
 gnitis non refugisti? cur alienam ullam mulierem no-  
 sti? dede, ac disijce, per me licebit. si egebis: tibi dole-  
 bit: mihi sat est: qui ætatis quod reliquum est, oblectem  
 meæ. huic tristi, ac decrepito seni responderet Cælius: se



PRO M.

nulla cupiditate inductum de uia decessisse. quid signi?  
 nulli sumptus, nulla iactura, nulla uersura. at fuit sa-  
 ma? quotus quisque istam effugere potest in tam maledi-  
 ca ciuitate? uicinum eius mulieris miraris male audisse:  
 cuius frater germanus sermones iniquorum effugere  
 non potuit? leni uero & clementi patri cuiusmodi est  
 ille. fores effregit: restituentur: discidit uestem: resarcie-  
 tur. Caelij causa est expeditissima. quid enim esset? in  
 quo se facile non defenderet? nihil iam in istam mulie-  
 rem dico. sed si esset aliqua dissimilis istius: quæ se omni-  
 bus peruulgaret: quæ haberet palam decretum semper  
 aliquem, cuius in hortos, domum, Baias, iure suo libidi-  
 nes omnium commearent: quæ etiam aleret adolescen-  
 tes: & parsimoniam patrum suis sumptibus sustentaret:  
 si uidua libere, proterua petulanter, diues effuisset, libidi-  
 nosa meretricio more uiueret: adulterum ego putarem:  
 si quis hanc paulo liberius salutasset? diceret aliquis:  
 hæc igitur est tua disciplina? sic tu instituis adolescentes?  
 ob hanc causam tibi hunc puerum parens commenda-  
 uit? & tradidit: ut in amore, & uoluptatibus adolescen-  
 tiam suam collocaret? & hanc tu uitam, atque hæc stu-  
 dia defenderes? Ego si quis Iud. hoc robore animi, atque  
 hac indole uirtutis, ac continentiae fuit: ut respueret o-  
 mnis uoluptates: omnemque uitæ suæ cursum in labore  
 corporis, atque in animi contentione conficeret: quem  
 non quies, non remissio, non æqualium studia, non lu-  
 di, non conuiuia delectarent: nihil in uita expetendum  
 putaret: nisi quod esset cum laude & honore, & cum  
 dignitate coniunctum: hunc mea sententia diuinis qui-  
 busdam bonis instructum, atque ornatum puto. Ex hoc  
 genere illos fuisse arbitror Camillos, Fabricios, Curios,



omnesq; eos, qui hæc ex minimis tanta fecerunt. uerum hæc genera uirtutum non solum in moribus nostris: sed uix iam in libris reperiuntur. cartæ quoq; quæ illam pristinam seueritatem continebant: obsoluerunt: neq; solum apud nos, qui hanc sectam rationemq; uitæ, re magis, quàm uerbis secuti sumus: sed etiam apud Græcos doctissimos homines: quibus, cum facere non possent: loqui tamen, & scribere honeste, & magnifice licebat: alia quædam mutatis graciæ temporibus præcepta extiterunt. itaq; alij uoluptatis causa omnia sapientes facere dixerunt: neq; ab hac orationis turpitudine eruditi homines refugerunt. alij cum uoluptate dignitatem coniungendam putauerunt: ut res maxime inter se repugnantes dicendi facultate coniungerent. illud unum cum labore ad laudem directum iter qui probauerunt, propè iam soli in scholis sunt relictæ. multa enim nobis blandimenta natura ipsa genuit: quibus sopita uirtus conuinceret: & interdum multas uias adolescentiæ lubricas ostendit: quibus illa insistere, aut ingredi sine casu aliquo aut prolapsione uix posset: & multarum rerum iucundissimarum uarietatem dedit: qua non modo hæc ætas, sed etiam iam corroborata caperetur. quamobrem si quem forte inueneritis: qui aspernetur oculis pulchritudinem rerum: non odore ullo, non tactu, non sapore capiatur: excludat auribus omnem suauitatem: huic homini, ego fortasse, & pauci deos propitios, pleriq; autem iratos putabunt. Ergo hæc desertiua, & inculta, atq; interclusa iam frondibus, & uirgulis relinquatur. detur aliquid ætati: sit adolescentia liberior: non omnia uoluptatibus denegentur: non semper superet uera illa, & directa ratio: uincat aliquan-



PRO M.

do cupiditas uoluptasq; rationem: dummodo illa in hoc genere præscriptio, moderatioq; teneatur: parcat iuuetus pudiciæ suæ: ne spoliet alienam: ne effundat patrimonium: ne foenore trucidetur: ne incurrat in alterius damnum, atq; famam: ne probrum castis, labem integris, in famam bonis inferat: ne quem interimat: ne intersit in fidijs: scelere careat: postremo cum paruerit uoluptatibus: dederit aliquid temporis ad ludum ætatis, atq; ad inanis hæc adolescentiæ cupiditates: reuocet se aliquando ad curâ rei domesticæ, rei foræ, reipublicæ: ut ea, quæ ratione antea nõ pspexerat: sacietate abiecit, experiendo contempsisse uideatur. Ac multi, & nostra, & patrum, maiorumq; memoria Iud. summi & clarissimi ciues fuerunt: quorum cum adolescentiæ cupiditates deferbuissent: eximæ uirtutes, firmata iam ætate, exstiterunt. ex quibus neminem mihi necesse est nominare: uosmet uobiscum recordamini. nolo enim cuiusquam fortis atq; illustris uiri, ne minimum quidem erratum cum maxima laude coniungere. quod si facere uellem: multi à me summi, atq; ornatissimi uiri prædicarentur: quorum partim nimia libertas in adolescentia, partim profusa luxuries, magnitudo æris alieni, sumptus, libidines, nominarentur: quæ multis postea uirtutibus obtecta, adolescentiæ qui uellet excusatione defenderet. at uero in M. Cælio (dicam enim iam confidentius de studijs eius honestis: quædam audeo uestra quadam fretus sapientia libere confiteri) nulla luxuries reperietur: nulli sumptus: nullum æs alienum: nulla conuiuiorum ac lustrorum libido. quod quidem uicium uentris, & gutturis non modo non minuit ætas hominibus: sed etiâ auget. amores autem, & hæc, deliciæ quæ uocantur: quæ

firma  
esse: m  
hinc  
pro s  
caus  
tate  
p  
um  
non  
nisi m  
bonis  
Atq;  
atq; h  
homa  
dini d  
pia, in  
quid  
do, m  
cau  
que  
ria, i  
in hoc  
pater  
vivim  
seren  
dior  
aut  
Conj  
civim  
ptati  
petere



firmiore animo præditis diutius molestæ non solent  
 esse: mature enim & celeriter deflorescunt: nunquam  
 hunc occupatum impeditumq; tenuerunt. audistis cum  
 pro se diceret: audistis antea, cum accusaret: defendendi  
 causa hæc, non gloriandi loquor. genus orationis, facul-  
 tatem, copiam sententiarum, atq; uerborum, quæ uestra  
 prudentia est: perspexistis. atq; in eo non solum ingeni-  
 um elucere eius uidebatis: quod sæpe etiam, si industria  
 non alitur: ualet tamen ipsum suis uiribus: sed inerat,  
 nisi me propter beniuolentiam forte fallebat: oratio &  
 bonis artibus instituta, & cura & uigilijs elaborata.  
 Atq; scitote Iud. eas cupiditates, quæ obijciuntur Cælio:  
 atq; hæc studia, de quibus disputo: non facile in eodem  
 homine esse posse. fieri enim non potest, ut animus libi-  
 dini deditus, amore, desiderio, cupiditate, sæpe nimia co-  
 pia, inopia etiam nonnunquam impeditus: hoc, quic-  
 quid est, quod nos facimus in dicendo: non modo agen-  
 do, uerum etiam cogitando, possit sustinere. an uos aliã  
 causam esse ullam putatis? cur in tantis præmijs elo-  
 quentiæ, tanta uoluptate dicendi, tanta laude, tanta glo-  
 ria, tanto honore, tam sint pauci semperq; fuerint: qui  
 in hoc labore uersentur? omittendæ sunt omnes uolu-  
 ptates: relinquenda studia delectationis: ludus, iocus, con-  
 uiuium, sermo etiam penè omnium familiarium de-  
 ferendus. quæ res in hoc genere homines à labore stu-  
 dioq; dicendi deterret: non quo aut ingenia deficient,  
 aut doctrina puerilis. An hic, si sese isti uitæ dedisset:  
 Consularem hominem admodum adolescens in iudi-  
 cium uocauisset: hic si laborẽ fugeret: si obstrictus uolu-  
 ptatibus teneretur: in hac acie quotidie uersaretur? ap-  
 peteret inimicitias? in iudicium uocaret? subiret pericu-



lum capitis? ipso inspectante Populo Ro. tot menses aut de salute, aut de gloria dimicaret? nihil igitur illa uicinitas redolet? nihil hominum fama? nihil Baiæ deniq; ipsæ loquuntur? illæ uero non loquuntur solum: uerū etiam personant: huc unius mulieris libidinem esse pro lapsam: ut ea non modo solitudinem ac tenebras, atq; hæc flagitiorum tegumenta non quærat: sed in turpissimis rebus frequentissima celebritate, & clarissima luce lætetur. uerum, si quis est, qui etiam meretricijs amoribus interdictum iuuentuti putet: est ille quidem ualde seuerus: negare non possum: sed abhorret non modo ab huius sæculi licentia, uerum etiam a maiorum consuetudine atq; concessis. quando enim hoc non factum est? quando reprehensum? quando non permissum? quando deniq; fuit? ut quod licet: non liceret? hic ego rem iam definiam: mulierem nullam nominabo: tantum in medio relinquam. Si qua non nupta mulier domum suam patefaceret omnium cupiditati: palamq; sese in meretricia uita collocaret: uirorum alienissimorum cōuiuijs uti istitueret: si hoc in urbe, si in hortis, si in Baiarum illa celebritate faceret: si deniq; ita sese gereret, non incessu solum, sed ornatu, atq; comitatu, non flagrantia oculorum, non libertate sermonis, sed etiam complexu, osculatione, aquis, nauigatione, conuiuijs: ut non solum meretrix sed etiam prociæ uideatur: cum hac si quis adolescens forte fuerit: utrum hic tibi L. Herenni adulter, an amator? expugnare pudicitiam, an explere libidinem uoluisse uideatur? Obluiscor iam iniurias Clodia: depono memoriam doloris mei: quæ abs te crudeliter in meos me absente facta sunt, negligo: ne sint hæc in te dicta, quæ dixi: sed ex te ipsa requi-

ro: qu  
crimi  
huius  
lis, u  
scen  
aut  
ma  
esse  
sam  
nam  
tius e  
gram  
quoni  
uidet  
diter  
mora  
diter  
pare  
tis:  
nus  
mag  
us de  
sele  
rime  
ad r  
dixi  
uim  
tu na  
tis: ca  
quer  
ctissim



ro: quoniam & crimen accusatores abs te, & testem eius criminis teipsam dicunt se habere: si qua mulier sit huiusmodi: qualē ego paulo ante descripsi: tui dissimilis, uita institutoq; meretricio: cum hac aliquid adolescentem hominem habuisse rationis: num tibi perturpe aut flagitiosum esse uideatur? ea si tu non es: sicut ego malo: quid est: quod obijciunt Caelio? sin eam te uolunt esse. quid est cur nos crimen hoc, si tu contemnis: pertimescimus? quare nobis da uiam, rationemq; defensionis. nam aut pudor tuus defendet nihil a' M. Caelio petulantius esse factum. aut impudentia & huic et ceteris magnam ad se defendendum facultatem dabit. Sed quoniam emeruisse iam ē uadis, & scopulos præteruecta uidetur oratio mea: perfacilis mihi reliquus cursus ostenditur. duo sunt enim crimina una in muliere summorum facinorum: auri, quod sumptum a' Clodia dicitur: & ueneni, quod eiusdem Clodiae necandæ causa parasse Caelium criminantur. aurum sumpsit ut dicitis: quod L. Luceij seruis daret: per quos Alexandrinus Dio, qui tum apud Luceium habitabat: necaretur. magnum crimen uel in Legatis insidiandis, uel in seruis ad hospitem domi necandum solliatandis: plenum sceleris consilium: plenum audaciæ. quo quidem in crimine primum illud requiram. dixerit ne Clodiae quam ad rem aurum tum sumeret? an non dixerit? si non dixit: cur dedit? si dixit: eodem conscientiae scelere se deuinxit. tu ne aurum ex armario tuo: promere ausa es? tu ne uenerē illam tuā spoliatricem spoliare ornamento? ceterum cum scires quantum ad facinus aurū hoc quaereretur: ad necem. scilicet Legati, ad L. Luceij sanctissimi hominis atq; integerrimi labem sceleris sempi-



terni: huic facinori tanto tua mens liberalis conscia, tua  
domus popularis ministra, tua deniq; hospitalis illa ue-  
nus adiutrix esse non debuit. uidit hoc Balbus: facino-  
ris tantum celatam esse Clodiam dixit: atq; ita Caelium  
ad illam attulisse: se ad ornatum ludorum aurum qua-  
rere. Si tam familiaris erat Clodia: quam tu esse uis: cu-  
de libidine eius tam multa dicis: dixit profecto quo uel-  
let aurum. si tam familiaris non erat: non dedit: ita si  
uerum tibi Caelius dixit: O' immoderata mulier: sci-  
ens tu aurum ad facinus dedisti? si non est ausus dicere:  
non dedisti. Quid ego nunc argumentis huic crimini,  
quæ sunt innumerabilia: resistam? possum dicere mo-  
res M. Cælij longissime a' tanti sceleris atrocitate esse dis-  
iunctos: minime esse credendum homini tam ingenio-  
so, tamq; prudenti, nō uenisse in mentem rē tanti scele-  
ris ignotis alienisq; seruis non esse credendam. possum  
etiam illa, & cæterorum patronorum, & mea consue-  
tutine ab accusatore perquirere. ubi sit congressus cum  
seruis Luceij Cælius? qui ei fuerit aditus? si per se: qua  
temeritate? si per alium: per quem? possum omnes late-  
bras suspicionum peragraré dicendo: non causa, non lo-  
cus, non facultas, non conscius, non p̄ficiendi, nō ocul-  
tandi maleficij spes, non ratio ulla, non uestigium ma-  
ximi facinoris reperiatur. sed hæc quæ sunt oratoris  
propria: quæ mihi non propter ingenium meū, sed pro-  
pter hanc exercitationem, usumq; dicendi fructum ali-  
quem ferre potuissent: cum a' meipso laborata proferri  
uideretur: breuitatis causa relinquo omnia. habeo enim  
Iudices, quem uos socium uestræ religionis, iurisq; in-  
randi facile esse patiemini: L. Luceium grauissimum  
hominem, & sanctissimum, testem: qui tantum facinus  
in famam

in fam  
a cel  
hum  
na, illi  
dia d  
num  
rare  
set d  
aggr  
be ac  
cuius  
dinus in  
tare:  
religion  
ter test  
ei. Q  
tatis i  
hec est  
ma n  
in re  
citer:  
testis, n  
ex mu  
bidino  
isto ne  
nis: ex  
auctor  
natur:  
men: an  
monium  
men de



in famam atq; fortunas suas. neq; non audisset illatum  
 à Caelio: neq; neglexisset: neq; tulisset. An ille uir illa  
 humanitate præditus, illis studijs, artibus, atq; doctri-  
 na, illius ipsius periculum, quem propter hæc ipsa stu-  
 dia diligebat: negligere potuisset? et quod facinus in alie-  
 num hominem illatum seuerè acciperet: id omisisset cu-  
 rare in hospite? quod per ignotos actum cum comperis-  
 set doleret: id à suis tentatum esse negligeret? quod in  
 agris locisue publicis factum reprehenderet: id in ur-  
 be ac suæ domi coeptum esse leuiter ferret? quod in ali-  
 cuius a gressus periculo non post mitteret: id homo eru-  
 ditus in insidijs doctissimi hominis dissimulandum pu-  
 taret? sed cur diutius uos Iudices teneo? ipsius iurati  
 religionem auctoritatemq; percapite: atq; omnia diligen-  
 ter testimonij uerba cognoscite. Recita testimonium Lu-  
 cei. Quid expectatis amplius? an aliquam uocem pu-  
 tatis ipsam causam pro se & ueritatem posse mittere?  
 hæc est innocentiae defensio: hæc ipsius causæ oratio: hæc  
 una uox ueritatis. in crimine ipso nulla suspicio est: &  
 in re nihil est argumenti: in negotio, quod actum esse di-  
 citur: nullum uestigium sermonis, loci, temporis: nemo  
 testis, nemo conscius nominatur: totum crimen profertur  
 ex mimæ, ex infamæ, ex crudeli, ex facinorosa, ex li-  
 bidinosa domo: domus autem illa, quæ tentata scelere  
 isto nefario dicitur: plena est integritatis, officij, religio-  
 nis: ex qua domo recitatur uobis iureiurando deuincta  
 auctoritas: ut res minime dubitanda in contentione po-  
 natur: utrū temeraria, prociæ irata mulier finxisse cri-  
 men: an grauis, sapiens, moderatusq; uir religiose testi-  
 monium dixisse uideatur. Reliquum est igitur cri-  
 men de ueneno. cuius ego neq; principiū inuenire: neq;



euoluere exitum possum. quæ fuit enim causa, quâ obrẽ  
 isti mulieri uenenum uellet dare Cælius? ne aurũ red-  
 deret? num petiuit? ne crimen hæreret? nunquis obiecit?  
 nunquis deniq; fecisset mentionem? si hic nemini nomẽ  
 detulisset? quin etiam Herennium dicere audistis, uer-  
 bo se molestum non fuisse futurum Cælio: nisi iterum  
 eadem de re suo familiari absoluto nomen hic detulisset.  
 credibile est igitur tantum facinus, ob nullam cau-  
 sam esse commissum? Et uos non uidetis fingi sceleris  
 maximi crimen: ut alterius causa sceleris suscipiendi  
 fuisse uideatur? cui denique commisit? quo adiutore usus  
 est? quo socio? quo conscio? cui tantum facinus? cui se? cui  
 salutem suam credidit? seruis ne mulieris? sic enim obie-  
 ctum est. et erat tam demens hic: cui iam uos ingenuum  
 certe tribuitis: etiam si cætera inimica oratione detra-  
 hitis: ut omnis suas fortunas alienis seruis committeret?  
 at quibus seruis? refert enim magnopere id ipsum. his  
 ne, quos intelligebat non communi conditione seruitutis  
 uti: sed licentius, liberius, familiarius cum domina ui-  
 uere? quis enim hoc nõ uidet Iudices? aut quis hoc igno-  
 rat: in eiusmodi domo, in qua materfamilias meretricio  
 more uiuat: in qua nihil geratur, quod foras proferendũ  
 sit: in qua lustra, libidines, luxuries, omnia deniq; inau-  
 dita uicia, atq; flagitia uersentur: hic seruos nõ esse ser-  
 uos: quibus omnia committantur: per quos gerantur: qui  
 uersentur ysdem in uoluptatibus: quibus occulta credan-  
 tur: ad quos aliquantum etiam ex quotidianis sumpti-  
 bus ac luxuria redundet. Id igitur Cælius non uide-  
 bat? si enim tam familiaris erat mulieris: q̃ uos multis:  
 stos quoq; seruos familiares esse dominæ sciebat. sin ei  
 tanta consuetudo, quanta à uobis inducitur: non erat:

que ca  
 tem uer  
 admodu  
 tum? ha  
 seruo q  
 teritu, es  
 mortales  
 mis, aut a  
 referuati  
 acerbissim  
 e seru, grem  
 hanc imperi  
 rostris, in R. e  
 bitu, maxim  
 mibus, atq; u  
 moriens, cam  
 esset: exire m  
 batt: cam me  
 morientib  
 quanta tem  
 qui cum Q  
 lum, sepe m  
 se emori, qu  
 etiam me dolo  
 penam sceler  
 ni suo patri  
 quietem fier  
 rum, audien  
 gressa ista  
 non ne ip  
 parietes cor



*quæ cum seruis potuit familiaritas tanta esse? ipsius au-*  
*tem ueneni quæ ratio fingitur? ubi quæsitum est? quem-*  
*admodum paratum? quo pacto? cui? quo in loco tradi-*  
*tum? habuisse aiunt domi: uimq; eius esse expertum in*  
*seruo quodam ad rem ipsam parato. cuius perceleri in-*  
*teritu, esset ab hoc comprobatum uenenum. Pro' dij im-*  
*mortales, cur interdum in hominum sceleribus maxi-*  
*mus, aut conuictis? aut præsentis fraudis pœnas in diē*  
*reseruatis? uidi enim, uidi, & illum hausī dolorem uel*  
*acerbissimum in uita: cum Q. Metellus abstraheretur*  
*ē sinu, gremioq; patriæ: cumq; ille uir, qui se natum*  
*huic imperio putauit: tertio die, postquam in Curia, in*  
*rostris, in Rep. floruisset: integerrima ætate, optimo ha-*  
*bitu, maximis uiribus eriperetur indignissime bonis o-*  
*mnibus, atq; uniuersæ ciuitati. quo quidem tempore ille*  
*moriens, cum iam cæteris ex partibus oppressa mens*  
*esset: extremum sensum ad memoriam Reip. reserua-*  
*bat: cum me intue's flentem significabat interruptis, atq;*  
*morientibus uocibus, quanta impenderet procella urbi:*  
*quanta tempestas ciuitati: cum parietem sæpe feriēs eū,*  
*qui cum Q. Catulo fuerat ei communis: crebro Catu-*  
*lum, sæpe me, sæpissime Remp. nominabat: ut non tā*  
*se emori, quā spoliari suo præsidio cum patriam, tum*  
*etiam me doleret. quem quidem uirum si nulla uis re-*  
*pentini sceleris sustulisset: quo nam modo ille furēti fra-*  
*tri suo patriuelli Consulari restitisset: qui Consulem in-*  
*cipientem furere atq; conantem sua se manu interfectu-*  
*rum, audiente Senatu dixerit? Ex hac igitur domo pro-*  
*gressa ista mulier de ueneni celeritate dicere audebit?*  
*non ne ipsam domum metuet: nequam uocem eliciat? nō*  
*parietes conscios, nō noctem illam funestam ac luctuo-*



sam perhorrescet? Sed reuertar ad crimē. Sed enim hæc facta illius clarissimi ac fortissimi uiri mentio, & uocem meam fletu debilitauit: & mentem dolore impediuit. sed tamen uenenum unde fuerit: quemadmodum paratum sit: non dicitur. datum esse hoc aiunt P. Licianio prudenti adolescenti, & bono, Cælij familiari: constitutum esse cum seruis: ut uenirent ad balneas Xenias: eodem Licianium esse uenturum: atq; ijs ueneni pyxidem traditurum. Hic primum illud requiro: quid attinuerit illud ferri in eum locum constitutum? cur illi nō ad Cælium domum uenerint? si manebat tanta illa consuetudo Cælij cum Clodia: tantaq; familiaritas: quid suspicionis esset? si apud Cælium mulieris seruus uisus esset? Sin autem iam suberat similitudo: extincta erat consuetudo: dissidium extiterat: hinc illæ lachrymæ nimirum: & hæc causa est horum omnium scelerum, atq; criminum. Immo inquit cum serui ad dominam rem istam et maleficium Cælij detulissent: mulier ingeniosa præcepit suis: ut omnia Cælio pollicerentur. sed ut uenenum cum a Licianio traderetur manifesto comprehendi posset: constitui locum iussit balneas Xenias: ut eo mitteret amicos: qui delitescerent. deinde repente, cum uenisset Licianus: uenenum traderet: profilirēt: hominemq; comprehenderent. Quæ quidem omnia Iudices perfacilem rationem habent reprehendendi. cur enim balneas publicas potissimum constituerat? in quibus non inuenio quæ latebra togatis hominibus esse possit. nā si essent in uestibulo balnearū: non laterent: sin se in intimum conjicere uellent: nec satis commode calceati & uestiti id facere possent: & fortasse non reciperentur. nisi forte mulier potens quadrantaria illa permutatione familia-





ris facta erat balneatori. Atq; equidem uehementer ex-  
 pectabam, quinam isti uiri boni testes huius manifesto  
 deprehenſi ueneni dicerentur. nulli enim ſunt adhuc no-  
 minati. ſed non dubito quin ſint per graues: qui primū  
 ſint talis foeminae familiares: deinde eam prouinciam  
 ſuſceperint: ut in balneas contruderentur: quod illa niſi  
 a uiris honeſtiſſimis ac pleniffimis dignitatis, quā ue-  
 lit ſit potens: nunquam impetrauiſſet. Sed quid ego de  
 dignitate iſtorum teſtium loquor? uirtutem eorum di-  
 ligentiamq; cognoscite: in balneis delituerūt. teſtis egre-  
 gios. deinde temere proſilierunt. homines grauitati de-  
 ditos. ſic enim fingunt: cum Licinius ueniſſet: pyxidem  
 teneret in manu: conaretur tradere: nondum tradidiſ-  
 ſet: tum repente euolaſſe iſtos præclaros teſtes ſine nomi-  
 ne. Licinium autem cum iam manum ad tradendū py-  
 xidem porrexiſſet: retraxiſſe: atq; illo repentino hominū  
 impetu ſe in fugam coneciſſe. O' magna uis ueritatis:  
 quæ contra hominū ingenia, caliditatem, ſolertiam, con-  
 traq; fictas omnium inſidias, facile ſe per ſe ipſam de-  
 fendat. uerum hæc tota fabella uetus, & plurimarum  
 fabularum poetria, quā eſt ſine argumento? quā nul-  
 lum inuenire exitum poteſt? quid enim iſti tot uiri? nā  
 neceſſe eſt fuiſſe non paucos: ut & comprehendi Lici-  
 nius facile poſſet: & res multorum eſſet oculis teſtator.  
 cur Licinium de manibus amiſerunt? qui minus enim  
 Licinius comprehendi potuit: cum ſe retraxit: ne pyxi-  
 dem traderet: quā ſi non retraxiſſet? erant enim il-  
 li poſiti, ut comprehenderent Licinium: ut maniſeſto Li-  
 cinius teneretur, aut cum retineret uenenu: aut cum tra-  
 didiſſet. hoc fuit totum conſilium mulieris: hæc iſtorum  
 prouincia, qui rogati ſunt. quos quidem tu quamobrem



temere prosiluisse dicat, atq; ante tempus, non inuenio-  
fuerant hoc rogati: fuerant ad hanc rem collocati: ut  
uenenum, ut insidiæ, facinus deniq; ipsum ut manifesto  
comprehenderetur. potuerunt ne meliori tempore prosi-  
lire? quàm cum Licinius uenisset? cum in manu tene-  
ret ueneni pyxidem? quæ si cum iam erat tradita ser-  
uis: enasissent subito ex balneis mulieris amici: Licini-  
umq; comprehendissent. imploraret hominum fidem:  
atq; à se illam pyxidem traditam pernegaret. quem  
quomodo illi reprehenderent? uidisse se dicerent? primū  
ad se reuocarent maximi facinoris crimen. deinde id  
se uidisse dicerent: qđ quo loco collocati fuissent: non po-  
tuisent uidere. tempore igitur ipso se ostenderunt: cum  
Licinius uenisset: pyxidem expediret: manum porrige-  
ret: uenenum traderet. nimis ergo est etiam exitus, non  
fabulæ: in quo cū clausula non inuenitur: fugit aliquis  
è manibus: deinde scabella concrepant: auleum tolli-  
tur. quæro enim cur Licinium titubantem, hæsitantem,  
cædentem, fugere conantem, mulieraria manus ista de  
manibus emisserit? cur non comprehenderint? cur non  
ipsius confessionem multorum oculis, facinoris deniq; uo-  
ce tanti sceleris crimen expresserint? an timebant, ne tot  
unum, ualentes imbecillum, alacres perterritum supe-  
rare non possent? nullum argumentum in re: nulla su-  
spicio in causa: nullus exitus criminis reperietur. Itaq;  
hæc causa ab argumentis, à coniectura, ab ijs signis, q-  
bus ueritas illustrari solet: ad testes tota traducta est.  
quos quidem ego testes Iud. non modo sine ullo timore,  
sed etiam cum aliqua spe delectationis expecto. præ-  
gestit animus iam uidere, primū lautos iuuenes mulieris  
beatæ ac nobilis familiares: deinde fortis uiros ab im-

peratrice  
m. ex qua  
ubi aluerat  
inuitos u  
xerit: illu  
hunc et  
aut statim  
sint: qui se  
serint: ex pla  
citer, non ma  
firi uis est: a  
lectorum: mo  
ctus: lux den  
Quamobrem  
mnes incepta  
uent aliam op  
rebus ostente  
stare: domine  
capiti uero in  
uilli de cog  
hominum je  
nietus: quod  
simorum uir  
tur. Sed scire  
missim qua  
stio subleua  
causa præ  
non place  
latam, se d  
myramen  
bula conse



peratrice in insidijs, atq; in præsidio balnearum locatos. ex quibus requiram quonammodo latuerint? aut ubi? alveus ne ille, an equus Troianus fuerit? qui tot inuictos viros muliebri bellum gerentes tulerit: ac texerit? illud uero respondere cogam: cur tot viri ac tales, hunc & unum & tam imbecillum, quàm uidetis: non aut stantem comprehenderint: aut fugientem consecuti sint? qui se nunquam profecto si istum in locum processerint: explicabunt. quàm uolent in conuiuijs faceti, dicaces, nonnunquam etiam aduinum disertum sint: alia fori uis est: alia triclinij: alia subselliorum ratio: alia lectorum: non idem iudicium, comessatorumq; conspectus: lux deniq; longe alia est solis, & lychnorum. Quamobrem excutiemus omnes istorum delitias, omnes ineptias, si prodierint. sed si me audiant: nauent aliam operam: aliam ineant gratiam: in alijs se rebus ostentent: uigeant apud istam mulierem uenustate: dominantur sumptibus: hæreant: iaceant: seruiant: capiti uero innocentis, & fortunis parcant. adsunt serui illi de cognatorum nobilissimorum, & clarissimorum hominum sententia manumissi. tandē aliquid inueniemus: quod ista mulier de suorum propinquorum fortissimorum uirorum sententia atq; authoritate fecisse dicatur. Sed scire cupio quid habeat argumenti ista manumisso: in qua aut crimen est Caelio quæsitum: aut quæstio subleuata: aut multarum rerum conscijs seruis cum causa præmiū persolutum. At propinquis placuit. cur non placeret? cum rem tute ad eos non ab alijs tibi allatam, sed à te ipsa compertam deferre diceres? hic est miramur si illam commenticiā pyxidē obscenissima sit fabula consecuta. nihil est: quod in eiusmodi mulierē nō



cadere uideatur. audita & peruulgata ei per celebra-  
ta sermonibus res est. percipitis animus Iud. iam dudum  
quid uelim, uel potius quid nolim dicere. quod etiam  
si est factum: certe à Caelio non est factum. quid enim  
attinebat? est enim ab aliquo fortasse adolescente non  
tam insulso, quam non uerecundo. sin autem est fictum:  
non illud quidem modestum, sed tamen non est infa-  
cerum mendacium. quod profecto nunquam hominum  
sermo, atq; opinio comprobasset: nisi omnia, quæ cum tur-  
pitudine aliqua dicerentur: in istam quadrare apte ui-  
derentur. dicta est à me causa Iud. et perorata. iam  
intelligitis quantum iudiciū sustineatis: quanta res sit  
commissa uobis. de ui queritis. quæ lex ad Imperium,  
ad maiestatem, ad statum patriæ, ad salutem omnium  
pertinet: quam legem Q. Catulus armata dissensione ci-  
uiū Reip. penè extremis temporibus tulit: quæ lex se-  
data illa flamma Consulatus mei, fumantis reliquias  
coniurationis extinxit: hac lege Cælij adolescentia non  
ad Reip. pœnas, sed ad mulieris libidines & delicias  
deposcitur. Atq; hoc est loco M. Camurti et Ceserni dāna-  
tio prædicatur. O' stulticiā, stulticiā ne dicam, an im-  
pudentiam singularem? audetis ne, cum ab ea muliere  
ueniatis: facere istorum hominum mentionem? audetis  
ne excitare tanti flagitij memoriam? non extinctam il-  
lam quidem, sed repressam uetustate? quo enim illi crē-  
mine peccatoq; perierunt? nempe, quod eiusdem mulie-  
ris dolorem & iniuriam Vectiano nefario sunt stupro  
persecuti. ergo ut audiretur Vectij nomen in causa: ut  
illa uetus Afrania fabula reficaretur: itaq; Camur-  
ti, & Ceserni est causa renouata? qui quanquam Lege  
de ui certe non tenebantur: eo maleficio tamen erant



implicati: ut ex nullius legis laqueis emittendi uideren-  
 tur. M. uero Caelius cur in hoc iudicium uocatur: cui  
 neq; proprium quæstionis crimen obijcitur: nec uero ali-  
 quid eiusmodi: quod sit a lege seiunctum: & cum ue-  
 stra seueritate coniunctum. cuius prima ætas dedita  
 disciplinis fuit, ysq; artibus, quibus instruimur ad huc  
 usum forensem, ad capeffendam rempublicam, ad hono-  
 rem, gloriam, dignitatem. His autem fuit amicitijs ma-  
 iorum natu: quorum imitari industriam continentiaq;  
 maxime uelit: his æqualium studijs: ut eundem, quem  
 optimi ac nobilissimi, petere cursum laudis uideretur.  
 cum autem paulum iam roboris accessisset ætati: in  
 Africam profectus est, Q. Pópeio proconsuli contuber-  
 nalis castissimo uiro atq; omnis officij diligentissimo: in  
 qua prouincia cum res erant, & possessiones paternæ:  
 tum etiam usus quidam prouincialis, non sine causa a  
 maioribus huic ætati tributus. discessit illinc Pompei  
 iudicio probatissimus: ut ipsius testimonio cognoscetis. uo-  
 luit uetere instituto, eorum adolescentium exemplo, qui  
 post in ciuitate summi uiri, & clarissimi ciues extite-  
 runt: industriam suam a Populo Ro. ex aliqua illustri  
 accusatione cognosci. uellem alio potius eum cupiditas  
 gloriæ detulisset: sed habuit hoc tempus querelæ. accusa-  
 uit C. Antonium Collegam meum: cui misero præcla-  
 ri in Remp. beneficij memoria nihil profuit: nocuit opẽ  
 nio maleficij cogitati. postea nemini concessit æqualium,  
 plus ut in foro, plus ut in negocijs uersaretur, causisq;  
 amicorum: plus ut ualeret inter suos gratia. quæ nisi  
 uigilantes homines, nisi sobrij, nisi industrij consequi nõ  
 possunt: omnia labore & diligentia est consecutus. In  
 hoc flexu quasi ætatis, nihil enim occultabo fretus huma-



PRO M.

nitate ac sapientia uestra: fama adolescentis paulum  
hæsit ad metas, noticia noua mulieris, & infelici uici-  
nitate, & insolentia uoluptatum. quæ cum inclusæ diu-  
tius, & prima ætate compressæ, & constrictæ fuerunt:  
subito se nonnunquam profundunt: atq; eiciuntur uni-  
uersæ. quæ ex uita, uel dictam quo ex sermone, nequa-  
quam enim tantum erat: quantum homines loqueban-  
tur: uerum ex eo, quicquid erat: emerfit: totumq; se eie-  
cit: atq; extulit: tantumq; abest ab illius familiaritatis in-  
fama: ut eiusdem nunc ab sese inimicitias odiumq; pro-  
pulset. atq; ut iste interpositus sermo deliciarum, desi-  
diæq; moreretur: fecit me mehercule inuito & multum  
repugnante, sed tamen fecit: nomen amica mei de ambitu  
detulit. quem absolutum insequitur: reuocat: nemini no-  
strum obtemperat: est uiolentior quàm uellem. sed ego  
non loquor de sapientia: quæ non cadit in hanc ætatem:  
de impetu animi loquor, de cupiditate uincendi, de ar-  
dore mentis ad gloriam. quæ studia iam in his æta-  
tibus nostris contractiora esse debeant: in adolescentia  
uero, tanquam in herbis, significant quæ uirtutis matu-  
ritas, et quætæ fruges industriæ sint futuræ. etenim sem-  
per magno ingenio adolescentes refrenâdi potius à glo-  
ria, q̃ incitandi fuerūt. amputanda plura sunt illi æta-  
ti: siquidem efflorescit ingenij laudibus: quàm inseren-  
da. quare si cui nimium efferbuisse uidetur huius uel in-  
suscipiendis, uel in gerendis inimicitijs uis, ferocitas, per-  
tinacia: si quem etiam minorum horum aliquid offen-  
dit: si purpuræ genus, si amicorum cæteruæ, si splendor,  
si nitor: iam ista deseruerit: iam ætas omnia, iam res,  
iam dies mitigarit. Conseruate igitur reip. Iud. ciuem  
bonarum artium, bonarum partium, bonorum uiro-

rum. pro  
ipso Reip.  
mibus se  
ritate pro  
iam obli  
rem, quo  
nocentia  
ambitu  
ipse impu  
re. Iud. d  
guora uol  
ne qua in  
na sit: quæ  
nidit: qui  
memoria  
sine re. sine  
qua, maru  
mentum aff  
dit: qui in  
dem & in  
te ne patia  
calium lib  
lier cum suo  
eriquisse. &  
deatur. quo  
ritus: consi  
senectute  
quiescit: h  
plicem ue  
non tam  
reardati



rum. promitto hoc uobis: & Reip. spondeo: si modo nos  
ipsi Reip. satisfacimus: nunquam hunc à nostris ratio-  
nibus seiunctum fore. quod cum fretus nostra familia-  
ritate promitto: tum quod durissimus se ipse legibus  
iam obligarit. neq; enim potest qui hominem consula-  
rem, quod ab eo Remp. uiolatam diceret: in iudicium  
uocari: ipse in Rep. ciuis esse turbulentus. non potest, quē  
ambitu ne absolutum quidem patitur esse absolutum:  
ipse impune unquam esse largitor. habet à M. Caelio  
Resp. Iud. duas accusationes uel obsides periculi, uel pē-  
gnora uoluntatis. Quare obtestor, oroq; uos Iudices:  
ut qua in ciuitate paucis diebus his Sex. Clodius absolu-  
tus sit: quē per bienniu aut ministrū seditionis, aut ducē  
uidistis: qui aedes sacras, qui censum Populi romani, qui  
memoriam publicam, suis manibus incendit: hominem  
sine re, sine fide, sine spe, sine sede, sine fortunis, ore, lin-  
gua, manu, uita omni inquinatum: qui Catuli monu-  
mentum affixit: meam domum diruit: mei fratris incen-  
dit: qui in palatio atq; in urbis oculis seruitia ad cē-  
dem & inflammandam urbem incitauit: in ea ciuita-  
te ne patiamini illum absolutum muliebri gratia, M.  
Caelium libidini mulieris condonatum: ne eadem mu-  
lier cum suo coniuge, & fratre, turpissimum latronem  
eripuisse, & honestissimum adolescentem oppressisse uī-  
deatur. quod cum huius uobis adolescentiam proposue-  
ritis: consueti uobis ante oculos huius etiam miseri  
senectutem: qui hoc unico filio nutitur: in huius spe re-  
quiescit: huius unius casum pertimescit: quem uos sup-  
plicem uestre misericordiae, seruum potestatis, abiectum  
non tam ad pedes, quàm ad mores sensusq; uestros, uel  
re cordatione parentum uestrorum, uel liberorum in-



PRO M. CAELIO.

canditate sustentate: ut in alterius dolore uel pietati,  
uel indulgentiæ uestræ seruiatis. nolite Iudices, aut  
hunc natura ipsa occidentem uelle maturius extinguere  
uulnere uestro, quam suo fato: aut hunc nunc primum  
florescentem firmata iam stirpe uirtutis, tanquam tur-  
bine aliquo aut subita tempestate peruertere. conserva-  
te parenti filium: parentem filio: ne aut senectutem pro-  
pè desperatam contempsisse, aut adolescentiam plenam  
spei maximæ, non modo uos non aluisse: sed etiam per-  
culisse, atq; afflixisse uideamini. quem si uobis, si suis,  
si Reip. seruatis: addictum, deditum, obstrictum uo-  
bis, ac liberis uestris habebitis: omniumq; huius neruo-  
rum, ac laborum uos potissimum Iud. fructus uberes,  
diuturnosq; capietis.

eijs cum L.  
et: que su  
quantum uo  
minime uola  
fessis, hunc  
debeam, alio  
pono, me om  
gnitatis, si m  
nerim, ad  
facturum.  
uitas in di  
nitione tacite  
ratione deci  
quod mihi a  
meria, de ma  
faderibus: mi  
de re, graui  
et crimina  
lud esse: qu  
dediti qua  
qui omnes  
omnia que  
L. Crasso



PRO L. CORNELIO BALBO.  
ORATIO XXXVI.

I auctoritates patronorum in iudicijs  
ualerent: ab amplissimis uiris L. Cor-  
nelij causa defensa est: si usus: a peritis-  
simis: si ingenia: ab eloquentissimis: si  
studia: ab amicissimis, & cum benefi-  
cijs cum L. Cornelio, tum maxima familiaritate coniun-  
ctis. quæ sunt igitur meæ partes? auctoritatis tantæ,  
quantam uos in me esse uoluistis: usus mediocris: ingenij  
minime uoluntati paris. nam cæteris, a quibus est de-  
fensus, hunc debere plurimum uideo. ego quantum ei  
debeam, alio loco ostendam. Principio orationis hoc op-  
pono, me omnibus qui amici fuerint saluti meæ, & di-  
gnitati, si minus ad referendam gratiam satisfacere po-  
tuerim, ad prædicandam & habendam certe satis esse  
facturum. Quæ fuerit hesterno die Cn. Pompei gra-  
uitas in dicendo Iud. quæ facultas, quæ copia, non opi-  
nione tacita uestrorum animorum, sed perspicua admi-  
ratione declarari uidebatur. nihil enim unquã audiui:  
quod mihi de iure subtilius dici uideretur: nihil de me-  
moria, de more, de exemplis acutius: nihil peritius de  
fœderibus: nihil illustriore auctoritate, de bellis: nihil  
de rep. grauius: nihil de ipso modestius: nihil de causa  
& crimine ornatus. ut mihi iam uerum uideatur il-  
lud esse: quod nonnulli literati ac studijs doctrinisq;  
dediti quasi quiddã incredibile dicere putabãtur: eũ,  
qui omnes animo uirtutes penitus comprehendisset: o-  
mnia quæ facere uellet, facillime tractare. quæ enim in  
L. Crasso potuit homine nato ad dicendi singularem



PRO L.

quandam facultatem, si hanc causam ageret, maior esse  
ubertas, uarietas, copia? quàm fuit in eo: qui tantum  
potuit impertire huic studio temporis: quantum ipse à  
puericia usq; ad hanc ætatem à continuis bellis & ui-  
ctorijs conquieuit? quo mihi difficilior est hic extremus  
perorandi locus. & enim ei succedo orationi: quæ non  
præteruecta sit aures uestras: sed in animis omnium pe-  
nitus infederit: ut plus uoluptatis ex recordatione illius  
orationis, quàm non modo ex mea, sed ex cuiusquam  
oratione capere possitis. sed mos est gerendus non modo  
Cornelio: cuius ego uoluntati in eius periculo nullo mo-  
do deesse possum: sed etiam Cn. Pompeio: qui sui facti,  
sui iudicij, sui beneficij, uoluit me esse, ut apud eosdem  
uos Iudices nuper in alia causa fuerim: et prædicato-  
rem, et auihorem. Ac mihi quidem hoc dignum eo  
uidetur: hoc deberi huius excellentis uiri præstantissi-  
mæ gloriæ: hoc proprium esse uestri officij: hoc satis  
esse causæ: ut quod fecisse Cn. Pompeium constet: id oēs  
& licuisse concedant. nam uerius nihil est: quàm quod  
hesterno die dixit ipse: ita L. Cornelium de fortunis o-  
mnibus dimicare: ut nullius in delicti crimen uocare-  
tur. non enim furatus esse ciuitatem, non genus suum  
ementitus, non aliquo impudeti mendacio delituisse: nõ  
irrepsisse in censum dicitur. unum obijatur: natum esse  
Gadibus: quod negat nemo. cæterum accusator fatetur,  
huc in hispania durissimo bello cum Q. Metello, cum  
C. Memmio, & in classe, & in exeratu fuisse: & ut  
Pompeius in hispaniam uenerit: Memmumq; habere  
Quæstorem coeperit: nunquam à Memmio discessisse:  
Carthaginem esse profectum: acerrimis illis prælijs et  
maximis Sucronensi & Durenfi interfuisse: cum Pom-



peio ad extremum belli tempus fuisse. hæc sunt prælia Cornelij: talis in Remp. nostram labor, assiduitas, dimicatio. uirtus digna summo imperatore: spes pro periculis præmiorum. præmia quidem ipsa non sunt in eius facto, q̄ adeptus est: sed in eius, qui dedit. Donatus igitur est ob eas causas à Cn. Pompeio ciuitate. id accusator non negat. sed reprehendit: ut in Cornelio causa ipsius probetur: poena quaeratur. in Pompeio causa lædatur: poena sit nulla. sic famam, sic innocentissimi hominis fortunas, præstantissimi imperatoris factum condemnari uolunt. ergo in iudicium caput Cornelij, factum Pompeij uocatur. hunc enim in ea ciuitate, in qua sit natus: honestissimo loco natum esse concedis: et ab ineunte ætate relictis rebus suis omnibus in nostris bellis, nostris cum imperatoribus esse uersatum: nullius laboris, nullius obsessionis, nullius prælij expertem fuisse. hæc sunt omnia cum plena laudis, tum propria Cornelij: nec in his rebus crimen est ullum. ubi igitur est crimen? quod eum Pompeius ciuitate donauit. huiusce crimen? minime. nisi honos in ignominia putanda est. cuius igitur? re uera nullius. actione accusatoris eius unius, qui donauit. qui si adductus gratia minus idoneum hominem præmio affecisset: qui etiam si uirum bonum, sed non ita meritum, si denique aliquid quod non contra ac liceret factum diceretur: sed contra atq; oporteret: tñ esset omnis eius reprehensio à uobis Iudices repudianda. Nūc uero qd dicitur? qd ait accusator fecisse Pompeium? quod ei facere non licuerit. quod grauius est: quàm si id factum ab eo diceret: quod non oportuisset. est enim aliquid: quod non oporteat, etiam si licet: quicquid uero non licet: certe non oportet.



et. Hic ego nunc coner sic agere Iudices: non esse fas dubitari: quin quod Cn. Pompeiū fecisse constitit: id non solum decessisse, sed etiam debuisse fateamur. Quid enim abest huic homini: quod si adesset, iure hoc tribui et concedi putaremus? usus ne rerum? qui puericiæ tempus extremum principium habuit bellorum atque imperiorum maximorum: cuius plerique æquales minus sepe castra uiderunt: quam hic triumphauit: qui tot habet triumphos: quot oræ sunt partesque terrarum: tot uictorias bellicas: quot sunt in rerum natura genera bellorum. An ingenium? cum etiam ipse casus euentusque rerum, non duces, sed comites eius consiliorum fuerint: in quo uno ita summa fortuna cum summa uirtute certauit: ut omnium iudicio plusquam decet, tribueretur. An pudor? an integritas? an religio in eo? an diligentia unquam requisita est? quem prouinciæ nostræ, quem liberi populi, quem reges, quem extræ gentes, castiorem, moderatiorem, sanctiorem, non modo uiderunt: sed aut sperando unquam, aut optando cogitauerunt? Quid dicam de authoritate? quæ tanta est: quanta in his tantis uirtutibus ac laudibus esse debet. cui S. P. Q. R. amplissimæ dignitatis præmia dedit non postulanti imperia, uerū etiam recusanti. Huius de facto ita queri, ut agatur, licuerit ne id facere, quod fecit: an uero non dicam non licuerit: sed nefas fuerit: contra fœdus enim id est contra populi romani religionē et fidē fecisse dicitur: non turpe populo romano? non ne uobis est? Audiui hoc de pariete meo puer: cum Q. Metellus L. F. causam de pecunijs repetundis diceret: ille ille uir, cui patriæ salus dulcor quam conspectus fuit: qui de ciuitate decedere quam de sententia maluit: hoc igitur causam dicente, cum ipsius

tabulæ



*tabula circumferretur inspicendi nominis causa: fuisse  
 iudicem ex illis Eqtibus romanis grauissimis uiris neminem: quoniam remoueret oculos: et se totum auerteret: ne forte  
 quod ille in tabulas publicas retulisset, dubitasset quisquam uerum ne an falsum esset, uideretur. nos Cn. Pompeij decretum iudicium de consilij sententia pronuntiatum recognoscemus? cum legibus conferemus? cum foederibus, quorum acerbissima diligentia est, pertendemus? Athenis aiunt, cum quidam apud eos, qui sancte grauiterque uixisset: et testimonium dixisset publice: et (ut mos Graecorum est) iurandi causa ad aras accederet: una uoce omnes Iudices ne is iuraret, reclamasse. cum Graeci homines spectati uiri noluerint religione uideri potius, quam ueritate fidem esse conscriptam: nos etiam in ipsa religione et legum et foederum seruanda qualis fuerit Cn. Pompeius dubitabimus? utrum enim inscientem uultis contra foedera fecisse: an scientem? si scientem: O nomen nostri imperij: O populi romani excellens dignitas: O Cn. Pompeij sic late longeque diffusa laus: ut eius gloriae domicilium communis imperij finibus terminetur: O nationes, urbes, populi, Thetrarchae, Tyranni, testes Cn. Pompeij non solum uirtutis in bello, sed etiam religionis in pace: uos denique mutae regiones imploro, et sola terrarum ultimarum: uos maria, portus, insulae, litora. quae est enim ora? quae sedes? qui locus? in quo non extent huius cum fortitudinis, tum uero humanitatis, tum animi, tum consilij impressa uestigia? Hunc quisquam incredibili quadam atque inaudita grauitate, uirtute, constantia praeditum foedera scientem neglexisse, uiolasse, rupisse, dicere audebit? Gratificatur mihi gestu accusator: nescientem Cn. Pompeium*

h h h



fecisse significat. quasi uero leuius sit cum in tanta Rep.  
 uersere: et maximus negocijs præsidi: facere aliquid, quod  
 scias non licere: an omnino nescire quid liceat. Etenim  
 cum in Hispania bellum acerrimum et maximum  
 gesserat: quo iure Gaditana ciuitas esset, nesciebat? An  
 cuius linguam populi non nosset: interpretationem fœ-  
 deris non tenebat? Igitur quisquam Cn. Pompeiū igno-  
 rasse dicere audebit, quod mediocres hoīes, quod nullo  
 usu, nullo studio militari præditi, quod librarioli deniq;  
 scire profiteantur? eadem contra existimo Iudices: cum  
 in omni genere, ac uarietate artium, etiam illarū, quæ  
 sine summo ocio nō facile discuntur: Cn. Pompeius ex-  
 cellat: singularem quandam laudem, et præstabilem  
 esse, scientiam in fœderibus, pactionibus, conditionibus,  
 populorum, regum, exterarum nationum, in uniuerso  
 deniq; belli iure, atque pacis. nisi forte ea, quæ nos libri  
 docent in umbra, et ocio: ea Cn. Pompeium, neq; cum  
 requiesceret, literæ, neq; cum rem gereret, res ipsæ do-  
 cere potuerunt. Atq; ut ego sentio Iud. causa dicta est  
 \* temporis magis. ego non huius inquam genere iudi-  
 cij plura dicam. est enim huius sæculi labes quædam,  
 et macula, uirtuti inuidere: uelle ipsum florem digni-  
 tatis infringere. etenim si Cn. Pompeius ab hinc annos  
 quingentos fuisset, is uir, à quo senatus adolescentulo atq;  
 Equite romano sæpe communis salutis auxiliū expe-  
 tisset: cuius res gestæ omnes gentes cum clarissima ui-  
 ctoria terra mariq; peragrassent: cuius tres triumphū  
 testes essent, totum orbem terrarum nostro imperio te-  
 neri: quæ populus romanus singularibus honoribus de-  
 corasset: si nunc apud uos id quod is fecisset, contra fœ-  
 dus factum diceretur: quis audiret? nemo profecto. mors



enim cum extinxisset inuidiam: res eius gestæ sempiter-  
ni nominis gloria niterentur. cuius igitur audita uir-  
tus dubitationis locum non daret: huius præsens exper-  
ta atq; perspecta obrectatorum uoce lædetur? Omittam  
igitur Pompeium iam oratione mea reliqua. sed uos  
Iudices animus ac memoria tenetote. de lege, de fœdere,  
de exēplis, de ppetua consuetudine ciuitatis nostræ, re-  
nouabo ea: quæ dicta sunt: nihil enim mihi noui, nihil  
integri, neq; M. Crassus, qui totam causam pro faculta-  
te & pro fide sua diligentissime uobis explicauit: neq;  
Cn. Pompeius, cuius oratio omnibus ornamentis abun-  
dauit: ad dicendum reliquit. Sed quoniam me recusante  
placuit ambobus adhiberi hunc à me quasi perpo-  
liendi quendam operis extremum laborem: peto à uo-  
bis: ut me officij potiusquam dicendi studio hanc susce-  
pisse operam ac munus putetis. Ac priusquam aggre-  
diar ad ius causamq; Cornelij: quiddam de communi  
conditione omnium nostrum deprecandæ maliuolentiæ  
causa breuiter commemorandū uidetur. Si quo quisq;  
loco nostrum est Iudices natus: aut si in qua fortuna est  
nascendi initio constitutus: hunc uitæ statum usq; ad se-  
nectutem obtinere debet: & si omnes, quos aut fortu-  
na extulit: aut ipsorum illustrauit labor & industria:  
poena sunt afficiendi: non grauior L. Cornelio, quàm  
multis uiris bonis atq; fortibus constitui lex uitæ &  
conditio uidetur. Sin autem multorum uirtus, ingeni-  
um, humanitas ex infimo genere & fortunæ gradu  
non modo amicitias & rei familiaris copias consecuta  
est: sed summam laudem, honores, gloriam, dignitatem:  
non intelligo cur potius inuidia uiolatur à uirtute L.  
Cornelij: quàm æquitas uestra pudorem eius adiutu-

h h h ij



ra uideatur. Itaq; quod maxime petendum est, à uobis  
 iacirco non peto Iudices: ne de uestra sapientia, atq; de  
 uestra humanitate dubitare uidear. Est autem hoc pe-  
 tendum: ne oderitis ingeniū: ne inimici sitis industriae:  
 ne humanitatem opprimendam, ne uirtutem puniendā  
 putetis. illud peto: ut si causam ipsam per se firmam esse  
 & stabilem uideritis: hominis ipsius ornamenta adiu-  
 mento causae potius, quam impedimento esse malitis. Na  
 scitur Iudices causa Corneli ex ea lege, quā L. Gellius,  
 Cn. Cornelius ex senatus sententia tulerunt. qua lege ui-  
 deamus satis esse sancti uti ciues romani sint y: quos Cn.  
 Pompeius de consilij sententia sigillatim ciuitate dona-  
 uerit. donatum esse L. Cornelium praesens Pompeius  
 dicit: indicant publicae tabulae: accusator fatetur: sed ne-  
 git ex foederato populo quenquam potuisse, nisi is po-  
 pulus fundus factus esset: in hanc ciuitatem uenire. O  
 praeclarum interpretem iuris, authorem antiquitatis,  
 correctorem atq; emendatorem nostrae ciuitatis: qui hanc  
 poenam foederibus ascribat: ut omnium praemiorū, be-  
 neficiorūq; nostrorū expertes faciat foederatos. quid  
 enim potuit dici imperitius? quā foederatos populos  
 fieri fundos oportere? nam id non magis est propriū  
 foederatorum, quam omnium liberorum. sed totum hoc  
 Iudices in ea fuit positum semper ratione atq; senten-  
 tia: ut cum iussisset Praetor aliquid: si id adsciuisent so-  
 cū populi ac latini: & si ea lex quam nos haberemus,  
 eadem in populo aliquo tanquam in fundo resedisset:  
 ut tum lege eadem is populus teneretur: non ut de no-  
 stro iure aliquid minueretur: sed ut illi populi aut iu-  
 re eo, quod à nobis esset constitutum: aut aliquo com-  
 modo, aut beneficio uterentur. Tulit apud maiores no-



stros legem C. Furius de testamentis tulit Q. Voconius  
de mulierum hereditatibus: innumerabiles aliae le-  
ges de civili iure sunt latae: quas latini uoluerunt: adsci-  
uerunt. ipsa denique Iulia: qua lege ciuitas est socijs  
Latinis data: qui fundi populi facti non essent: ciuitatem  
non haberent. in quo magna contentio Heracliensium  
et Neapolitanorum fuit: cum magna pars in ijs ciui-  
tatibus iuris sui libertatem ciuitati anteferet. postremo  
haec uis est istius et iuris et uerbi: ut fundi populi bene-  
ficio nostro, non suo iure fiant. cum aliqd populus roma-  
nus iussit: id si est eiusmodi: ut quibusdam populis siue foe-  
deratis, siue liberis permittendum esse uideatur: ut sta-  
tuant ipsi non de nostris, sed de suis rebus, quo iure uti  
uelint: tum utrum fundi facti sint, an non, querendum  
esse uideatur. de nostra uero Repub. de nostro impe-  
rio, de nostris bellis, de uictoria, de salute, fundos popu-  
los fieri noluerunt. Atqui si imperatoribus nostris, si se-  
natui, si populo romano, non licebit propositis praemijs eli-  
cere ex ciuitatibus sociorum atque amicorum fortissimum atque  
optimum quemque ad subeunda pro salute nostra peri-  
cula: summa utilitate ac maximo saepe praesidio in pe-  
riculis atque asperis temporibus currendum erit. sed per  
deos immortales, quae est ista societas? quae amicitia?  
quod foedus? ut aut nostra ciuitas careat in suis peri-  
culis Massiliensi propugnatore: careat Gaditano: careat  
Saguntino: aut si quis ex illis populis sit exortus: qui no-  
stros duces auxilio laboris, commeatus, periculo suo iu-  
uerit: qui cum hoste nostro communis in acie saepe pugna-  
rit: qui se saepe telis hostium, qui dimicationi capitis, qui  
morti obiecerit: nulla conditione huius ciuitatis praemijs  
affici possit. est enim in populum Ro. graue non posse uti so-

h h h iij



PRO L.

cuius excellenti uirtute præditis: qui uelint cum pericu-  
lis nostris sua communicare. in socios uero ipsos, & in  
eos de quibus agimus fœderatos, iniuriosum & contra  
meliosum est: his præmijs et his honoribus exclusos esse  
fidelissimos & coniunctissimos socios: quæ pateant sti-  
pendiarijs: pateant hostibus: pateant seruis. nam & sti-  
pendiarios ex Africa, Sicilia, Sardinia, cæteris provin-  
cijs multos ciuitate donatos uidemus: et qui hostes ad no-  
stros imperatores persugissent: & magno usui Reip.  
nostræ fuissent: scimus ciuitate esse donatos. seruos de-  
niq; quorum uis & fortunæ conditio infima est: bene  
de Repub. meritos persæpe libertate, id est ciuitate publi-  
cæ donari uidebamus. Hanc tu igitur pairone fœderum  
ac fœderatorum conditionem statuis tuis ciuib;: ut quod  
his, quos Gaditanis adiutoribus armis subegimus: atq;  
in ditionem nostram redeimus: liceat: si populus Ro. pmi-  
serit: ut ab senatu, ab imperatoribus nostris, ciuitate do-  
nentur: id ne liceat ipsis. qui si suis decretis legibus ue  
sanxissent: ne quis suorum ciuium castra imperatorum po-  
puli Ro. iniret: ne quis se pro nostro imperio in pericu-  
lum capitis atq; in uitæ discrimen inferret: Gaditano-  
rum auxilijs uti, cum uellemus, nō liceret: priuatus ue-  
ro ne quis uir & animo, & uirtute præcellens pro no-  
stro imperio periculo suo dimicaret: grauius id iure  
ferremus: minui auxilia populi romani: debilitari aios  
fortissimorum uirorum: alienigenarum nos hominum stu-  
dijs atq; externa uirtute priuari. Atqui nihil inter-  
est Iudices utrum hæc fœderati iura constituant: ut ne  
cui liceat ex his ciuitatibus ad nostrorum bellorum pe-  
ricula accedere: an quæ nos eorum ciuib; uirtutis cau-  
sa tribuerimus: ea rata esse non possint. nihil enim ma-



gis uteremur his adiutoribus sublatis præmijs uirtutis: quàm si omnino his uersari in nostris bellis non lice-  
re. etenim cum pro sua patria pauci post genus homi-  
num natum reperti sint: qui nullis præmijs propositis  
uitam suã hostiũ telis obiecerint: pro aliena republica  
quenquam fore putatis: qui se opponat periculis non-  
modo nullo proposito præmio sed etiã interdicto? sed  
quàm est illud imperitissime dictũ de populis fundis:  
quod commune liberorum est populorum: non propriũ  
fœderatorum. ex quo intelligi necesse est: aut neminem  
ex socijs ciuem fieri posse: aut etiam posse ex fœderatis.  
Tum uero ius omne noster iste magister mutandæ ci-  
uitatis ignorat. quod est Iudices non solum in legibus  
publicis positum: sed etiam in priuatorum uoluntate. iu-  
re enim nostro neq; mutare ciuitatem quisquam inuitus  
potest: neq; si uelit, mutare non potest: modo adsciscatur  
ab ea ciuitate: cuius esse se ciuitatis uelit: ut si Gaditani  
sciuerint noiati de aliquo ciue romano: ut sit is ciuis  
Gaditanus: magna potestas sit nostro ciui mutandæ ci-  
uitatis: nec fœdere impediatur: quominus ex ciue roma-  
no ciuis Gaditanus possit eẽ. Duarũ ciuitatum ciuis no-  
ster esse iure ciuili nemo potest. non esse huius ciuitatis  
ciuis, qui se alij ciuitati dicarit, potest. neq; solum dica-  
tiõe, quod in calamitate clarissimus uiris Q. Maximo,  
C. Lenati, Q. Philippo Nuceriæ, C. Catoni Tarracone,  
Q. Cepioni, P. Rutilio Smyrnæ uidimus accidisse: ut  
earũ ciuitatum fierent ciues: hanc ante amittere nõ po-  
tuissem: quàm huius solum ciuitatis mutatione uertis-  
sent: sed etiam postliminio potest ciuitatis fieri mutatio.  
neq; enim sine causa de Cn. Publicio Menandro liber-  
tino homine, quem apud maiores legati nostri in Græ-

h h h iij



iam proficiscentes interpretem secum habere uoluerūt:  
 ad populū latum: ut is Publicius si domum reuertisset: et  
 inde Romam redisset: ne minus ciuis esset. Multi etiam  
 superiori memoria ciues romani sua uolūtate indēnati  
 et incolumes his rebus relictis alias se in ciuitates con-  
 tulerūt. Quod si cui romano licet eē Gaditanū siue exi-  
 lio, siue postliminio, siue reiectione huius ciuitatis: ut iam  
 ad fœdus ueniam: quod ad causam nihil pertinet (de  
 ciuitatis enim iure non de fœderibus disceptamus) quid  
 est? quamobrem cui Gaditano in hanc ciuitatem uenire  
 non liceat? Equidem longe secus sentio. nam cum ex  
 omnibus ciuitatibus uia sit in nostram: cumq; nostris  
 ciuibz pateat iter ad cæteras ciuitates: tū uero ut quæq;  
 nobiscum maxime societate, amicitia, sponsione, pactio-  
 ne, fœdere coniuncta est: ita mihi maxime communione  
 beneficiorum, præmiorum, ciuitatis, continere uidetur.  
 Atqui cæteræ ciuitates omnes non dubitarent nostros  
 recipere in suas ciuitates: si idem nos iuris haberemus,  
 quod cæteri. sed nos non possumus et huius esse ciui-  
 tatis, et cuiusuis præterea. cæteris concessum est. Itaq;  
 in Græcis ciuitatibus uidemus, Athenis Rhodios, Lace-  
 demonios, cæteros undiq; ascribi: multarumq; esse eos-  
 dem homines ciuitatum. quo errore ductos uidi ego:  
 met nonnullos imperitos homines nostros ciues, Athenis  
 in numero iudicum, atq; Areopagitarum, certa tribu,  
 certo numero: cum ignorarent, si illam ciuitatem essent  
 adepti: hanc se perdidisse: nisi postliminio recuperassent.  
 peritus uero nostri iuris ac moris nemo unquam quī  
 hanc ciuitatem retinere uellet: in aliā ciuitatem se dicta-  
 uit. Sed hic totus locus disputationis atq; orationis meæ  
 Iudices pertinet ad commune ius mutandarum ciuita-



tum: nihil habet: quod sit proprium religionis ac fœderum. defendo enim rem uniuersam: nullā esse gentem ex omni regno terrarū neq; tam dissidēiē a populo romano odio quodā atq; dissidio: neq; tam fide benignolentiaq; coniūctā: ex qua nobis interdictū sit: ut ne adsciscere ciuem, aut ciuitate donare possimus. O' mura, præclara, atq; diuinitus iam a principio romani nois a maioribus nostris ratio comparata: ne quis nostrum plusquam unius ciuitatis esse possit. dissimilitudo enim ciuitatum uarietatem iuris habeat, necesse est: ne quis inuitus ciuitate mutetur: ne'ue in ciuitate maneat inuitus. hæc sunt enim fundamenta firmissima nostræ libertatis: sui quæq; iuris & dimittendi & retinendi esse dominum. illud uero sine ulla dubitatione maxime nostrū fundauit imperiū: et populi ro. nomen auxit: quod princeps ille creator huius urbis Romulus fœdere sabino docuit: etiam hostibus recipiendis augeri hanc ciuitatem oportere. cuius auctoritate & exemplo nunquam est intermissa a maioribus nostris largitio, & communicatio ciuitatis. Itaq; & ex Latio multi & Thysculani et Lanuuii, et ex cæteris generibus gentes uniuersæ in ciuitatem sunt receptæ: ut Sabinorum, Volscorum, Hernicorum: quibus ex ciuitatibus nec coacti essent ciuitatem mutare, siqui noluissent: nec siqui essent ciuitatē nostrā bñficio populi ro. cōsecuti. uiolatū fœdus eorum uideretur. Etenim quædam fœdera extant: ut Germanorum, Insubrium, Heluetiorum, Iapidum, nonnullorum item ex Gallia barbarorum: quorum in fœderibus exceptum est: ne quis a nobis ciuis recipiatur. quod si exceptio facit: ne liceat: ibi necesse est licere. Vbi est igitur exceptum fœdere Gaditano, ne quem P.



romanus Gaditanū recipiat ciuitate? nusquā. ac sicubi  
 esset: lex id Gellia & Cornelia, quæ definite potestatem  
 Pompeio ciuitatem donandi dederat: sustulisset. Exce-  
 ptum est inquit: fœdus siquidem sacrosanctum est.  
 ignosco tibi: si neq; Poenorum iura calles: reliqueras  
 enim ciuitatem tuam: neq; nostras potuisti leges inspi-  
 cere: ipsæ enim te à cognitione sua iudicio publico re-  
 pulerunt. Quid fuit in rogatione ea quæ de Pom-  
 peio à Gellio & à Lentulo cons. lata est: in qua ali-  
 quid sacrosanctum uideretur? Primum enim sacro-  
 sanctum nihil esse potest: nisi quod populus plebs uel san-  
 xisset. deinde sanctiones sacrandæ sunt aut genere ipso,  
 aut obtestatione, & consecratione legis, aut poenæ, cum  
 caput eius qui contra facit, consecratur. Quid habes igitur  
 dicere de Gaditano fœdere eiusmodi? utrum à ca-  
 pitis consecratione, an obtestatione legis sacrosanctum  
 esse confirmas? nihil omnino unquam de isto fœdere  
 ad populum, nihil ad plebē latum esse dico: neq; legem,  
 neq; poenam latam esse. de quibus etiam si latum esset,  
 ne quem ciuem reciperemus: tamen id esset, quod popu-  
 lus postea iussisset, ratum. neq; quicquam illis uerbis si  
 qd sacrosanctum esset, esse exceptum uideretur. de his  
 cum populus Ro. nihil unquam iusserit: quæquam audes  
 dicere sacrosanctum fuisse? Nec uero hæc oratio mea  
 ad infirmandū fœdus Gaditanorū Iud. pertinet: neq;  
 enim est meum contra ius optime meritiæ ciuitatis, con-  
 tra opinionem uetustatis, contra auctoritatem senatus  
 dicere. Duris enim quondam temporibus Reip. nostræ  
 cum præpotens terra mariq; Carthago nixa duabus Hi-  
 spaniis huic imperio immuneret: & cum duo fulmina  
 nostri imperij subito in Hispania Cn. & P. Scipiones

extincti  
 Gadita  
 lius po  
 aliquo  
 mines  
 Catulo  
 est cum  
 de quo  
 nullo pa  
 nitas, quo  
 potuit: quo  
 quod Q.  
 natus: quod  
 ne sancti  
 obligauit.  
 grauissim  
 disputatio  
 est esse: n  
 Quod si  
 commend  
 tps suis co  
 erat aut e  
 stram recip  
 re: nisi ut p  
 adiunctu  
 fœderib  
 habet h  
 uerbi ge  
 quam in  
 cantis. e  
 iubetur:



extincti occidissent: L. Martius primipili Centurio cum  
 Gaditanis fœdus iecisse dicitur. quod cum magis fide il-  
 lius populi, iustitia uestra, uetustate deniq; ipsa, quam  
 aliquo publico uinculo religionis teneretur: sapientes ho-  
 mines & publici iuris periti Gaditani M. Lepido, Q.  
 Catulo Cons. a senatu de fœdere postulauerunt. tum  
 est cum Gaditanis fœdus uel renouatum, uel iustum.  
 de quo fœdere populus Ro. sententiā nō tulit: q̄ iniussu suo  
 nullo pacto potest religione obligari. Ita Gaditana ci-  
 uitas, quod beneficijs suis erga Remp. nostram conseque-  
 ri potuit: quod imperatorum testimonijs: quod uetustate:  
 quod Q. Catuli summi uiri autoritate: quod iudicio se-  
 natus: quod fœdere: consecuta est. quod publica religio-  
 ne sanciri potuit, id abest. populus enim se nusquam  
 obligauit. neq; ideo est Gaditanorum causa deterior:  
 grauissimis enim & pluribus rebus est fulta. sed isti  
 disputationi certe nihil est loci. sacrosanctū. n. nihil po-  
 test esse: nisi quod per populum plebemue sanctum est.  
 Quod si hoc fœdus, quod populus Ro. authore senatu,  
 commendatione et iudicio uetustatis, uolūtate & senten-  
 tijs suis comprobatur: idem suffragijs comprobasset: quid  
 erat cur ex ipso fœdere Gaditanum in ciuitatem no-  
 stram recipi non liceret? nihil est enim aliud in fœde-  
 re: nisi ut pia & æterna pax sit: quid id ad ciuitatem?  
 adiunctum illud etiam est, quod non est in omnibus  
 fœderibus: maiestatem populi Ro. comiter conseruet. Id  
 habet hanc uim: ut sit ille in fœdere inferior. Primum  
 uerbi genus hoc conseruandi, quo magis in legibus  
 quam in fœderibus uti solemus: imperantis est: non pre-  
 cantis. deinde cum alterius populi maiestas seruari  
 iubetur: de altero siletur: certe ille populus in superiore



conditione causâq; ponitur: cuius maiestas fœderis sanctione defenditur. In quo erat accusatoris interpretatio indigna responsione: qui ita dicebat comiter esse cōmuniter: quasi uero priscum aliquod aut insolitum uerbum interpretaretur. Comes, benigni, faciles, suaves, homines esse dicuntur: qui erranti comiter monstrant uia, benigne, nō grauante, comiter quidē certe nō cōmuniter conuenit. et simul absurda res est: cauere fœdere: ut maiestatem populi Ro. cōmuniter conseruē: id est ut populus romanus suā maiestatem esse saluā uelit. Quod si iam ita esset: ut esse nō potest: tamē de nostra maiestate, nihil de illorū caueretur. potest ne igitur nostra maiestas Gaditanis benigne conseruari: si ad eam retinendam Gaditanos præmijs elicere non possumus? Potest esse ulla deniq; maiestas: si impedimur: quo minus per populū Ro. bñficioꝝ uirtutis causa tribuendorum potestatem imperatoribus nostris deferamus? Sed quid ego disputo: quæ mihi tum si Gaditani contra me dicerent, uere posse dici uiderentur. illis enim repetentibus L. Cornelium, responderem legem populū Ro. iussisse de ciuitate tribuēda: hoc genere legum fundos populos fieri non solere: Cn. Pompeium de consilij sententia ciuitatem huic dedisse: nullum populi nostri iussum Gaditanos habere. itaq; nihil esse sacrosanctum: quod lege exceptum uideretur, si esset: tamen in fœdere nihil esse cautum præter pacem. Additum etiam esse illud: ut maiestatem illi nostram seruare deberent. quæ certe munueretur: si aut adiutoribus illorum ciuibz uti in bellis nobis non liceret: aut præmiij tribuendi potestatem nullam haberemus. Nunc uero quid ego contra Gaditanos loquar? cum id, quod defendo, uoluntate eorum, authoritate, legatione ipsa com-

probat  
omni  
imper  
la nob  
bus in  
qui  
per om  
dere Ca  
iuncti  
luba, ag  
sic maiore  
minos esse  
peratores,  
ria: Scipion  
presentem  
nibus acce  
penia: q  
in caritat  
pedito  
figui ex  
in imper  
in ante, loc  
Quod si  
multat  
tem offici  
hoc idem  
iniquiss  
tur. Atq  
dicere q  
spiritum  
Gadita



probetur: qui a principio sui generis ac Reipub. ab  
omni studio sensuq; Poenorum mentes suas ad nostrum  
imperium nomenq; flexerunt. qui, cum maxima bel-  
la nobis inferrentur: moenibus excluserunt: classi-  
bus insecuti sunt: corporibus, copiis, opibus depulerunt:  
qui & ueterem illam speciem foederis Martiani: sem-  
per omni sanctiorem Marte duxerunt: & hoc fo-  
edere Catuli senatusq; autoritate se nobiscum con-  
iunctissimos esse arbitrati sunt. quorum moenia, de-  
lubra, agros, ut ipse Hercules itineru ac laboru suorū,  
sic maiores nostri imperij ac nominis populi Ro. ter-  
minos esse uoluerunt. Testantur & mortuos nostros im-  
peratores, quorum uiuit immortalis memoria & glo-  
ria: Scipiones, Brutos, Oratios, Cassios, Metellos, et hunc  
praesentem Cn. Pompeium: quem procul ab eorum moe-  
nibus acre & magnum bellum gerentem commeata  
pecuniaq; inuerunt. et hoc tempore ipso populu Ro. que  
in caritate Annonae, ut saepe ante fecerat, frumento sup-  
peditato lenauerunt: se hoc ius ee uelle: ut sibi et liberis,  
siqui eximia uirtute fuerint: siue in nostris castris, siue  
in imperatorum praetorijs, siue deniq; inter signa atq;  
in acie, locus sit: his gradibus ascensus etia ad ciuitatem.  
Quod si Afris, si Sardis, si Hispanis agris stipendioq;  
militatis uirtute adipisci licet ciuitatem: Gaditanis au-  
tem officijs, uetustate, fide, periculis, foedere, coniunctis  
hoc idem non licebit: non foedus sibi nobiscum sed  
iniquissimas leges impositas a nobis esse arbitrabun-  
tur. Atq; hanc Iud. non a me fingi orationem: sed me  
dicere quae Gaditani iudicarint, res ipsa declarat. ho-  
spitium multis annis ante hoc tempus cum L. Cornelio  
Gaditanos fecisse publice dico: proferam testes: proferam



PRO L.

legatos: excitabo laudatores. ad hoc iudicium summos  
homines, ac nobilissimos deprecatores huius periculī  
missos uidetis. re deniq; multo ante Gadibus iam au-  
dita fore huic ut ab illo periculū crearetur: grauissima  
tum in istum ciuem suum Gaditani senatus conuicia fe-  
cerunt. Potuit magis fundus populus Gaditanus fieri?  
(quoniam hoc magnopere delectare uerbo) si tum  
fit fundus: cum scita ac iussa nostra sua sententia com-  
probat: quam cum hospitium fecit? ut & ciuitate illum  
mutatum esse fateretur: et ius ciuitatis honorem dignis-  
simum iudicaret. potuit certius interponere iudicium  
uoluntatis suae? quam cum etiā accusatorem huius mul-  
cta & poena mulctauit? potuit magis de re iudicare?  
quā cum ad uestrum iudicium ciuis amplissimos le-  
gauit testis huius iuris, uitae laudatores, periculī depre-  
catores? etenim quis est tam demens: quin sentiat ius hoc  
Gaditanis esse retinendū? ne interseptum sit his iter ppe-  
tuum ad hoc amplissimum praeuium ciuitatis: & ma-  
gnopere his esse letandum: huius L. Corneli beniuo-  
lentiam erga suos remanere Gadibus: gratiam & fa-  
cultatem commendandi in hac ciuitate uersari? quis  
enim nostrum est? cui non illa ciuitas sit huius studio,  
cura, diligentia, commēdatior? Omitto quantis ornamē-  
tis populum istum C. Caesar, cum esset in Hispnia prae-  
tor: affecerit: controuersias sedarit: iura ipsorum per-  
missu statuerit: inueteratam quondam barbariam ex  
Gaditanorum moribus disciplinaq; delerit: summa in  
eam ciuitatem huius rogatu studia et beneficia contu-  
lerit. multa praetereo: quae quotidie labore huius &  
studio aut omnino aut certe facilius consequatur. Itaq; et  
adsunt principes ciuitatis: et defendunt, amore ut suum



quem, testimonio ut nostrum, officio ut nobilissimum  
 et sanctissimum hospitem, studio ut diligentissimum  
 defensorem commodorum suorum. Ac ne ipsi Gadita-  
 ni arbitrentur: quanquam nullo incommodo affician-  
 tur: si liceat horum ciues uirtutis causam nostram ciui-  
 tatem uenire: tamen hoc ipso inferius esse suum fœdus  
 quàm cæterorum: consolabor et hos præsentis uiros op-  
 timos, et illam fidelissimam atq; amantissimam nobis  
 ciuitatem: simul et uos non ignorantis Iud. admonebo:  
 quo de iure hoc iudicium constitutum sit: de eo nunquã  
 omnino esse dubitatum. Quos igitur prudentissimos  
 interpretes fœderum, quos peritissimos bellici iuris,  
 quos diligentissimos in exquirendis conditionibus ciui-  
 tatum atq; causis esse arbitramur: eos profecto qui iam  
 imperia ac bella gesserunt. etenim si Q. Scauola ille  
 augur, cum de iure prædatorio consuleretur: homo iu-  
 ris peritissimus, consultores suos nonnunquam ad Fu-  
 rium et Casellium prædiatores reijciebat: si nos de  
 aqua nostra Tusculana M. Tugionem potius, quàm C.  
 Aquilium consulebamus: quod assiduus usus uni rei de-  
 ditus et ingenium et artem sepe uincat: quis dubita-  
 ret de fœderibus et de toto iure pacis et belli omnibus  
 iuris peritissimis imperatores nostros anteferre? possu-  
 mus ne igitur tibi probare authorem exempli atq; facti  
 illius, quod a te reprehenditur: C. Marium? quæris  
 aliquem grauiorem? constantiorem? præstantiore uir-  
 tute, prudentia, religione, æquitate. is igitur M. Annium  
 Appium fortissimum uirum, uirtute præditum ciuita-  
 te donauit: cum Camertinum fœdus sanctissimum, atq;  
 æquissimum sciret esse. potest igitur Iudices L. Corne-  
 lius condemnari? ut nò C. Marij factum condēnetur?



Existat ergo ille uir parūper cogitatione uestra: quoniā  
 re non potest: ut conspiciatis eum mentibus: quem ocu-  
 lus non potestis. dicat se non imperitum fœderis, non  
 rudem exemplorum, non ignarum belli fuisse, P. A. fri-  
 canū discipulum, ac militem: se stipendijs, se legationi-  
 bus bellicis eruditum: se si tanta bella legisset: quanta  
 bella & gessit: & confecit: si sub tot consulibus meruis-  
 set: quotiens ipse consul fuisset: omnia iura belli perdi-  
 scere, ac nosse potuisse. sibi non fuisse dubium, quin nul-  
 lo fœdere à Repub. bene gerenda impediretur: à se ex  
 coniunctissima atq; amicissima ciuitate fortissimū quēq;  
 esse delectum: neq; Ignatium, neq; Camertum fœdere  
 esse exceptum: quominus eorum quibus à populo ro-  
 præmia uirtutis tribuerentur. Itaq; cum paucis annis  
 post hanc ciuitatis donationē acerrima de ciuitate quæ-  
 stio Licinia & Mutia lege uenisset: nunquis eorum qui  
 de fœderatis ciuitatibus esset ciuitate donatus, in iudi-  
 cium est uocatus? nam Spoletinus T. Macrinus unus  
 ex ijs, quos C. Marius ciuitate donasset: dixit causam  
 ex Colonia Latina in primis firma & illustri. quem  
 cum disertus homo L. Antisthus accusaret: Spoletinus di-  
 xit fundum populum Spoletinum non esse factum.  
 uidebat enim populos de suo iure non de nostro fun-  
 dos fieri solere. sed cum lege Apuleia Colonie non es-  
 set deductæ: qua lege Saturninus C. Mario tulerat: ut  
 in singulas colonias ternos ciues romanos facere posset:  
 negabat hoc beneficium re ipsa sublata ualere debere.  
 nihil habet similitudinis ista accusatio. sed tamen tanta  
 authoritas in C. Mario fuit: ut non per L. Crassum affi-  
 nem suum hominem incredibili eloquentia, sed paucis  
 ipse uerbis causam illam grauitate sua defenderit: &  
 probarit.



probarit. quis enim esset Iudices qui imperatoribus nostris in bello, in acie, in exercitu, delectum uirtutis, & socijs, & foederatis, in defendenda republica nostra spem praemiorum eripi uellet? Quod si uultus C. Marij, si uox, si ille imperatorius ardor oculorum, si recentes triumphi, si praesens ualuit aspectus: ualeat auctoritas: ualeant res gestae: ualeat memoria: ualeat fortissimi & clarissimi uiri nomen aeternum: sit hoc discrimen inter gratiosos ciues, atq; fortes: ut illi uiui fruantur opibus suis: horum etiam mortuorum, si quisquam huius imperij defensor mori potest: uiuat auctoritas immortalis. quid? Cn. Pompeius Magni pater rebus Italico bello maximis gestis, P. Cesium Equitem Ro. uirum bonum, qui uiuit Rauennae: foederato ex populo non ne ciuitate donauit? quid? cohortis duas Camertium, quid? Eracliensium legionem, P. Crassus uir amplissimus ex ea ciuitate, qua cum propè singulare foedus, Pyrrhi temporibus, C. Fabritio consule ictum putatur: quid? Massiliensem Aristonem Sylla: quid? quoniam cum Gaditanis agimus: idem Heros. IX. Gaditanos: quid? uir sanctissimus & summa religione ac modestia Q. Metellus Pius Q. Fabium Saguntinum: quid? hic qui adest: à quo haec, quae ego nunc percurro: subtilissime sunt omnia perpolitae. M. Crassus, non Auerniensem foederatum ciuitate donauit, homo tum grauitate & prudentia praestans: tum uel nimium parcus in largienda ciuitate? hic tu Cn. Pompeij beneficium uel potius iudicium & factum infirmare conaris: qui fecit quod C. Marium fecisse audierat: fecit quod P. Crassum, L. Syllam, quod Q. Metellum, quod deniq; domesticum auctorem patrem suum facere uiderat? neq; uero in uno



PRO L.

Cornelio id fecit: nam et Gaditanum Hasdrubalem ex bello illo Africano, & Mamertinos obuios, & quosdam Uticenses & Saguntinos fabros ciuitate donauit. etenim cum cæteris præmijs digni sunt: qui suo labore & periculo nostram Remp. defendunt: tum certe dignissimi sunt: qui ciuitate ea donentur: pro qua pericula ac tela subierunt. Atq; utinam qui ubiq; sunt propugnatores huius imperij, possent in hanc ciuitatem uenire: & contra, oppugnatores Reip. de ciuitate exterminari. neq; ille summus Poeta noster Annibalis illam magis cohortationem, quam communem imperatorum uoluit esse: hostem qui feriet mihi erit Carthaginiensis: quis erit ciuitatis: si & id habent hoc leue & semper habuerunt. Itaq; & ciuis fortissimos undiq; fortes uiros adsciuerunt: et hominum ignobilium uirtutem pæsepe nobilitatis inertiae prætulerunt. Habetis imperatorum summorum, & sapientissimorum hominum clarissimorum uirorum interpretationem iuris ac fœderum. Dabo etiam iudicium: qui huic quæstioni præstauerunt: dabo uniuersi populi: dabo sanctissimum etiam iudicium senatus. Iudices cum sæpe ferrent: palamq; loquerentur: quid essent lege Pappia de M. Crasso Mamertinis repetentibus iudicaturi: mamertini publice suscepta causa destiterunt. multi in ciuitate recepti ex liberis fœderatisq; populis: nemo unquam est de ciuitate accusatus: quod aut populus fundus factus non esset: aut quod fœdere ciuitatis mutandæ ius impediretur. audebo etiam hoc contendere: nunquam esse condemnatum: quem constaret ab imperatore nostro ciuitate donatum. Cognoscite nunc populi ro. iudicium multis rebus interpositum atq; in maximis causis re ipsa atq; usu com-



probatum. Cum latinis omnibus foedus ictum Sp. Cassio, Posthumio Cominio Cons. quis ignorat? quod quidem nuper in columna aenea meminimus post rostra incisum & perscriptum fuisse. quomodo igitur L. Cornelius Tybur pater huius Equitis ro. optimi atq; ornatissimi uiri damnato Caelio, quomodo ex eadem ciuitate T. Coponius cuius item summa uirtute et dignitate (nepotes T. & C. Coponios nostis) damnato C. Massone cuius romanus est factus? an lingua & ingenio patefieri aditus ad ciuitatem potuit? manu, & uirtute non potuit? An ne de nobis trahere spolia foederatis licebit? de hostibus non licebit? an quod adipisci poterant dicendo: id assequi pugnando non liceat? an accusatori maiores nostri maiora praemia, quam bellatori esse uoluerunt? quod si acerbissima lege seruilia principes uiri, ac grauissimi, & sapientissimi ciues hanc latinis idest foederatis uiam ad ciuitatem populi iussu patere passi sunt: neq; in his est hoc reprehensum Licinia & Mutia lege: cum praesertim in genus ipsam accusationis & nomen, eiusmodi praemium, quod nemo assequi possit nisi ex senatoris calamitate: neq; senatori, neq; bono cuiquam nimis iucundum esse possit: dubitandum fuit? quin quo in genere, iudiciorum praemia rata essent: in eodem iudicia imperatorum ualerent? num fundos igitur factos populos latinos arbitramur, aut seruilia lege, aut ceteris? quibus latinis hominibus erat propositum aliqua ex re praemium ciuitatis? Cognoscite nunc iudicium senatus: quod semper est iudicio populi comprobatum. Sacra Cereris Iudices summa maiores nostri religione confici cerimoniaq; uoluerunt. quae cum essent assumpta de Graecia: & per graecos semper



curata sunt sacerdotes: et Græci omnia nominata: sed  
 cum illam quæ Græcum illud sacrum monstraret, &  
 faceret, ex Græcia deligerent: tamen sacra pro quibus  
 ciuem facere uoluerunt: ut deos immortales scientia  
 peregrina & externa, mente domestica & civili præ-  
 carentur. has sacerdotes uideo ferè aut Neapolitanas,  
 aut Velientes fuisse foederatarum sine dubio ciuitatum.  
 mitto uetera. proxima dico. ante ciuitatem Veliensibus  
 datam, de senatus sententia C. Valerium Flacum præ-  
 torem urbanum nominatum ad populum de Callipha-  
 na Veliente, ut ea ciuis romana esset, tulisse. num igitur  
 aut fundos factos Velientes, aut sacerdotem illam ciuem  
 ro. factam non esse, aut foedus & à senatu & à popu-  
 lo ro. uiolatum arbitrabimur? Intelligo Iud. in  
 causa aperta, minimeq; dubia, multo & plura, et à plu-  
 ribus peritissimis esse dicta: quam res postularet. sed id  
 factum est: non ut uobis rem tam perspicuam dicendo  
 probaremus: uerum ut omnium maliuolorum, iniquo-  
 rum, inuidorum animos frangeremus: quos aut accusa-  
 tor incenderet: ut aliqui sermones hominum alienis bo-  
 nis moerentium etiam ad uestras aures permanerent:  
 et in iudicio ipso redundarent: ideo illa in omni par-  
 te orationis sua arte aspergi uidebatis: tum pecuniam  
 L. Corneli, quæ neq; inuidiosa est: & quantacumq; est:  
 eiusmodi est: ut conseruata magis, quam corrupta esse  
 uideatur: tum luxuriam, quæ non crimine aliquo libi-  
 dinis, sed communi maledicto notabatur: tum Thuscua-  
 lanum, quod Q. Metelli fuisse memnerat: & L. Cras-  
 si. simul illud nesciebat: prædiorum nullam esse gentem:  
 \* emptionibus ea solcre sæpe ad alienos homines, sæpe  
 ad infimos, non legibus tanquam tutelam peruenire.

Obiect  
 ueneri  
 minus  
 sentent  
 ptio T  
 est pra  
 secutus  
 uident  
 inuiden  
 illo inim  
 L. Corneli  
 multo uel  
 quis est m  
 potuit: qu  
 tatiq; non  
 minus pot  
 dijs nem  
 re, non  
 meum, s  
 natio con  
 exultati  
 lius: sed  
 minus me  
 nio ac pre  
 cipio dux  
 Iud. uel  
 aut di  
 ab hoc  
 ta esse  
 los ha  
 urgetur



Obiectum est etiam quod in Tribū Crustumina per-  
 uenerit: quod hic affectus est legis de ambitu præmio  
 minus inuidioso, quàm qui legum præmijs Prætoriam  
 sententiam, & prætextam togam consequuntur. et ado-  
 ptio Theophanis agitata est: per quam Cornelius nihil  
 est præterquam propinquorum suorum hæreditates af-  
 secutus. quāquam istorum animos qui ipsi Cornelio in-  
 uident: non est difficillimum mitigare: more hominum  
 inuident: in conuiuijs, rodunt: in circulis uellicant: non  
 illo inimico, sed hoc maledico dente carpunt. qui amicos  
 L. Cornelij aut inimici sunt: aut inuident: hi sunt huic  
 multo uehementius pertimescendi. nam huic quidem ipsi  
 quis est unquam inuentus inimicus? aut quis iure esse  
 potuit? quem bonum non coluit? cuius fortunæ digni-  
 tatiq; non cessit? uersatus in intima familiaritate ho-  
 minis potentissimi in maximis nostris malis atq; discor-  
 dijs neminem unquam alterius rationis, ac partis, non  
 re, non uerbo, non uultu deniq; offendit. fuit hoc siue  
 meum, siue Reipub. fatum: ut in me unum omnis incli-  
 natio communium temporum incumberet. non modo nō  
 exultauit in ruinis nostris uestrisq; discordijs Corne-  
 lius: sed omni officio, lachrymis, opera, consolatione, o-  
 mnis me absente meos subleuauit. quorum ego testimo-  
 nio ac precibus, munus hoc meritum huic, & ut à prin-  
 cipio dixi, iustam & debitam gratiam refero. speroq;  
 Iud. ut eos, qui principes fuerunt conseruandæ salutis  
 aut dignitatis meæ, diligitis: & caros habetis: sic quæ  
 ab hoc pro facultate huius, pro loco facta sunt: & gra-  
 ta esse uobis, & probata. non igitur à suis, quos nul-  
 los habet: sed à suorum, qui & multi & potentes sunt:  
 urgetur inimizias. quos quidem hesterno die Cr. Pompe-



PRO L.

ius copiosa oratione, & graui secum si uellent: contem-  
dere iubebat: ab hoc improbo certamine, atq; iniusta cō-  
tentione auocabat. Et erat æqua lex & uobis Iudices  
atq; omnibus qui nostris familiaritatibus implicantur:  
uehementer utilis: ut nostras inimicitias ipsi inter nos  
geramus: amicis nostrorum inimicorum temperemus.  
Ac si mea authoritas satis apud illos in hac re ponde-  
ris haberet: cum me præsertim rerum uarietate atque  
usu ipso iam perdoctum uiderent: etiam ab illis eos  
maioribus discordijs auocarem. id enim contendere me-  
cum de republica cum id defendas: quod esse optimum  
sentias: & fortium uirorum & magnorum hominum  
semper putauit: neq; huic unquam labori, officio, mu-  
neri defui. sed contentio tamdiu sapiens est: quādiu aut  
profiat aliquid: aut si non profiat, non obest ciuitati.  
uolumus quædam: contendimus: experti sumus: obtenta  
non sunt: dolorem in alienis, luctum, mœroremq; su-  
scipimus: cur ea quæ mutare non possumus conuellere  
malumus, quàm tueri? C. Cæsarem senatus & genere  
supplicationum amplissimo ornauit, & numero dierū  
nouem. Idem in angustijs ærarij uictorem exercitum  
stipendio affecit: Imperatori decem legatos decreuit: le-  
ge Sempronia succedendum non censuit. harum ego sen-  
tentiarum & princeps & author fui: neq; me dissen-  
sioni meæ pristinae putauit potius assentiri, quàm præ-  
sentibus Reipublicæ temporibus & concordie conue-  
nire. non idem alijs uidetur. sunt fortasse in sententia  
firmiores: reprehendo neminem. sed assentior non omni-  
bus, neq; esse inconstantis puto, sententiam aliquam, tam  
quam aliquod nauigium ex reipub. tempestate mode-  
rari. sed si qui sunt, quibus infinitum sit odium: in quo

semel si  
abus ip  
gent: ill  
tatem d  
aliqua  
num nu  
uestros  
nostra  
est car  
minimam  
beat: co  
no: in sum  
est ad equat  
brum detul  
complexus  
torum illi  
nonnullor  
huic obse  
quam sit  
C. Cæsar  
que regio  
rium popu  
Iudices hui  
um præse  
& familia  
sed ob su  
audiat.  
ius sum  
mine, se  
ius si C  
R. Met



semel susceptum sit: quos uideo esse non nullos: cum duabus ipsis, non cum comitatu, affectatoribusq; consi-  
gant. illam enim fortasse pertinaciam, nonnulli, uir-  
tutem alij putabunt: hanc uero iniquitatem omnes, cū  
aliqua crudelitate coniunctam. Sed si certorum homi-  
num mentes nulla ratione placare possumus Iudices:  
uestros quidem animos certe confidimus non oratione  
nostra, sed humanitate uestra esse placatos. quid enim  
est cur non potius ad summam laudem huic, quā ad  
minimam fraudem Cæsaris familiaritas ualere de-  
beat? cognouit adolescens: placuit homini prudentissi-  
mo: in summa amicorū copia cum familiarissimis eius  
est adæquatus: in Prætura, in Consulatu Præfectum fa-  
brum detulit: consilium hominis probauit: fidem eius est  
complexus: officia, obseruantiamq; dilexit: fuit hic mul-  
torum illi laborum socius aliquando: est fortasse nunc  
nonnullorum particeps commodorum. quæ quidem si  
huic obfuerint apud uos: nō intelligo quod bonum cui-  
quam sit apud tales uiros profuturum. Sed quoniā  
C. Cæsar abest longissime: atque in his est nunc locis:  
quæ regiones orbem terrarum rebus illius gestis, impe-  
rium populi Ro. definiunt: nolite per deos immortales  
Iudices hunc illi acerbum nuncium uelle deferri: ut su-  
um Præfectum fabrum, ut hominem sibi carissimum,  
& familiarissimum non ob ipsius aliquod delictum,  
sed ob suam familiaritatem uestris oppressum sententijs  
audiat. miseremini eius: qui non de suo peccato, sed hu-  
ius summi & clarissimi uiri facto, non de aliquo cri-  
mine, sed periculo suo de publico iure disceptat: quod  
ius si Cn. Pompeius pater ignorauit: si M. Crassus, si  
R. Metellus, si Cn. Pompeius, si L. Sylla, si L. Crassus,



PRO L. CORNELIO BALBO.

si C. Marius, si Senatus, si populus romanus, si qui de re simili iudicarunt: si foederati populi, si socij, si illi antiqui latini: uidete ne utilius uobis & honestius sit, illis duabus errare: quam hoc magistro crudiri. sed si de certo, de perspicuo, de utili, de probato, de iudicato uobis iure esse constituendum uidetis: nolite committere ut in re tam inueterata quicquam noui sentiat. simul & illa Iud. omnia ante oculos uestros proponite. primum esse omnes etiam post mortem reos clarissimos illos uiros: qui foederatos ciuitate donarunt. deinde senatum: qui persæpe hoc iudicauit: populum: qui iussit: iudices: qui approbarunt. tum etiam illud cogitatote: sic uiuere ac uixisse Cornelium: ut cum omnium peccatorum questionibus sint: non de uitiorum suorum poena, sed de uirtutis premio in iudicium uocetur. accedat etiam illud: ut statuatis hoc iudicio, utrum post hac amicitias clarorum uiro- rum calamitati hominibus an ornamento esse malitis. postremo illud Iud. fixum in animis uestris tenetote: uos in hac causa non de maleficio L. Cornelij, sed de beneficio Cn. Pompeij iudicatu- ros.

DE

quid mihi  
sententiam  
ignoscere  
uideretur  
ti. nunc uer  
quod hoc m  
amq; decern  
te dissentiat  
ante me sen  
in uniuers  
de ac bene  
& quotien  
binum &  
ra, cum pro  
insigne scel  
tem, non so  
uitate esse  
tet in eos  
ad expl  
tia dicere  
niam. qu  
hoc ero.



DE PROVINCIIS CONSULARIBVS. ORATIO  
XXXVII.

I quis uestrum P. C. expectat, quas sint  
provincias decreturus: consideret ipse se-  
cum, qui mihi homines ex provinciis  
potissimum detrahendi sint: non dubi-  
tabit, quid me sentire conveniat: cum  
quid mihi sentire necesse sit: cogitarit. Ac si princeps eā  
sententiam dicerem: laudaretis profecto: si solus: certe  
ignosceretis: etiam si paulominus utilis vobis sententia  
uideretur: ueniam tamen aliquam dolori meo tribuere-  
tis. nunc uero P. C. non parua afficior uoluptate: uel  
quod hoc maxime Reip. conducit, Syriam Macedoni-  
amq; decerni: ut dolor meus nihil a communi utilita-  
te dissentiat: uel quod habeo authorem P. Seruilium, qui  
ante me sententiam dixit: uirum clarissimum, & cum  
in uniuersam Rempublicam etiam erga meam salutem fi-  
de ac beniuolentia singulari. quod si ille, & paulo ante,  
& quotienscunq; ei locus dicendi ac potestas fuit: Ga-  
binium & Pisonem duo Reip. portenta, ac pene fine-  
ra, cum propter alias causas, tum maxime propter illud  
insigne scelus eorum, & importunam in me crudelita-  
tem, non solum sententia sua, sed etiam uerborum gra-  
uitate esse notandos putauit: quoniam me animo esse opor-  
tet in eos: cuius illi salutem pro pignore tradiderunt  
ad explendas suas cupiditates. Sed ego in hac senten-  
tia dicenda non parebo dolori meo: nec iracundiae ser-  
uiam. quo animo unusquisq; uestrum debet esse in illos:  
hoc ero. praecipuum illum & proprium sensum dolo-



# DE PROVINCIIS

ris mei, quem tamen uos communem semper uobis me-  
cum esse duxistis: a sententia dicenda amouebo: ad ul-  
ciscendi tempora reservabo. Quatuor sunt provin-  
ciae P. C. de quibus adhuc intelligo sententias esse di-  
ctas: Galliae duae: quas hoc tempore uno imperio uide-  
mus esse coniunctas: & Syria, & Macedonia: quas uo-  
bis inuitis, & oppressis, pestiferi illi Consules pro euer-  
sa Reip. praemijs occupauerunt. decernendae nobis sunt  
lege Sempronia duae. quid est quod possimus de Syria  
Macedoniaq; dubitare? mitto, quod eas ita partas ha-  
bent ij, qui nunc obtinent: ut non ante attigerint: quam  
hunc ordinem condemnarint: quam auctoritatem ue-  
stram e ciuitate exterminarint: quam fidem publicam,  
quam perpetuam Populi Ro. salutem: quam me, ac me-  
os omnes foedissime crudelissimeq; uexarint. omnia illa  
domestica atq; urbana mitto: quae tanta sunt: ut nun-  
quam Annibal huic urbi tantum mali optarit: quan-  
tum illi effecerint. ad ipsas uenio provincias. quarum  
Macedonia, quae erat antea munita plurimorum impe-  
ratorum non turribus, sed tropheis: quae multis uicto-  
rijs erat iamdiu triumphisq; pacata: sic a Barbaris,  
quibus est propter auariciam pax erepta: uexatur: ut  
Thessalonicensis positi in gremio Imperij nostri relin-  
quere oppidum, & arcem munire cogantur: ut uia illa  
nostra, quae per Macedoniam est usq; ad Hellespontum  
militaris: non solum excursionibus Barbarorum sit in-  
festa: sed etiam castris Thracijs distincta, ac notata. Ita  
gentes hae, quae ut pace uterentur: uim argenteam dede-  
rant praclaro Imperatori nostro: ut exhaustas domos  
replere possent: pro empto pace bellum nobis propè iu-  
stum intulerunt. Iam uero exercitus ille noster super-

bisimo  
omnis in  
dum im  
n, dissi  
pti: ut, qu  
poenam e  
cedoniam  
compressa  
sidio, atq  
tos nomine  
salari impe  
se diurna  
hoc non audi  
nam pender  
Dyrrachino  
conuersum:  
perio fideliss  
quo ille, post  
ulla ui a m  
berna misit  
simos satellite  
omito iuri  
natusq; consil  
quorum acci  
memoriam  
nostri odium  
putos ab  
nem depu  
sima sint: s  
bem Byz  
mam signa



bissimo delectu, & durissima conquisitione collectus, omnis interijt. magno hæc dico cum dolore: miserandum immodum milites Populi Ro. capti, necati, deserti, dissipati sunt: incuria, fame, morbo, uastitate consumpti: ut, quod est indignissimum scelus: is Imperator in poenam exercitus expetitus esse uideatur. Atq; hanc Macedoniam domitis iam gentibus finitimus, Barbariaq; compressa pacatam ipsam per se, & quietam, tenui praesidio, atq; exigua manu, etiam sine Imperio, per legatos nomine ipso Populi Ro. tuebamur: quæ nunc Consulari imperio, atq; exercitu ita uexata est: ut uix possit se diuturna pace recreare. cum interea quis uestrum hoc non audiuit? quis ignorat? Acheos ingentem pecuniam pendere L. Pisoni quotannis? uectigal ac portorium Dyrrachinorum totum in huius unius quaestum esse conuersum? urbem Byzantium uobis atq; huic Imperio fidelissimam, hostilem immodum esse uexatam? quo ille, postquam nihil exprimere ab egentibus, nihil ulla ui a miseris extorquere potuit: cohortes in hyberna misit. his praeposuit quos putauit fore diligentissimos satellites scelerum, ministros cupiditatum suarum. omitto iurisdictionem in libera ciuitate contra leges, Senatusq; consulta: caedes relinquo: libidines praetereor: quarum acerbissimum extat indicium & ad insignem memoriam turpitudinis, & pene ad iustum imperij nostri odium: quod constat nobilissimas uirgines se in puteos abiecisse: & morte uoluntaria nefariam turpitudinem depulisse. Nec hæc ideo omitto: quod non grauissima sint: sed quia nunc sine teste dico. Ipsam uero urbem Byzantium fuisse refertissimam, atq; ornatissimam signis quis ignorat? quæ illi exhausti sumptibus,



## DE PROVINCIIIS

bellisq; maximis, cum Mithridaticos impetus, totumq;  
 Pontum armatum efferuescentem in Asiam, atq; erum=  
 pentem egre repulsum, & cervicibus interclusum suis  
 sustinerent: tum inquam Byzantijs, & postea signa illa,  
 & reliqua urbis ornamenta sanctissime custodita te=  
 nuerunt. te Imperatore infelicissimo & teterrimo Ce=  
 sonine Caluente ciuitas libera, & proximis suis bene=  
 ficis a senatu, & a Populo Ro. liberata: sic spoliata  
 atq; nudata est: ut nisi C. Virgilius legatus uir fortis &  
 innocens interuenisset: unum signum Byzantijs ex ma=  
 ximo numero nullum haberent. quod sanum in Acha=  
 ia? qui locus aut lucus in Graecia tota, tam sanctus fuit?  
 in quo ullum simulacrum, ullum ornamentum reliquu  
 sit? emisti a foedissimo tribuno pl. tum in illo nau fra=  
 gio huius urbis: cum tu idem, qui gubernare debueras,  
 euertes: tum inquam emisti grandi pecunia, ut tibi de  
 pecunijs creditis dicere liceret ius in liberos populos con=  
 tra senatus consultu, et contra legem generi tui. id emptu  
 ita uendidisti: ut aut ius non diceres: aut bonos ciues ro=  
 manos euertes. quorum ego nihil dico nunc patres  
 conscripti in hominem ipsum: de provincia disputo. itaq;  
 omnia illa, quae & saepe audistis: & tenetis animis, eti=  
 am si non audiatis: praetermitto: nihil de hac eius ur=  
 bana, quam ille praesens in oculis uestris mentibusq; de=  
 fixit: audacia loquor: nihil de superbia, nihil de contu=  
 melia, nihil de crudelitate disputo: lateant libidines eius  
 illae tenebricosae: quas fronte, & supercalio, non pudore  
 & temperantia contegebat. de provincia quod agitur:  
 id disputo. huic uos non summittetis? hunc diutius ma=  
 nere pati mini? cuius ut provinciam tetigit: sic fortuna  
 cum improbitate certauit: ut nemo posset uirum dete=



rior an infelicioꝝ eſſet iudicare. An uero in Syria diu-  
tius eſt Semiramus illa retinenda? cuius iter in Prouin-  
ciam fuit eiꝛſmodi: ut Rex Arriobarzanes conſulem ue-  
ſtrum ad cædem faciendam, tanquam aliquem Thra-  
cem conduceret. deinde aduentus in Syriam primus, e-  
quitatus habuit interitum. poſt conſiſe ſunt optimæ co-  
hortes. Igitur in Syria Imperatore illo, nihil aliud actũ  
eſt: niſi pactiones pecuniarum cum Tyrannis, deciſio-  
nes, direptiones, latroania, cædes, cum palàm Populũ  
Ro. Imperator inſtructo exercitu dexteram tendens non  
ad laudem milites hortaretur: ſed omnia ſibi & emptæ  
& emenda eſſe clamaret. Iam uero Publicanos miſe-  
ros, me etiam miſerum, illorum ita de me meritorum  
miſerijs ac dolore: tradidit in ſeruitutem iudeis, et Sy-  
ris nationibus natis ſeruituti. ſtatuit ab initio: & in eo  
perſeuerauit: ius publicano non dicere: pactiones ſine  
ulla iniuria factas, reſcidit: cuſtodias ſuſtulit: ueſtiga-  
les multos ac ſtipendiarios liberauit: quo in oppido ipſe  
eſſet: aut quo ueniret: ibi Publicanum, aut Publicani ſer-  
uum eſſe uetuit. quid multa? crudelis haberetur: ſi in ho-  
ſtem animo fuiſſet eo: quo fuit in ciues Romanos, eius  
ordinis præſertim, qui eſt ſemper dignitate ſua, benigni-  
tate magiſtratus ſuſtentatus. Itaq; uidetis P. C. non teme-  
ritate redemptionis, aut negocij gerendi inſcitia, ſed aua-  
ricia, ſuperbia, crudelitate Gabinij, penè affictos iam,  
atq; euerſos publicanos. quibus quidem uos, in his an-  
guſtijs ærarij tamen ſubueniatis neceſſe eſt: & ſi iam mul-  
tis non poteſtis: qui propter illum hoſtem Senatus, ini-  
miciffimum ordinis equeſtris, bonorumq; omnium, nõ  
ſolum bona, ſed etiam honeſtatem miſeri deperdide-  
runt. quos non parſimonia, non continentia, non uirtus,



# DE PROVINCIIIS

non labor, non splendor, tueri potuit contra illius Hel-  
luonis & prædonis audaciam. quid? qui se etiam nunc  
subsidijs patrimonij, aut amicorum liberalitate susten-  
tant: hos perire patieminus? si qui frui publico non po-  
tuit per hostem: hic tegitur ipsa lege Censoria. quem is  
frui nõ sinit, q̄ est, et si nõ appellatur, hostis: huic ferrĩ  
auxiliũ nõ oportet? Retinete igitur in provincia diutius  
eũ q̄ de socijs cũ hostibus, de ciuibus cũ socijs faciat pa-  
ctiõnes: q̄ hoc etiã se pluris esse q̄ Collegã putet: quod ille  
uos tristitia, uultuq; deceperit: ipse nunquam se minus  
quã erat, nequam esse simularit. Piso autem alio quo-  
dam modo gloriatur: se breui tempore perfecisse: ne Ga-  
binus unus omnium nequissimus existimaretur. hos  
uos de provincijs, si non aliquando deducendi essent: di-  
ripiendos non putaretis? et has publicas pestes sociorum,  
militum clades, publicanorum ruinas, provinciarum  
uastitates, imperij maculas teneretis? At idem uos anno  
superiore hos eosdem reuocabatis: cum in Provincias iã  
peruenissent. quo tempore si liberum uestrum iudicium  
fuisset: nec totiens dilata res: nec ad extremum e manu-  
bus erepta: restituissetis, id quod cupiebatis, uestram au-  
thoritatem: his, per quos erat amissa, reuocatis, & his  
ipsis præmijs extortis, quæ erant pro scelere, atq; euer-  
sione patriæ consecuti. Quam pœnam si tum aliorum  
opibus, non suis, inuitissimis uobis euolarunt: at aliam  
multo maiorem grauioremq; subierunt. quæ enim ho-  
mini, in quo aliquis si non famæ pudor, at supplicij  
timor est: grauior pœna accidere potuit? quã non cre-  
di litteris ijs: quæ rem bene gestam in bello nunciarent?  
hoc statuit Senatus: cum frequens supplicatione Gabinio  
denegauit: primum homini sceleribus, flagitijs, conta-



minatissimo, nihil esse credendum: deinde a proditore,  
 atq; eo, quem presentem hostem Reip. cognosset: bene  
 rem geri non potuisse: postremo ne deos quidem immor-  
 tales uelle aperiri sua templa: & sibi supplicari, homi-  
 nis impurissimi & sceleratissimi nomine. Itaq; ille  
 alter aut ipse est homo doctus: & a suis Græcis subti-  
 lius eruditus: quibus cum iam in orchestra belluatur:  
 antea post siparium solebat: aut amicos habet pruden-  
 tiores q̃ Gabinius: cuius nullæ literæ perferuntur. Hosce  
 igitur Imperatores habebimus? quorū alter nō audet nos  
 certiores facere: ne Imperator appelletur. alterū, si tabel-  
 larij nō cessarint: necesse est paucis diebus pœniteat aude-  
 re. cuius amici si qui sunt: aut si belluæ tam immani tāq;  
 tetræ possunt ulli esse amici: hac consolatione utuntur:  
 etiam T. Albutio supplicationem hunc ordinem dene-  
 gasse. quod est primum dissimile: res in Sardinia cum  
 Mastrucatis latrunculis a Proprætorē una cohorte au-  
 xiliaria gesta: & bellum cum maximis Syriæ genti-  
 bus, Tyrannis, Consulari exercitu imperioq; confectū.  
 deinde Albutius quod a Senatu petebat, ipse sibi in  
 Sardinia ante decreuerat. constabat enim Græcum ho-  
 minem ac leuem in ipsa prouincia quasi triumphasse.  
 itaq; hanc eius temeritatem Senatus supplicatione dene-  
 gata notauit. sed fruatur sane hoc solatio: atq; hanc in-  
 signem ignominiam, quoniam uni præter se iniusta est:  
 putet esse leuiorem: dummodo cuius exemplo se conso-  
 latur: eius exitum expectet. præsertim cum in Albutio  
 nec Pisonis libidines, nec audacia Gabini fuerit: hac  
 tamen una plaga conciderit, ignominia Senatus. At quā  
 duas Gallias decernit Consulibus duobus: hos retinet  
 ambos. qui autem alteram Galliam, & aut Syriam, aut



# DE PROVINCIIS

Macedoniam: tamen alterum retinet. Et in utriusq; pa-  
 ri scelere disparem conditionem facit. Faciam inquit il-  
 las Prætorias: ut Pisoni Et Gabinio succedatur statim.  
 si hic sinat: tum enim Tribunus intercedere poterit:  
 nunc non potest. itaq; ego idem, qui nunc Consulibus  
 ijs, qui designati crunt: Syriã, Macedoniamq; decerno:  
 decernam easdem Prætorias: Et ut prætores annuas  
 provincias habeant: Et eos quamprimum uideamus  
 quos animo æquo uidere non possumus. sed mihi credi-  
 te: nunquam succedetur illis: nisi cum ea lege referetur  
 qua intercedi de provincijs non licebit. Itaq; hoc tem-  
 pore amisso, annus est integer uobis expectandus. quo  
 interiecto ciuium calamitas, sociorum erumna, scelera-  
 tissimorum hominum impunitas propagatur. Quod si  
 essent illi optimi uiri: tamen ego mea sententia C. Cæsa-  
 ri succedendum nondum putarem. Qua de re dicam  
 P. C. quod sentio: atq; illam interpellationem mei fami-  
 liarissimi, qua paulo ante interrupta est oratio mea: non  
 pertimescam. Negat me uir optimus inimiciorem Gabi-  
 nio debere esse quàm Cæsari. omnem illam tempesta-  
 tem, cui cesserim: Cæsare impulsore, atq; adiutore esse  
 excitatam. cui si primum sic respondeam: me communis  
 utilitatis habere rationem, non doloris mei: possim ne  
 probare? cum id me facere dicam: quod ex æplo fortissi-  
 morum Et clarissimorum ciuium facere possim. an  
 Ty. Gracchus, patrem dico: cuius utinam filij non de-  
 generassent a grauitate paterna: tantam laudem est  
 adeptus? quod Tribunus pl. solus ex toto illo collegio,  
 L. Scipioni auxilio fuit inimicissimus Et ipsius, Et fra-  
 tris eius Africani: iurauitq; in concione se in gratiam  
 non redysse: sed alienum sibi uideri dignitate imperij:  
 quo duces



quo duces essent hostium scipione triumphante ducti:  
 eodem ipsum duci: qui triumphasset. Quis plenior ini-  
 micorum fuit C. Mario? L. Crassus, M. Scaturus. alij ne  
 inimici? omnes Metelli. at hi non modo illum inimici  
 ex Gallia sententijs suis non detrahebant: sed & pro-  
 pter rationem Gallici belli prouinciam extra ordinem  
 decernebant. Bellum in gallia maximum gestum est:  
 domitæ sunt à Cæsare maximæ nationes: sed nondum  
 legibus, nondum iure certo, nondum satis firma pace  
 deuinctæ. bellum affectum uidemus: & uere ut dicā  
 penè confectum: sed ita, ut si idem extrema persequi-  
 tur: qui inchoauit: iam omnia perfecta uideamus. si suc-  
 ceditur: periculum sit, ne instauratas maximi belli re-  
 liquias, ac renouatas audiamus. Ergo ego Senator, ini-  
 micus si ita uultis, homini, amicus esse, sicut semper  
 fui, Reip. debeo. Quid si ipsas inimicitias depono Reip.  
 causa? quis me tandem iure reprehendat? præfer-  
 tim cum ego omnium meorum consiliorum, atq; facto-  
 rum exempla, ex summorum hominum factis mihi cen-  
 suerim petenda. An non M. ille Lepidus qui bis con-  
 sul, & pontifex maximus fuit: non solum memoria, et  
 testimonio, sed etiam annalium literis, & summi poetæ  
 uocæ laudatus est? quod cum M. Fulvio Collega, quo  
 die censor est factus: homine inimicissimo, in Campo  
 statim redijt in gratiam: ut commune officium Censu-  
 ræ communi animo, ac uoluntate defenderent. atq; ut  
 uetera, quæ sunt innumerabilia: mittam: tuus pater  
 Philippe nō uno tempore cum suis inimicissimis redijt  
 in gratiam? quibus cum omnibus eadem Resp. reconci-  
 liauit: quæ alienarat. multa prætereo: quod intueor co-  
 ram hæc lumina atq; ornamenta reipublicæ, P. Serui-

kkk



# DE PROVINCIIS

lium, & M. Lucullum: utinam etiam L. Lucullus ille  
 uiueret. quæ fuerunt inimiciæ grauiorẽs in ciuitate,  
 quàm Lucullorum, atq; Seruiliorum? quas in uiris for-  
 tissimis non solum extinxit Reip. dignitas, & ipsorũ:  
 sed etiam ad amicitiam consuetudinemq; traduxit. qd?  
 Q. Metellus nepos, non'ne Consul in templo Iouis Op-  
 timi Maximi permotus cum auctoritate uestra, tum il-  
 lius P. Seruiliĩ incredibili grauitate dicendi, absens  
 mecum summo suo beneficio redijt in gratiam? an ego  
 possum huic esse inimicus? cuius literis, fama, nuncijs,  
 celebrantur aures quotidie meæ nouis nominibus gen-  
 tium, nationum, locorum. Ardeo mihi credite P. C. (id  
 quod uosmet de me existimatis: & facitis ipsi) incredi-  
 bili quodam amore patriæ. qui me amor, & subueni-  
 re olim impendentibus periculis maximus, cum dimi-  
 catione capitis, & rursum, cum omnia tela undiq; esse  
 intenta in patriam uiderem: subire coegit, atq; exape-  
 re unum pro uniuersis. hic me meus in Remp. animus  
 pristinus, ac perennis, cum C. Cesare reducit, reconci-  
 liat, restituit in gratiam. quid uolent deniq; homines  
 existiment: nemini ego esse possum bene de Rep. meren-  
 ti non amicus. Etenim si is, qui hæc omnia flamma ac  
 ferro delere uoluerunt: non inimicitias solum, sed etiã  
 bellum indixi: atq; intuli: cum partim mihi illorum fa-  
 miliæ, partim etiam me defendente capitis iudicijs  
 essent liberati: cur eadem Resp. quæ me in amicos in-  
 flammare potuit: inimicis placare non possit? quod mĩ  
 hi odium cum P. Clodio fuit? nisi quod perniciosum pa-  
 triæ ciuem fore putabam: qui turpissima libidine incen-  
 sus duas res sanctissimas religionem, et pudicitiam uno  
 scelere uiolasset. num est igitur dubium ex his rebus,

quas  
 do Re  
 fendu  
 Ego me  
 bis cam  
 tea ser  
 rebus  
 quadam  
 Caesar  
 nullo ex  
 pectem bo  
 reducat  
 & public  
 thor, & p  
 temperam  
 in Rep. n  
 ruis comi  
 tes uestra  
 tem esse  
 str. sed q  
 admirari  
 ego idem  
 minus di  
 rent: sup  
 tia mea  
 erat ex  
 ex max  
 est di gn  
 te prim  
 Pompe  
 bello: &



quas is egit, agiturque quotidie: quin ego in illo oppugnando Reip. plus quam ocio meo, nonnulli in eodem defendendo suo plus ocio, quam communi prospexerint? Ego me à C. Cesare in Rep. dissensisse fateor: et sensisse uobiscum. sed nunc isdem uobis assentior: cum quibus antea sentiebam. uos enim, ad quos literas L. Piso de suis rebus non audet mittere: qui Gabinij literas insigni quadam nota, atque ignominia noua condemnastis: C. Cesari supplicationes decreuistis numero, ut nemini ullo ex bello, honore, ut omnino nemini. cur igitur expectem hominem aliquem: qui me cum illo in gratiam reducat? reduxit ordo amplissimus, et ordo is, qui est et publici consilij, et meorum omnium consiliorum auctor, et princeps. uos sequor patres conscripti: uobis obtempero: uobis assentior: qui quamdiu C. Caesaris consilia in Rep. non maxime diligebatis: me quoque cum illo minus coniunctum uidebatis. posteaquam rebus gestis mentes uestras, uoluntatemque mutastis: me non solum commitem esse sententiae uestrae, sed etiam laudatorem uidistis. sed quid est? quod in hac causa maxime homines admirentur: et reprehendant meum consilium? cum ego idem antea multa decreuerim: quae magis ad hominis dignitatem, quam ad Reip. necessitatem pertinerent? supplicationem quindecim dierum decreui sententia mea. Reip. satis erat tot dierum: quot C. Mario. non erat exigua eadem dijs immortalibus gratulatio: quae ex maximis bellis. ergo ille cumulus dierum hominis est dignitati tributus. in quo ego, quo Consule referente primum decem dierum est supplicatio decreta Cn. Pompeio Mithridate interfecto, confectoque Mithridatico bello: et cuius sententia primum duplicata est suppli-

kkk ij



# DE PROVINCIIS

catio Consularis: mihi enim estis assensi: cum eiusdē Pompei literis recitatis confectis omnibus maritimus, terrestribusq; bellis, supplicationem dierum duodecim decreuistis: sum Cn. Pompei uirtutem, & animi magnitudinem admiratus: quod cum ipse ceteris omnibus esset omni honore antelatus: ampliorem honorem alteri tribuebat: quā ipse erat consecutus. ergo in illa supplicatione, quam ego decreui: res ipsa tributa est dijs immortalibus, & maiorum institutis, & utilitati reipublicae, sed dignitas uerborum, honos, & nouitas, et numerus dierum, Caesaris ipsius laudi, & gloriae concessus est. relatum est ad nos nuper de stipendio exercitus: non decreui solum: sed etiam ut uos decerneretis laboraui: multa dissentientibus respondi: scribendo affui: tum quoq; homini plus tribui, quā nescio cui necessitati. illum enim etiam arbitrabar sine hoc subsidio pecuniae retinere exercitum praeda ante parta, & bellum conficere posse. sed decus illud & ornamentum triumphi minuendum nostra parsimonia nō putauī. actum est de decem legatis: quos alij omnino non dabant: alij exempla querebant: alij tempus differebant: alij sine ullis uerborum ornamentis dabant. in ea quoq; re sic sum locutus: ut omnes intelligerent, me id, quod Reipub. causa sentirem: facere uberius propter ipsius Caesaris dignitatem. at ego idem nunc in prouincijs decernendis, qui illas omnis res egi silentio: interpellor. cum superioribus causis hominis ornamenta fuerint: in hac me nihil aliud, nisi ratio belli, nisi summa utilitas Reipub. moueat. nam ipse Caesar quid est, cur in prouincia cōmorari uelit? nisi ut ea quae per eum affecta sunt: perfecta Reipub. tradantur. amenitas eum credo locorum,

urbium  
human  
rij nos  
quid p  
gus in  
quam  
sus est  
auger e  
rea illa  
lourida  
hil est: qu  
deuocant  
num hor  
puli carit  
pter utilit  
conficiat  
si ille ali  
ro sic in  
cernendi  
quis hoc  
qua ab o  
belli: ian  
uore non  
uic milit  
Popula  
quam  
ri: nati  
ne ipsa  
ab eod  
Imperi  
bus pr



urbium pulchritudo, hominum, nationumq; illarum  
 humanitas, & lepos, uictoriae cupiditas, finium impe-  
 rij nostri propagatio, retinet. quid illis terris asperius?  
 quid porro tot uictorijs praestabilius? quid oceano lon-  
 gius inueniri potest? an reditus in patriam habet ali-  
 quam offensionem? uirum apud populum, à quo mis-  
 sus est? an apud Senatum, à quo ornatus est? an dies  
 auget eius desiderium? an magis obliuionem? ac lau-  
 rea illa magnis periculis parta, amittit longo interval-  
 lo uiriditatem? quare si qui hominem non diligunt: ni-  
 hil est: quod eum de Prouincia deuocent. ad gloriam  
 deuocant: ad triumphum, ad gratulationem, ad sum-  
 mum honorem Senatus, equestris ordinis gratiam, po-  
 puli caritatē. Sed si ille hac tam eximia fortuna pro-  
 pter utilitatem Reip. frui non properat: ut omnia illa  
 conficiat: quid ego Senator facere debeo? quem, etiam  
 si ille aliud uellet: Reipub. consulere oporteret. Ego ue-  
 ro sic intelligo P. C. nos hoc tempore in Prouincijs de-  
 cernendis perpetuae pacis oportere habere rationem. nā  
 quis hoc tempore non sentit: omnia alia esse nobis na-  
 tua ab omni periculo, atque etiam ab omni suspicionē  
 belli? iamdiu mare uidemus illud immensum, cuius fer-  
 uore non solum maritimi cursus, sed urbes etiam &  
 uiae militares iam tenebantur: uirtute Cn. Pompei sic à  
 Populo Ro. ab Oceano usq; ad ultimum Pontum, tan-  
 quam unum aliquem portum tutum, et clausum tene-  
 ri: nationes eas, quae numero hominum, ac multitudi-  
 ne ipsa poterant in Prouincias nostras redundare: ita  
 ab eodem partim recisas, partim repressas: ut Asia quae  
 Imperium antea nostrum terminabat: nunc nouis tri-  
 bus prouincijs ipsa cingatur. Possum de omni regione,

kkk ij



# DE PROVINCIIS

de omni hostium genere dicere. nulla gens est: quæ non aut ita subacta sit: ut uix extet: aut ita domita: ut quiescat: aut ita pacata: ut uictoria nostra imperioq; lætetur. bellū Gallicum Patres Cōscripti C. Cæsare imperatore gestum est: antea tantūmodo repulsum. semper illas nationes nostri Imperatores refutandas potius bello, q̄ læscendas putauerunt. ipse ille C. Marius, cuius diuina atq; eximia uirtus magnis Populi Ro. luctibus funeribusq; subuenit: influentes in Italiam Gallorum maximas copias repressit: non ipse ad eorum urbes sedesq; penetravit. modo ille meorum laborum, periculorum, consiliorum socius C. Pontinus fortissimus uir, ortum repente bellum Allobrogum, atq; hac scelerata coniuratione excitatum, prælijs fregit: eosq; domuit: qui lacefferant: & ea uictoria contentus Rep. metu liberata quiescit. C. Cæsaris longe aliam uideo fuisse rationem. non enim sibi solum cum ijs, quos iam armatos contra Populum Ro. uidebat: bellādum esse duxit: sed totam Galliam in nostram ditionem esse redigendam. Itaq; cum acerrimis nationibus, et maximis, germanorum, et Heluetiorum, prælijs felicissime decertauit. cæteras contriuit: compulit: domuit: imperio Populi Ro. parere assuefecit: & quas regiones, quasq; gentes nullæ nobis antea literæ, nulla uox, nulla fama notas fecerat: has noster imperator, nosterq; exeratus, & Populi Ro. arma peragrarunt. semitam tantum Galliæ tenebamus antea. P. C. cæteræ partes à gentibus aut inimicis huic imperio, aut infidis, aut incognitis, aut certe immanibus, & barbaris, & bellicosis tenebantur. quas nationes nemo unquam fuit: qui non frangi domariq; cuperet: nemo sapienter de Repub. nostra cogitauit iam in-



de à principio huius imperij: quin Galliam maxime  
 timendam huic imperio putaret. sed propter vim ac  
 multitudinem gentium illarum, nunquam est antea cū  
 omnibus dimicatum. restitimus semper lacessiti: nunc  
 denique est perfectum: ut imperij nostri terrarumq; il-  
 larum idem esset extremum. alpibus Italiam munie-  
 rat ante natura non sine aliquo diuino numine. nam  
 si ille aditus Gallorum immanitati multitudinēq; pa-  
 tuisset: nunquam hæc urbs summo imperio domiciliū,  
 ac sedem præbuisset. quæ iam licet considant: nihil est  
 enim ultra illam altitudinem montium usq; ad Ocea-  
 num: quod sit Italiæ pertimescendum. Sed tamen una  
 atq; altera æstas uel metu, uel spe, uel poena uel præ-  
 mijs, uel armis, uel legibus potest totam Galliam sem-  
 piternis uinculis astringere. impolite uero res, et acer-  
 bæ si erunt relictæ: quanquam sunt abscessæ: tamen ef-  
 ferent se aliquando: & ad renouandum bellum re-  
 uirescent. quare sit in eius tutela Gallia: cuius uirtuti,  
 fidei, felicitati commendata est. Et enim si fortunæ nu-  
 meribus amplissimus ornatus, sæpius eius deæ pericu-  
 lum facere noller: si in patriâ, si ad deos penates, si ad  
 eam dignitatem, quam in ciuitate sibi propositam ui-  
 det: si ad iucundissimos liberos, si ad clarissimum gens  
 rum, redire properaret: si in Capitolium inuehi ui-  
 ctor cum illa insigni laurea gestiret: si denique timeret  
 casum aliquem: qui illi tantum addere iam non po-  
 test: quantum auferre: uos tamen oporteret ab eodem il-  
 la omnia, à quo profligata sunt: confici uelle. cum ue-  
 ro ille suæ gloriæ iam pridem, Reipub. nondum satis-  
 fecerit: & malit tamen tardius ad suorum laborū fru-  
 ctus peruenire: quam non explere susceptum Reip. munus

kkk iiij



# DE PROVINCIIS

mus: nec Imperatorem incensum ad Remp. bene geren-  
dam reuocare: nec totam Gallia belli rationem propè  
iam explicatam perturbare, atq; impedire debemus. Nā  
illæ sententiæ uirorum clarissimorum minime proban-  
dæ sunt: quorum alter ulteriorem Galliam decernit  
cum Syria: alter Citeriorem. qui Vltiorem, omnia il-  
la de quibus disserui paulo ante: perturbat. simul osten-  
dit: eam se sciscere legem: quam esse legem neget: &  
quæ pars Prouinciæ sit: cui non possit intercedi: hanc  
se auellere: quæ defensorem habeat: non tangere. simul  
& illud facit: ut quod illi à populo datum sit: id non  
uiolet: quod Senatus dederit: id Senator properet aufer-  
re. Alter belli Gallicæ rationem habet: fungitur officio bo-  
ni Senatoris: legem quam non putat: eam quoq; seruat:  
præfinit enim successori diem. qui mihi nihil uidetur  
minus à dignitate disciplinaq; maiorū dissidere: quàm  
ut qui Consul Calendis Ian. habere prouinciam de-  
bet: is ut eam desponsam, non decretam habere uidea-  
tur: fuerit toto in Consulatu sine Prouincia: cui fuerit  
antequam designatus esset: prouincia decreta. sortietur,  
an non? nam & non sortiri absurdum est: & quod  
sortitus sis: non habere. proficiscetur paludatus: quoq; per-  
uenire ante certam diem non licebit. Ianuario, Februa-  
rio, prouinciam non habebit: Cal. ei deniq; Martij na-  
scetur repente prouincia. attamen his sententijs Piso in  
Prouincia permanebit. quæ cum graua sunt: nihil gra-  
uius illo: quod mulctari Imperatorem diminutione Pro-  
uinciæ contumeliosum est. neq; solum summo in uiro: sed  
etiam in mediocri homine ne accidat, prouidendum.  
Ego uos intelligo P. C. multos decreuisse honores eximi-  
os C. Cæsari, & propè singulares: quod ita meritus erat:

gratis  
sapient  
do com  
dignita  
pius: pu  
maluer  
tatem  
tre tract  
sepe ex  
consilium  
bene gesta  
amplissim  
do non re  
muer a fu  
mori am  
nobis im  
nunc er  
hunc or  
tione ter  
P. C. pr  
diligent  
arbitror  
rum ac  
studium  
lius om  
tus, per  
nos ue  
riam  
quati  
stremo  
nideq.



gratis etiam: ut quam coniunctissimus huic ordini esset. sapientes ac diuini fuistis. neminem unquam est hic ordo complexus honoribus & beneficijs suis: qui ullam dignitatem prestabiliorem ea, quam per uos esset adeptus: putarit. nemo unquam hic potuit esse princeps: qui maluerit esse popularis. sed homines aut propter dignitatem suam diffisi ipsi sibi, aut propter reliquorum obtrectationem, ab huius ordinis coniunctione depulsi, saepe ex hoc portu se in illos fluctus propè necessario contulerunt. qui si ex illa iactatione cursuq; populari bene gesta Rep. referunt aspectum in Curiam: atq; huic amplissimæ dignitati commendati esse uolunt: non modo non repellendi sunt: uerum etiam expetendi. mone-mur a' fortissimo uiro, atq; optimo post hominum memoriam Consule: ut provideamus ne Citerior Gallia nobis inuitis, alicui decernatur: post eos Consules, qui nunc erunt designati: perpetuoq; posthac ab ijs, qui hunc ordinem oppugnant: populari ac turbulenta ratione teneatur. Quam ego plagam & si non contemno P. C. præsertim monitus a sapientissimo Consule & diligentissimo custode pacis, & ocij: tamen uehementius arbutor pertimescendam: si hominum præclarissimorum ac potentissimorum aut honorem minuerò: aut studium erga hunc ordinem repudiaro. nam ut C. Iulius omnibus a' Senatus eximys ac nouis rebus ornatus, per manus hanc Prouinciam tradat ei, cui minime uos uelitis: per quem ordinem ipse amplissimam sit gloriam consecutus: sic ne libertatem tunc quidem relinquat: adduci ad suspiciandum nullo modo possum. Po-  
stremo quo quisq; animo futurus sit: nescio: quid sperem: nideo. præstare hoc Senator debeo, quantum possum: ne-



# DE PROVINCIIS

quis uir clarus aut potens huic ordini iure irasci posse uideatur. Atq; hoc, si inimicissimus essem C. Cæsari: sentirem tamen Reip. causa. sed non alienum esse arbitror: quomodus sæpe aut interpeller à nonnullis: aut tacita existimatione reprehendar: explicare breuiter quæ mihi sit ratio & causa cum Cæsare. Ac primum illud tempus familiaritatis & consuetudinis, quæ mihi cum illo, quæ fratri meo, quæ C. Varroni consobrino nostro ab omnium nostrum adolescentia fuit: prætermitto. posteaquam sum penitus in Remp. ingressus: ita dissensi ab illo: ut in disiunctione sententiæ, coniuncti tamen amicitia maneremus. Consul ille egit eas res: quarum participem me esse uoluit: quibus ego si munus assentiebam: tamen illius mihi iudicium gratum esse debebat. me ille ut quinqueuiratum acciperem, rogauit: me in tribus sibi coniunctissimis Consularibus esse uoluit: mihi legationem quam uellem, quanto cum honore uellem, detulit. quæ ego omnia non ingrato animo, sed obstinatione quadam sententiæ repudiaui. quam sapienter non disputo. multis enim non probabo. constanter quidem, & fortiter certe. qui cum me firmissimis opibus contra scelus inimicorum munire, & popularis impetus populari præsidio possem propulsare: quamuis excipere fortunam, subire uim, atq; iniuriam malui: quàm aut à uestris sanctissimis mentibus dissidere: aut de meo statu declinare. sed non is solum gratus debet esse: qui accepit beneficium: uerum etiam is, cui potestas accipiendi fuit. Ego illa ornamenta, quibus ille me ornabat: decere me, & conuenire ijs rebus, quas gesseram: non putabam. illum quidem amico animo me habere eodem loco quo principem ciuium suum generum sentiebam.

traduxi  
hi, quod  
conuinc  
postea m  
etiam ro  
mea dig  
ris imp  
Ergo ad  
in illius  
amicitia  
rum, & f  
ruina atq  
de eius act  
lus, capidi  
debi. si de  
quidam a  
cepi iniur  
ille tum m  
mum fili  
causam i  
lute mea  
eius habe  
pulum Re  
Capitolio  
peius ide  
for est i  
poris r  
lud tri  
non pos  
ego uer  
dolore



traduxit ad plebem inimicum meum, siue iratus mihi, quod me secum ne beneficijs quidem uidebat posse coniungi. siue exoratus. ne hoc quidem fuit iniuria. nam postea me ut sibi essem Legatus, non solum suasit: uerum etiam rogauit. ne id quidem accepi. non quo alienum mea dignitate arbitrarer: sed quod tantum Reip. sceleris impendere a Consulibus proximis non suspicabar. Ergo adhuc magis est mihi uerendum ne mea superbia in illius liberalitate, quam ne illius iniuria in nostra amicitia reprehendatur. Ecce illa tempestas, caligo bonorum, et subita atq; improuisa formido, tenebrae Reip. ruina atq; incendium ciuitatis. terror iniectus Caesari de eius actis: metus caedis bonis omnibus: consulum scelus, cupiditas, egestas, audacia. si non sum adiutus: non debui. si desertus: sibi prouidit. si etiam oppugnatus: ut quidam aut putant: aut uolunt: uiolata amicitia est: accepi iniuriam: inimicus esse debui: non nego. sed si idem ille tum me saluum esse uoluit: cum uos me ut carissimum filium desiderabatis: et si uos idem pertinere ad causam illam putabatis, uoluntatem C. Caesaris a salute mea non abhorрere. et si illius uoluntatis generum eius habeo testem: qui idem Italiam in municipijs, Populum Ro. in concione, uos mei semper cupidissimos in Capitolio ad meam salutem inuocauit: si deniq; Cn. Pompeius idem mihi testis de uoluntate Caesaris, et sponsor est illi de mea: nonne uobis uideor et ultimae temporis recordatione, et proximi memoria, medium illud tristissimum tempus debere, si ex rerum natura non possem euellere: ex animo quidem certe exidere? ego uero si mihi non licet per aliquos ita gloriari: me dolore atq; inimicitias meas Reip. concessisse: quod ma-



# DE PROVINCIIS

gni cuiusdam hominis & per sapiētis uidetur: utar hoc, quod non tam ad laudem adipiscendam, quā ad uitandam uituperationem ualer: hominem me esse gratum: & non modo tantis beneficijs, sed etiam mediocri hominum beniuolentia commoueri. a uiris fortissimis, & de me optime meritis quibusdam peto: ut si ego illos meorum laborum & incommodorum participes esse nolui: ne illi me suarum inimicitiarum socium uelint esse. praesertim cum ydem illi concesserint: ut etiam acta illa Caesaris, quae neq; oppugnaui antea: neq; defendi: meo iam iure possim defendere. nam summi ciuitatis uiri, quorum ego consilio Remp. conseruaui: & quorum auctoritate illam coniurationem Catilinae defugi: Iulias leges, & caeteras illo Consule rogatas, iure latas negant. ydem illam proscriptionē capitis mei contra salutē reipublicae, sed saluus auspicijs rogatam esse dicebant. itaq; uir summa eloquentia dixit grauius, casum illum meum finis esse reipublicae, sed finis iustum, & indictum. mihi ipsi omnino perhonorificum, discessum meum finis dici reipublicae. reliqua non reprehendo: sed mihi ad id quod sentio: assumo. nam si illud iure rogatum dicere ausi sunt: quod nullo exemplo fieri potuit: nulla lege licuit: quia nemo de caelo esse seruatum dixit: quid? si plebeius omnino esse non potuit? qui tribunus pl. potuit esse? cuius tribunatus si ratus est: nihil est quod irritum ex actis Caesaris possit esse: eius non solum Tribunatus, sed etiam perniciosissimae res auspiorum religione conseruata iure late uidebuntur. quare aut uobis statuendum est legem Heliam manere: legem Fusiam non esse abrogatam: non omnibus fastis legem ferri licere: cum lex feratur, de caelo seruari, ob-

munia  
nem &  
esse ne  
binus  
auspici  
in reb  
ditis na  
ens con  
ferret: q  
probaban  
ges omnes  
illud est: q  
ment hoc te  
tempus re  
uitorum e  
cum inimi  
ficio sit ex  
C. Caesar  
concordia  
constitut  
nabo: si  
bo: si alia  
gratum es  
patres con  
nus prob  
authori  
suo redi  
meo, &  
redire.



nunciari, intercedi licere: censorium iudicium ac notio-  
nem & illum morem seuerissimum magistratum non  
esse nefarijs legibus de ciuitate sublatum: si patricius tri-  
bunus pl. fuerit: contra leges sacratas, si plebeius, contra  
auspicia fuisse. aut mihi concedant homines oportet: aut  
in rebus bonis nõ exquirere iura ea: quæ ipsi in per-  
ditis non exquirunt: præsertim cum ab illis aliquoti-  
ens conditio C. Cæsari lata sit: ut easdem alio modo  
ferret: qua conditione auspicia requirebant: leges com-  
probabant: in Clodio auspiciorum ratio sit eadem: le-  
ges omnes sint euersæ ac perditæ ciuitatis. Extremum  
illud est. ego, si essent inimici mihi cum C. Cæsare: ta-  
men hoc tempore Reip. consulere, inimicitias in aliud  
tempus reservare deberem. possem etiam summorum  
uirorum exemplo inimicitias Reip. causa deponere. sed  
cum inimici fuerint nunquam: opinio iniuriæ bene-  
ficio sit extincta: sententia mea P. C. si dignitas agitur  
C. Cæsaris: homini tribuam: si honos quidam: Senatus  
concordiæ consulam: si authoritas decretorum uestrorum:  
constantiam ordinis in eodem ornando Imperatore ser-  
uabo: si perpetua ratio Gallici belli: Reipub. provide-  
bo: si aliquod meum priuatum officium: me non in-  
gratum esse præstabo. Atq; hoc uelim probare omnibus  
patres conscripti: sed leuissime feram: si forte aut his mo-  
nus probaro: qui meum inimicum repugnante uestra  
authoritate texerunt: aut his: si qui meum cum inimico  
suo reditum in gratiam uituperabunt: cum ipsi & cum  
meo, & cum suo inimico in gratiam non dubitarint  
redire.



IN PISONEM. ORATIO  
XXXVIII.

Deest principium.

Iam ne uides belua? iam ne sentis? quæ sit hominum querela frontis tuæ? nemo queritur Syrum nescio quem de grege nouitiorum factum esse Consulem. non enim nos color iste seruilis, non pilosæ genæ, non dentes putridi deceperunt. oculi, supercilia, frons, uultus denique totus, qui sermo quidam tacitus mentis est: hic in fraudem homines impulit: hic eos, quibus erat ignotus: decepit: fefellit: induxit: pauci ista tua lutulenta uicia noueramus: pauci tarditatem ingenij, stuporem, debilitatemque linguæ: nunquam erat audita uox in foro: nunquam periculum factum consilij: nullum nonmodo illustre, sed ne notum quidem factum aut militiæ, aut domi obrepisti ad honores errore hominum, commendatione fumosarum imaginum: quarum simile habes nihil, præter colorem. is mihi etiam gloriabitur: se omnes magistratus sine repulsa affecutum. mihi ista licet de me uera cum gloria prædicare. omnes enim honores Populus Ro. mihi ipsi homini detulit. nam tu cum Quæstor es factus: etiam qui te nunquam uiderant: tamen illum honorem nomini mandabant tuo. Aedilis es factus: Piso est a Populo Ro. factus: non iste Piso. Prætura item maioribus delata est tuis. noti erant illi mortui. te uiuum nondum nouerat quisquam. me cum Quæstorem in primis, Aedilem priorem, Prætozem primum cun-

his suffi  
rem, no  
perspect  
ego de  
rum m  
hil com  
longissi  
nunciati  
tentur) In  
Cesare  
a quibus  
rent: nisi  
tra Italia  
prius tabel  
uit. Sed om  
domina  
dum gesse  
perimus.  
legis Ag  
raui. ego  
conferuam  
ui. ego in  
te me Com  
fami cont  
bonos co  
essent m  
derentur  
comitior  
cupidior  
tia atq;  
Senatus



Etis suffragijs Populus Ro. faciebat: homini ille hono-  
 rem, non generi, moribus, non maioribus meis, uirtuti  
 perspectæ, non auditæ nobilitati defererebat. Nam quid  
 ego de consulatu loquar? parto uis, anne gesto? mise-  
 rum me, cum hac me peste atque labe confero: sed ni-  
 hil comparandi causa loquar: ac tamen ea, quæ sunt  
 longissime disiuncta, comprehendam. Tu Cōsul es re-  
 nunciatus (nihil dicam grauius quàm quod omnes fa-  
 tentur) Impeditis Reip. temporibus, dissidentibus Cons.  
 Cesare & Bibulo, cum hoc non recusares, quin hi,  
 à quibus dicebare Consul: te luce dignum non puta-  
 rent: nisi nequior quàm Gabinus extitisses. Me cun-  
 cta Italia, me omnes ordines, me uniuersa ciuitas non  
 prius tabella, quàm uoce priorem Consulem declara-  
 uit. Sed omitto ut sit factus uterq; nostrū. sit sanè fors  
 domina campi. magnificentius est dicere, quemadmo-  
 dum gesserimus consulatum, quàm quemadmodum coe-  
 perimus. Ego Calendis Ian. Senatum & bonos omnes  
 legis Agrariæ, maximarumq; largitionum metu libe-  
 rauit. ego agrum Campanum, si diuidi non oportuit:  
 conseruauit: si oportuit: melioribus authoribus reserua-  
 ui. ego in C. Rabirio perduellionis reo XL annis an-  
 te me Consulem interpositam Senatus auctoritatem su-  
 stinui contra inuidiam, atque defendi. ego adolescentes  
 bonos & fortes, sed usos ea conditione fortunæ, ut si  
 essent magistratus adepti: Reip. statum conuulsuri ui-  
 derentur: meis inimicijs nulla Senatus mala gratia  
 comitiorum ratione priuauit. ego Antonium Collegam  
 cupidum prouinciæ multa in Rep. molientem, patien-  
 tia atq; obsequio meo mitigauit. ego prouinciā Galliā  
 Senatus auctoritate, exercitu, & pecunia instructam, et



## IN PISONEM.

ornatam, quam cum Antonio communicavi: quod ita  
 existimabam tempora Reip. ferre: in concione deposui  
 reclamante Populo romano. ego L. Catilinam cædem  
 Senatus, interitum urbis, non obscure, sed palam mo-  
 lientem egredi ex urbe iussi: ut à quo legibus non po-  
 teramus, moenibus tuti esse possemus. ego tela extremo  
 mense consulatus mei intenta iugulis civitatis de coniu-  
 ratorum nefarijs manibus extorsi. ego faces iam accen-  
 sas ad huius urbis incendium comprehendere protuli: ex-  
 tinxi. me Q. Catulus princeps huius ordinis & author  
 publici consilij frequentissimo Senatu parentem patriæ  
 nominavit. mihi hic uir clarissimus, qui propter te se-  
 det, L. Gellius his audientibus civicam coronam debe-  
 ri à Rep. dixit. mihi togato Senatus, non ut multis be-  
 ne gesta, sed ut nemini, conservata Reip. singulari ge-  
 nere supplicationis deorum immortalium templa pa-  
 tefecit. ego cum in concione abiens magistratu dicere à  
 tribuno Pl. prohiberer, quæ constitueram, cumq; is mi-  
 hi tantum modo ut iurarem, permitteret: sine ulla du-  
 bitatione iuravi, Remp. atq; hanc urbem mea unius ope-  
 ra esse saluam. mihi Populus Ro. uniuersus illa in con-  
 cione non unius diei gratulationem, sed æternitatem  
 immortalitatemq; donauit: cum meum iusiurandum  
 tale, atq; tantum iuratus ipse una uoce & consensu ap-  
 probauit. quo quidem tempore is meus domum fuit è fo-  
 ro reditus: ut nemo, nisi qui mecum esset, cuium esse in  
 numero uideretur. Atq; ita est à me Consulatus pera-  
 ctus: ut nihil sine consilio Senatus, nihil non approban-  
 te Populo Ro. egerim: ut semper in rostris Curiam, in  
 Senatu populum defenderim: ut multitudinem cum  
 principibus, Equestrem ordinem cum Senatu coniunxe-  
 rim. Exposui

rim.  
 o' furia  
 licij, tu  
 riū con  
 Metellu  
 lum, ch  
 portuna  
 quidam  
 tra Sena  
 tui: atq;  
 authorita  
 rum dies  
 tra præter  
 litare pass  
 ne sed etia  
 mentis pos  
 tacente te  
 lex Elia  
 tranquill  
 natus sup  
 dam non  
 eodem bo  
 netus illa  
 ria sublat  
 Cōsulem  
 ficarij s  
 Nondum  
 uero ma  
 pernicio  
 an alio  
 tio non



rim. Exposui breuiter Consulatum meū. Aude nūc  
 o' furia de tuo dicere. cuius sit initium ludi Compita-  
 licij, tum primum facti post L. Luscellium, & C. Ma-  
 riū cons. contra auctoritatem huius ordinis: quos Q.  
 Metellus (facio iniuriam fortissimo uiro mortuo: qui il-  
 lum, cuius paucos pares hæc ciuitas tulit: cum hac im-  
 portuna belua conferam) sed ille designatus consul, cum  
 quidam Tribunus Pl. suo auxilio magnos ludos con-  
 tra Senatus consultum facere iussisset: priuatus fieri ue-  
 nit: atq; id, quod nondum potestate poterat: obtinuit  
 auctoritate. Tu cum in Calendas Ian. Compitalicio-  
 rum dies incidissent: Sex. Clodium, qui nunquam an-  
 tea prætextatus fuisset: ludos facere, & prætextatum uo-  
 litare passus es, hominem impurum, atq; non modo fa-  
 cie sed etiam oculo tuo dignissimum. Ergo his funda-  
 mentis positus consulatus tui, triduo post inspectante &  
 tacente te, à P. Clodio, fatali portento, prodigioq; Reip.  
 lex Elia & Fusia euersa est, propugnacula, muriq;  
 tranquillitatis, atq; ocij: collegia, non ea solum, quæ Se-  
 natus sustulerat: restituta sunt: sed innumerabilia quæ-  
 dam noua ex omni fece urbis ac seruitio concitata. ab  
 eodem homine in stupris inauditis, nefarijsq; uersato,  
 uetus illa magistra pudoris et modestiæ seueritas censu-  
 ria sublata est: cum tu interim bustum Reipublicæ, q te  
 Cōsulem tum Romæ dicas fuisse: uerbo nunquam signi-  
 ficaris sententiam tuam tantis in naufragijs ciuitatis.  
 Nondum quæ feceris, sed quæ fieri passus sis, dico: neq;  
 uero multum interest, præsertim in consule, utrum ipse  
 perniciosus legibus, improbis concionibus Remp. uexet:  
 an alios uexare patiatur. An potest ulla esse excusa-  
 tio non dicam male sentienti, sed sedēti, cunctanti, dor-



IN PISONEM.

miēti in maximo Reipub. motu Consuli. 2<sup>o</sup> centum prope annos legem Eliam & Fufiam tenueramus: quadringentos iudicium rationemq; Censoriam. quas leges ausus est non nemo improbus, potuit quidem nemo unquam conuellere: quam potestatem minuere, quominus de moribus nostris quinto quoq; anno indicaretur: nemo tam effuse petulās conatus est: hæc sunt O' carnifex in gremio sepulta Consulatus tui. persequere connexos his funeribus dies. pro Aurelio Tribunali ne conuiue te quidem te, quod ipsum esset scelus: sed etiam hilarioribus oculis, quā solitus eras, intuentē, delectus seruorum habebatur ab eo: qui nihil sibi unquā nec facere, nec pati turpe esse duxit: arma in templo castoris, O' proditor templorum omnium, uidente te constituebantur ab eo latrone: cui templū illud fuit te Consule, arx ciuium perditorum, receptaculum ueterum Catilinæ militum, castellum forensis latrocinij, bustum legum omnium, ac religionum. erat non solum domus mea, sed totum Palatium Senatu, Egitibus romanis, ciuitate omni, Italia cuncta, refertum: cum tu non modo ad eum Ciceronem (mitto enim domestica: quæ negari possunt: hæc commemoro quæ sunt palam) non modo inquam ad eū, cui primam comitijs tuis dederas tabulam prærogatiuæ: quem in Senatu sententiam rogabas tertium: nunquam aspirasti: sed omnibus consilijs, quæ ad me opprimendum parabantur: non interfuisti solum: uerū etiā crudelissime præfuiisti. mihi uero ipsi corā meo genero meo propinquo tuo: quæ dicere ausus es? egere foris esse Gabinium: sine provincia, stare non posse: spem habere à tribuno Pl. si tua consilia cum illo coniunxeris: sed à Senatu quidem desperasse. huius te cupiditati obsequi:

fioreti  
fidium  
tere. A  
istius  
mentis  
scet: &  
dabit  
hora,  
prodire  
tudo te  
ne te uti  
dam mea  
cum acci  
per se tam  
mo. unde  
turpissim  
ductus i  
consulat  
de consi  
quis, ad  
Semipla  
tem subla  
delitatem  
tuis laudi  
tum Co  
Senatus  
fierat  
natus. e  
te acci  
meherc  
dum. q



ficati ego fecissem in Collega meo. nihil esse quod prae-  
 sidium consulum implorare: sibi quenq; consulere oportere. Atq; haec dicere uix audeo. ueretur ne qui sit: qui istius insignem nequitiam frontis inuolutam integumentis nondum cernat. dicam tamen. ipse certe agnosceret. & cum aliquo dolore flagitiorum suorum recordabitur. Meministi ne cenum? cum ad te quinta fere hora, cum C. Pisone uenissem: nescio quo è gurgustio te prodire, inuoluto capite, soleatum? & cum isto ore foetido teterrimam nobis popinam inhalasset: excusatione te uti ualitudinis: quod diceret, uinolentis te quibusdam medicaminibus solere curari? quam nos causam cum accepissemus: quid enim facere poteramus? paulisper stetimus in illo ginearum tuarum nidore, atq; summo. unde tu nos cum improbissime respondendo, tum turpissime eructando eiecisti. Idem illo fere biduo productus in concionem ab eo, cui sic aequatum praebebas consulatum tuum: cum esses interrogatus quid sentiret de consulatu meo: grauis auctor, Calatinus credo aliquis, aut Africanus, aut Maximus, & non Cesonius Semplicentius Caluentius, respondes, altero ad frontem sublato, altero ad mentum depresso superalio, crudelitatem tibi non placere. hic te ille homo dignissimus, tuis laudibus collaudauit. Crudelitatis tu furcifer Senatuum Consul in concione condemnas? non enim me: qui Senatui parui. nam relatio illa salutaris & diligens fuerat consulis: animaduersio quidem, & iudicium senatus. quae cum reprehēdis: ostendis qualis tu, si ita forte accidisset: fueris illo tempore consul futurus. stipendio mehercule & frumento Catilinam esse putasses iuuandum. quid enim interfuit inter Catilinam, & eum: cui

lll ij



# IN PISONEM.

tu Senatus auctoritatem, salutem ciuitatis, totam Remp.  
provinciae præmo uendidisti? quæ enim L. Catilinam  
conantem consul prohibui: ea P. Clodium facientem con-  
sules adiuerunt. uoluit ille Senatum interficere: uos su-  
stulistis: leges incendere: uos abrogastis: interire patriam:  
uos adiunxistis. quid est uobis cons. gestum sine armis?  
incendere illa coniuratorum manus uoluit urbem: uos  
eius domum, quem propter urbs incensa non est. ac ne  
illi quidem, si habuissent uestri similem consulem: de ur-  
bis incendio cogitassent. non enim se tectis priuare uo-  
luerunt: sed his stantibus, nullum domicilium sceleris  
suo fore putauerunt. cædem illi ciuium, uos seruitutem  
expetistis. hic uos etiam crudeliores. huic enim populo  
ita fuerat ante uos cons. libertas insita: ut emori poti-  
us, quam seruire præstaret. Illud uero geminum consi-  
liis Catilinæ & Lentuli: quod me domo mea expulistis:  
Cn. Pompeium domum suam compulistis. neque enim me  
stante & manente in urbis uigilia, neque resistente Cn.  
Pompeio omnium gentium uictore, unquam se illi Rēp.  
delere posse duxerunt. à me quidem etiam pœnas ex-  
petistis: quibus coniuratorum manes mortuorum expia-  
retis: omne odium inclusum nefarijs sensibus impiorum  
in me profudistis. quorum ego furori nisi cessissem: in  
Catilinæ busto uobis ducibus mactatus essem. Quod  
autem maius indicium expectatis, nihil inter uos &  
Catilinam interfuisse? quàm quod eandem illam ma-  
num ex intermortuis Catilinæ reliquijs conatastis: quod  
omnes undique perditos collegistis: quod in me carce-  
rem effudistis: quod coniuratos armastis: quod eorum  
ferro meum corpus, atque omnium bonorum uitam  
obycere uoluistis. Sed iam redeo ad præclaram il-



lam concionem tuam. Tu es ille, cui crudelitas displi-  
 cet. cui, cum Senatus luctum ac dolorē suum uestis mu-  
 tatione declarandum censuisset: cum uideres moerere  
 Remp. amplissimū ordinis luctu: O' noster misericors  
 quid facis? quod nulla in barbaria quisquam Tyrannus.  
 omitto enim illud, consulem edicere, ut Senatus se-  
 natus consulto ne obtemperet. quo foedius nec fieri nec  
 cogitari quicquam potest. ad misericordiam redeo eius:  
 cui nimis uidetur Senatus in conseruanda patria fuisse  
 crudelis. Edicere est ausus cum illo suo pari: quem ta-  
 men omnibus uicijs superare cupiebat: ut Senatus, con-  
 tra quā ipse censuisset, ad uestitum rediret. quis hoc fa-  
 cit ulla in Scythia Tyrannus? ut eos, quos luctu affice-  
 ret: lugere non sineret? moerorem relinquis: moeroris  
 aufers insignia. eripis lachrymas non consolando, sed  
 minando. Quod si uestem non publico consilio patres  
 conscripti, sed priuato officio, aut misericordia mutauis-  
 sent: tamen id ijs non licere per interdicta crudelitatis  
 tuæ, potestatis erat non ferendæ. cum uero id Senatus  
 frequens censuisset: ordines reliqui iam ante fecissent: tu  
 ex tenebricosa popina Consul extractus, cum illa Sal-  
 tatrice tonsa, Senatum reipublicæ ocatum atq; interitū  
 lugere uetuisti. At quærebat etiam paulo ante de me:  
 quid suo mihi opus fuisset auxilio? cur non meis ini-  
 micis meis copijs restituissem? quasi uero non modo ego,  
 qui multis sæpe auxilio fuisset: sed quisquam tam in-  
 ops fuerit unquam: qui isto non modo propugnatore tu-  
 tiorem se, sed aduocato aut ad stipulatorem paratiorem fo-  
 re putaret. ego istius pecudis, ac putidæ carnis consilio  
 scilicet, aut præsidio niti uolebam? ab hoc eiecto cada-  
 uere quicquam mihi aut opis, aut ornamenti expecta-



IN PISONEM.

bam? consulem ego tum requirebam: consulem inquam,  
non illum quidem, quem in hoc animali inuenire non  
possem: qui tantam Reip. causam grauitate & consilio  
suo tueretur: sed qui tanquam truncus atque stipes, si ste-  
tisset modo, posset sustinere tamen titulum consulatus.  
cum enim esset omnis causa illa mea consularis, & Se-  
natoria: auxilio mihi opus fuerat & consulis, & Se-  
natus. quorum alterum etiam ad perniciem meam erat  
a uobis cōsulibus cōuersum: alterū Reip. penitus ereptū.  
Attamen si consilium exquiris meum: neq; ego cessissem:  
& me ipsa suo complexu patria tenuisset: si mihi cum  
illo bustuario gladiatore, & tecum, et cum Collega tuo  
decertandum fuisset. alia enim causa præstantissimi ui-  
ri Q. Metelli fuit: quem ego cuius meo iudicio cum deo-  
rum immortalium laude coniungo: qui C. illi Mario  
fortissimo uiro & consuli, & sextum consuli, & eius  
inuietis legionibus ne armis conflingeret cædendum eē  
duxit. Quod mihi certamen esset huiusmodi? cum C.  
Mario scilicet? aut cum aliquo pari? an cum altero bar-  
bato Epicurco? cū altero Catilinæ laternario? quos neq;  
hercule ego, neq; supercilium tuū, neq; Collegæ tui cym-  
bala, ac crotalia fugi: neq; tam fui timidus: ut qui ma-  
ximis turbinibus, ac fluctibus Reip. nauem gubernas-  
sem: saluamq; in portu collocassem: frontis tuæ nubecul-  
am, tum collegæ tui contaminatum spiritum pertimesce-  
rem. alios egredi uentos: alias prospexi animo procel-  
las: alijs impendentibus tempestatibus, non cessi: sed his  
unum me pro omnium salute obtuli. itaq; discessu tum  
meo omnes illi nefarij gladij de manibus crudelissi-  
mis exciderunt. cum quidem tu, o' uecors & amens,  
cum omnes boni abditi, inclusi; mærerent: templa ge-



merent: tecta ipsa urbis lugerent: complexus es illud finestum animal ex nefarijs stupris, ex civili cruore, ex omnium scelerum importunitate, et flagitiorum impunitate concretum. atque eodem in templo, eodem et loci uestigio, et temporis, arbitria non mei solum, sed patriæ funeris abstulisti. Quid ego illorum dierum epulas, quid lætitiæ et gratulationem tuam, quid cum tuis sordidissimis gregibus intemperatissimas perpotationes prædicem? quis te illis diebus sobrium? quis agentem aliquid, quod esset libero dignum? quis denique in publico uidit? cum collegæ tui domus cantu, et cymbalis personaret: cumque ipse nudus in conuiuio saltaret: in quo ne tum quidem, cum illum suum saltatorium uersaret orbem: fortune rotam pertimescebat. hic autem non tam concinnus belluo, nec tam muscus iacebat in suo græcorum fetore atque uino. quod quidem istius in illis Reip. luctibus, quasi aliquod Lapitarum aut Cætaurorum conuiuium ferebatur: in quo nemo potest dicere, utrum iste plus biberit: an uomuerit: an effuderit. Tu etiam mentionem facies consulatus tui? aut te fuisse Romæ Consulem dicere audebis? quid? tu in lictoribus, in toga, et prætexta esse consulatum putas? quæ ornamenta etiam in Sex. Clodio te Consule esse uoluisti? huius tu Clodiani canis insignibus consulatum declarari putas? animo consulem esse oportet, consilio, fide, grauitate, uigilantia, cura, toto denique munere consulatus, omni officio. ego consulem esse putem: qui Senatū esse in Repub. non putauit? et sine eo consilio consulem numerem? sine quo Romæ ne reges quidem esse potuerunt? Etenim illa iam omitto: cum seruorum delectus haberetur in foro: arma in templo ca-



IN PISONEM.

storis luce, & palam comportarentur: id autem templum sublato aditu, reuulsis gradibus, à coniuratorum reliquijs, atque à Catilinæ præuicatore quondam, tum ultore, armis teneretur: cum Equites Ro. relegarentur: uiri boni lapidibus è foro pellerentur: Senatui non solum innare rempublicam, sed ne lugere quidem liceret: cum ciuis is, quem hic ordo assentiète Italia, cunctisq; gentibus conseruatorem patriæ iudicarat: nullo iudicio, nulla lege, nullo more, seruitio atq; armis pelleretur, non dicam auxilio uestro, quod uere licet dicere: sed certe silentio: tum Romæ fuisse Consules quiscquam existimabit? qui latrones igitur, siquidem uos Consules: qui prædones, qui hostes, qui proditores, qui tyranni nominabuntur? Magnum nomen est, magna species, magna dignitas, magna maiestas Consulis: non capiunt angustiae pectoris tui, non recipit leuitas ista, non egestas animi, non infirmitas ingenij sustinet, nõ insolentia rerum secundarum tantam personam tam grauem tam seueram. Seplasia mehercle, ut dici audiebam: te ut primum aspexit: Campanum consulem repudiavit. audierat Decios, Magios, & de T aurea illo Iubelio aliquid acceperat: in quibus si moderatio illa, quæ in nostris solet esse consulibus: non fuit: at fuit pompa: fuit species: fuit incessus, saltem Seplasia dignus, & Capua. Gabinium denique si uidissent Duumuirum uestri illi unguentari: citius agnouissent. erant illi compti, capilli, & madentes ananorum simbrae, & fluentes pulsataeque buccæ dignæ Capua, sed  
 \* illa uetere. nam hæc quidem, quæ nunc est, splendissimorum hominum, fortissimorum uirorum, optimorum ciuium, mihiq; amantissimorum multitudine redun-



dat. quorum caput te pretextatum nemo aspexit: qui  
 non gemeret desiderio mei: cuius consilio cum uniuersam  
 Rempublicam illam ipsam urbem memnerant esse  
 seruata. me inaurata statua donarant: me patronum  
 unum asciuerant: a me se habere uitam, fortunas, libe-  
 ros, arbitrabantur: me & praesentem contra latrocinium  
 tuum suis decretis legatisque defenderunt: & absentem  
 principe Cn. Pompeio referente, & de corpore Reipublicae  
 scelerum tela reuellente, reuocarunt. an tu eras con-  
 sul? cum in palatio mea domus ardebat, non casu ali-  
 quo, sed ignibus iniectis, instigante te. Et quod in hac ur-  
 be maius unquam incendium fuit? cui non Consul sub-  
 uenerit? At tu illo ipso tempore apud socrum tuam pro-  
 pe a meis aedibus, cuius domum ad meam exhaurien-  
 dam patefeceras: sedebas non extinctor, sed author in-  
 cendi: & ardentes faeces furijs clodianis penes ipse Con-  
 sul ministrabas. An uero reliquo tempore Consulem te  
 quisquam dixit? quisquam tibi paruit? quisquam in-  
 curiam uenienti assurrexit? quisquam consulenti respon-  
 dendum putauit? numerandus est ille annus denique in  
 republica? cum obmutuisset Senatus: iudicia conticissent:  
 mcererent boni: uis latrocinij uestri tota urbe uolitaret:  
 neque cuius unus ex ciuitate, sed ipsa ciuitas tuo et Gabinij  
 sceleri, furori que cessisset. At ne tum quidem emeristi lu-  
 tulente caeso ex miserrimis naturae tuae sordibus: cum  
 experfecta tandem uirtus clarissimi uiri celeriter &  
 uerum amicum, & optime meritum ciuem, & suum  
 pristinum morem requisiiuit: neque est ille uir passus, in  
 ea Republica quam ipse decorarat: atque auxerat: diutius ue-  
 strorum scelerum pestem morari. cum tamen ille, qua-  
 liscunque est: qui est ab uno te improbitate uictus Gabi-



IN PISONEM.

nus, collegit ipse se uix: sed collegit tamen: et contra suū  
Clodium primum simulate, deinde non libēter, ad ex-  
tremum tamen pro Cn. Pompeio uere uehementerq; pu-  
gnauit. quo quidem in spectaculo mira Reip. æquitas  
erat: uter eorum perisset, tanquam lanista, in eiusmodi  
pari lucrum fieri putabat: immortalem uero quæstum,  
si uterq; cecidisset. sed ille tamen agebat aliquid: tueba-  
tur auctoritatem summi uiri: erat ipse sceleratus: erat  
gladiator: cum scelerato tamen & cum pari gladiato-  
re pugnabat. tu scilicet homo religiosus, & sanctus, fœ-  
dus, quod meo sanguine in pactione prouinciarum ie-  
ceras: frangere noluisse. cauerat enim sibi ille sororius  
adulter: ut si tibi prouinciam, si exercitum, si pecuniam  
ereptam ex Reip. uisceribus dedisset: omnium suorum  
scelerum socium te, adiutoremq; præberes. itaq; in illo  
tumultu fracti fasces: ictus ipse: quotidie tela, lapides,  
fugæ: deprehensus deniq; cum ferro ad Senatum is, quē  
ad Cn. Pompeium interimendum collocatum fuisse con-  
stabat. Et quis audiuit non modo actionem aliquam, aut  
relationem, sed uocem omnino, aut querelam tuam?  
Cōsulem tū te fuisse putas? cuius in imperio, qui Remp.  
Senatus auctoritate seruauit: idemq; in Italia qui o-  
mnis omnium gentiū partes tribus triumphis deuin-  
xerat: is se in publico tuto statuit esse non posse. an tum  
eratis Consules? cum quacunq; de re uerbum facere cœ-  
peratis: aut referre ad Senatum: cunctus ordo reclama-  
bat? ostendebatq; nihil esse uos acturos: nisi prius de me  
retulissetis? cum uos quanquam fœdere obstricti teneba-  
mini: tamen cupere uos diceretis: sed lege impediri. quæ  
lex priuatis hominibus, esse lex non uidebatur, iniusta  
per seruos, incisa per uim, imposita per latrocinium, sub-

lato S  
ira om  
dicere  
si ulli  
quæ et  
te gri  
men o  
Consu  
oppre  
soli leg  
aut nati  
in prim  
tuta, non  
bannu  
consules  
quentia  
do, at om  
mus, ut  
imman  
um dis  
maledic  
pore cœ  
amoris  
& clam  
tulanti  
equest  
nitate  
ac for  
us dis  
mus fi  
lia, &



lato Senatu, pulsus è foro bonis omnibus, capta Rep. contra omnes leges, nullo scripta more: hanc qui se metuere dicerent, Consules, non dicam animi hominum, sed si ulli ferre possunt? nam si illam legem non putabatis: quæ erat, contra omnes leges, indemnati cuius, atq; integri capitis, bonorumq; tribunitia proscripio: hac tamen obstricti pactione tenebamini: quis uos non modo Consules, sed liberos fuisse putet? quorum mens fuerit oppressa præmio: lingua astricta mercede? sin illam uos soli legem putabatis: quisquam uos consules tunc fuisse, aut nunc esse Consulares putet? qui eius ciuitatis, in qua in principum numero uultis esse: non leges, non instituta, non mores, non iura noritis? An cum proficiscebamini paludati in prouincias uel emptas, uel creptas: consules uos quisquam putauit? itaq; credo, si minus frequentia sua uestrum egressum ornando, atq; celebrando, at omnibus saltem bonis, ut consules, non tristissimis, ut hostes aut proditores persequerentur. tu ne etiam immanissimum ac fœdissimum monstrum ausus es meum discessum illum testem sceleris, et crudelitatis tuæ maledicti et contumeliæ loco ponere? quo quidem tempore cœpi P.C. fructum immortalem uestri in me et amoris et iudicii: qui non admurmuratione, sed uoce, et clamore abiecti hominis, et semiuini furorem petulantiamq; fregistis. tu luctum Senatus, tu desiderium equestris ordinis, tu squalorem Italiæ, tu curiæ tacurnitatem annuam, tu silentium perpetuum iudiciorum, ac fori, tu cætera illa in maledicti loco pones? quæ meus discessus Reip. uulnera inflixit? qui si calamitosissimus fuisset: tamen misericordia dignior, quàm contumelia, et cum gloria potius esse coniunctus, quàm cum



## IN PISONEM.

probro putaretur: atq; ille, dolor meus duntaxat, uestrū  
 quidem scelus, ac dedecus haberetur. tum uero forsitan  
 hoc, quod dicturus sum, mirabile auditu esse uidea-  
 tur: sed certe id dicam, quod sentio. Cum tantis a uobis  
 P. C. beneficijs affectus sim, tantis honoribus: non mo-  
 do illam calamitatem esse non duco: sed si quid mihi po-  
 test a Rep. esse seiunctum, quod uix potest, priuatim ad  
 meum nomen augendum: optandam duco mihi fuisse  
 illam, expetendamq; fortunam. Atq; ut tuum letissi-  
 mum diem cum tristissimo meo conferam: utrum tandē  
 bono uiro & sapienti optabilius putas: sic exire a pa-  
 tria: ut omnes sui ciues salutem, incolumitatem, reditum  
 precentur: quod mihi accidit: an quod tibi proficiscenti  
 euenit: ut omnes execrarentur: male precarentur: unam  
 tibi illam uiam & perpetuam esse uellent? mihi medi-  
 us fidius in tanto omnium mortalium odio iusto præfer-  
 tim & debito, quæuis fuga potius, quàm ulla prouin-  
 cia esset optatior. Sed perge porro. nam si illud meum tur-  
 bulentissimum tempus profectionis, tuo irauuillissimo  
 præstat: quid conferam reliqua? quæ in te dedecoris ple-  
 na fuerunt: in me dignitatis? Me Calendis Ian. qui dies  
 post obitum occisumq; nostrum Reipu. primus illuxit:  
 frequentissimus Senatus, concursu Italiæ, referente cla-  
 rissimo, atq; fortissimo uiro P. Lentulo, consentiente Po-  
 pulo Ro. atq; una uoce reuocauit. me idem Senatus exte-  
 ris nationibus, me legatis, magistratibusq; nostris autho-  
 ritate sua consularibus literis, non ut tu nuper dicere  
 ausus es, orbatum patria, sed ut Senatus illo ipso tem-  
 pore appellauit: quem conseruatorem Reip. commenda-  
 uit. ad meam unius salutem Senatus auxilium omnium  
 ciuium cuncta ex Italia, qui Rempu. saluam esse uel-



Lent: Consulis uoce & literis implorandum putauit. mei capitis seruandi causa Romam uno tempore quasi signo dato Italia tota conuenit. de mea salute P. Lentuli præstantissimi uiri, atq; optimi Consulis, Cn. Pompei clarissimi, atq; inuictissimi ciuis, cæterorumq; principum celeberrimæ & gratissimæ conciones fuerunt. de me Senatus ita decreuit, Cn. Pompeio auctore, & eius sententiæ principe: ut si quis impedisset reditum meum: in hostium numero putaretur: hisq; uerbis ea de me Senatus auctoritas declarata est: ut nemini sit triumphus honorificentius, quàm mihi salus restitutioq; perscripta. de me, cum omnes magistratus promulgassent, præter unum Prætorem, à quo non fuit postulandum, fratrem inimici mei, præterq; duos de lapide emptos tribunos plebis: legem comitijs Centuriatis tulit P. Lentulus consul de Collegæ Q. Metelli sententia: quem mecum eadem Resp. quæ in Tribunatu eius disiunxerat: in Consulatu uirtute optimi, ac iustissimi uiri, sapientiaq; coniunxit. Quæ lex quemadmodum accepta sit, quid me attinet dicere? ex uobis audio nemini cui ullam, quominus adesset, satis iustam excusationem esse uisam: nullis comitijs unquam multitudinem hominum tantam neq; splendidiorē fuisse. hoc certe uideo, quod indicant tabulæ publicæ: uos rogatores, uos distributores, uos custodes fuisse tabularum: & quod in honoribus uestrorum propinquorum non facitis, uel ætatis excusatione, uel honoris: id in salute mea nullo rogante uos uestra sponte fecistis. confer nunc Epicure noster ex hara producte, non ex scola, confer, si audes, absentiam tuam, cum mea. Obtinuisti prouinciā Consularem finibus ijs, quos lex cupiditatis tuæ, non quos lex generi



# IN PISONEM.

tui pepigerat. nam lege Cæsaris iustissima, atq; optima,  
populi liberi, plane, & uere erant liberi: lege autem  
ea, quam nemo legem præter te, & Collegam tuum pu-  
tauit: omnis erat tibi Achaia, Thessalia, Athenæ, cum  
ætæ Græcia addicta: habebas exercitum tantum, quan-  
tum tibi non Senatus, aut Populus Ro. dederat: sed  
quantum tua libido conscripserat. ærarium exhaus-  
eras. quas res gessisti in Imperio, exercitu, provincia con-  
sulari? quas res gesserit quæro? qui ut uenit statim: non-  
dum commemoro rapinas, nondum exactas pecunias,  
non captas, non Imperatas: non neces sociorum, non cæ-  
dem hospitum, non perfidiam, non immanitatem, non  
scælera prædico: mox, si uidebitur: ut cum fure, ut cum  
sacrilego, ut cum sicario disputabo: nunc meâ spoliatam  
fortunam conferam cum florente fortuna imperatoris.  
Quis unquam provinciam cum exercitu obtinuit?  
qui nullas ad Senatum literas miserit? tantam uero  
provinciam cum tanto exercitu, Macedoniam præfer-  
tim: quæ tantis barbarorum gentibus attingitur: ut sem-  
per Macedonibus imperatoribus iðem fines provinciae  
fuerint: qui gladiatorum atq; pilorum. ex qua aliquot  
Prætorio Imperio, Consularis quidem nemo rediit: qui  
incolumis fuerit: qui non triumpharit. est hoc nouum.  
multo illud magis. appellatus est hic uulturius illius  
provinciae (si diis placet) Imperator. ne tum quidem pau-  
le noster tabulas Romam cum laurea mittere audebas?  
nisi inquit. quis unquam recitauit? quis ut recitaren-  
tur, postulauit? nihil enim mea refert, utrum tu consci-  
entia oppressus scelerum tuorum nihil unquam ausus  
sis scribere, ad eum ordinem, quem despexeras: quem  
affixeras: quem deleueras: an amici tui tabulas abdi-

derint:  
nam co  
ri nullo  
tuos plu  
uideri p  
non esse  
tus neq;  
tibi Cu  
gestum n  
tulatione  
donia: an  
reproban  
nica: an o  
rius, ferro  
natum nū  
quam Ga  
ille dema  
ni suo, no  
uina, &  
gnitate a  
prima fer  
urber dep  
ausus est, q  
tionem pe  
etiam, at  
uos mea  
de me e  
habita  
omniun  
deniq; g  
do opta



derint: idemq; silentio suo temeritatem atq; audaciam  
tuam condemnarint. Atq; haud scio an malim te uide  
ri nullo pudore fuisse in literis mittendis: an amicos  
tuos plus habuisse & pudoris & consilij: quàm aut te  
uideri prudentiorem fuisse quàm soles: aut tuum factum  
non esse condemnatum iudicio amicorum. Quod si non  
tuis nefarijs in hunc ordinem contumelijs, in perpetuum  
tibi Curiam præclusisses: quid tandem erat actum, aut  
gestum in illa prouincia: de quo ad Senatum cum gra  
tulatione aliqua scribi abs te oportere? uexatio Mace  
doniæ? an oppidorum turpis amissio? an sociorum di  
reptio? an agrorum depopulatio? an munitio Thessalo  
nicæ? an obsessio militaris uiæ? an exercitus nostri inte  
ritus, ferro, fame, frigore, pestilentia? Tu uero qui ad Se  
natum nihil scripseris: ut in urbe nequior inuentus es,  
quàm Gabinus: sic in prouincia paulo tamen quàm  
ille demissior. nam ille gurges atq; helluo natus abdomi  
ni suo, non laudi, atq; gloriæ, cum Equites Ro. in pro  
uincia, cum publicanos nobiscum & uoluntate, & di  
gnitate coniunctos, omnes fortunis, multos fama, uitâq;  
priuasset: cum egresset aliud nihil in illo exercitu: nisi ut  
urbes depopularetur: agros uastaret: exhauriret domos:  
ausus est, quid enim ille non auderet? a Senatu supplica  
tionem per literas postulare. O' di immortales, tu ne  
etiam, atq; adeo uos geminæ uoragines, scopuliq; Reip.  
uos meam fortunam deprimitis? uestram extollitis? cum  
de me ea senatus consulta absente facta sint: ea conciones  
habitæ: his motus fuerit municipiorum & coloniarum  
omnium: ea decreta publicanorum: ea collegiorum: ea  
deniq; generum, ordinumq; omnium: quæ ego non mo  
do optare nunquam auderem: sed cogitare non possem:



IN PISONEM.

uos autem sempiternas foedissimæ turpitudinis notas  
 subieritis. An ego, si te & Gabiniū cruci suffixos uide-  
 rem: maiore afficerer læticia ex corporis uestri laceratione,  
 quàm afficerer ex infamia? nullum est supplicium  
 putandum, quo affici casu aliquo etiam boni ui-  
 ri fortesq; possunt. Atq; hoc quidem etiam isti tui di-  
 cunt uoluptarij græci: quos utinam ita audires, ut erant  
 audiēdi: nunq̃ te in tot flagitia ingurgitasses. uerū audis  
 in præsepibus: audis in stupris: audis in cibo, et uino. sed  
 dicūt ipsi, q̃ mala dolore, bona uoluptate definiūt. Sapiē-  
 tem, ēt si in Phalaridis tauro inclusus, succensis ignibus  
 torreatur: dicturum tamen, suaue illud esse: se seq; ne  
 tantulum quidem commoueri. tantam uirtutis esse uim  
 uoluerunt: ut non posset unquam esse, uir bonus, non  
 beatus. quæ est igitur pœna? quod supplicium? id mea sen-  
 tentia: quod accidere nemini potest, nisi nocenti: suscepta  
 fraus, impedita & oppressa mens conscientia, bonorum  
 omnium odium, nota iusti Senatus, amissio dignitatis.  
 nec mihi ille, M. Regulus, quem Carthagenenses reseētis  
 palpebris, illigatum in machina, uigilando necauerunt:  
 supplicio uidetur affectus: nec C. Marius, quem Italia  
 seruata ab illo, demersum in Minturnensium paludibus,  
 Africa deuicta ab eodem, expulsus & naufragum  
 uidit. fortunæ enim ista tela sunt, non culpæ. supplicium  
 autem est pœna peccati. neq; uero ego si unquam uobis  
 mala precarer: quod sæpe feci: in quo dij immortales me-  
 as preces audiuerunt: morbum, aut mortem, aut crucia-  
 tum precarer. thyeste a ista execratio est, poetæ uulgi ani-  
 mos non sapientum mouentis. ut tu naufragio expulsus  
 uspiam saxis fixus asperis euisceratus latere penderes  
 (ut ait ille) saxa spargens tabo sanie sanguine atro. Non  
 ferrem omnino



ferrem omnino moleste: si ita accidisset: sed id tamen esset  
 humanum. M. Marcellus, qui ter Consul fuit: summa uir  
 tute, pietate, gloria militari, periit in mari. qui tamen  
 ob uirtutem, gloriæ laude uiuit. in fortuna quadam est  
 illa mors, non pœna putanda. quæ est igitur pœna?  
 quod supplicium? quæ saxa? quæ cruces? Ecce duos dis  
 ces in prouincijs Populi Ro. habere exercitus: appella  
 ri Imperatores: horum alterum sic fuisse infirmatum  
 conscientia scelerum, & fraudum suarum: ut ex ea pro  
 uincia, quæ fuerit ex omnibus una maxime triūpha  
 lis: nullas sit ad Senatum literas mittere ausus. ex qua  
 prouincia modo uir omni dignitate ornatissimus L. Tor  
 quatus magnis rebus gestis me referente absens Impe  
 rator sit appellatus: unde his paucis annis Cn. Dolobel  
 le, C. Curionis, M. Luculli iustissimos triumphos uidi  
 mus: ex ea te Imperatore nuncius ad Senatum allatus  
 est nullus. Ab altero allatæ literæ: recitatæ: relatum ad  
 Senatum. dij immortales id ne ego optarem? ut inimi  
 cus meus, ea, qua nemo unquam, ignominia notare  
 tur? ut Senatus is: qui in eam iam benignitatis consue  
 tudinem uenit: ut eos, qui bene Remp. gesserint: nouis ho  
 noribus afficiat, & numero dierum, et genere uerbo  
 rum: huius unius literis nuntiandis non crederet?  
 postulandis denegaret? his ego rebus pascor: his dele  
 ctor: his p̄suor: quod de uobis hic ordo opinatur: nō se  
 cus ac de teterrimis hostibus: quod uos Eqtes romani q̄  
 cæteri ordines, quod cuncta ciuitas odit: quod nemo bo  
 nus, nemo deniq; ciuis est: qui modo se ciuem esse memi  
 nerit: qui uos non oculis fugiat: auribus respuat: animo  
 aspernetur: recordatione deniq; ipsa consulatus uestri p̄  
 horrescat. Hæc ego semper de uobis expetui: hæc opta

m m m



IN PISONEM.

ui: hæc precatus sum. plura etiā acciderunt: quā uel-  
lem. nam ut amitteretis exercitum, nunquam me her-  
cule optavi. illud etiam accidit præter optatum meum,  
sed ualde ex uoluntate. mihi enim non uenerat in mē-  
tem furorem & insaniam optare uobis: in quam inci-  
distis. atqui fuit optandum. me tamen fugerat deorum  
immortalium has esse in impios & consceleratos pœ-  
nas certissimas constitutas. nolite enim putare P. C. ut  
in scena uideatis, homines consceleratos impulsu deorū  
terreri furiarū tædis ardentibus: sua quēq; fraus, su-  
um facinus, suū scelus, sua audacia de sanitate ac men-  
te deturbat. hæ sunt impiorum furie, hæ flammæ, hæ  
faces. ego te non uecordem, non furiosum, non mente ca-  
ptum, non tragico illo horeste aut Athamante demen-  
torem putem. qui sis ausus primum facere: nam id est  
caput: deinde paulo ante Torquato grauissimo, et san-  
ctissimo uiro premente confiteri: te prouinciam Macedo-  
niam, in quam tantum exercitum transportasses: sine ul-  
lo milite reliquisse? mitto de amissa maxima parte exer-  
citus: sit hoc infelicitatis tue. dimittendi uero exercitus  
quam potes asferre causam? quam potestatem habuisti?  
quam legem? quod Senatus Consultum? quod ius? quod  
exemplum? quid est aliud furere? nisi non cognoscere  
homines: non cognoscere leges: non Senatum, non ciui-  
tatem. cruentare corpus suum? maior hæc est uitæ, fa-  
mæ, salutis suæ uulneratio. si familiam tuā dimisisses:  
quod ad neminem nisi ad ipsum te pertineret: amici te  
tui constringendum putarent. præsidium tu Populi Ro-  
mani, custodiam prouinciæ, iniussu populi Senatusq; di-  
misisses: si tuæ mentis compos fuisses? Ecce tibi alter effu-  
sa iam maxima præda, quam ex fortunis publicatio-



rum, ex agris, urbibusq; sociorum exhausserat: cum partim eius prædæ profundæ libidines deuorassent: partim noua quædam, & inaudita luxuries: partim etiã in illis locis, ubi omnia diripuit, emptiones: partim permutationes ad hunc ihusculanum montem extruendũ, cum illa eius immensa & intolerabilis ædificatio constisset: se ipsum, fascis suos, exercitũ populi Romani, nomen interdictumq; deorum immortalium, responsa sacerdotum, auctoritatem Senatus, iussa populi, nomen, ac dignitatem Imperij, Regi Aegypto uendidit. cum finis prouinciæ tantos haberet: quantos uoluerat: quantos optauerat: quantos mei capitis precio periculõq; emerat: his se tenere nõ potuit: exercitum eduxit ex Syria. qui licuit extra prouinciã? tribuit se mercenarium comitem Regi Alexãdrino. quid hoc turpius? In Aegyptum uenit: signa contulit cum alexãdrinis. quando hoc bellum aut hic ordo, aut populus suscepit? cœpit Alexandriam. quid aliud expectamus à furore eius: nisi ut ad Senatum tantis de rebus gestis literas mittat? hic si mentis esset suæ: nisi pœnas patriæ, dijsq; immortalibus eas, quæ grauissimæ sunt: furore atq; insania pëderet: ausus esset, mitto exire de prouincia: educere exercitum: bellum sua sponte gerere: in regnum iniussu populi aut Senatus accedere. quæ cum plurimæ leges ueteres, tum lex Cornelia maiestatis, Iulia de pecunijs repetundis planissime uetant. sed hæc omitto. ille si non acerrime fureret: auderet quam prouinciã P. Lentulus amississimus huic ordini, cum & auctoritate Senatus, & sorte haberet: interposita religione sine ulla dubitatione deponisset: eam sibi tum adsciscere: cum, etiam si religio non impediret: mos maiorum tamen, & exempla, &

m m y



IN PISONEM.

grauissimæ legum pœnæ uetarent. Sed quoniam fortunarum contentionem facere cœpimus: de reditu Gabini omittamus: quem, & si sibi ipse præcidit: ego tamen os ut uideam hominis expecto. tuum si placet reditum cum meo conferamus. At meus quidē is fuit: ut à Brundisio usq; Romam agmen perpetuum totius Italiæ uiderem. neq; enim regio fuit ulla, neq; municipium, neq; præfectura, aut colonia: ex qua non publice ad me uenerint gratulatum. quid dicam aduentus meos? quid effusiones hominum ex oppidis? quid concursum ex agris patrum familias cum coniugibus ac liberis? qd eos dies, qui quasi deorum immortalium, festi, atq; solennes sunt aduentu meo, redituq; celebrati? unus ille dies mihi quidem immortalitatis instar fuit: quo in patriam redij: cum Senatum egressum uidi, populumq; Romanū uniuersum: cum mihi ipsa Roma propè conuulsa sedibus suis ad complectendum conseruatorem suum procedere uisa est. quæ me ita accepit: ut non modo omnium generum, ætatum, ordinum omnes uiri, ac mulieres omnis fortunæ ac loci, sed etiam mœnia ipsa uiderentur, & tecta urbis ac templa letari. me consequentibus diebus in ea ipsa domo, qua tu me expuleras: quam expilaras: quam incenderas: Pontifices, Consules, patres conscripti collocauerunt: mihiq; (quod ante me nemini) pecunia publica ædificandam domum censuerunt. habes reditum meum. confer nunc uicissim tuum: quando quidem amisso exercitu nihil incolume domum, præter os illud pristinum tuum retulisti. qui primum qua ueneris cum laureatis tuis licioribus quis scit? quos tu Meandros, dum omnes solitudines persequeris: quæ diuerticula, flexionesq; quæsiisti? quod te municipium uidit? quis amicus

inuita  
die?  
do?  
uimot  
freda  
phor  
tini  
tionis  
dicam  
gatorum  
na legi  
cum in  
dam Re  
longe à  
rabati  
litatis  
rum tu  
longe ad  
quid e  
dico me  
natione  
multis  
bus ad  
gulari  
buerunt  
post m  
lius na  
fertor  
denda  
troisse  
troisse



inuitauit? quis hospes aspexit? non'ne tibi nox erat pro  
 die? non solitudo pro frequentia? caupona pro oppi-  
 do? non ut redire ex Macedonia nobilis Imperator, sed  
 ut mortuus infamis referri uideretur. Romam uero ipsam,  
 foedauit aduentus tuus: O' familiae non dicam Cal-  
 phurniae, sed Caluentiae, neque huius urbis, sed placenti-  
 ni municipij, neque paterni generis, sed Brachatae cognati-  
 onis dedecus, quemadmodum uenisti? quis tibi, non  
 dicam horum, aut ciuium ceterorum, sed tuorum le-  
 gatorum obuiam uenit? mecum enim tum L. Flaccus uir  
 tua legatione indignissimus, atque is consilijs, quibus me-  
 cum in consulatu meo coniunctus fuit, ad conseruan-  
 dam Rempublicam dignior, mecum fuit: tum cum te quidam non  
 longe a porta cum licторibus errantem uisum esse nar-  
 rabat. scio item uirum fortem in primis belli ac rei mili-  
 taris peritum familiarem meum Q. Martium, quo-  
 rum tu legatorum praelio Imperator appellatus eras: cum  
 longe absuisses: aduentu isto tuo domi fuisse ociosum. sed  
 quid ego enumero qui tibi obuiam non uenerint? qui  
 dico uenisse pene neminem: ne de officiosissima quidem  
 natione candidatorum: cum uulgo essent et illo ipso, et  
 multis ante diebus admoniti et rogati. togulae licторi-  
 bus ad portam praesto fuerunt: quibus illi acceptis, sa-  
 gula reiecerunt: et aeternam Imperatori suo nouam prae-  
 buerunt. sic iste tanto exercitu, tanta provincia, triennio  
 post Macedonicus Imperator in urbem se intulit: ut nul-  
 lius negotiatoris obscurissimi reditus unquam fuerit de-  
 fertior. in quo me tamen, qui esset paratus ad se defen-  
 dendum, reprehendit. cum ego Celimontana porta in-  
 troisse dixissem: responsione me munita Esquilina in-  
 troisse homo promptissimus lacecessiuit. quasi uero id, aut

m m m iij



IN PISONEM.

ego scire debuerim: aut uestrum quispiam audierit: aut ad re pertineat: qua tu porta introieris: modo ne Tri-  
umphali: quæ porta Macedonicis semper consulibus an-  
te te patuit. tu inuentus es, qui consulari Imperio præ-  
ditus ex Macedonia non triumphares. At audisti P.  
C. philosophi uocem. negauit se triumphi cupidum un-  
quam fuisse. O' scelus, O' pestis, O' labes, cum extingue-  
bas Senatum: uendebas auctoritatem huius ordinis: ad-  
dicebas tribuno pl. consulatum tuum: Remp. euertebas:  
prodebas caput & salutem meam una mercede provin-  
ciæ: si triumphum nō cupiebas: cuius tandem rei te cu-  
piditate arsisse defendes? sepe enim uidi, qui & mihi et  
cæteris cupidiores provincie uiderentur: triumphi no-  
mine tegere atq; uelare cupiditatem suam. hoc modo  
Decimus Syllanus cōsul in hoc ordine, hoc meus etiam  
Collega dicebat. neq; enim quisquam potest exercitum ca-  
pere, aperteq; petere: ut non prætexat cupiditatem tri-  
umph. quod si te Senatus populusq; ro. aut non appe-  
tentem, aut etiam recusantem, bellum suscipere, exer-  
citus ducere coegisset: tamen erat angustū animi, atq; de-  
missi, triumphī honorem, atq; dignitatem contemnere.  
nam ut leuitatis est inanem aucupari rumorem: ut o-  
mnis umbras etiam falsæ gloriæ consectari: sic leuis est  
animum, lucem, splendoremq; fugientis, iustam gloriam,  
qui est fructus ueræ uirtutis honestissimus: repudiare.  
cum uero non modo non postulante, atq; cogente, sed  
inuito, atq; oppresso Senatu, non modo nullo populi ro-  
studio, sed nullo ferente suffragium libero, provincia ti-  
bi ista manu precium fuerit nō euersæ per te, sed per-  
ditæ ciuitatis: cumq; omnium tuorū scelerum hæc pa-  
ctio extiterit: ut si tu totam Remp. nefarijs latronibus



tradidisses: Macedonia tibi ob eam rem, quibus tu finibus uelles redderetur: cum exhauriebas aerarium: cum orbabas Italiam iuuetute: cum mare uastissimum hyeme transibas: si triumphum contemnebas: quæ te prædo amentissime, nisi prædæ, ac rapinarum cupiditas tam cæcæ rapiebat? non est integrum Cn. Pompeio consilio iâ uti tuo. errauit enim: non gustarat istam tuam philosophiam: ter iam homo stultus triumphauit. Crasse perdet me tui. quid est, quod confecto formidolosissimo bello, coronam illam lauream tibi tantopere decerni uolueris à Senatu? P. Seruili, Q. Metelle, C. Curio, P. Africane, cur non hunc audistis tam doctum hominem, tam eruditum, prius quàm in istum errorem induceremini? C. ipsi Pontino necessario meo iam non est integrum: religionibus enim susceptis impeditur. o' stultos Camillos, Curios, Fabritios, Calatinos, Scipiones, Marcellos, Maximos: o' amentem Paulum, rusticum Marium, nullius consilij patres istorum amborum consulum: qui triumpharunt. Sed quoniam præterita mutare non possumus: quid cessat hic homulus ex argilla et luto fictus Epicureus, dare hæc præclara præcepta sapientiæ clarissimo et summo Imperatori genero suo? fertur ille uir mihi crede gloria: flagrat, ardet cupiditate iusti et magni triumphi: non didicit eadem ista, quæ tu mitte ad eum libellum. sed iam si ipsi coram congregari poteris: meditare quibus uerbis incensam illius cupiditatem comprimas, atque restringas. ualebis apud hominem uolitantem gloriæ cupiditate uir moderatus et constans: apud indoctum eruditus: apud generum socer. dices enim, ut es homo facetus, ad persuadendum, concinnus, perfectus, politus è schola. quid est

m m m iij



IN PISONEM.

Cæsar, quod te supplicationes totiens decreta, tot die-  
rum, tantopere delectent? in quibus homines errore  
ducuntur: quas dii negligunt: qui (ut noster ille di-  
uinus dixit Epicurus) neque propitij cuiquam esse so-  
lent: neque irati. non facies fidem scilicet cum hæc di-  
sputabis. tibi enim & esse & fuisse deos uidebis ira-  
tos. uertes te ad alteram scholam: differes de triumpho.  
quid tandem habet iste currus? quid uincti ante cur-  
rum duces? quid simulacra oppidorum? quid aurum?  
quid argentum? quid legati in equis & tribuni? quid  
clamor militum? quid tota illa pompa? inania sunt  
ista mihi crede, delectamenta pene puerorum: captare  
plausus: uehi per urbem: constici uelle. quibus ex re-  
bus, nihil est, quod solidum tenere, nihil, quod referre  
ad uoluptatem corporis possis. quin tu me uides: qui ex  
qua provincia T. Flaminius, L. Paulus, Q. Metellus,  
T. Didius, innumerabiles alij, leui cupiditate commo-  
ti triumpharunt: ex ea sic redij: ut ad portam Esqui-  
linam Macedonicam lauream concularim: ipse cum ho-  
minibus quindecim male uestitis ad portam Celimon-  
tanam sitiens peruenerim: quo in loco, mihi libertus  
præclaro Imperatori domum ex hac die biduo ante  
conduxerat: quæ uacua si non fuisset: in campo Martio  
mihi tabernaculum collocassem. nummus interea mihi  
Cæsar neglectis uehiculis triumphalibus domi manet:  
& manebit. rationes ad ærarium retuli continuo: si-  
cut tua lex iubebat: neq; alia ulla in re legi tuæ parui.  
quas rationes si cognor: intelliges nemini plusquam  
mihi literas profuisse: ita enim sunt perscriptæ scite, &  
literate: ut scriba, ad ærarium qui eas retuli: perscriptis  
rationibus secum ipse caput sinistra manu perfricans,



*commurmuratus sit. Ratio quidem hercle apparet: ar-*  
*gentum dixit. Hac tu oratione non dubito, quin*  
*illum iam ascendentem in currum possis reuocare. O'*  
*tenebrae, O' lutum, O' sordes, O' paterni generis ob-*  
*lite, materni uix memor: ita nescio quid istuc fractum,*  
*humile, demissum, sordidum, inferius etiam est, quàm*  
*ut Mediolanensi pracone auo tuo dignum esse uideatur.*  
*L. Crassus homo sapientissimus nostrae ciuitatis spicu-*  
*lis prope scrutatus est alpes: ut ubi hostis non erat: ibi*  
*triumphi causam aliquam quaereret. eadem cupidita-*  
*te uir summo ingenio praeditus C. Cotta nullo certo*  
*hoste flagrauit. eorum neuter triumphauit: quod alteri*  
*illum honorem collega, alteri mors ademit. Irrisa est*  
*abs te paulo ante M. Pisonis cupiditas triumphandi: a*  
*qua te longe dixisti abhorrere. qui etiam si minus*  
*magnum bellum gesserat: ut abs te dictum est: tamen*  
*istum honorem contemnendum non putauit. tu erudi-*  
*tior quàm Piso, prudentior quàm Cotta, abundantior*  
*consilio, ingenio, sapientia, quàm Crassus, ea contemnis:*  
*quae illi idiota, ut tu appellas, praecleara duxerunt. quod*  
*si reprehendis quod cupidi laureae fuerint: cum bella*  
*aut parua aut nulla gessissent: tu tantis nationibus sub-*  
*actis, tantis rebus gestis, minime fructum laborum tuo-*  
*rum, praemia periculorum, uirtutis insignia contemne-*  
*re debuisti. neque uero contempsisti, licet themista sapien-*  
*tior: si os tuum ferreum Senatus conuicio uerberare no-*  
*luisti. Iam uides, quando quidem ita inhimet sui inimi-*  
*cus: ut me tecum compararem. Et digressum meum, et*  
*absentiam, et reditum ita longe tuo praestitisse: ut mihi*  
*illa omnia immortalem gloriam dederint: tibi sempi-*  
*ternam turpitudinem inflixerint. nunc etiam in hac quotidiana*



## IN PISONEM.

na, assidua, urbanaq; uita splendorem tuum, gratiam, celebritatē domesticam, operā forensem, consiliū, auxiliū, auctoritatem, sententiā senatoriā nobis, aut uerius dicam, cuiquam es infirmissimo ac desperatissimo ante laturus? age Senatus odit te, quod eum tu facere iure concedis: afflicto rem, & proditorem non modo dignitatis et auctoritatis, sed omnino ordinis, ac nominis sui: uidere Equites Ro. non possunt: quo ex ordine uir praestantissimus L. Elius est te Consule relegatus: plebs Romana perditum capit: in cuius tu infamiam ea, quae per latrones, & per seruos de me egeras: contulisti: Italia cuncta execratur: cuius idem tu superbissime decreta & preces repudiasti. fac huius ody tanti, ac uniuersi periculū si audes. instant post hominum memoriam paratissimi, magnificentissimiq; ludi: quales non modo nunquam fuerunt: sed ne quomodo fieri quidem post hac possint, possum ullo pacto suspicari. da te populo: commite ludis. sibilum metuis? ubi sunt uestrae scholae? ne acclametur? ne id quidem est curare philosophi. manus tibi ne afferantur, times. dolor enim est malum: ut disputas. existimatio, dedecus, infamia, turpitudine, uerba sunt, atq; ineptiae. sed de hoc non dubito: non audebit accedere ad ludos. conuiuium publicum non dignitatis causa inhibet: nisi forte, ut cum P. Clodio hoc est comptoribus suis coenet. sed plane animi sui causa ludos nobis idiotis relinquet. solet in disputationibus suis oculorum, & aurium delectationi abdomini uoluptates anteferre. nam quod uobis iste tantummodo improbus, crudelis olim furunculus, nunc uero etiam rapax, quod sordidus, quod contumax, quod superbus, quod fallax, quod perfidiosus, quod impudens, quod audax esse uideatur: nihil

scitote  
nihil  
gatare  
atq; tu  
hunc  
inima  
bidim  
et bi  
men  
ran  
neciden  
la ellat  
spati, qu  
rus quae  
audim  
Diet al  
contume  
genio  
iratus,  
cus, qui  
gnom  
aut ipse  
hac di  
cum esse  
nem. su  
disced  
homen  
loquor  
mnis r  
recte a  
tem po



scitote esse luxuriosius: nihil libidinosius: nihil posterius:  
 nihil nequius. luxuriam autem in isto nolite hanc co-  
 gitare: est enim quaedam, quanquam omnis est uiciosa,  
 atq; turpis: tamen ingenuo, ac libero dignior. nihil apud  
 hunc lautum: nihil elegans: nihil exquisitum (laudabo  
 inimicum) ne magnopere quidem quicquam præter li-  
 bidines sumptuosum. toreuma nullum: maximæ calices:  
 & hi, ne contemnere suos uideatur: placentini: extructa  
 mensa non conchyliis aut piscibus, sed multa carne sub-  
 rancida: serui sordidati ministrant: nonnulli etiam se-  
 nes: idem coquus: idem atriensis: pistor domi nullus: nul-  
 la cella: panis & uinum à propola, atq; de cupa: Græci  
 stipati, quini in lectulis, sæpe plures: ipse solus, bibitu-  
 rus quæ eodem de solio ministrentur. ubi galli cantum  
 audiuit: auum suum reuixisse putat: mensam tolli iubet.  
 Dicet aliquis unde tibi hæc nota sunt? non mehercule  
 contumeliæ causa describam quenquam, præsertim in-  
 geniosum hominem, atq; eruditum. cui generi esse ego  
 iratus, ne si cupiam quidem, possum. Est quidam græ-  
 cus, qui cum isto uiuit: homo, uere ut dicam: sic enim co-  
 gnoui: humanus: sed tamdiu, quamdiu cum alijs est,  
 aut ipse secum. is cum istum adolescentem iam tum cum  
 hac dijs irata fronte uidisset: non fugit eius amicitiam:  
 cum esset præsertim appetitus: dedit se in consuetudi-  
 nem, sic, ut prorsus una uiueret: nec ferè ab isto unquā  
 discederet. non apud indoctos, sed ut ego arbitror, in  
 hominum eruditissimorum, & humanissimorum cetis  
 loquor. audistis profecto dici, philosophos Epicureos o-  
 mnis res, quæ sunt homini expetendæ: uoluptate metiri.  
 recte an secus: nihil ad nos: aut si ad nos: nihil ad hoc  
 tempus. sed tamen lubricum genus orationis, adolescenti



## IN PISONEM.

non acriter intelligenti sæpe præcepta. itaq; admissari-  
 us iste simul atq; audiuit à philosopho uoluptatem tanto  
 pere laudari: nihil expiscatus est: sic suos sensus uolupta-  
 rios, omnis incitauit: sic ad illius hæc orationem adhin-  
 nit: ut non magistrum uirtutis, sed authorem libidi-  
 nis à se illum inuētum arbitraretur. græcus primo di-  
 stinguere, atq; diuidere illa quemadmodum dicerentur.  
 iste claudus (quomodo aiunt) pilam retinere: quod acce-  
 perat testificari: tabulas obsignare uelle: Epicurum di-  
 fertum decernere: & tamen dictum opinor, se nullum  
 bonum intelligere posse demptis corporis uoluptatibus.  
 quid multa? græcus facilis, & ualde uenustus, nimis  
 pugna contra Senatorem Populi Ro. esse noluit. est au-  
 tem hic, de quo loquor: non philosophia solum, sed eti-  
 am literis, quod fere cæteros Epicureos negligere di-  
 cunt: perpolitus. Poëma porro facit ita festiuum, ita con-  
 cinnum, ita elegans: nihil ut fieri possit argutius. in quo  
 reprehendat eum licet, si qui uolet: modo leuiter, non  
 ut impurum, non ut improbum, non ut audacem: sed  
 ut græculum, ut assentatorem, ut poëtam. deuenit, aut  
 potius incidit in istum eodem deceptus supercalio græ-  
 cus, atq; aduena: quo tam sapiens, & tanta ciuitas. se re-  
 uocare non poterat familiaritate implicatus: & simul  
 inconstantia famam uerebatur: rogatus, inuitatus, co-  
 actus, ita multa ad istum de isto scripsit: ut omnes homi-  
 nis libidines, omnia coenarum genera, conuiuiorumq;  
 adulteria eius delicatissimis uersibus expresserit. in qui-  
 bus, si quis uelit, possit istius tanquam in speculo uitam  
 intueri: ex quibus multa à multis lecta & audita reci-  
 tare: nisi uerer ne hoc ipsum genus orationis, quo nunc  
 utor: ab huius loci more abhorreret. & simul de ipso,



qui scripsit, detrahi nolo. qui si fuisset in discipulo comparando meliore fortuna: fortasse austerior & grauior esse potuisset. sed eum casus in hac consuetudinem scribendi induxit philosopho ualde indignam: siquidem philosophia ut fertur uirtutis continet, & officij, & bene uiuendi disciplinam. quam qui profitetur: grauissimam mihi sustinere personam uidetur. sed idem casus illum ignarum quid profiteretur: cum se philosophum esse diceret: istius impurissimæ ac intemperatissimæ pecudis coeno & sordibus inquinauit: qui modo res gestas Consulatus mei cum laudasset: quæ quidem laudatio hominis turpissimæ mihi ipsi erat penè turpis: non ulla tibi inquit inuidia nocuit: sed uersus tui. nimis magna poena te Consule constituta est, siue malo poëtæ, siue libero. scripsisti enim uersus. Cædant arma togæ. quid tum? hæc res tibi fluctus illos exatauit. at hoc nusquam opinor scriptum fuisse in illo elogio: quod te Consule in sepulcro Reip. incisum est: uelitis, iubeatis, ut, non quod M. Cicero uersum fecerit: sed quod uindicta rit. uerum tamen, quoniam te non Aristarchum, sed Phalarin grammaticum habemus: qui non notam apponas ad malum uersum: sed poëtam armis persequare: scire cupio quid tandem isto in uersu reprehendas? Cædant arma togæ. tuæ dicis, inquit, togæ summum Imperatorem esse cessurum. quid nunc te asine literas doceam? non opus est uerbis, sed fustibus. non dixi hanc togam, qua sum amictus: nec arma, scutum, & gladium unius Imperatoris: sed quod pacis est insigne, & ocij toga: contra autem arma tumultus atq; belli: more poëtarum locutus, hoc intelligi uolui: bellum, ac tumultum paci, atq; ocio concessurum. quære ex familiari tuo Græ



IN PISONEM.

eo illo poëta: probabit genus ipsum, & agnoscer: neq; te  
 nihil sapere mirabitur. At in illo altero inquit hæres.  
 cōcedat laurea laudi. Immo me hercule habeo tibi gra-  
 tiam: hærerem enim, nisi tu me expedisses. nam cum tu  
 timidus ac tremens tuus ipse furacissimis manibus de-  
 tractam cruentis fascibus lauream ad portam Esqui-  
 linam abiecisti: indicasti non modo amplissimæ, sed etiā  
 minime laudi lauream concessisse. Atq; ista ratione hoc  
 tamen intelligi scelerate uis: Pompeium inimicum mi-  
 hi isto uersu esse factum: ut si uersus mihi nocuerit: ab  
 eo, quem is uersus offenderit: uideatur mihi perniciēs  
 esse quæsitā. omitto, nihil istum uersum pertinuisse ad  
 illum: non fuisse meum, quem quantum potuissem mul-  
 tis sæpe orationibus scriptisq; decorassem: hunc uno  
 uiolare uersu. Sed sit offensus primo: non ne compēsa-  
 bit cum uno uersiculo tot mea uolumina laudum sua-  
 rum? quod si est commotus: ad perniciem ne non dicam  
 amicissimi, non ita de sua laude meriti, non ita de Re-  
 publica, non Consularis, non Senatoris, non ciuis, non  
 liberi: in hominis caput ille tam crudelis propter uer-  
 sum fuisse? tu quidem, tu apud quos, de quo dicas intelli-  
 gis? complecteris amplissimos uiros ad tuum & Gabi-  
 ni scelus: neq; id occulte. nam paulo ante dixisti, me cum  
 ijs confligere, quos despicerem: non attingere eos, qui  
 plus possent: quibus iratus esse deberem. quorum qui-  
 dem, quis enim non intelligit quos dicas? quanquam  
 non est una causa omnium: tamen est omnium mihi  
 probata. me Cn. Pompeius multis obsistentibus eius erga  
 me studio, atq; amorī semper dilexit: semper sua con-  
 iunctione dignissimum iudicauit: semper nō modo in-  
 columem, sed etiam amplissimum, atq; ornatissimum

nolui  
 mina  
 farie  
 rum  
 ribus  
 tates  
 nesq;  
 cupie  
 rebus  
 licere  
 nassent  
 Lentulu  
 Torquat  
 cum ma  
 tamq; u  
 salute co  
 remis  
 referre  
 lio pub  
 defendi  
 corda  
 sed Tor  
 sponsi  
 in Conf  
 contem  
 infini  
 mum  
 no pl  
 inimic  
 non ea  
 iam de



noluit esse. uestræ fraudes, uestrum scelus, uestræ cri-  
 minationes insidiarum mearum, illius periculorū ne-  
 fariae fictæ, simul eorum, qui familiaritatis licentia, suo-  
 rum improbissimorum sermonum domicalium, in au-  
 ribus eius impulsu uestro collocauerunt: uestræ cupidi-  
 tates prouinciarum, effecerunt: ut ego excluderer: om-  
 nesq; qui me, qui illius gloriam, qui Remp. saluam esse  
 cupiebant: sermone atq; aditu prohiberentur. quibus  
 rebus est perfectum: ut illi planè suo stare iudicio non  
 liceret: cum certi homines non studium eius à me alie-  
 nassent: sed auxilium retardassent. Nonne ad te L.  
 Lentulus, qui tum erat Prætor: non Q. Sanga, non L.  
 Torquatus pater, non M. Lucullus uenit? qui omnes ad  
 eum multiq; mortales oratum in Albanum obsecre-  
 tumq; uenerant: ne meas fortunas desereret cum Reip.  
 salute coniunctas. quos ille ad te & ad tuum collegam  
 remisit: ut causam publicam susciiperetis: ut ad Senatum  
 referretis: se contra armatum Tribunum pl. sine consi-  
 lio publico decertare nolle: consulibus ex S.C. Remp.  
 defendentibus se arma suscepturum. Ecquid infelix re-  
 cordaris: quid responderis? In quo illi omnes quidem,  
 sed Torquatus præter cæteros furebat contumacia re-  
 sponsi tui: te non esse tam fortem quàm ipse Torquatus  
 in Consulatu fuisset, aut ego: nihil opus esse armis: nihil  
 contentione: me posse iterum Remp. saluare si cessissem:  
 infinitam cædem fore: si restissem. deinde ad extre-  
 mum neq; se, neq; generum, neq; Collegam suum, tribus  
 no plebis defuturum. hic tu hostis ac proditor alijs me  
 inimiciorem quàm tibi debere esse dicas? Ego C. Cæsare  
 non eadem de Rep. sensisse, quæ me, scio: sed tamen, quod  
 iam de eo, his audientibus, sepe dixi, me ille sui totius



# IN PISONEM.

Consulatus, eorumq; honorum, quos cum proximis communicauit: socium esse uoluit: detulit: inuitauit: rogauit. non sum ego propter nimiam fortasse constantiae cupiditatem adductus ad causam: non postulabam ut ei charissimus essem: cuius ego beneficijs quidem sententiam meam tradidissem. Adducta res in certamen te Consule putabatur: utrum quæ superiore anno ille gessisset: manerent: an rescinderentur? quid loquar plura? si tantum ille in me esse uno roboris, & uirtutis putauit: ut ea, quæ ipse gesserat, conciderent: si ego restituissem: cur non ignoscam: si anteposuit suam salutem meæ? Sed præterita omitto: me ut Cn. Pompeius omnibus suis studijs, laboribus, uitæ periculis complexus est: cum municipia pro me adiret: Italiae fidem imploraret: P. Lentulo Consuli auidiori salutis meæ frequens assideret: Senatui sententiam præstaret: in concionibus non modo se defensores salutis meæ, sed etiam supplices pro me profiteretur: huius uoluntatis eum, quem multum posse intelligebat: mihi non inimicum esse cognorat: socium sibi & adiutorem C. Cæsarem adiunxit. Iam uides me tibi non inimicum, sed hostem, illis, quos describis, non modo non iratum, sed etiam amicum esse debere. quorum alter, id quod munerero semper: æque mihi fuit amicus, ac sibi: alter id, quod obliuiscar aliquando: sibi amicior quàm mihi. deinde hoc ita fit: ut uiri fortes, etià si ferro inter se cominus decertarint: tamen illud contentionis odium, simul cum ipsa pugna armisq; ponant. Atq; me ille odisse nunquam potuit: ne tum quidem cum dissidebamus. habet hoc uirtus: quam tu ne de facie quidem nosti: ut uiros fortes species eius, et pulchritudo etiam in hoste posita delectet. Equidem dicam ex animo

P. C. quod



P. C. quod sentio: & quod uobis audientibus sæpe iam dixi. si mihi nunquā amicus C. Cæsar fuisset: sed semper iratus: si aspernaretur amicitiam meam: se seq; mihi implacabilem inexpiabilemq; præberet: tamen ei, cum tantas res gessisset: gereretq; quotidie: non amicus esse non possem: cuius ego imperio, non alpium uallū contra ascensum transgressionemq; gallorum, nō rhēni fossam, gurgitibus illis redundantem, germanorum immanissimis gentibus obijcio, & oppono. perfecit ille, ut si montes resedissent: amnes exaruisissent: non naturæ præsidio, sed uictoria sua rebusq; gestis Italiam munitam haberemus. sed cum me expetat: diligat: omni laude dignum putet: tu me à tuis inimicijs ad similitudinem reuocabis? sic tuis sceleribus Reip. præterita facta refricabis? quod quidem tu, qui bene nosse coniunctionem meam, & Cæsaris: eludebas: cum à me trementibus omnino labris, sed tamen cur tibi nomen non deferrem requirebas. quanquam, quod ad me attinet nunquam istam immensam curam inficiando tibi: tamen est mihi considerandum, quantum illi tantis Reip. negocijs, tantoq; bello impedito, ego homo amicissimus, sollicitudinis atq; oneris imponam. nec despero tamen, quāquam languet iuuentus: nec perinde atq; debeat, in laudis & gloriæ cupiditate uersetur: futuros aliquos: qui abiectum hoc cadauer, consularibus spolijs nudare nō nolint: præsertim tam afflicto, tam infirmo, tam enervato reo: qui te ita gesseris: ut timeres: ne indignus beneficio uidereris: nisi eius, à quo missus eras, simillimus extitisses. An uero tu parum putas inuestigatas esse à nobis labes imperij tui, stragesq; provinciarum: quas quidem nos non uestigijs odorantes ingressus tuos, sed to-

nnn



# IN PISONEM.

tis uoluntationibus corporis, et cubilibus persecuti sumus.  
 notata à nobis sunt & prima illa scelera in aduentu:  
 cum accepta pecunia à dyrrhachinis ob necem hospi-  
 tis tui Platoris, eius ipsius domum euertisti: cuius san-  
 guinem addixeras: eumq; seruis symphoniacas, et alijs  
 muneribus acceptis, timentem et multum dubitantem con-  
 firmasti: & Thessalonicam fide tua uenire iussisti. quē  
 ne maiorum quidem more supplicio affecisti: cum mi-  
 ser ille securibus hospitis sui ceruices subicere gestiret:  
 sed ei medico, quem tecum eduxeras, imperasti: ut ue-  
 nas hominis inaderet. tum quidem tibi etiam accessio  
 fuit ad necem Platoris, Pleuratus eius comes: quem ne-  
 casti uerberibus summa senectute confectum. Idemq;  
 tu Rabocentum bessicae gentis principem, cum te trecentis  
 talentis Regi Cotto uendidisses: securi percussisti: cum  
 ille ad te legatus in castra uenisset: et tibi magna prae-  
 sidia & auxilia à bessis peditum equitumq; pollicere-  
 tur. neq; eum solum, sed etiam ceteros legatos qui simul  
 uenerant: quorum omnium capita Regi Cotto uendi-  
 disti. Densetis, quae natio semper obediens huic impe-  
 rio, etiam in illa omnium barbarorum defectione Ma-  
 cedonica, C. Sextium praetorem tutata est: nefarium bel-  
 lum et crudele intulisti: eisq; cum fidelissimis socijs uti  
 posses: hostibus uti acerrimis maluisti. Ita perpetuos de-  
 fensores Macedoniae, uexatores, ac perditores effecisti.  
 uectigalia nostra perturbauerunt: urbes coeperunt: uasta-  
 runt agros: socios nostros in seruitutem adduxerunt:  
 familias arripuerunt: pecus abegerunt: thessalonicenses,  
 cum oppido desperassent: munire arcem coegerunt. A  
 te Iouis Velsuri fanum antiquissimum barbarorum,  
 sanctissimumq; direptum est. tua scelera diu immorta-

les in  
 morbo  
 semel  
 legat  
 na u  
 ex p  
 nus  
 tis im  
 ea, qu  
 centes  
 ditione  
 butum  
 talenta  
 creditur  
 minem  
 dixisti  
 dices: et  
 lum be  
 contum  
 frumen  
 & me  
 per aqua  
 Cherron  
 nus est  
 emium  
 lium  
 biffim  
 feram  
 feris:  
 sine cr  
 nam



les in nostros milites expiauerunt. qui cum uno genere morbi affligerentur: neque se recreare quisquam posset: qui semel incidisset: dubitabat nemo, quin uiolati hospites, legati necati, pacati atque socij nefario bello lacerati, fama uexata, hanc tantam efficerent uastitatem. cognoscis ex particula parua scelerum et crudelitatis tue genus uniuersum. quid auariciae, quae criminibus infinitis implicata est: summam nunc explicem? generatim ea, quae maxime nota sunt, dicam. nonne sestertium centies et octogies, quod, quasi uasarij nomine, in uenditione mei capitis ascripseras: ex aerario tibi ad tributum Romae in quaestu reliquisti? nonne cum CC talenta tibi Apolloniatae Romae dedissent: ne pecunias creditas soluerent: uliro Fufidium Equidem Ro. hominem ornatissimum, creditorem debitoribus suis addixisti? nonne hyberna cum legato, praefectoque tradidisses: euerdisti miseras funditus ciuitates? quae non solum bonis sunt exhaustae: sed etiam nefarias libidinum contumelias turpitudinesque subierunt. qui modus tibi fuit frumenti aestimandi? qui honorarij? siquidem, potest uide et metu extortum honorarium nominari. quod cum peraeque omnes, tum acerbissime Boeotij, et Byzantij, Cherronenses, Thessalonica sensit. unus tu dominus, unus aestimator, unus ueditor, tota in prouincia per triennium frumenti omnis fuisti. quid ego rerum capitalium quaestiones, reorum pactiones, redemptiones, acerbissimas donationes, libidinosissimas liberationes proferam? tantum locum aliquem cum mihi notum senseris: tecum ipse licebit quot in eo genere et quantae sint crimina recordere. quid? illam armorum officinam ecquid recordaris? cum omni totius prouinciae pe-

nnn ij



IN PISONEM.

core compulso, pellium nomine, omnē quæstum illum domesticum paternumq; renouasti? uideras enim grandis iam puer bello Italico repleti quæstu uestram domum: cum pater armis faciendis tuus præsuisset. quid? uectigalem provinciam, singulis rebus, quæcunq; uenirent, certo portorio imposito, seruis tuis publicanis à te factam esse meministi? quid? centuriatus palàm uenditos? quid? per tuum seruulum ordines assignatos? quid? stipendiū militibus per omnes annos à ciuitatibus mensis palàm propositis esse numeratum? quid illa in pontum profectio & conatus tuus? quid debilitatio, atque abiectio animi tui, macedonia Prætoria nunciata, cum tu non solum quod tibi succederetur: sed quod Gabinio non succederetur: exanguis & mortuus concidisti? quid quæstor Aedilitius reiectus præpositus? legatorum tuorum optimus abs te quisq; uiolatus? tribuni militum non recepti? M. Bebius uir fortis interfectus iussu tuo? quid quod tu totiens diffidens, ac desperans rebus tuis, in sordibus, lamentis, luctuq; iacuisti? quod populari illi sacerdoti sexcentos ad bestias amicos sociosq; misisti? quid? quod cum sustentare uix posses moerorē tuum, doloremq; decessionis: Samothraciā te primū, inde Tharsum cum tuis teneris saltatoribus, & cum Antobulo, Athamante, & Timocle formosis fratribus contulisti? quid? cum inde te recipiens, in uilla Euchadiæ, quæ fuit uxor exegisti? iacuisti moerens aliquot dies? atque inde obsoletus Thessaloniciam omnibus inscientibus noctuq; uenisti. qui cum concursum plorantium, ac tempestatem querelarum ferre nō posses: in oppidum deuuium Beroam perfugisti. quo in oppido cum tibi spe falsa, quod Q. Acharium non esse successurum pu-



tares: animos rumor inflasset: quo te modo ad tuam in-  
 temperantiam scelerate innovasti? mitto aurum coro-  
 narium, quod te diutissime torsit: cum modo uelles: mo-  
 do nolles. lex enim generi tui & decerni, & te acipe-  
 re uetabat, nisi decreto triumpho. in quo tu accepta tu-  
 men & deuorata pecunia v tinachorum centum talen-  
 ta euomere non poteras. uocabula tantum pecuniarum  
 & genera mutabas. mitto diplomata tota in provincia  
 passim data: mitto numerum nauium, summamq; prae-  
 dae: mitto rationem exacti imperatiq; frumenti: mitto  
 ereptam libertatem populis, ac singulis, qui erant affe-  
 cti praemijs nominatim: quorum nihil est: quod non sis  
 lege Iulia, ne fieri liceat, sanatum diligenter. Aetolia,  
 quae procul à barbaris disiuncta gentibus in sinu pa-  
 cis posita medio ferè graeciae gremio continetur: O' pœ-  
 na, O' furia sociorum, decedens miseram perdidisti.  
 Arsinoan Thracum, Neopactum, ut modo tu te indi-  
 casti, nobiles urbes, atq; plenas fateris ab hostibus esse  
 captas. quibus autem hostibus? nempe his, quos tu Am-  
 braciae sedens, primo tuo aduentu ex oppidis Aggri-  
 narum, atq; Dolopum demigrare, et aras, & focos re-  
 linquere coegisti. hoc tu in exitu præclare imperator:  
 cum tibi ad pristinas clades accessio fuisset Aetoliae re-  
 pentinus interitus: exercitum dimisisti: neq; ullam pœ-  
 nam, quae tanto facinori deberetur: nō maluisti subire:  
 quàm numerum tuorum militum reliquiasq; cogno-  
 scere. Atq; ut duorum Epicureorum similitudinem in  
 re militari imperioq; uideatis. Albutius cum in Sar-  
 dinia triumphasset: Romæ damnatus est. hic cum simi-  
 lem exitum spectaret: in Macedonia Trophea posuit:  
 eaq; quae bellicae laudis uictoriaeq; omnes gentes insi-



IN PISONEM.

gnia & monumenta esse uoluerunt: noster hic prae-  
 sterus Imperator amissorum oppidorum, caesarum le-  
 gionum, prouinciae praesidio & reliquis militibus or-  
 batae ad sempiternum dedecus sui generis & nomi-  
 nis indicia constituit. idemque; ut esset quod in basi trophaeo-  
 rum incidi, inscribiq; posset: Dyrrhachium ut uenit de-  
 cedens: obsessus est ab ijs ipsis militibus: quos paulo an-  
 te Torquato respondit, beneficij causa ab se esse dimis-  
 sos. quibus cum iuratus affirmasset: se, quae deberentur,  
 postero die persoluturum: domum se abdidit. inde no-  
 cte intempesta crepidatus ueste seruili nauem conscen-  
 dit: Brundisiumque; uitauit: & ultimas Adriani maris  
 oras petiuit: cum interim Dyrrhachij milites domum,  
 in qua istum esse arbitrabantur: obsidere coeperunt: et  
 cum latere hominem putarent: ignes circumdederunt.  
 quo metu commoti Dyrrhachini, profugisse noctu cre-  
 pidatum imperatorem indicauerunt. illi autem statuam  
 istius persimilem, quam stare celeberrimo in loco uolue-  
 rat: ne suauissimi hominis memoria moreretur: detur-  
 bant: affigunt: comminuunt: dissipant. sic odium quod  
 in ipsam attulerant: id in eius imaginem ac simula-  
 crum profuderunt. Quae cum ita sint: non enim dubi-  
 to, quin cum haec quae excellunt me nosse uideas: non  
 existimes: mediam illam partem & turbam flagitiorum  
 tuorum mihi esse inauditam: nihil est quod me hortere:  
 nihil est quod inuites. admoneri me satis est: admo-  
 nit autem nemo alius, nisi Reip. tempus: quod mihi qui-  
 dem magis uidetur, quam tu unquam arbitratus es: ap-  
 propinquare. Ecquid uides, ecquid sentis, lege iudicia-  
 ria lata, quos posthac iudices simus habituri? non aequale-  
 getur quisquis uoluerit: nec quisquis noluerit non le-



getur. nulli conijciuntur in illum ordinem: nulli eximē-  
tur: non ambitio ad gratiam, non iniquitas ad simula-  
tionem, conijciuntur. iudices iudicabunt ijs, quos lex ipsa,  
non quos hominum libido delegerit. quod cum ita sit:  
mihi crede: neminem inuitus inuitabis: res ipsa et reip-  
tempus aut me ipsum, quod nolim: aut aliū quempiā,  
aut inuitabit: aut dehortabitur. Equidem, ut paulo ante  
dixi: non eadem supplicia esse in hominibus existimo:  
quæ fortasse pleriq; damnationes, ex pulsiones, neces. de-  
niq; nullam mihi poenam uidetur habere id, quod acci-  
dere innocenti, quod forti, quod sapienti, quod bono ui-  
ro, & cui potest. damnatio ista, quæ in te flagitatur: ob-  
tigit P. Rutilio: quod specimen habuit hæc ciuitas in-  
nocentiæ. maior mihi iudicium, & Reip. poena illa ui-  
sa est, quàm Rutilij. L. Opimius eiectus est à patria is:  
qui Prætor, & Consul maximis Remp. periculis libe-  
rarat. non in eo, cui facta est iniuria: sed in ijs, qui fe-  
cerunt: sceleris ac conscientie poena remansit. at contra  
bis Catilina absolutus: emissus etiam ille author tuus  
provincia: cum stuprum bonæ deæ puluinaribus in-  
tulisset. quis fuit in tanta ciuitate? qui illum incesto li-  
beratum, non eos, qui ita iudicarunt: pari scelere astri-  
ctos arbitraretur? An ego expectem: dum de te quin-  
q; & septuaginta tabellæ diripiantur? de quo iam pri-  
dem omnes mortales omnium generum, ætatum, ordi-  
num iudicauerunt? quis enim te aditu, quis ullo ho-  
nore, quis denuq; communi salutatione dignum pu-  
tet? omnes memoriam consulatus tui, facta, mores, faci-  
em deniq; ac nomen à Reip. detestantur. legati qui  
una fuere, alienati: Tribuni Mil. inimici: centuriones,  
& si qui ex tanto exercitu reliqui milites existunt: non

nnn iiij



# IN PISONEM.

dimissi abs te, sed dissipati te oderunt: tibi pestem exoptant: te execrantur: Achaia exhausta: Thessalia uexata: laceratae Athenae: Dyrrhachium & Apollonia exinanita: Ambracia direpta: Parthini, & Bullienses illusi: Epirus exarsa: Locri, Phocij, Bæotij exusti: Acarnania, Amphilochia, Perrhebia, Athamanumq; gens uenedita: Macedonia condonata barbaris: Aetolia amissa: Dolopes finitimuq; montani oppidis atq; agris exterminati: ciues Ro. qui in his locis negotiantur: te unum, solum, suum depeculatorem, uexatorem, prædonem, hostem, uenisse senserunt. ad horum omnium iudicia tot atq; tanta, domesticum iudicium accessit, sententiæ damnationis tuæ, occultus aduentus, furtiuum iter per Italiam, introitus in urbem desertus ab amicis, nullæ ad Senatum è prouincia literæ, nulla trinis æstuiis gratulatio, nulla triumphi mentio: non modo quid gesseris, sed ne quibus in locis quidem fueris dicere audes. Ex illo fonte & seminario triumphorum, cum arida folia laureæ retulisses: cum ea abiecta ad portam reliquisti: tum tu ipse de te sententiam tulisse uideris: tum iudicium pronunciauisti: qui si nihil gesseras dignum honore: ubi exercitus? ubi sumptus? ubi imperium? ubi illa uberriima supplicationibus triumphisq; prouincia? sin autem aliquid sperare uolueras: cogitaras id, quod Imperatoris nomen, quod laureati fasces, quod illa trohea plena dedecoris, & risus, te commentatum esse declarant: quis te miserior? quis te damnator? qui neq; scribere ad Senatum a te bene Remp. esse gestam, neq; præsens dicere ausus es? An tu mihi, cui semper ita persuasum fuerit: nõ euentis sed factis cuiusq; fortunam ponderari: dicere audes? neq; in tabellis paucorum iudicium, sed in senten



uijs omnium ciuium famam nostram fortunamq; pende-  
re? te indemnatum uideri putas? quem socij, quem foe-  
derati, quem liberi populi, quem stipendiarij, quem ne-  
gociatores, quem publicani, quem uniuersa ciuitas, quem  
Legati, quem Tr. militares, quem reliqui milites, qui fer-  
rum, qui famem, qui mortem effugerunt: omni cruciatu  
dignissimum putant: cui non apud Senatum, non apud  
ullu ordinē, nō apud Equites romanos, nō in urbe, non  
in Italia maximorum scelerū uenia ulla ad ignoscen-  
dum dari possit: qui seipsum oderit: qui metuat omnis:  
qui suam causam nemini committere audeat: qui se-  
ipsum condemnet. Nunquam ego sanguinem expetiui  
tuum: nunquam illud exirenum quod posset esse impro-  
bis & probis commune supplicium, legis, ac iudicij: sed  
abiectum, contemptum, despectum à cæteris, à te ipso  
desperatum, & relictum, circumspectantem omnia, quic-  
quid increpuisset pertimescentem, diffidentem tuis re-  
bus, sine uoce, sine libertate, sine authoritate, sine ulla spe-  
cie. Consulari, horrentem, tremantem, adulantem omnis  
uidere te uolui. uidi. quare si tibi euenerit, quod metuis  
ne accidar: equidem non moleste feram. sin id tardius  
forte fiet: fruor tamen tua indignitate: nec minus liben-  
ter metuentem uidebo ne reus fias: quàm reum: nec ma-  
ius latorum cum te semper sordidum, quàm si paulisper  
sordidatum uiderem.



*Quia sit her oratio in ceteris dubio. Iam parte turp  
tudinis omnia. veniunt audientia a parit horatilis  
facit o*

PRO T. ANNIO MILONE.

ORATIO. XXXIX.

• *e* si vereor iudices, ne turpe sit, pro for  
tissimo viro dicere incipientem, timere:  
minimeq; deceat, cum Titus Annius  
Milo ipse magis de reip. salute, quam  
de sua pertubetur: me ad eius causam  
parem animi magnitudinem afferre non posse: tamen  
hæc novi iudicij nova forma terret oculos: qui quo-  
cunq; inciderint: veterem consuetudinem fori, & pristini  
morem iudiciorum minime vident. non enim co-  
rona confessus uester cinctus est, ut solebat: non usitata  
frequentia stipati sumus. nam illa præsidia, quæ pro  
templis omnibus cernitis: & si contra vim collata sunt:  
non afferunt tamen oratori aliquid: ut in foro, & in  
iudicio, quanquam præsidij salutaribus, & necessarijs  
sepi sumus: tamen ne non timere quidem sine aliquo ti-  
more possimus. quæ si opposita Miloni putarem: cæde-  
rem tempori iudices: nec inter tantam vim armorum  
existimarem oratori locum esse. sed me recreat, & refi-  
cit Cn. Pompei sapientissimi, et iustissimi viri consilium:  
qui profecto nec iusticiæ suæ putaret esse, quem reum sen-  
tentijs iudicum tradidisset: eundem telis militum dede-  
re: nec sapientiæ: temeritatem concitatae multitudinis au-  
thoritate publica armare. quamobrem illa arma, centu-  
riones, cohortes, non periculum nobis, sed præsidium  
denuntiant: neq; solum ut quieto, sed etiam ut magno  
animo simus hortantur: neq; auxilium modo defensionis  
meæ, verum etiam silentium pollicentur. reliqua vero  
multitudo, quæ quidem est civium: tota nostra est: neq; eorū

*cedere te  
pori*



quisquam, quos undiq; intuentes ex hoc ipso loco cernitis, unde aliqua pars fori aspicere potest, & huius exitum iudicij expectantes: non tum uirtuti Milonis fauet: tum de se, de liberis suis, de patria, de fortunis hodierno die certari putat: unum genus est aduersum, infestumq; nobis, eorum, quos P. Clodij furor rapinis, & incendijs, & omnibus exitijs publicis pauit. qui hesternae etiam concione incitati sunt, ut uobis uoce praerent, quid iudicaretis. quorum clamor si quis forte fuerit: admonere uos debet: ut eum ciuem retineatis: qui semper genus illud hominum, clamoresq; maximos pro uestra salute neglexit. quamobrem adepte animus Iudices: & timorem, si quem habetis, deponite. nam si unquam de bonis, & fortibus uiris, si unquam de benemeritis ciuibus, potestas uobis iudicandi fuit: si deniq; unquam locus amplissimorum ordinum delectis uiris datus est: ubi sua studia erga fortes & bonos ciues, quae uultu & uerbis saepe si gnificassent: re & sententijs declararet: hoc profecto tempore eam potestatem omnem uos habetis: ut statuatis, uirum nos, qui semper uestrae authoritati dediti fuimus: semper miseri lugeamus. an diu uexati a perditissimis ciuibus aliquando per uos, ac uestram fidem, uirtutem, sapientiamq; recreemur. quid enim nobis duobus laboriosius iudices, quid magis sollicitum, magis exeratum, dici, aut fingi potest? qui spe amplissimorum praemiorum ad remp. adducti, metu crudelissimorum exitiorum carere non possumus. Et quidem ceteras tempestates, et procellas in illis dumtaxat fluctibus concionum, semper putavi Miloni esse subeundas: quod semper pro bonis contra improbos senserat. in iudicio uero & in eo consilio, in quo ex cunctis ordinibus amplissimi



Diuisio

Cōfutatio

Negat intue  
ri lucem

uiri iudicarent: nunquam existimaui spem ullam esse habituros Milonis inimicos, ad eius non salutem modo extinguendam, sed etiam gloriam per tales uiros infringendam. Quamquam in hac causa iudices Titi Annij tribunatu rebus omnibus pro salute reip. gestis ad huius criminis defensionem non abutemur, nisi oculis uideritis insidias Miloni a Clodio factas: nec deprecaturi sumus, ut crimen hoc nobis multa propter praeclara in remp. merita condonetis: nec postulaturi, ut si mors P. Clodij salus uestra fuerit: ideo eam uirtuti Milonis potius, quam populi Ro. felicitati assignetis. sed si illius insidiae clariores hac luce fuerint: tum deniq; obsecrabo, obtestaborq; uos iudices: si cetera amissimus: hoc saltem nobis ut relinquatur: ab inimicorum audacia telisq; uitam ut impune liceat defendere. Sed antequam ad eam orationem ueniam, quae est propria nostrae quaestio- nis: uidentur ea esse refutanda: quae in senatu saepe ab inimicis, ab improbis saepe iactata sunt: Et in concione etiam paulo ante ab accusatoribus: ut omni errore sublato, rem planè quae uenit in iudicium uidere possi- tis. Negant intueri lucem fas esse ei: qui a se hominem occisum fateatur. in qua tandem urbe hoc homines stul- tissimi disputant? nempe in ea: quae primum iudici- um de capite uidit M. Horatij fortissimi uiri: qui nondum libera ciuitate, tamen populi Ro. comitijs liberatus est: cum sua manu sororem esse interfectam fateretur. an est quisquam? qui hoc ignoret: cum de homine occiso quaeratur: aut negari solere omnino esse factum: aut iure factum esse defendi. nisi uero existimatis dementem P. Africatum fuisse: qui cum a Carbone Tribuno pl. in concione seditiose interrogaretur, quid de T. Gracchi



morte sentiret: respondit iure cæsum uideri. neq; enim posset aut Hala ille Servilius, aut P. Nasica, aut L. Opimius, aut C. Marius, aut me consule senatus non nefarius haberi: si sceleratos ciues interfici nefas esset. Itaq; hoc Iud. non sine causa fictis fabulis doctissimi homines memorie prodiderunt: eum, qui patris ulciscendi causa matrem necauisset: uariatis hominum sententijs, non solum diuina, sed etiam deæ sapiētissimæ sententia liberatum. Quod si duodecim tabulæ nocturnum furem quoquo modo, diurnum autem, si se telo defenderit: interfici impune uoluerunt: quis est? qui quoquo modo quis interfectus sit: puniendum putet? cum uideat aliquando gladium nobis ad occidendum hominem ab ipsis porrigi legibus. atqui si tempus est ullum iure hominis necandi: quæ multa sunt: certe illud est, non modo iustum, uerum etiam necessarium: cum uiuis illata defenditur. pudicitiam cum eriperet militi tribunus militaris in exercitu C. Marij propinquus eius imperatoris: interfectus ab eo est: cui uim afferebat. facere enim probus adolescens periculose, quàm perpeti turpiter maluit. Atq; hunc ille uir summus scelere solutum periculo liberauit. insidiatori uero, et latroni, quæ potest afferri iniusta nex? quid comitatus nostri? quid gladij uolunt? quos habere certe non liceret: si uti illis nullo pacto liceret. Est ergo hæc Iudices nō scripta, sed nata lex: quā nō dicimus: accepimus: legimus: uerum etiam ex natura ipsa arripimus: hausimus: expressimus: ad quam nō docti, sed facti, non instituti, sed imbuti sumus: ut si uita nostra in aliquas insidias, si in uim, in tela aut latronum, aut inimicorum incidisset: omnis honesta ratio esset expediendæ salutis. silent enim leges inter arma: nec se

L. furem  
de p. iur. ijs

legibus  
legibus

legibus  
legibus

iniusta nex

silent leges  
inter arma



De hoc in re. venit ut quod quisque de fidei corporis  
in fecit in re ferre exstintum. Et ut vixit et diuina  
L. in ff. ad l. agniti.

PRO T.

expectari iubent: cum ei, qui expectare uelit, ante in-  
iusta poena luenda sit: quam iusta repetenda. et si per sa-  
pienter & quodammodo tacite dat ipsa lex potestatem  
defendendi: quæ non modo hominem occidi, sed esse cum  
telo hominis occidendi causa uetat: ut cum causa non te-  
lum quæreretur: qui sui defendendi causa telo esset usus:  
non hominis occidendi causa habuisse telum iudicare-  
tur. quapropter hoc maneat in causa Iudices: non enim  
dubito, quin probaturus sim uobis defensionem meam:  
si id memneritis, quod obliuisci non potestis: insidiato-  
rem in re interfici posse. Sequitur illud quod a Milonis  
inimicis sæpissime dicitur: cædem, qua P. Clodius occisus  
est: senatum iudicasse contra remp. esse factam. Illam ue-  
ro senatus non sententijs suis solum, sed etiam studijs  
comprobauit. quotiens enim est illa causa a nobis acta  
in senatu? quibus assensionibus uniuersi ordinis? quam  
nec tacitis, nec occultis? quando enim frequentissimo se-  
natu quatuor, ad summum quinque sunt inuenti? qui  
Milonis causam non probarent? declarant huius am-  
busti Tribuni Pl. illæ intermortuæ conciones: quibus  
quotidie meam potentiam inuidiose criminabatur: cum  
diceret, senatum non quod sentiret: sed quod ego uellem  
re decernere. quæ quidem si potentia est appellāda po-  
tius, quam propter magna in remp. merita mediocris  
in bonis causis autoritas: aut propter officiosos labores  
meos non nulla apud bonos gratia: appelletur ita sanè:  
dummodo ea nos utamur pro salute bonorum contra  
amentiam perditorum. hæc uero quæstionem, & si non  
est iniqua: nunquam tamen senatus constituendam puta-  
uit. erant enim leges: erant quæstiones uel de cæde, uel  
de ui: nec tantum mœrorem, ac luctum senatui mors P.

Confutatio  
mis. pars.



Clodij afferebat: ut noua quaestio constitueretur. cuius enim senatui de illo incesto stupro iudicium decernendae potestas esset erepta: de eius interitu quis potest credere senatum iudicium nouum constituendum putasse? cur igitur incendium curiae, oppugnationem aedium Marci Lepidi, caedem hanc ipsam, contra remp. senatus factam esse decreuit? quia nulla uis unquam est in libera ciuitate suscepta inter ciues non contra rempublicam. non enim est ulla defensio contra uim unquam optanda: sed non nunquam est necessaria: nisi uero aut ille dies in quo T. Gracchus est caesus: aut ille, quo Caius: aut quo arma Saturnini oppressa sunt: etiam si e' republica, remp. tamen non uulnerarunt. Itaq; ego ipse decreui: cum caedem in Appia facta esse constaret: non eum, quem se defendisset, contra remp. fecisse: sed cum inesset in re uis, et insidia: crimen iudicio reseruauit: rem notauit. quod si per furiosum illum tribunum, senatui, quod senatebat, perficere licuisset: nouam quaestionem nunc nullam haberemus. decernebat enim, ut ueteribus legibus tantummodo extra ordinem quaereretur. diuisa sententia est postulante nescio quo (nihil enim necesse est omnium flagitia proferre) sic reliqua auctoritas senatus emptae intercessionis sublata est. At enim Cn. Pompeius rogatione sua, et de re, et de causa iudicauit: tulit enim de caede: quae in Appia uia facta esset: in qua P. Clodius occisus fuit. quid ergo tulit? nempe ut quaeretur. quid porro quaerendum est? factum ne sit? at constat. a quo? at patet. uidit, etiam in confessione facti, iuris tamen defensionem suscipi posse. quod nisi uidisset: posse absolui eum qui fateretur: cum uideret nos fateri: nequaeri unquam iussisset: nec uobis tam salutarem hanc



PRO L.

in iudicando literam, quam illam tristem dedit. Mihi uero Cn. Pompeius non modo nihil grauius contra Milonem iudicasse: sed etiam statuisse uidetur, quid uos in iudicando spectare oporteret. nam qui non poenam confessioni, sed defensionem dedit: is causam interitus querendam non interitum putauit. Iam illud dicet ipse profecto, quod sua sponte fecit: P. ne Clodio tribuendum putet, an tempori? Domi suae nobilissimus uir, senatus propugnator, atq; illis quidem temporibus pene patromus, auunculus huius nostri iudicis fortissimi uiri Catonis, Tribunus pl. M. Drusus occisus est. nihil de eius morte populus consultus: nulla quaestio decreta a senatu est. Quantum luctum in hac urbe fuisse a nostris patribus accepimus: cum P. Africano domi suae quiescenti illa nocturna uis esset illata? quis tum non gemit? quis non arsit dolore? quem immortalem, si fieri posset, omnes esse cuperent: eius ne necessariam quidem expectatam esse mortem? num igitur ulla quaestio de Africani morte lata est? certe nulla. quid ita? quia non alio facinore clari homines, alio obscuri necantur. Inter sit inter uitae dignitatem summorum atq; infimorum: mors quidem illata per scelus isdem poenis teneatur, et legibus: nisi forte magis erit parricida si quis consularem patrem, quam si quis humilem necauerit? aut eo mors atrocior erit P. Clodij: quod is in monumentis maiorum suorum sit interfectus? hoc enim saepe ab istis dicitur: perinde quasi Appius ille caecus uiam munierit: non qua populus uteretur: sed ubi impune sui posterii latrocinarentur: itaq; in eadem ista Appia uia cum ornatissimum equitem Ro. Marcum Papirium occidisset: non fuit illud facinus puniendum. homo enim nobilis in suis monumentis



monumentis equitem Ro. occiderat. nunc eiusdem Appie nomen quantas tragedias excitat? quæ cruentata antea cæde honesti atq; innocentis uiri fitebatur: eadē nunc crebro usurpatur: postea quā latronis & paricide sanguine imbuta est. Sed quid ego illa commemoro? comprehensus est in templo Castoris seruus P. Clodij: quem ille ad Cn. Pompeium interficiendū collocarat. extorta est confitenti sica de manibus. caruit foro postea Pompeius: caruit senatu: caruit publico: ianua se, ac parietibus, non iure legum, iudiciorumq; textit. num quæ rogatio lata? num quæ noua quæstio decreta est? atqui si res, si uir, si tempus ullum dignū fuit: certe hæc in illa causa summa omnia fuerunt. insidiator erat in foro collocatus, atq; in uestibulo ipso se-  
*vestibulo*  
 natus: ei uiro autem mors parabatur: cuius in uita nitēbatur salus ciuitatis: eo porro reipub. tempore: quo si unus ille occidisset: non hæc solum ciuitas, sed gentes omnes concidissent. nisi forte, quia perfecta res non est: non fuit puniēda. perinde quasi exitus rerum, non hominum consilia legibus uindicentur. minus dolendum fuit re non perfecta: sed puniendum certe nihilo minus. quotiens ipse Iudices ex P. Clodij telis, et cruentis eius manibus effugit? ex quibus si me non mea, uel reip. fortuna seruasset: quis tandem de interitu meo quæstionē tulisset? Sed stulti sumus: qui Drusum, qui Africanum, Pompeium, nos metipsos, cum P. Clodio conferre audeamus. tolerabilia fuerūt illa: P. Clodij mortem æquo animo nemo ferre potest: luget senatus: moeret equester ordo: tota ciuitas confecta senio est: squallent municipia: affligantur coloniae: agri deniq; ipsi tam beneficium, tam salutarem, tam mansuetum auem desiderant. Non fuit



ea causa Iudices: non fuit: cur sibi censeret Pompeius  
 quæstionem ferendam. sed homo sapiens, & alta qua-  
 dam mente præditus, multa uidit: fuisse sibi illum ini-  
 micum: familiarem Milonem: in communi omnium læ-  
 ticia si etiam ipse gauderet: timuit, ne uideretur infir-  
 mior fides reconciliata gratiæ. multa etiam alia uidit:  
 sed illud maxime: quamuis atrociter ipse tulisset: uos ta-  
 men fortiter iudicatueros. itaq; delegit è florentissimis or-  
 dinibus ipsa lumina: neq; uero quod nonnulli diffident,  
secreuit in iudiciis legendis amicos meos. neq; enim  
 hoc cogitauit uir iustissimus: neq; in bonis uiris legendis  
 id assequi potuisset: etiam si cupisset. nõ enim mea gra-  
 tia familiaritatibus continetur: quæ late patere non pos-  
 sunt: propterea quod consuetudines uictus non possunt  
esse cum multis. sed si quid possumus: ex eo possumus:  
 quod res. nos coniunxit cum multis. ex quibus ille cū  
 optimos uiros legeret: idq; maxime ad fidẽ suam per-  
 tinere arbitraretur: nõ potuit legere non studiosos mei.  
 quod uero te L. Domiti huic quæstioni præesse maxime  
 uoluit: nihil quæsiuit aliud nisi iusticiã, grauitatem, hu-  
 manitatem, fidem. tulit ut consularem necesse esset: cre-  
 do quod principum munus esse ducebat, resistere & le-  
 uitati multitudinis, & perditorum temeritati. ex consu-  
 laribus te creauit potissimum. dederas enim quã con-  
 temneres populares insanas iam ab adolescentia docu-  
 menta maxima. quamobrem iudices ut aliquando ad  
causam crimenq; ueniamus: si neq; omnis confessio facti  
 est inusitata: neq; de causa quicquam nostra aliter, ac  
 nos uellemus, à senatu iudicatum est: & lator ipse legis,  
 cum esset controuersia nulla facti: iuris tamen discepta-  
 tionẽ esse uoluit: & electi iudices, et isti præpositus quæ-

Epilogus  
 refutatiois



stioni, qui hæc iuste sapienterq; disceptet: reliquum est  
Iudices: ut nihil iam aliud quærere debeatis: nisi uter  
utri insidias fecerit. quod quo facilius argumentis perspi-  
cere possitis: rem gestam uobis dum breuiter expono:  
quæso diligenter attendite.

P. Clodius cum sta- NARRATIO  
tuisset omni scelere in prætura uexare rempublicam:  
uideretq; ita tracta esse comitia anno superiore: ut non  
multos menses præturam gerere posset: qui non honoris  
gradum spectaret, ut cæteri: sed & L. Paulum colle-  
gam effugere uellet singulari uirtute auem: & annum  
integrum ad dilacerandam remp. quæreret: subito re-  
liquit annum suum: seq; in annum proximum tran-  
tulit: non religione aliqua, sed ut haberet, quod ipse  
dicebat: ad præturam gerendam, hoc est ad euertendâ  
remp. plenum annum, atq; integrum. occurbat man-  
cam, ac debilem præturam suam futuram consule Mi-  
lone: eum porro summo consensu populi romani consu-  
lem fieri uidebat: contulit se ad eius competitors: sed  
ita: totam ut petitionem ipse solus etiam inuitis illis gu-  
bernaret: tota ut comitia suis, ut dictitabat, humeris su-  
stineret. conuocabat tribus: se interponebat: coloniam no-  
uam, delectum perditissimorum scribebat ciuium. quan-  
to ille plura miscebat: tanto hic magis in dies conuale-  
scebat. ubi uidit homo ad omne facinus paratissimus for-  
tissimum uirum, inimicissimum suum, certissimum con-  
sulem: idq; intellexit non solum sermonibus, sed etiam  
suffragiis populi romani sæpe esse declaratum: palam  
agere cœpit: et aperte dicere occidendum Milonem. ser-  
uos a grestes, & barbaros, quibus siluas publicas depo-  
pulatus erat: heturriamq; uexarat: ex Appennino de-  
duxerat: quos uidebatis: res erat minime obscura. eteni-



palam dictitabat: consulatum Miloni eripi nō posse: uita posse. significauit hoc saepe in senatu: dixit in concione. quum etiam Fauonio fortissimo uiro querenti ex eo, qua spe fureret Milone uiuo: respondit triduo illum, ad summum quatrduo periturum. quam uocem eius ad hunc M. Catonem statim Fauonius detulit. Interim cum sciret Clodius (neque enim erat difficile scire) iter solenne, legitimum, necessarium, ante diem XIII Cal. Februarij Miloni esse Lanuium ad flaminem prodendum: quod erat dictator Lanuij Milo: Roma subito ipse profectus pridie est: ut ante suum fundum (quod re intellectum est) Miloni insidias collocaret. atq; ita profectus est: ut concionem turbulentam, in qua eius furor desideratus est: quae illo ipso die habita est: relinqueret. quam, nisi obire facinoris locum, tempusq; uoluisset: nunquam reliquisset. Milo autem, cum in senatu fuisset eo die, quoad senatus dimissus est: domum uenit: calceos et uestimenta mutauit: paulisper, dum se uxor (ut fit) comparat: commoratus est: deinde profectus est id temporis, cum iam Clodius (siquidem eo die Romam uerturus erat) redire potuisset. obuiam fit ei Clodius expeditus in equo, nulla rheda, nullis impedimentis, nullis graecis comitibus (ut solebat) sine uxore, quod nunquam ferē: cum hic insidiator, qui iter illud ad caedem faciendam apparasset: cum uxore ueheretur in rheda penulatus, uulgi magno impedimento, ac muliebri, et delicato ancillarum, puerorumq; comitatu. fit obuiam Clodio ante fundum eius hora ferē undecima, aut non multo secus. statim complures cum telis in hunc faciūt de loco superiore impetum: aduersi rhedarium occidunt. cum autem hic de rheda reiecta penula desiluisset: seq; acri animo

rheda

irroma

Rhedarium



defenderet: illi, q̄ erant cum Clodio, gladijs eductis par-  
 tim recurrere ad rhedā: ut à tergo Milonē adoriretur:  
 partim, quod hūc iam interfectū putarent: cedere inci-  
 piunt eius seruos, qui post erant. ex quibus, qui animo  
 fideli in dominum erant: & præsentes fuerunt: partim  
 occisi sunt: partim, cum ad rhedam pugnari uiderent:  
 domino succurrere prohiberentur: Milonem occisum esse,  
 etiam ex ipso Clodio audirent: fecerunt id serui Milo-  
 nis (dicam enim non deriuandi criminis causa, sed ut *non deriuandū*  
factum est) neq; imperante, neq; sciente, neq; præsente  
 domino, quod suos quisq; seruos in tali re facere uolui-  
 set. hæc sicut exposui, ita gesta sunt Iudices: insidiator  
 superatus, ui uicta uis, uel potius oppressa uirtute auda-  
 cia est. nihil dico qd resp. consecuta sit: nihil qd uos: nihil  
 quid omnes boni: nihil sanè id profit Miloni: qui hoc fato  
 natus est: ut ne se quidem seruare potuerit: quin una  
 remp. uosq; seruaret. si id iure non posset: nihil habeo  
quod defendam. sin hoc & ratio doctis, & necessitas  
barbaris, & mos gentibus, & feris natura ipsa præ-  
scripsit: ut omnem semper uim, quacunq; ope possent, à  
corpore, à capite, à uita sua propulsarent: non potestis  
hoc facinus improbū iudicare: quin simul iudicetis, o-  
mnibus, qui in latrones inciderint: aut illorum telis,  
aut uestris sententijs esse pereundum. quod si ita putasset:  
 certe optabilius Miloni fuit dare iugulum P. Clodio non  
 semel ab illo, neq; tum primū petiit: quàm iugula-  
 ri à uobis: q̄a se illi non iugulandum tradidisset. *diu sio* sin hoc  
 nemo uestrum ita sentit: illud in iudiciū uenit, non  
 occisus ne sit: quod fatemur: sed iure, an iniuria: quod  
 multis antea in causis iam quæsitum est. insidias factas  
 esse constat: & id est, quod senatus contra remp. factum



iudicauit. ab utro factae sint incertum est. de hoc igitur  
 latum est, ut quæreretur. Ita & senatus rem, non homi-  
 nem notauit: & Pompeius de iure, non de facto quæ-  
 stionem tulit. numquid igitur aliud in iudicium ue-  
 nit? nisi uter utri insidias fecerit? profecto nihil. si hic  
 illi: ut ne sit impune. si ille huic: tum nos scelere solua-  
 mur. Quo nam igitur pacto probari potest, insidias  
Miloni fecisse Clodium? satis est quidem in illa tam au-  
 daci, tam nefaria bellua docere, magnam ei causam, ma-  
 gnam spem in Milonis morte propositam, magnas utili-  
 tates fuisse. Itaque illud Cassianum, cui bono fuerit: in  
his personis ualeat: et si boni nullo emolumento impel-  
 luntur in fraudem: improbi saepe paruo. Atqui Milone  
 interfecto Clodius hoc assequebatur: non modo ut præ-  
 tor esset, non eo consule, quo sceleris nihil facere posset:  
 sed etiam his consulibus prætor esset: quibus si non adiu-  
 uantibus, at coniuuentibus certe sperasset se posse elu-  
 dere in illis suis cogitatis furoribus. cuius illi conatus,  
 ut ille ratioinabatur, nec si cuperent, reprimere possent:  
 cum tantum beneficium ei se debere arbitrarentur: &  
 si uellent: fortasse, uix possent frangere hominis scelera  
tissimam corroboratam iam uetustate audaciam. An uero  
 Iudices uos soli ignoratis? uos hospites in hac urbe uer-  
 samini? uestrae peregrinantur aures? neque in hoc perua-  
 gato ciuitatis sermone uersantur? quas ille leges (si leges  
 nominandæ sunt, ac non faces urbis, & pestes reipublice)  
 fuerit impositurus nobis omnibus, atque iniustus? exhibe  
 be quæso Sexte Clodi, exhibe librarium illud legum  
 uestrarum: quod te aiunt eripuisse e domo: et ex medijs  
 armis, turbaque nocturna, tanquam palladium sustulisse:  
 ut ut præclarum inde munus, ac instrumentum tribus

*Cui bono fuerit  
 Circ pro bono*

*iniustus  
 palladium  
 sustulisse*



natus ad aliquem, si nactus esses, qui tuo arbitrio tribu-  
 natum gereret: deferre posses. Et aspexit me quidem illis  
 oculis, quibus tum solebat, cum oia omnibus minabatur.  
 mouet me quippe lumen curiae. quid? tu me iratum Sex-  
 te putas tibi? cuius tu inimicissimum multo crudelius eti-  
 am punitus es: quam erat humanitatis meae postulare?  
 tu P. Clodij cruentum cadaver eiecisti domo: tu in pu-  
 blicum eiecisti: tu spoliatum imaginibus, exequiis, pom-  
 pa, laudatione, infelicissimis lignis semiustulatum no-  
 cturnis canibus dilanandum reliquisti. quam rem et  
 si necessario fecisti: tamen, quoniam in meo inimico cri-  
 delitatem exprompsisti tuam: laudare non possum: irasci  
certe non debeo. P. Clodij praetura non sine maximo  
 rerum nouarum motu proponi solitam esse uidebatis:  
 nisi esset is consul: qui eam auderet, possetque confringere.  
 eum Milonem esse cum sentiret uniuersus populus roma-  
 nus: quis dubitaret suffragio suo se metu, periculo rep-  
 liberare? At non P. Clodio usitatis iam rebus obniten-  
 dum est Miloni, ut tueatur dignitatem suam. singularis  
 illa huic uni concessa gloria, quae quotidie augebatur  
 frangendis furoribus Clodianis: iam morte Clodij ce-  
 cidit. uos adepti estis, ne quem ciuem metueretis. hic exer-  
 citationem uirtutis, suffragationem consulatus, fontem  
 perennem gloriae suae perdidit. itaque Milonis consula-  
 tus, qui uiuo Clodio labefactari non poterat: mortuo  
 denique tentari coeptus est. non modo igitur nihil prodest,  
sed obest etiam P. Clodij mors Miloni. at ualuit odium:  
 fecit iratus: fecit inimicus: fuit ultor iniuriae: punitor dolo-  
 ris sui. quid? si haec non dico maiora fuerunt in Clodio,  
 quam in Milone? sed in illo maxima, nulla in hoc.  
 quid uultis amplius? quid enim odisset Clodium Milo,



segetem, ac materiam suae gloriae? praeter hoc civile odi-  
um, quo omnes improbos odimus? ille erat ut odisset  
primum defensorem salutis meae: deinde vexatorem fra-  
roris, domitorem armorum suorum: postremo etiam ac-  
cusatorem suum. reus enim Milonis lege plotia fuit Clo-  
dius, quoad uixit. quo tandem animo hoc tyrannum  
tulisse creditis? quantum odium illius? Et in homine  
iniusto quam etiam iustum? reliquum est ut iam illum  
natura ipsius, consuetudoque defendat: hunc autem haec  
eadem coarguant. nihil per uim unquam Clodius: om-  
nia per uim Milo. quid ergo Iudices, cum moerenti-  
bus uobis urbe cessi: non seruos, non arma, non uim  
intentauit? quae fuisset igitur causa restituendi mei: ni-  
si fuisset iniusta eiciendi? diem mihi credo dixerat:  
multam irrogarat: actionem perduellionis intende-  
rat. Et mihi Iud. in causa aut uestra mala, aut mea  
nec praeclearissima etiam iudicium timendum fuit?  
seruorum, Et egentium ciuium, Et facinorosorum ar-  
mis meos ciues meis consilijs periculisque seruatos pro  
me obijci nolui. uidi enim, uidi hunc ipsum Q. Horten-  
sium lumen Et ornamentum reip. pene interfici seruo-  
rum manu: cum mihi adesset: qua in turba C. Vibienus  
senator uir optimus, cum hoc cum esset unacita est mul-  
tatus: ut uitam amiserit. itaque quando illius postea sica  
illa, quam a Catilina acceperat, conqueui? haec inten-  
tata nobis est: huic ego uos obijci pro me non sum passus:  
haec insidiata Pompeio est: haec istam Appiam uiam mo-  
numentum sui nominis nece Papij cruentauit: haec ea-  
dem longo interuallo conuersa rursus est in me: nuper  
quidem ut scitis me ad regiam pene confecit. quid simi-  
le Milonis? cuius uis omnis haec semper fuit: ne P. Clo-

lex plotia

o. im. clo. en  
milone

dus,  
cinita  
quati  
cum  
fende  
forti  
brici  
crudi  
stissi  
illo di  
curfus,  
libens a  
uicus ea  
ry. clari  
P. Lenti  
defensor  
fensus,  
boni pl  
aulbor  
tiam  
nati  
cum de  
cupiente  
ad me  
tum de  
mei. a  
sed di  
P. Clo  
uit. qu  
te P. C  
tem in



dius, cum in iudicium detrahi non posset: ui oppressam civitatem teneret: quem si interficere uoluisset: quantæ quotiens occasiones, quam præclaræ fuerunt. potuit ne, cum domum, ac deos penates suos illo oppugnante defenderet: iure se ulasci? potuit ne aue egregio & uiro fortissimo P. Sextio collega suo uulnerato? potuit ne Fabricio uiro optimo, cū de reditu meo legem ferret pulso, crudelissima in foro cæde facta? potuit ne L. Cæcilius iustissimi fortissimiq; prætoris oppugnata domo? potuit ne illo die, cum est lata lex de me: cum totius Italiæ concursus, quem mea salus concitaret: facti illius gloriam libens agnouisset? ut etiam si id Milo fecisset: cuncta ciuitas eam laudem pro sua uendicaret. atq; erat id temporis. clarissimus & fortissimus consul inimicus Clodio, P. Lentulus, ultor sceleris illius, propugnator senatus, defensor uestræ uoluntatis, patronus illius publica consensus, restitutor salutis meæ: septem prætores, octo tribuni pl. illius aduersarij, defensores mei: Cn. Pompeius auctor & dux mei reditus, illius hostis: cuius sententiam senatus omnis de salute mea grauissimam et ornatissimam secutus est: qui Populum ro. cohortatus est: q. cum de me decretum Capuæ fecisset: ipse cunctæ Italiæ cupienti, & eius fidem imploranti signum dedit: ut ad me restituendum Romam concurrerent. omnia tum deniq; in illum odia ciuium ardebant desiderio mei. quem tum si interemisset: non de impunitate eius, sed de præmijs cogitaretur. tamen se Milo continuit: et P. Clodium ad iudicium bis, ad uim nunquam uocauit. quid? priuato Milone, & reo ad populum, accusante P. Clodio, cum in Cn. Pompeium pro Milone dicentem impetus factus est: quæ tum non modo occasio, sed

*G. Pompeius  
auctor ei dux  
fuit.*



PRO T. INNA

etiam causa illius opprimendi fuit? nuper uero cum M.  
 Antonius summam spem salutis bonis omnibus attulisset: grauiissimamq; adolescens nobilissimus reip. partem  
 fortissime suscepisset: atq; illam belluam iudicij laqueos  
 declinantem iam irretitam teneret: qui locus, quod tempus  
 illud dii immortales fuit? cum se ille fugiens scalarum  
tenebris abdidisset: magnum Miloni fuit conficere illam  
pestem nulla sua inuidia, Antonij uero maxima gloria?  
quid? comitijs in campo, quotiens potestas fuit? cum  
ille ui in septa irruisset: gladios distringendos, lapides  
iaciendos curasset: dein subito uultu Milonis perterritus  
fugeret ad Tyberim: uos & omnes boni uota faceretis:  
ut Miloni uti uirtute sua liberet? quem igitur cum o-  
mnium gratia noluit, hunc uoluit cum aliquorum quæ  
rela? quem iure, quem loco, quem tempore, quem im-  
pune non est ausus: hunc iniuria, iniquo loco, alieno  
tempore, periculo capitis, non dubitauit occidere? præ  
 fertim Iudices cum honoris amplissimi contentio, &  
 dies comitiorum subesset. quo quidem tempore scio enim  
 quam timida sit ambitio: quantaq; & quam sollicita  
cupiditas consulatus omnia, non modo quæ reprehendi  
palam, sed etiam obscure cogitari possunt: time-  
mus: rumorem, fabulam fictam, falsam perhorresci-  
mus: ora omnium atq; oculos intuemur. nihil enim est  
tam molle, tam tenerum, tam aut fragile, aut flexibile:  
quam uoluntas erga nos, sensusq; ciuium: qui non mo-  
do improbitati irascuntur candidatorum: sed etiã re-  
cte factis sepe fastidiunt. hunc diem igitur campi spe-  
ratum, atq; exoptatum sibi proponens Milo cruentis ma-  
nibus scelus, & facinus præ se ferens & confitens ad  
illa augusta Centuriarum auspicia ueniebat? quam hoc

*m. secunda  
 philippica  
 p. 164*



non credibile in hoc? quam idem in Clodio non dubitandum? qui se, interfecto Milone regnaturum putaret. quid? quod caput audaciae est Iudices: quis ignorat? maximam illecebram esse peccandi impunitatis spem? in utro igitur haec fuit? in Milone? qui etiam nunc reus est facti aut praecleari, aut certe necessarij? an Clodio? qui ita iudicia poenamque contempserat: ut eum nihil delectaret: quod aut per naturam fas esset: aut per leges liceret? Sed quid ego argumentor? quid plura disputo? te Q. Petili apello optimum et fortissimum ciuem: te M. Cato testor: quos mihi diuina quaedam fors dedit iudices. uos ex M. Fauonio audistis Clodium sibi dixisse, et audistis uiuo Clodio, periturum Milonem triduo post diem tertium gesta res est: quam dixerat. cum ille non dubitaret aperire quid cogitaret: quemadmodum igitur eum dies non fefellit? dixi equidem modo. dictatoris Lanuij statuta sacrificia nosse negotij nihil erat: uidit necesse esse Miloni proficisci Lanuuium illo ipso, quo profectus est, die. itaque anteuertit. at quo die? quo, ut ante dixi insanissima conuocatio ab ipsius mercenario Tribuno pl. e. coactata: quem diem ille, quam concionem, quos clamores, nisi ad cogitatum facinus approperaret: nunquam reliquisset. Ergo illi ne causa quidem itineris: ei causa manendi. Miloni nulla facultas manendi, exeundi, non causa solum, sed etiam necessitas fuit. Quid? si ut ille scivit Milonem fore eo die in uia: sic Clodium Milo ne suspicari quidem potuit? primum quaero, qui scire potuerit? quod uos idem in Clodio quaerere non potestis. ut enim neminem alium nisi T. Patinam familiarissimum suum rogasset: scire potuit illo die ipso Lanuij a Dictatore Milone prodi flammam necesse esse. sederant multi alij:



ex quibus id facillime sciri posset. omnes Lanuvini. Milo de Clodij reditu unde quaesivit? quaesierit sane. uide-  
 dete quid uobis largiar. seruum etiam, ut Arius meus  
 amicus dixit corruerit. Legite testimonia testium uestro-  
 rum. dixit C. Cassinius, cognomento schola, interamnis  
 familiaris meus, et idem comes P. Clodij, cuius iam pri-  
 dem testimonio Clodius eadem hora Interamne fuerat,  
 et Romae: P. Clodium illo die in Albano mansurum  
 fuisse: sed subito ei fuisse nunciatum Cyrum architectum  
 esse mortuum: itaque Romam repente constituisse profici-  
 sci. dixit hoc comes item Publij Clodij, C. Clodius. ui-  
 dete Iudices quantae res his testimonijs sunt confectae.  
 primum certe liberatur Milo, non eo consilio profe-  
 ctus esse: ut insidiaretur in uia Clodio: quippe si ille  
 ei obuius futurus omnino non erat. deinde, non enim  
 uideo cur non meum agam negotium: scitis Iudices  
 fuisse, qui in hac rogatione suadenda dicerent, Milo-  
 nis manu caedem esse factam: consilio uero maioris ali-  
 cuius. uidelicet me latronem, ac sicarium abiecti homi-  
 nes et perditum describebant. iacent suis testibus ij: qui  
 Clodium negant eo die Romam, nisi de Cyro audi-  
 tum esset: rediturum fuisse. respiraui: liberatus sum: non ue-  
 reor, ne quod ne suspicari quidem potuerim: uidear id  
 cogitasse. nunc persequar caetera. nam occurrit illud: ne  
 Clodius quidem de insidijs cogitauit: quoniam fuit in Al-  
 bano mansurus. siquidem exiturus ad caedem nulla non  
 fuisset. uideo enim illum, qui dicitur Cyri mortem nun-  
 ciasse: non id nunciasse: sed Milonem appropinquare.  
 nam quid de Cyro nunciaret? quem Clodius Roma pro-  
 ficiscens reliquerat morientem? una fui: testamentum  
 simul obsignaui cum Clodio: testamentum autem palam



fecerat: & illum heredem & me scripserat. quem præ  
 die hora tertia animam efflantem reliquisset: eum mor- *anima effla*  
 tuum postridie hora decima ei nunciabatur. Age, sit  
 ita factum: quæ causa cur Romam properaret? cur in  
 noctem se conijceret? quid afferebat festinatio? quod  
 hæres erat? primum erat nihil cur properato opus  
 esset? deinde siquid esset: quid tandem erat: quod  
 ea nocte consequi posset? amitteret autem si postridie  
 mane Romam uenisset? Atque ut illi nocturnus ad urbem  
 aduentus uitandus potius, quam expetendus fuit: sic Mi-  
 loni cum insidiator esset: si illum ad urbem noctu ac-  
 cessurum sciebat: subsistendum atque expectandum fuit.  
 nemo ei neganti non credidisset: quem omnes saluum  
 etiam confidentem uolunt. Sustinuisse hoc crimen pri-  
 mum ipse ille latronum occultator, & receptator locus:  
 dum neque muta solitudo indicasset: neque cæca nox osten- *muta soli-  
tudo  
cæca nox*  
 disset Milonem: deinde ubi multi ab illo uiolati, spolia-  
 ti, bonis expulsi, multi etiam hæc timentes in suspicio-  
 nem caderent: tota denique rea citaretur Hetruria. Atque  
 illo die certe Aricia rediēs diuertit Clodius ad Alba-  
 num: quod, nisi sciret illum Milo Ariciæ fuisse: suspiciari  
 tamen debuit, eum, etiam si Romam illo die reuerti  
 uellet: ad uillam suam, quæ uiam tangeret: diuersurum. *diuersurum*  
 cur neque ante occurrir? ne in uilla resideret? nec eo in loco  
 subsedit? quo ille noctu uenturus esset? Video adhuc con-  
 stare omnia Iudices: Miloni etiā utile fuisse Clodii uiue-  
 re. illi ad ea quæ concupierat optatissimū interitum Mi-  
 lonis fuisse. odiū illius in hūc acerbissimum, in illū hu-  
 ius nullum. consuetudinē illius perpetuā in ui inferen-  
 da, huius tantum in repellenda. mortem ab illo denun-  
 ciatam palam Miloni & prædicatam: nihil unquam



auditum ex Milone: profectionis huius diem illi notum;  
 reditum illius huic ignotum fuisse: huius iter necessa-  
 rium, illius etiam potius alienum: hunc præ se tulisse  
 illo die Roma exiturum: illum eo die se dissimulasse  
 rediturum: hunc nullius rei mutasse consilium: illum  
 causam mutandi consilij finxisse: huic si insidiaretur no-  
 cte propè urbem expectandum: illi, etiam si hunc non  
 timeret: tamen accessum ad urbem nocturnum fuisse  
 metuendum. Videamus nunc id, quod caput est: locus ad  
 insidias ille ipse, ubi congressi sunt, uiri tandem fuerit  
 aptior? Id uero Iud. etiam dubitandum & diutius  
 cogitandum est? ante fundum Clodij, quo in fundo pro-  
 pter insanas illas substructiones, facile hominum mille  
 uersarentur ualentium aduersari. atqui excelsa loco su-  
 periore se fore putabat Milo: & ob eam causam eum  
 locum ad pugnam potissimum delegerat. an in eo lo-  
 co potius expectandum ab eo, qui ipsius loci spe face-  
 re impetum cogitarat? res loquitur Iudices ipsa: quæ sem-  
per ualeat plurimum. si hæc non gesta audiretis: sed  
pecta uideretis: tamen appareret, uter esset insidiator:  
uter nihil cogitaret mali: cum alter ueheretur in rheda  
penulatus: una sederet uxor. quid horum non impedi-  
tissimum? uestitus? an uehiculum? an comes? quid in-  
us promptum ad pugnam? cum penula irretitus, rhe-  
da impeditus, uxore penè constrictus esset. uidete nunc  
 illum, primum egredientem è uilla subito. cur uesperis?  
 quid necesse est tarde? qui conuenit præsertim id tem-  
 poris? diuertit in uillam Pompei. Pompeium ut uide-  
 ret? sciebat in Alsienfi esse procul inde. uillam ut  
 perspiceret? nullies in ea fuerat. quid ergo erat moræ,  
 & tergiversationis? dum hic ueniret: locum relinque-



re noluit. Age nunc iter expediti latronis, cum Milonis impedimentis comparate. Semper ille antea cum uxore: tum sine ea: nunquam nō in rheda: tum in equo: comites græculi quocunq; ibat, etiam cum in castra Herusca properabat: tum nugaturum in comitatu nihil. Milo qui nunquam: tum casu pueros symphoniacos uxoris ducebat, et anallarum greges. ille qui semper secum scortæ, semper exoletos, semper lupas ducebat: tum neminem, nisi ut uirū à uiro lectum esse diceret. cur igitur uictus est? quia nō semper uiator à latrone, nōnunquā etiam latro à uiatore occiditur: quia quanquam paratus in imperatos Clodius, tamē mulier inciderat in uiros. nec uero sic erat unquam non paratus Milo contra illū: ut non satis ferē esset paratus. semper ille, et quantum interesset P. Clodij se perire: et quanto illi odio esset: et quantum ille auderet: cogitabat. quamobrem uitam suam, quam maximis præmijs propositam et penē addictam sciebat: nūquam in periculum sine præsidio et sine custodia prouehebat. adde casus: adde incertos exitus pugnarum, martemq; communem: qui sæpe spoliante iam et exultante euerit: et perculit ab abiecto: adde inscitiam pransi, poti, oscitantis ducis: qui cum à tergo hostem interclusum reliquisset: nihil de eius extremis comitibus cogitauit: in quos incensos ira uitamq; domini desperantes cum incidisset: hæsit in his poenis: quas ab eo serui fideles pro domini uita expetuerunt. Cur igitur eos manu misit? metuebat scilicet ne indicaretur? ne dolorem perferre non possent? ne tormentis cogerentur occisum esse à seruis Milonis in Appia uia P. Clodium confiteri? quid opus est tortore? quid quæris? occiderit ne? occidit iure an iniuria? ni-



et in reu
 nihil ad tortorem. facti enim in eculeo questio est: Iuris  
in iudicio. quod igitur in causa querendum est: id aga-  
 mus. hoc quod tormentis inuenire uis: id fatemur. manus  
 uero cur miserit, si id potius quæris: quàm cur parum  
 amplis affecerit præmijs? nescis inimici factum repre-  
 hendere. dixit enim hoc idē, qui omnia semper constan-  
 ter, & fortiter, M. Cato: dixitq; in turbulenta concione:  
 quæ tamen huius autoritate placata est: non liberta-  
 te solum, sed etiam omnibus præmijs dignissimos fuis-  
 se: qui domini caput defendissent. quod enim præmium  
 satis magnum est tam beniuolis, tam bonis, tam fide-  
 libus seruis? propter quos uiuit? eisi id quidem non tan-  
 ti est: quàm quod propter eosdem non sanguine & uul-  
 neribus suis crudelissimi inimici mentem oculosq; sa-  
 ciuit. quos nisi manumississet: tormentis etiam dedendi  
 fuerunt, conseruatores domini, ultores sceleris, defenso-  
 res necis? hic uero nihil habet in his malis: quod minus  
 moleste ferat: quàm, etiam si quid ipsi accidar: esse ta-  
 men illis meritum præmiū persolutum. Sed quæstiones  
 urgent Milonem: quæ sunt habitæ in atrio libertatis.  
in ceſtu
 quibus nam de seruis? rogas? de P. Clodij. quis eos po-  
 stulauit? Appius. quis produxit? Appius. unde? ab Ap-  
 pio. dij boni quid potest agi seuerius? de seruis nulla  
 quæstio est in domum, nisi de interitu: ut fuit in Clo-  
 diū. proxime ad deos accessit Clodius: propius quàm tu,  
 cum ad ipsos penetrarat: cuius de morte tanquam de  
 ceremonijs uiolatis quæritur. sed tamen maiores nostri  
 in domum de seruo quæri noluerunt: non quia non  
 posset uerum inueniri: sed quia uidebatur indignum  
 esse, & domini morte ipsa tristius. in reū de seruis ac-  
 cusatoris cum quæritur, uerum inueniri potest? Age ue-  
 ro quæ erat:



ro quæ erat: aut qualis quæstio? heus ubi Rufcio? ubi  
 Casca? Clodius isidias fecit Miloni? fecit. certa crux. nul-  
 las fecit. sperata libertas. quid hac quæstione certius? su-  
 bito arrepti in quæstionem tamen separatur à cæteris:  
 et in ar. tis coniacuntur: nequis cum his colloqui possit.  
 hi centum dies penes accusatorem cum fuissent: ab eo  
 ipso accusatore producti sunt. quid hac quæstione dici  
 potest integrius? quid incorruptius? Quod si satis nun-  
 dum cernitis, cum res ipsa tot, tam claris argumentis si-  
 gnisq; luceat: pura mente atq; integra Milonem nullo  
 scelere imbutum, nullo metu perterritum, nulla consci-  
 entia exanimatum Romam reuertisse: recordamini per  
 deos immortales, quæ fuerit celeritas reditus eius? qui  
 ingressus in forū ardente curia? quæ magnitudo animi?  
 q; uultus? quæ oratio? neq; uero se populo solū, sed etiā  
 senatui tradidit: neq; senatui modo, sed etiam publicis  
 præsidijs, et armis, neq; his tantum, uerum et ei potesta-  
 ti, cui senatus totam republicam, omnem Italiae pubē,  
 cuncta populi romani arma commiserat. cui se unquā  
profecto tradidisset: nisi causæ suæ confideret: præ-  
sertim omnia audienti, magna metuēti, multa suspican-  
ti, nonnulla credenti. Magna uis est conscientiae Indi-  
ces: et magna in utranq; partem: ut neq; timeant: qui  
 nihil commiserint: et pœnam semper ante oculos uer-  
 sari putent: qui peccarint. neq; uero sine ratione certa  
 causa Milonis semper à senatu probata est. uidebant  
 enim sapientissimi homines, facti rationem, præsentiā  
 animi, defensionis constantiam. an uero oblitus esis Indi-  
 ces recenti illo nuncio necis Clodiane, non modo ini-  
 micorum Milonis sermones, et opiniones, sed nonnullo-  
 rum imperitorum? qui negabant eum Romam esse re-

PPP



diturum? siue enim illud animo irato, ac perito fecisset: ut incensus odio trucidaret inimicum: arbitrabatur eum tanti mortem P. Clodij putasse: ut æquo animo patria careret: cum sanguine inimici expleisset odiū suum. siue etiam illius morte patriam liberare uoluisset: non dubitaturum fortem uirum: quin, cum suo periculo salutem reip. attulisset: caderet æquo animo legibus: secum auferret gloriam sempiternam: nobis hæc fruenda relinqueret: quæ ipse seruasset. multi etiam Catilinam atq; illa portenta loquebantur: erumpet: occupabit aliquem locum: bellum patriæ faciet. miseros interdum ciues optime de rep. meritos: in quibus homines nō modo res præclarissimas obliuiscuntur: sed etiam nefarias suspiciantur. ergo illa falsa fuerunt: quæ certe uera extitissent: si Milo admisisset aliquid: quod non posset honeste, uerèq; defendere. quid? quæ postea sunt in eum congesta? quæ quamuis etiam mediocrium delictorum conscientiam perculissent: ut sustinuit dñ immortales? sustinuit? immo uero ut contempsit? ac pro nihilo putauit? quæ neq; maximo animo nocens, neq; innocens, nisi fortissimus uir, negligere potuisset. scutorum, gladiatorum, frenorum, spatorum, pilorumq; etiā multitudo deprehendi posse iudicabatur: nullū in urbe uicū, nullum angiportum esse dicebant: in quo Miloni non esset conducta domus: arma in uillam Oriculanam deuecta Tyberi: domus in cliuo Capitolino scutis referta, plena omnium malleorum ad urbis incendia comparatorum. hæc non delata solum, sed penè credita: nec ante repudiata sunt: quàm quæ sita. laudabam equidem incredibilem diligentia Cn. Pompei: sed dicam ut sentio Iudices: nimis multa audire coguntur: neq;



aliter facere possunt ij: quibus tota commissā est respu-  
 blica. quin etiam audiendus sit Popæ Licinius nescio q̄s  
 de circo maximo: seruos Milonis apud se ebrios factos, *ebrios seruos*  
 sibi confessos esse de interficiendo Pompeio coniurasse.  
 deinde postea se gladio percussū esse ab uno de illis,  
 ne indicaret: Pompeio in hortos nunciauit. arcessor in  
 primis: de amicorum sententia rem defert ad senatum.  
 non poteram in illius mei patriæq; custodis tanta su-  
 spicione non metu exanimari. sed mirabar tamen credi  
 Popæ: confessionem seruorum audiri: vulnus in latere,  
 quod acn pūctum uideretur: pro ictu gladiatoris pu-  
 tari. uerum etiam ut intelligo cauebat magis Pompe-  
 ius, quā timēbat, non ea solum, quæ timenda erant,  
 sed omnia ne aliquid uos timeretis. oppugnata domus  
 C. Cæsaris clarissimæ, et fortissimæ uiri per multas no-  
 ctis horas nunciabatur. nemo audierat tam celebri lo-  
co: nemo senserat: tamen audiebatur. non poteram Cn.  
 Pompeium præstantissima uirtute ciuem, timidum su-  
 spicari. diligentiam, tota rep. suscepta, nimiam nullam pu-  
 tabam. frequentissimo senatu nuper in Capitolio sena-  
 tor inuentus est: qui Milonem cum telo esse diceret. nu-  
 dauit se in sanctissimo templo: quoniam uita talis et  
 ciuis, et uiri fidem non faciebat: nisi eo tacente res ipsa  
loqueretur. oia falsa atq; insidiosè ficta comperta sunt.  
 cū tamen si metuitur etiā nunc Milo: nō iam Clodianum  
 crimē timemus: sed tuas Cn. Pōpei (te enim iam appello  
 ea uoce: ut me audire possis) tuas inquam suspiciones per-  
 horrescimus. si Milonem times: si hunc de tua uita nefa-  
 rie aut nunc cogitare, aut molitum aliquando aliquid  
 putas: si Italiæ delectus, ut nonnulli conquistores tui di-  
 citant: si hæc arma, si Capitolinæ cohortes, si excubie,



si uigiliae, si delecta iuuentus, quæ tuum corpus do-  
 numq; custodit: contra Milonis impetum armata est:  
 atq; illa omnia in hunc unum instituta, parata, inten-  
 ta sunt: magna in hoc certe uis, & incredibilis animus,  
 & non unius uiri uires, atq; opes indicantur: siquidem  
 in hunc unum & præstantissimus dux electus, & tota  
 resp. armata est. sed quis non intelligit, omnes tibi reip.  
 partes ægras, & labantes, ut eas his armis sanares, &  
 confirmares, esse commissas? quod si Miloni locus datus  
 esset: probasset profecto tibi ipsi, neminem unquam homi-  
nem homini cariores fuisse, quàm te sibi: nullum se un-  
quam periculum pro tua dignitate fuisse: cum illa te-  
terrime peste sæpissime pro tua gloria contendisse: Tri-  
 bunatum suum ad salutem meam, quæ tibi carissi-  
 ma fuisset: consilijs tuis gubernatum: se à te postea defen-  
 sum in periculo capitis: adiutum in petitione præturæ:  
 duos se habere semper amicissimos. sperasse: te tuo be-  
 neficio: me suo. quæ si non probaret: si tibi ita penitus  
 insedisset ista suspicio: nullo ut euelli modo posset: si de-  
 niq; Italia à delectu, urbs ab armis, sine Milonis clade  
 nunquam esset conquietura: ne iste haud dubitans cessis-  
 set patria is, qui ita natus est: & ita consuevit: te Ma-  
 gne tamen attestaretur: quod nunc etiam facit. uide q̃  
 sit uaria uita, commutabilisq; ratio: quàm uaga, uolubi-  
 lisq; fortuna: quante infidelitates in amicis: quàm ad  
 tempus aptæ simulationes: quante in periculis fugæ  
 proximorū: quante timiditates. erit, erit illud profecto  
 tempus & illucescet aliquando ille dies: cum tu saluta-  
 ribus ut spero rebus tuis, sed fortasse motu aliquo com-  
 munium temporum immutatus, qui quàm crebro acci-  
 dat, experti debemus scire: et amicissimi beniuolentiā,



Et grauiſſimæ hominis fidem, Et unius poſt homi-  
 nes natos fortiffimi uiri magnitudinē animi deſideres.  
 Quauquam quis hoc credat? Cn. Pompeium iuris pu-  
 blicæ, moris maiorum, rei deniq; publicæ peritiffimum,  
 cum ſenatus ei commiſerit, ut uideret, nequid reſp. de-  
 trimenti caperet: quo uno uerſiculo ſatis armati ſem-  
 per conſules fuerunt, etiam nullis armis datis: hunc  
 exercitu, hunc delectu dato, iudiciu expectaturum  
 fuiſſe in eius iudicijs uindicandis: qui uel iudicia ipſa  
 tolleret. ſatis iudicatum eſt a Pompeio: falſo iſta confer-  
 ri in Milonem: qui legem tulit: qua, ut ego ſentio, Milo-  
 nem abſolui oporteret: ut omnes conſentirent,liceret.  
 Quod uero in illo loco, atq; in illis publicorum præ-  
 ſidiorum copijs circumſuſus ſedet: ſatis declarat, ſe non  
 terrorem inferre uobis: quid enim illo minus dignū?  
 quā cogere ut uos eum condēnetis: in quem animad-  
 uertere ipſe, Et more maiorum, Et ſuo iure poſſet?  
 ſed præſidio eſſe: ut intelligatis, contra heſternam concio-  
 nem illam licere uobis quod ſentiatis libere iudicare.  
 Nec uero me Iud. Clodianum crimen mouet: nec tam-  
 ſum demens, tamq; ueſtri ſenſus ignarus, atq; expers: ut  
 neſciā quid de morte Clodij ſentiatis. de qua ſi iam nol-  
 lem ita diluere crimen, ut dilui: tamen impune Miloni  
 palam clamare atq; mētiri glorioſe liceret: occidi, occidi,  
 non ſpurium Melium, qui annona leuanda, iactu-  
 riq; rei familiaris, quia nimis amplecti plebem puta-  
 batur: in ſuſpicionem inadit regni appetendi: non Ty-  
 Gracchum, qui collegæ magiſtratum per ſeditionem ab-  
 rogauit: quorum interfectores impleunt orbem ter-  
 rarum nominis ſui gloria: ſed eum (auderet enim di-  
 cere: cum patriam periculo ſuo liberaſſet) cuius nefari-

PPP ij



um adulteriū in pulvinaribus sanctissimis nobilissimæ  
 foeminae comprehenderunt: eum, cuius supplicio senatus  
 solennes religiones expiandas sæpe censuit: eum, quem  
 cum sorore germana nefarium stuprum fecisse L. Lu-  
 cullus iuratus se questionibus habitis dixit comperisse:  
 eum, qui ciuem, quem senatus, quem populus, quem o-  
 mnes gentes, urbis, ac uitæ ciuium conseruatorem iudi-  
 cabant: seruorum armis exterminauit: eum, qui regna  
 dedit: ademuit: orbē terrarum qbus cum uoluit partitus  
 est: eum, qui pluribus cædibus in foro factis singulari  
 uirtute & gloria ciuem, domum ui & armis compulit:  
 eum, cui nihil unquam nefas fuit nec in facinore, nec  
 in libidine: eum, qui ædem Nympharum incendit: ut  
 memoriam publicam recensitionis tabulis publicas im-  
 pressam extingueret: eum deniq; cui iam nulla lex  
 erat: nullum ciuile ius: nulli possessionum termini: qui  
 non calumnia litium, non iniustus uindicys, ac sacra-  
 mentis alienos fundos, sed castris, exercitu, signis infe-  
 rēdis petebat: qui nō solum Hetruscos (eos enim penitus  
 contempserat) sed hunc Cn. Pompeium uirum fortissi-  
 mum, atq; optimum ciuem, iudicem nostrum pellere pos-  
 sessionibus, armis, castrisq; conatus est: qui cum archite-  
 ctis & decempedis uillas multorum, hortosq; pera gra-  
 bat: qui Ianiculo, & alpibus spem possessionum termi-  
 nabat suarum: qui cum ab egte romano splēdidissimo,  
 et forti uiro, T. Pacatio non impetrasset: ut insulam in  
 lacu Precio uenderet: repente Lyntribus in eam insulā  
 materiam, calcem, cementa, atq; arma conuexit: domi-  
 no transripā inspectante non dubitauit ædificium ex-  
 truere in alieno: qui huic T. Furfanio, cui uiro dū im-  
 mortales? (quid enim de muliercula Sanctia? quid de

in sorore  
 germana

hoc e publico  
 in nullo huius  
 asu oppugna-  
 bat

decempedis

calcem  
 cementa



adolescente Apronio dico? quorum utriq; mortem est ma-  
nitatus: nisi sibi hortorum possessione cessisset) sed ausum  
 esse Furfanio dicere, si sibi pecuniam quantam poposce-  
 rat non dedisset: mortuum se in domum eius illaturu-  
 qua inuidia huic esset tali viro conflagrandum? qui  
 Appium fratrem hominem mihi coniunctum fidelis-  
 sima gratia, absentem de possessione fundi deiecit: qui  
 parietem sic per vestibulum sororis instituit ducere: sic  
 agere fundamenta: ut sororem non modo vestibulo pri-  
 uaret: sed omni aditu & lumine. quanquam haec qui-  
 dem iam tolerabilia uidebantur: et si aequaliter in re-  
 publicam, in priuatos, in longinquos, in propinquos, in  
 alienos, in suos irruebat. sed nescio quomodo usu obdu-  
 ruerat & percelluerat ciuitatis incredibilis patientia.  
 quae uero aderant iam, & impendebant: quonam  
 modo ea aut depellere potuissetis? aut ferre imperiu? si  
 id ille nactus eet. omitto socios, exterarum nationes, Reges,  
 Terrarchas (uota enim feceratis: ut in eos se potius mit-  
 teret: quam in uestras possessiones, uestra tecta, uestras  
 pecunias) dico, a' liberis mediis fidius, & a' coniugibus  
 uestris nunquam ille effrenatas suas libidines cohibuis-  
 set. fingi haec putatis? quae patent? quae nota omnibus?  
 quae tenentur? seruorum exercitus illum in urbe conscri-  
 ptuū fuisse: per quos totam remp. resq; priuatas omniu  
 possideret. Quamobrem si cruentum gladium tenens  
 clamaret T. Annius: adeste quæso, atque audite ciues:  
 P. Clodium interfeci: eius furores, quos nullis iam legi-  
 bus, nullis iudicijs frenare poteramus: hoc ferro, & hac  
 dextera a' ceruicibus repuli: per me unum effectum  
 est: ut ius, æquitas, leges, libertas, pudor, pudicitia in ci-  
 uitate manerent: enimuero timendum quonam modo

ppp iij



id factum ferret ciuitas? nunc enim quis est: qui nō pro-  
bet? qui non laudet? qui non unū post hominum me-  
moriā T. Annium plurimum reip. profuisse, maxima  
leticia populum romanum, cunctam Italiam, nationes  
omnes affecisse, et dicat, et sentiat? Nequico uetera illa  
populi romani quanta fuerint gaudia iudicare. multas  
tamen iam summorum imperatorum clarissimas ui-  
ctorias ætas nostra uidit: quarum nulla neq; tam diu-  
turnam attulit leticiā, nec tantam. mandate hoc memo-  
riæ Iudices. spero multa uos liberosq; uestros in rep-  
bona eē uisuros. in his singulis ita semper existimabitis,  
uiuo P. Clodio nihil horum uos uisuros fore. in spem ma-  
ximam, et quemadmodum confido, uerissimam addu-  
cti sumus: hunc ipsum annum, hoc summo uiro consu-  
le, concussa hominum licentia, cupiditatibus fractis, le-  
gibus, et iudicijs constitutis, salutare ciuitati fore. nun-  
quis igitur est tam demens? qui hoc P. Clodio uiuo con-  
tingere potuisse arbitretur? Quid? ea quæ tenetis pri-  
uata atq; uestra, dominante homine furioso, quod ius  
perpetuæ possessionis habere potuissent? non timeo Iud-  
ne odio inimicitiarum mearum inflammatus libentius  
hæc in illum euomere uidear: quā uerius. etenim et si  
præcipuum esse debebat: tamen ita communis erat omni-  
um ille hostis: ut in communi odio penē æqualiter uersa-  
retur odium meum. non potest dici satis: ne cogitari qui-  
dem: quantum in illo scelere, quantum exitij fuerit.  
quin sic attendite Iudices. nempe hæc est quæstio de in-  
teritu P. Clodij. fingite animus, libera enim sunt cogita-  
tiones nostræ: et quæ uolunt sic intuentur: ut ea cerni-  
mus, quæ uidemus. fingite igitur cogitatione imaginem  
huius conditionis meæ: si possim efficere ut Milonem ab

soluta  
multis  
tuis  
qui e  
nemo  
de m  
uiru  
am  
rem  
tores  
et de  
uiscere  
terfector  
ne po  
nes de  
nos ne  
bibus  
quos  
religio  
seruati  
norib  
muni  
gno an  
sa: quod  
etiam  
nihil  
etiam  
putat  
forem  
esse ne  
nobis



soluatis: sed ita, si P. Clodius renixerit. quid ultu exti-  
muistis? quonam modo ille uos uiuus affecerat: qui mor-  
tuus inani cogitatione percussit? quid? si ipse Cn. Pompeius,  
qui ea uirtute ac sapientia est: ut ea potuerit semper: quæ  
nemo præter illum: si is inquam potuisset, ut quæstionem  
de morte P. Clodij ferre: sic ipsum ab inferis excitare:  
utrum putatis potius facturum fuisse? etiam si propter  
amicitiā uellet illum ab inferis reuocare: propter  
rempublicam, nõ fecisset. Eius igitur mortis sedetis ul-  
tores: cuius uitam si putetis per uos restitui posse: nolitis:  
et de eius nece lata quæstio est: qui si eadem lege reui-  
uiscere posset: lata lex nunquam esset. huius ergo in-  
terfector non esset in confitendo ab his impetraturus,  
ne poenam timeret: quos liberauisset? græci homi-  
nes deorum honores tribuunt his uiris, qui Tyran-  
nos necauerunt. quæ ego uidi Athenis? quæ alijs in ur-  
bibus græciæ? quas res diuinas talibus institutas uiris?  
quos cantus? quæ carmina? propè ad immortalitatem et  
religionem et memoriam consecrantur. uos tanti con-  
seruatorem populi, tanti sceleris ultorem, non modo ho-  
noribus nullis afficietis: sed ad supplicium rapi patie-  
mini? confiteretur, confiteretur inquam, si fecisset, et ma-  
gno animo, et libenter, se fecisse libertatis omnium cau-  
sa: quod certe ei non confitendum modo fuisset: uerum  
etiam prædicandum. Et enim si id non negat: ex quo  
nihil petit: nisi ut ignoscatur: dubitaret id fateri: ex quo  
etiam præmia laudis essent petenda? nisi uero gratius  
putat esse uobis: sui se capitis, quam uestri ordinis defen-  
sorem fuisse: cum præsertim in ea confessione, si grati  
esse uelletis: honores assequeretur amplissimos: si factum  
uobis non probaretur (quanquam qui poterat salus sua



eniq; non probari?) sed tamen si minus fortissimi uiri  
 uirtus ciuibus grata cecidisset: magno animo constan-  
 tiq; caderet ex ingrata ciuitate. nam quid esset ingra-  
 tius? quā letari cæteros: lugere eū solū, propter quē cæ-  
 teri letarentur? quanquam hoc animo semper omnes  
 fuimus in patriæ proditoribus opprimendis: ut quoniam  
 nostra futura esset gloria: periculum quoq; et inuidiā  
 nostram putaremus. nam quæ mihi contribuenda laus  
 esset ipsi: cum tantum in consulatu meo pro uobis ac  
 liberis uestris ausus essem: si id, quod conabar, sine ma-  
 ximis dimicationibus meis me esse ausurum arbitra-  
 rer? quæ mulier sceleratum ac perniciosum ciuem occi-  
 dere non auderet? si periculum non timeret? proposita  
inuidia, morte, poena, qui nihilo se gnus remp. defendit:  
is uir uere putandus est. populi grati est, præmijs affi-  
 cere bene meritos de rep. ciues: uiri fortis ne supplicijs  
 quidem moueri: ut fortiter fecisse poeniteat. quamobrem  
 uteretur eadem confessione T. Annius, qua Hala, qua  
 Nasica, qua Opimius, qua Marius, qua nos metipsi: et  
 si grata resp. esset: letaretur: si ingrata: tum in graui  
 fortuna consciētia sua niteretur. sed huius beneficij gra-  
 tiā Iud. fortuna populi romani, et uestra foelicitas, et dij  
 immortales sibi deberi putant. Nec uero quisquā aliter  
 arbitrari potest: nisi qui nullā uim cælestem existimat,  
 numen ue diuinum: quem neq; imperij uestri magnitu-  
 do, neq; sol ille, nec cœli, et signorum motus, nec uici-  
 situdines rerum, atq; ordines mouent: neq; id, quod  
 maximum est, maiorum sapientia: qui sacra, qui ceri-  
 monias, qui auspicia et ipsi sanctissime coluerunt: et  
 nobis suis posteris prodiderunt. Et est profecto illa uis:  
 neq; in his corporibus, atq; in hac imbecillitate nostra

q. Vir. Ver.  
 putandus  
 est



inest quiddam, quod uigeat: & sentiat: & non inest in  
 hoc tanto naturæ, tam præclaro motu. nisi forte iacta  
 non putant: quia non apparet: nec cernitur: perinde  
 quasi nostram ipsam mentem, qua sapimus: qua proui-  
 demus: qua hæc ipsa agimus: ac dicimus: uidere, aut pla-  
 nè qualis, aut ubi sit, sentire possimus. Ea uis, ea est igitur:  
 quæ sæpe incredibiles huic urbi fœlicitates, atq; o-  
 pes attulit: quæ illam perniciẽ extinxit: ac sustulit: cui  
 primum mentem iniecit: ut ui irritare ferroq; laceßere  
 fortissimum uirum auderet: uincereturq; ab eo: quem  
 si uisisset: habiturus esset impunitatem, & licentiam  
 sempiternam. non est humano consilio, nec mediocri  
 quidem Iudices deorum immortalium cura res illa per-  
 fecta. religiones in hercule ipsæ, aræq; cum illam bellum  
 am cadere uiderunt: commouisse se uidentur: & ius in  
 illo suum retinuisse. uos enim Albani tumuli atq; lucus,  
 uos inquam imploro, atque obtestor: uosq; albanorum  
 obruta aræ sacrorum populi romani sociæ, et æquales:  
 quas ille præceps amentia, cæsis, prostratisq; sanctissimus  
 lucus substructionum insanis molibus oppresserat: ue-  
 stræ tum aræ, uestre religiones uiguerunt: uestra uis ua-  
 luit: quam ille omni scelere polluerat: tuq; ex tuo edito  
 monte Latialis sancte Iupiter, cuius ille lacus, nemora,  
 finesq; sæpe omni nefario stupro, & scelere macula-  
 rat: aliquando ad eum puniendum oculos aperuisti. uo-  
 bis illæ, uobis uestro in conspectu seræ, sed iustæ tamen,  
 & debitæ pœnæ solutæ sunt. nisi forte hoc etiam casu  
 factum esse dicimus: ut ante ipsum sacrarium Bonæ deæ,  
 quod est in fundo T. Sextij Galli in primis honesti, et  
 ornati adolescentis: ante ipsam inquam Bonam deam,  
 cum prælium commisisset: primum illud uulnus acce-



perit: quo teterrimam mortem obiret: ut non absolutus iudicio illo nefario uideretur: sed ad hanc insignem poenam reservatus. Nec uero non eadem ira deorum hanc eius satellitibus iniecit amentiam: ut sine imaginibus, sine cantu, sine ludis, sine exequiis, sine lamentis, sine laudationibus, sine funere, oblitus cruore, & luto, spoliatus illius supremi diei celebritate, quam concedere etiam inimici solent: ambureretur etiam abiectus. non fuisse credo fas clarissimorum uirorum formas illi teterrimo paririade aliquid asferre: neque ullo in loco potius mortem eius lacerari: quam in quo uita esset damnata. Dura mihi medijs fidius iam fortuna populi romani, & crudelis uidebatur: quae tot annos illum in hanc remp. insultare uideret: & pateretur. polluerat stupro sanctissimas religiones: senatus grauissima decreta perfrigerat: pecunia se palam iudicijs redemerat: uexarat in tribunatu senatum: omnium ordinum consensu pro salute reip. gesta resciderat: me patria expulerat: bona diripuerat: domum incenderat: liberos, coniugem meam uexauerat: Cn. Pompeio nefarium bellum indixerat: magistratum priuatorumque cedes effecerat: domum mei fratris incenderat: uastarat Hetruriam: multos sedibus, ac fortunis eiecerat: instabat: urgebat: capere eius amentiam ciuitas, Italia, provincie, regna non poterant: incidebantur iam domi leges: quae nos nostris seruis addicerent: nihil erat cuiusquam, quod quidem ille adamasset: quod non hoc anno suum fore putaret: obstabat eius cogitationibus nemo: praeter illum Milonem ipsum: qui poterat obstare: Cn. Pompeium nouo reditu in gratiam quasi deuinctum arbitrabatur: Caesaris potentiam, suam potentiam esse dicebat: bonorum animos etiam in

mco ca  
morta  
fario  
non p  
natus  
lebat  
profee  
fent?  
deind  
tribun  
memor  
inuent  
nos nos  
immorta  
minatus  
remp. ma  
sul si ma  
tandim  
denig  
is satell  
quo qua  
dimus?  
sili pub  
gentium  
uni or  
a mul  
sed ab  
signifi  
abieci  
rat. et  
ria? e



meo casu contempserat: Milo unus urgebat. Hic dii im-  
mortales, ut supradixi, mentem dederunt illi perditio, ac  
furioso: ut huic faceret insidias. aliter perire pestis illa  
non potuit. nunquam illum resp. suo iure esset ulta. se-  
natus credo prætorem eum circumscripsisset. ne cum so-  
lebat quidem id facere, in privato eodem hoc, aliquid  
profecerat. An consules in prætore coercendo fortes fu-  
issent? primum Milone occiso habuisset suos consules.  
deinde quis in eo prætore consul fortis esset? per quem  
tribunum, uirum consularem crudelissime necatum esse  
meminisset. omnia possideret: teneret: lege noua, quæ est  
inuenta apud eum cum reliquis legibus Clodianis: ser-  
uos nostros libertos suos fecisset: postremo, nisi eum dii  
immortales in eam mentem impulissent: ut homo effæ-  
minatus fortissimum uirum conaretur occidere: hodie  
remp. nullam haberetis. An ille prætor, ille uero con-  
sul si modo hæc templa, atq; ipsa mœnia stare eo uiuo  
tamdiu, & consulatum eius expectare potuissent: ille  
deniq; uiuus, mali nihil fecisset? qui mortuus uno ex su-  
is satellitibus Sex. Clodio duce, curiam incenderit?  
quo quid miserius? quid acerbius? quid luctuosius ui-  
dimus? templum sanctitatis, amplitudinis, mentis, con-  
siliij publici, caput urbis, aram sociorum, portum omniũ  
gentium, sedem ab uniuerso populo romano concessam  
uni ordini, inflammari: excindi: funestari. neq; id fieri  
a multitudine imperita: quanquã esset miserũ id ipsum:  
sed ab uno, q cum tantum ausus sit ultro pro mortuo: qd  
signifer pro uiuo non esset ausus? in curiam potissimũ  
abiecit: ut eam mortuus incenderet: quam uiuus euerte-  
rat. et sunt qui de uia Appia querantur? taceant de cu-  
ria? & quando ab eo spirante forũ potuisset defendi: cu-

*consubscer*



ius nō resisterit cadaveri curia? excitate, excitate eum  
 si potestis à mortuis: frangetis impetum uiui: cuius uix  
 sustinetis furias insepulti. nisi uero sustinuistis eos: qui cū  
 facibus ad curiā incurrerūt: cum falciibus, ad Castoris  
 cum gladijs toto foro uolitarunt. cædi uidistis populum  
 romanum: concionem gladijs disturbari: cum audiretur  
 silentio M. Celijs Tribunus pl. uir fortissimus, & in su-  
 scepta causa firmissimus, & bonorum uoluntati et au-  
 thoritati senatus deditus, & in hac Milonis siue inui-  
 dia, siue fortuna, singulari, diuina, et incredibili fide.

Sed iam satis multa de causa: extra causam etiā ni-  
mis fortasse multa. quid restat? nisi ut orem: obtesterq;  
 uos Iudices: ut etiam misericordiam tribuatis fortissimo  
 uiro: quam ipse non implorat: ego autem repugnante  
 hoc, imploro, & exposco. Nolite si in uestro omnium  
 fletu nullam lachrymam aspexistis Milonis: si uultum  
 semper eundem, si uocem, si orationem stabilem, ac non  
 mutatam uidetis: hoc minus ei parcere. atq; haud scio, an  
 multo etiam sit adiuvandus magis. etenim si in gla-  
 diatorijs pugnis, & infimi generis hominum conditio-  
 ne, atq; fortuna, timidos & supplices, & ut uiuere li-  
 ceat obsecrantes, etiam odisse solemus: fortes, & animo-  
 sos, & se acriter ipsi morti offerentes seruare cupimus:  
eorumq; nos magis miseret: qui nostram misericordiā  
non requirunt: quā qui illam efflagitant: quanto hoc  
 magis in fortissimis ciuibz facere debemus? me qui-  
 dem Iud. exanimant & interimunt hæc uoces Milonis:  
 quas audio assidue: & quibus adsum quotidie. uale-  
 ant, inquit, ualeant aues mei: sint incolumes: sint florē-  
 tes: sint beati: stet hæc urbs præclara, mihiq; patria ca-  
 rissima, quoquomodo merita de me erit: tranquilla rep.



cives mei (quoniam mihi cum illis non licet) sine me ip-  
 si, sed per me tamen, perfruantur: ego cadam: atq; abi-  
 bo: si mihi rep. bona frui non licuerit: at crebo mala:  
 et quam primum tetigero benemoratam, & liberam ci-  
 uitatem: in ea conquiescam. O' frustra inquit suscepti  
 mei labores: O' spes fallaces: O' cogitationes inanes meae.  
 Ego cum Tribunus plebis rep. oppressa me senatui de-  
 dissem, quem extinctum acceperam: equitibus romanis,  
 quorum vires erant debiles: bonis uiris, qui omnem au-  
 thoritatem Clodianis armis abiecerant: mihi unquā bo-  
 norum praesidium defuturum putare? ego cum te (me-  
 cum enim saepissime loquitur) patriae reddidissem: mihi  
 non futurum in patria putarem locum? ubi nunc sena-  
 tus est? quem secuti sumus? ubi eqtes romani, illi, illi in-  
 quit tui? ubi studia municipiorum? ubi Italiae uoces?  
 ubi deniq; tua M. Tulli, quae plurimis fuit auxilio: uox,  
 & defensio? mihi ne ea soli, qui pro te totiens morti me  
 obtuli: nihil potest opitulari? Nec uero haec Iud. ut ego  
 nunc, flens, sed hoc eodem loquitur uultu, quo uidetis.  
 negat enim se, negat in gratis ciuibus fecisse, quae fecis-  
 set: timidus & omnia circumspectantibus pericula, nō ne-  
 gat. plebē, & infimam multitudinē, quae P. Clodio du-  
 ce fortunis uestris imminerebat: eam quo tutior esset uita  
 uestra, se fecisse commemorat, ut non modo uirtute flecte-  
 ret: sed etiam tribus suis patrimoniis deliniret: nec ti-  
 met, cum plebē muneribus placarit, uos non conciliarit  
 meritis in remp. singularibus. senatus erga se beniuolen-  
 tia temporibus his ipsis saepe esse p̄spectam: uestras uero,  
 & uestrorū ordinum oarsationes, studia, sermones,  
 quēcūq; casum fortuna dederit, secum ablaturū esse dē-  
 at. inuenit et sibi uocem praecoris modo defuisse: quā mī-

Scilicet me cum erat id in defuncto solo in  
 proceris illi deum



nime desiderat: populi uero cunctis suffragiis quod unum  
 cupierit: se consulem declaratum. nunc denique si hæc con-  
 tra se sint futura: sibi facinoris suspicionem non facti cri-  
 men obstare. addit hæc, quæ certe uera sunt: *fortes et*  
*fortium merita* sapientes uiros non tam præmia sequi solere recte fa-  
 ctorum, quam ipsa recte facta. se nihil in uita nisi præ-  
 clarissime fecisse. siquidem nihil sit præstabilius uiro,  
 quam periculis patriam liberare. beatos esse: quibus ea  
 res honori fuerit a suis ciuibus: nec tamen eos miseros:  
 qui beneficio ciues suos uicerint. Sed tamen ex omni-  
 bus præmijs uirtutis: si esset habenda ratio præmio-  
 rum, amplissimum esse præmium gloriam. esse hanc  
 unam: quæ breuitatem uitæ posteritatis memoria con-  
 solaretur: quæ efficeret, ut absentes adessent: mortui  
 uiuerent: hanc denique esse: cuius gradibus etiam ho-  
 mines in cælum uideantur ascendere. De me inquit sem-  
 per populus romanus, semper omnes gentes loquentur:  
 nulla unquam obmutescet uetustas: quin hoc tempore  
 ipso, cum omnes a suis inimicis faces inuidiæ meæ sub-  
 iiciantur: tamen omni in hominum coetu gratijs agen-  
 dis, et gratulationibus habendis, et omni sermone ce-  
 lebramur. Omitto Hetruriæ festos et actos et institu-  
 tos dies. *centesima lux est hæc ab interitu P. Clodij,* et  
*post obitū clodij*  
*centesima lux est hæc*  
*oratio acta est*  
 opinor altera: qua fines imperij populi romani non so-  
 lum fama iam de illo, sed etiam læticia peragruit.  
 quamobrem ubi corpus hoc sit, non inquit laboro: quo-  
 niam omnibus in terris et iam uersatur, et semper  
 habitabit nominis mei gloria. Hæc tu mecum sæpe his  
 absentibus: sed hisdem audientibus, hæc ego tecum Milo.  
 Te quidem quod isto animo es, satis laudare non pos-  
 sum: sed quo est illa magis diuina uirtus: eo maiore a te  
 dolore diuellor.



dolore diuellor. nec uero si mihi eriperis: reliqua est il-  
la tamen ad consolandum querela: ut his irasci possim:  
à quibus tantum uulnus accepero. non enim inimici  
mei te mihi eripient: sed amicissimi: nò male aliquã-  
do de me meriti: sed optime. Nullum unquam Iudices  
mihi tantum dolorem inuretis: etsi quis potest esse tantus?  
sed ne hunc quidem ipsum: ut obliuiscar, quanti me sem-  
per feceritis. quæ si uos cæpit obliuio: aut si in me ali-  
quid offendistis: cur non id meo capite potius luitur? q̃  
Milonis? præclare enim uixero: si qd mihi acciderit, pri-  
us, quam hoc tantum mali uidero. nunc me una conso-  
latio sustentat: quod tibi o' T. Anni nullum à me amo-  
ris, nullum studij, nullum pietatis officium defuit. ego  
inimicitias potentium pro te appetui: ego meum sæpe  
corpus & uitam obieci armis inimicorum tuorum: ego  
me plurimis pro te supplicem abieci: bona, fortunas meas,  
ac liberorum meorum in <sup>bonorum & suorum</sup> communionem tuorum tempo-  
rum contuli: hoc deniq; ipso die si qua uis est parata:  
si qua dimicatio capitis futura: deponco. quid iam restat?  
qd habeo? qd dicam? qd faciam pro tuis in me meritis?  
nisi ut eam fortunam, quæcunq; erit tua: ducam meam?  
non recuso: non abnuo: uosq; obsecro Iudices: ut uestra  
beneficia, quæ in me contulistis: aut in huius salute au-  
geatis: aut in eiusdem exitio occasura esse iubeatis. His  
lachrymis non mouetur Milo: est quodam incredibili  
robore animi septus: exilium ibi esse putat: ubi uirtuti  
non sit locus: mortem naturæ finem esse: non poenam.  
Sit hic ea mente, qua natus est. quid uos Iudices? quo  
tandem animo eritis? memoriam Milonis retinebitis?  
ipsum eiicietis? & erit dignior locus in terris ullus, q̃  
hanc uirtutem excipiat? quam hic, qui procreauit: uos,



uos appello fortissimi uiri: qui multum pro rep. sanguinem effudistis: uos in uiri, & in ciuis inuicti appello periculo Centuriones, uosq; milites: uobis non modo inspetantibus, sed etiam armatis, & huic iudicio praesidentibus, haec tanta uirtus ex hac urbe expelletur? exterminabitur? eicietur? O' me miserum: O' me infelicem: reuocare tu me in patriam Milo potuisti per hos: ego te in patria per eosdem retinere non potero? quid respondebo liberis meis? qui te parentem alterum putant? quid tibi Q. frater? qui nunc abes: consorti mecum temporum illorum? me non potuisse Milonis salutem tueri per eosdem: per quos nostram ille seruasset? at in qua causa non potuisse? quae est grata gentibus. a quibus non potuisse? ab his, qui maxime P. Clodij morte acquirerunt. quo deprecante? me. quod nam concepi tantum scelus? aut quod in me tantum facinus admissi Iudices? cum illa indicia communis exitij indagaui: patefecit: protuli: extinxi. omnes in me meosq; redundant ex illo fonte dolores. quid me reducem esse uoluistis? an ut inspectante me expellerentur hi: per quos essem restitutus? nolite, obsecro uos, pati, mihi acerbiozem reditum esse, quam fuerit ille ipse discessus. nam qui possum putare me restitutum esse? si distrahor ab ijs, per quos restitutus sum? Vtina nam dii immortales fecissent (pace tua patria dixerim: metuo enim ne scelerate dicam in te: quod pro Milone dicam pie) ut P. Clodius non modo uiueret: sed etiam praetor, consul, Dictator esset: antequam hoc spectaculum uiderem. O' dii immortales fortem, & a uobis Iud. conseruandum uirum. minime, nunime inquit: immo uero poenas ille debitas luerit: nos subeamus, si ita necesse est, non debitas. hic tunc uir patriae natus, usquam nisi in



patria morietur? aut si forte pro patria, huius uos ani-  
 mi monumenta retinebitis: corporis in Italia nullū se-  
 pulchrum esse patiemini: hunc sua quisquam sententia  
 ex hac urbe expellet? quem omnes urbes expulsū a  
 uobis ad se uocabunt. Quae terram illam beatam: quae  
 hunc uirum exceperit: hanc ingratam: si eiecerit: in se-  
 ram: si amiserit. sed finis sit: neque enim praeter lachrymas  
 loqui possum: et hic se lachrymis defendi uetat. uos oro  
 obtestorque Iudices: ut in sententiis ferendis, quod sentie-  
 tis, id audeatis. uestram uirtutem, iusticiam, fidem (mihi  
 hi credite) is maxime probabit: qui in iudiabus legen-  
 dis optimum, et sapientissimum quenque legit.

*Die omnium sanctorum bonome sine inuoluntate*

*Quia T. Annio Milo hanc orationem legisserat  
 datusse perhibetur. Si sic in Tully egressus  
 non fuisset barbatos pueri Massini*



PRO C. RABIRIO POSTHUM-  
MO. ORATIO. XL.

I quis est Iudices: qui C. Rabirium,  
quod suae fortunae fundatas praeser-  
tum, atq; optime constitutas opes potesta-  
ti regiae, libidiniq; commiserit: repre-  
hendendum putet: ascribat ad iudici-  
um suum non modo meam, sed huius etiam ipsius, qui  
commisit, sententiam. neq; enim cuiquam eius consilium  
vehementius, quam ipsi displicet. quanquam hoc plerq;  
facimus: ut consilia euentis ponderemus. Et cui bene qd  
processerit: multum illum providisse: cui secus: nihil sen-  
sisse dicamus. si extitisset in rege fides: nihil sapientius  
Posthumus: quia fefellit Rex: nihil hoc amentius dicitur.  
ut iam nihil esse uideatur, nisi diuinare, sapientis. Sed  
tamen si quis est Iudices: qui illam Posthumus siue inanem  
spem, siue inconsultam rationem, siue (ut grauissimo uer-  
bo utar) temeritatem, uituperandam putet: ego eius opi-  
nioni non repugno. illud tamen deprecor: ut cum ab ipsa  
fortuna crudelissime uideat huius consilia esse multa-  
ta: ne quid ad eas ruinas, quibus hic oppressus est: ad-  
dendum acerbitalis putet. satis est homines impruden-  
tia lapsos non erigere. urgere uero iacentes, aut praeci-  
pitantis impellere, certe est inhumanum. praesertim Iud-  
cum sit hoc generi hominum propè natura datum: uti  
qua in familia laus aliqua forte floruerit: hanc ferè q  
sunt eius stirpis: quod sermo hominum ad memoriã pa-  
trum uirtute celebretur: cupidissime persequatur. siqui-  
dem non modo in gloria rei militaris Paulum Scipio,



aut Maximum filius, sed etiam in deuotione uitæ, et  
in ipso genere mortis imitatus est P. Decium filius. sine  
igitur similia Ind. parua magnis. fuit enim pueris no-  
bis huius pater C. Curius princeps ordinis equestris, for-  
tissimus et maximus Publicanus: cuius in negocijs ge-  
rendis magnitudinem animi non tam homines probas-  
sent: nisi in eodem benignitas incredibilis fuisset: ut in  
augenda re non avariciæ prædam, sed instrumentum bo-  
nitati querere uideretur. Hoc ille natus, quāuis patrem  
suum nunquam uiderat: tamen et natura ipsa duce,  
quæ plurimum ualeat: et assiduus domesticorum sermo-  
nibus, in paternæ culpæ similitudinem deductus est.  
multa gessit: multa contraxit: magnas partis habuit Pu-  
blicanorum: credidit populus: in pluribus prouincijs eius  
uersata res est: dedit se etiam Regibus. huic ipsi Alexan-  
drino grandem iam antea pecuniam credidit: nec in-  
terea locupletare amicos unquam suos destitit: mittere  
in negocium: dare partis: augere: fide sustentare. quid  
multa? cum magnitudine animi, tum liberalitate, uitā  
patris, et consuetudinem expresserat. pulsus interea re-  
gno Ptolemæus dolosis consilijs (ut dixit Sibylla: sensit  
Posthumus) Romam uenit. huic egenti, et roganti hic in-  
foelix pecuniā credidit. nec tum primū. nam regnanti  
crediderat absens. nec temere se credere putabat: quod  
erat nemini dubium: quin is in regnum restitueretur  
a S. P. Q. R. In dando autem et credendo processit lon-  
gus: nec suam solū pecuniam credidit: sed etiā amico-  
rum. stulte. quis negat? aut quis iam non admonet? quod  
male cecidit? bene consultū putares. Id est difficile: quod  
cum spe magna sis ingressus: id non exequi usq; ad ex-  
tremum. supplex erat rex: multa rogabat: omnia polli-



cebatur: ut iam metuere Posthumus cogeretur: ne quod  
 crediderat, perderet: si credendi constituisset modum. ni-  
 hil autem erat illo blandius: nihil hoc benignius: ut ma-  
 gis poeniteret coepisse: quam liceret desistere. hinc pri-  
 mum exoritur crimen illud: Senatum corruptum esse di-  
 cunt. O' di immortales, hæc est illa exoptata iudicio-  
 rum seueritas? corruptores nostri causam dicunt: nos  
 qui corrupti sumus, non dicimus. quid ego Senatum de-  
 fendam hoc loco Iudices? omni equidem loco debeo: ita  
 de me est meritis ille ordo. sed id nec agitur hoc tempo-  
 re: nec cum Posthumus causa, res ista coniuncta est. quæquæ  
 ad sumptum itineris, ad illam magnificentiam appa-  
 ratus, comitatumque regium, suppeditata pecunia à Posthu-  
 mo est: factæque syngraphæ sunt in albano Cn. Pom-  
 peij: cum ille Roma profectus esset: tamen non debuit is,  
 qui dabat: quo ille, qui accipiebat, consumeret, quære-  
 re. non enim latroni, sed Regi credidit: nec Regi inimi-  
 co Populi romani: sed ei, cuius redditum consuli datum à  
 senatu uidebat. nec ei regi, qui alienus ab hoc imperio  
 esset: sed ei, qui cum fœdus ferire in Capitolio uiderat.  
 quod si creditor in culpa sit: non qui improbe credita pe-  
 cunia usus: damnetur is, qui fabricatus gladium est: et  
 uendidit: non is, qui illo gladio cuem aliquem inter-  
 emit. Quamobrem neque tu C. Memmi hoc facere debes:  
 ut Senatum, cuius authoritati te ab adolescentia dedi-  
 sti: in tanta infamia uersari uelis: neque id, quod nõ agi-  
 tur, defendere. Posthumus enim causa, quæcumque est, seiun-  
 cta à Senatu est. Quod si item à Gabinio seiunctam  
 ostendero: certe quod dicas, nihil habebis. est enim hæc  
 causa: quo ea pecunia peruenerit: quasi quædam appen-  
 dicula causæ iudicatæ, atque damnatæ. sunt lites aestima-



re A. Gabinio: nec prædes dati: nec ex bonis populi ser-  
 uari lex æqua est. Iubet lex Iulia persequi ab ijs, ad  
 quos ea pecunia, quam is coeperit, qui danatus sit, per-  
 uenerit. si est hoc nouum in lege Iulia: sicuti multa sunt  
 seuerius scripta, quàm in antiquis legibus, & sanctius  
 iudicata: sanè etiam consuetudo huius generis iudi-  
 ciorum noua sit. hoc totidem uerbis translaturum caput est:  
 quod fuit non modo in Cornelia, sed etiam ante in lege  
 Seruilia. per deos immortales quid agimus Iudices? aut  
 quem hunc morem nouorum iudiciorum in Rempublicam in-  
 ducamus? erat enim hæc consuetudo, nota uobis quidē  
 omnibus. sed si usus magister est optimus: mihi debet esse  
 notissimus. accusaui de pecunijs repetundis: Iudex sedi:  
 Prætor quæsiui: defendi plurimos: nulla pars, quæ ali-  
 quam facultatem dicendi afferre posset: non mea fuit.  
 ita contendo: neminem unquam, quo ea pecunia perue-  
 nisset: causam dixisse: qui in æstimandis litibus appella-  
 tus non esset. in litibus autem nemo appellabatur: nisi ex  
 testium dictis, aut tabulis priuatorum, aut rationibus ci-  
 uitatum. Itaque in inferendis litibus adesse solebant: qui  
 aliquid de se uerebantur: & cum erant appellati: si ui-  
 debatur, statim contradicere solebant. sin eius temporis  
 recentem inuidiam pertimuerant: respondebant postea.  
 quod cum fecissent: permulti sæpe uicerunt. hoc uero no-  
 uum est: ante hoc tempus omnino inauditum: in litibus  
 Posthumi nomen est nusquam. in litibus dico? modo uos  
 iidem in A. Gabinium iudices sedistis. num quis testis  
 posthumum appellauit? testis autem? num accusator? nū-  
 deniq; toto illo iudicio Posthumi nomē audistis? non igr-  
 tur reus ex ea causa quæ iudicata est, redundat Posthu-  
 mus: sed est arreptus unus Eques Ro. de pecunijs repe-



tundis reus. quibus tabulis? quæ in iudicio à Gabinio recitatae nō sunt quo testes? à quo tum appellatus nusquā est. qua appellatione litium? in qua Posthumus mentio facta nulla est. qua lege? qua non tenetur. Hic iam Iud. uestri consilij res est: uestræ sapientiæ: quid deceat uos, non quantum liceat uobis, spectare debetis. si enim quid liceat quæritis: potestis tollere e cuitate, quem multis tabella est: quæ dat potestatem: occultat eadem libidinem. cuius conscientia nihil est, quod quisquam timeat: si nō pertimescat suam. ubi est igitur sapientia Iudicis? in hoc: ut non solum quid possit, sed etiam quid debeat, ponderet: nec quantum sibi permissum, meminerit solum: sed etiam quatenus commissum sit. datur tibi tabella iudicij qua lege? Iulia de pecunijs repetundis. quo de reo? de Equite romano. at iste ordo lege ea non tenetur. illo inquit capite, quod erat in posthumum: quod in Gabinium index esses. nihil Gabinio datum: cum in eum lites æstimaret. at nunc audio. reus igitur Posthumus est ea lege: qua non modo ipse, sed totus etiam ordo solutus, ac liber est. Hic ego nunc nō uos prius implorabo Equites romani: quorum ius iudicio tentatur: quàm uos Senatores: quorum agitur fides in hunc ordinem: quæ quidem cum sepe ante, tum in hac ipsa causa nuper est cognita. nam cum optimo, et præstantissimo Consule Cn. Pompeio de hac ipsa quæstione referente, existerent nonnullæ, sed perpaucae tamen acerbæ sententiæ: quæ censerent, ut Tribuni, ut Præfecti, ut Scribæ, ut comites omnes magistratum lege hac tenerentur: uos, uos inquam ipsi, et Senatus frequens restitit: et quanquam tum propter multorum delicta etiam ad innocentium periculum tempus illud exarserat: tamen cum odium



non restingueretis: huic ordini ignem nouū subijci non  
 sinistis. hoc animo igitur Senatus. quid uos Equites roma-  
 ni, quid tandem estis acturi? Glaucia solebat homo im-  
 purus, sed tamen acutus populum monere: ut cum lex  
 aliqua recitaretur: primum uersum attenderet: si esset,  
 Dictator, Consul, Prætor, Magister equitum: ne labora-  
 ret: sciret nihil ad se pertinere. sin autem, quicumq; post  
 hanc legem: uideret ne qua noua quæstione alligare-  
 tur. Nunc uos Equites romani uidete. scitis me ortum  
 è uobis, omnia semper sensisse pro uobis: nihil horum  
 sine magna cura, & summa charitate uestri ordinis  
 loquor: alius alios homines, & ordines, ego uos sem-  
 per complexus sum. moneo, & prædico: integra re cau-  
 saq; denuncio: omnes homines deosq; testor: dum po-  
 testis: dum licet: providete: ne duriores uobis conditio-  
 nem statuatis ordinisq; uestro: quam ferre possit. ser-  
 pet hoc malum (mihi credite) longius, quam putatis.  
 potentissimo, & nobilissimo tribuno Pl. M. Druso u-  
 nam in equestrem ordinem quæstionem ferenti: si quis  
 ob rem iudicatam pecuniam cœpisset: aperte Equites ro-  
 mani resisterunt. quid? hoc licere uolebant? minime.  
 neq; solum hoc genus pecuniæ capiendæ turpe, sed eti-  
 am nefarium arbitrabantur. at tamen ita disputabant:  
 eos teneri legibus oportere: qui suo iudicio essent illam  
 conditionem uitæ secuti. delectat amplissimus ciui-  
 tatis gradus, sella curulis, fasces, imperia, prouinciæ,  
 sacerdotia, triumphus, deniq; imago ipsa ad posteritatis  
 memoriam prodita: est simul etiam sollicitudo aliqua, et  
 legum, & iudiciorum maiorum quidam metus. nos ista  
 nunquam contempsimus (ita enim disputabant) sed hæc  
 uitam quietam, atq; otiosam secuti sumus. quæ quo-



niam honore caret: careat etiam molestia. tam es tu In-  
 dex, quam ego Senator. ita est. sed tu istud petijst: ego hoc  
 cogor. quare aut iudici mihi non esse liceat: aut legem,  
 lege Senatoria non timere. hoc uos Equites romani ius  
 a' patribus acceptum amittetis? moneo, ne faciatis. rapē-  
 entur homines in hæc iudicia ex omni non modo inui-  
 dia, sed sermone maliuolorum: nisi cauetis. si iam uobis  
 nunciaretur in Senatu sententias dici: ut his legibus tene-  
 remini: concurrendum ad curiam putaretis: si lex fer-  
 retur: conuolaretis ad rostra. uos Senatus liberos hac le-  
 ge esse uoluit: populus nunquam alligauit: soluti huc  
 conuenistis: ne constricti discedatis: caute. nam si Posthu-  
 mo fraudi fuerit: qui nec Tribunus, nec Præfectus, nec  
 ex Italia comes, nec familiaris Gabinij fuit: quonam se-  
 modo defendent posthac, qui uestri ordinis cum magi-  
 stratibus nostris fuerint his causis implicati? Tu in-  
 quit Gabinium, ut Regem reduceret, impulisti. non pa-  
 titur mea etiam fides de Gabinio grauius agere. quem  
 enim ex tantis inimicijs receptum in gratiam summo  
 studio defenderim: hunc afflictum uiolare non debeo.  
 quo cum stante sine Cn. Pompeij authoritas in gratia  
 non reduxisset: nunc iam ipsius fortuna reduceret. sed  
 tamen, cum ita dicas: Posthumi impulsu Gabinium pro-  
 fectum Alexandriam: si defensionem Gabinij fidem non  
 habes: obliuisceris ne etiam accusationis tuæ? Gabinius  
 se id fecisse dicebat reipublicæ causa: quod classem Mar-  
 chilei timeret: quod mare refertum prædonum putaret.  
 lege etiam id sibi licuisse dicebat. tu inimicus negas: igno-  
 sco: Et eo magis, quod est contra illud iudicatum. redeo  
 igitur ad crimen et accusationem tuam. quid uocifera-  
 bare decemmillia talenta Gabinio esse promissa? huic ui-



delictet perblandus reperiendus fuit: qui hominem, ut tri-  
 uis, auarissimum exoraret, sestertium bis millies et qua-  
 dringentes ne magnopere contemneret. Gabinus illud  
 quo quo consilio fecit: fecit certe suo: quaecumq; mēs illa fuit:  
 Gabinij fuit: siue ille ut ipse dicebat: gloriam, siue, ut tu-  
 uis, pecuniā quæsiuit: quæsiuit sibi. nū Gabinij comes,  
 uel sectator? negat, cuius id negociū non erat: sed ad P.  
 Lētuli clarissimi uiri auctoritatem, a Senatu profe-  
 ctam, et consilio certo, et spe non dubia, Romam con-  
 tenderet. At Diocetes fuit regius: et quidem in custodia  
 etiam fuit regia: et uita eius oblata poenæ est. multa præ-  
 terea, quæ libido Regis, quæ necessitas coegit ferre, per-  
 tulit. quare omnium rerum una reprehensio est: quod  
 regnum intrarit: quod potestati se Regis commiserit.  
 uerum si quærimus, stulte. quid enim stultius? quàm E-  
 quitem Ro. ex hac urbe, huius inquam reipub. ciuem,  
 quæ est una maxime, et fuit semper libera: uenire in  
 eum locum: ubi parendum alteri, et seruiendum sit?  
 Sed ego in hoc tandem Posthumio non ignoscā homi-  
 ni mediocriter docto? qui uideam sapiētissimos homines  
 esse lapsos? uirum unum totius Græciæ facile doctissi-  
 mum Platonem, iniquitate Dionysij Siciliæ Tyranni,  
 cui se ille commiserat: in maximis periculis insidijsq;  
 esse uersatum accepimus: Callistenem doctum hominē  
 comitem Magni Alexandri ab Alexandro necatum:  
 Demetrium et ex republica Athenis, quam optime di-  
 gesserat: et ex doctrina nobilem et clarum, qui Pha-  
 lereus uocatus est: in eodem isto Aegypti regno aspide  
 ad corpus admota uita esse priuatū. planē confiteor fie-  
 ri nihil posse dementius: quàm scientem in eum locum  
 uenire: ubi libertatem sis perditurus. sed huius istius fa-



Et stulticiam maior iam superior stulticia defendit.  
 quæ facit ut hoc stultissimum facinus, quod in Regnum  
 uenerit: quod regi se commiserit: sapienter factum esse  
 uideatur. siquidem tam semper stulti, quam sero sapien-  
 tis est: cum stulticia sua impeditus sit: quoquomodo pos-  
 sit se expedire. Quamobrem illud maneat: & fixum  
 sit: quod neq; moueri, neq; mutari potest: in quo æqui spe-  
 rasse Posthumum dicunt: peccasse iniqui: ipse etiam in-  
 sanisse se confitetur: quod suam, quod amicorum pecu-  
 niam Regi crediderit cum tanto fortunarum suarum  
 periculo: hoc quidem semel suscepto, atq; contracto, per-  
 petienda fuerunt: ut se aliquando ad suos uindicaret.  
 itaq; obicias licet, quam uoles, sæpe palliatum fuisse: ali-  
 qua habuisse non Romani hominis insignia: quotiens  
 eorum quippiam dices: totiens unum dices: atq; illud: te-  
 mere hunc pecuniam Regi credidisse: suas fortunas, atq;  
 famam libidini regie commississe. fecerat temere: fateor:  
 mutari factum iam nullo modo poterat: aut palliū su-  
 mendum Alexandria, ut & Romæ togato esse liceret:  
 aut omnes fortunæ abiciendæ: si togam retinisset. deli-  
 tiarum causa, & uoluptatis, non modo auis romanos,  
 sed & nobilis adolescentis, et quosdam etiam Senatores  
 summo loco natos, non in hortis, aut suburbanis suis,  
 sed Neapoli in celeberrimo oppido cū nutrella sæpe ui-  
 demus. chlamydatum illū L. Syllam Imperatorem, L.  
 uero Sapienis, qui bellum in Asia gessit: Antiochumq;  
 deuicit: non solum cum chlamyde, sed etiam cum cre-  
 pidis in Capitolio statuam uidetis. quorum impunitas  
 fuit non modo a iudicio, sed etiam a sermone. facilius  
 certe P. Rutilium Rufum necessitatis excusatio defen-  
 det: qui cum a Mythridate Mitylenis oppressus esset: cum



delitatem Regis in togatos, uestitus mutatione uitauit. Ergo ille P. Rutilius, qui documentum fuit hominibus nostris uirtutis, antiquitatis, prudentiae: Consularis homo focos habuit, et pallium: nec uero id homini tum quisquam, sed tempori assignandum putauit. Posthumus crimen uestitus afferet is: in quo spes fuit, posse sese aliquando ad fortunas suas peruenire: nam ut uentum est Alexandriam Iudices: haec una ratio a rege proposita Posthumus est seruandae pecuniae: si curationem, et quasi dispensationem regiam suscepisset. id autem facere non poterat nisi Diocetes: hoc enim nomine utitur, qui a rege esset constitutus. odiosum negotium Posthumus uidebatur. sed erat nulla omnino recusatio. molestum etiam nomen ipsum. sed res habebat nomen hoc apud illos: non hic imposuerat. oderat uestitum etiam illum. sed si ne eo nec nomen illud poterat, nec munus tueri. ergo aderat uis (ut ait Poeta ille noster) quae summas frangit infirmatque opes. moreretur inquietas. nam id sequitur. fecisset certe: si sine maximo dedecore tam impeditis suis rebus potuisset emori. nolite igitur fortunam conuertere in culpam: neque regis iniuriam, huius crimen putare: nec consilium ex necessitate, nec uoluntatem ex ui interpretari. nisi forte eos etiam, qui in hostes, aut in praedones inciderint: si aliter quippiam coacti faciant: liberos uituperandos putes. nemo nostrum ignorat, etiam si experti non sumus: consuetudinem regiam. regum autem sunt haec imperia, animaduerte: et dicto pare. et praeter rogatum si querare: et illae minae, si te secundo lumine huc offendero: moriere. quae non ut delectemur solum legere et spectare debemus: sed ut cauere etiam, et effugere discamus. At ex hoc ipso crimen exoritur.



ait enim, dum Gabinio pecuniam Posthumus cogeret ex  
decumis Imperatorum: pecuniam sibi coegisse. non intel  
ligo hoc quale sit: utrum accessionem decumæ, ut nostri  
facere coactores solent, centima, an decessionem de sum  
ma fecerit. si accessionem: undecim millia talentum ad  
Gabinium peruenerunt. at non modo abs te decemmi  
lia obiecta sunt: sed etiam ab his aestimata. addo illud  
etiam: qui tandem conuenit, aut tam graui onere tri  
butorum ad tantam pecuniam cogendam mille talen  
tum accessionem esse factam: aut in tanta mercede homi  
nis, ut uis auarissimi, mille talentum decessionem esse  
concessam? neq; enim fuit Gabinij, remittere tantum de  
suo: nec Regis, imponere tantum pati suis. aderunt testes  
Legati Alexandrini. hi nihil in Gabinium dixerunt.  
immo hi Gabinium laudauerunt. ubi ergo ille mos? ubi  
consuetudo iudiciorum? ubi exempla? solet is dicere in  
\* eum, qui pecunia, qui in illum cuius nomine a pecu  
nia redigeretur: non dixerit? Age si is, qui non dixit so  
let: etiam, ne is solet, qui laudauit? iisdem testibus, & q  
dem non productis, sed dictis testium recitatis, quasi præ  
iudicata res ad has causas deferri solet? et ait etiam me  
us familiaris, & necessarius: eandem causam Alexan  
drinis fuisse, cur laudarent Gabinium: quæ mihi fue  
rat: cur eundem defenderem. mihi C. Memmi causa de  
fendendi Gabinij fuit reconciliatio gratiæ. neq; me uero  
poenitet mortales inimicitias, sempiternas amicitias ha  
bere. nam si me inuitum putas, ne Cn. Pompeij animum  
offenderem: defendisse: causam, & illum, & me uehe  
menter ignoras. neq; enim Pompeius me sua causa quic  
quam facere uoluisset inuitum: neq; ego, cui omnium ci  
uium libertas charissima fuisset: meam proiecissem. quæ



diu inimicissimus Gabinio fui: non amassimus mihi  
 non Pompeius fuit. nec postea quàm illius auctoritate  
 eam dedi ueniam, quam debui: quicquam simulavi: ne  
 cum mea perfidia illi etiam ipsi facerem, cui beneficium  
 dedissem: iniuriam. nam non redeundo in gratiam  
 cum inimico, non uiolabam Pompeium. si per eum re-  
 ductus insidiose redissem: me scilicet maxime, sed proxi-  
 me illum quoque fecissem. At de me omittamus. ad Ale-  
 xandrinis istos reuertamur. quod habent os? quam au-  
 daciam? modo uobis inspectantibus in iudicio Gabini  
 tertio quoque uerbo excitabantur. negabant pecuniam  
 Gabinio datam. recitabatur identidem Pompeij testimo-  
 nium: Regem ad se scripsisse nullam pecuniam Gabi-  
 nio, nisi in rem militarem datam. non est inquit tum  
 Alexandrinis testibus creditum. quid? postea creditum?  
 non. quamobrem? quia nunc aiunt: quod tum nega-  
 bant. quid ergo? ista conditio est testium? ut quibus cre-  
 ditum non sit negantibus: iisdem credatur dicentibus?  
 at si uerum tum cum uerissima fronte dixerunt: nunc  
 mentiuntur. si tunc mentiti sunt: doceant nos uerum. quid  
 uultis? sileant. dicere audiebamur Alexandriam nunc  
 cognoscimus: illinc omnes praestigiae: illinc inquam o-  
 mnes fallaciae: omnia denique ab his nummorum argu-  
 menta nata sunt. nec mihi longius quicquam est Iudices:  
 quàm uidere hominum uultus. dixerunt hic modo no-  
 bis cum ad haec subsellia quibus superalys reuientes  
 huic decemmilliū crimini iam nostis insulsiatam Græ-  
 corum. humeris gestum agebant. tum temporis credo cau-  
 sa: nunc scilicet tempus nullum est. ubi semel quis deie-  
 rauerit: ei credi postea, etiam si per pluris deos iuret:  
 non oportet. praesertim Iud. cum in his iudicijs, ne locus



PRO C.

quidem nouo testi soleat esse : ob eamq; causam iudem  
iudices retineantur: qui fuerint de reo: ut his nota sint o-  
mnia: neq; quid fingi noui possit. quo ea pecunia perue-  
nerit: non suis proprijs iudicijs in reum facti condem-  
nari solent. Itaq; si aut praedes dedisset Gabinus: aut  
tantum ex eius bonis, quanta summa litium fuisset: popu-  
lus recepisset: quamuis magna ad Posthumum ab eo pe-  
cunia peruenisset: non redigeretur: ut intelligi facile  
possit: quod ex ea pecunia ad quem eorum, qui da-  
mnatus est, peruenisse in illo primo iudicio planum  
factum sit: id hoc genere iudicij redigi solere. nunc  
uero quid agitur? ubi terrarum sumus? quid tam per-  
uersum praeposterumue dici, aut excogitari potest?  
Accusatur is: qui non abstulit a rege, sicut Gabini-  
us iudicatus est: sed qui maximam Regi pecuniam cre-  
didit. ergo is Gabinio dedit: qui non huic reddidit. iā  
\* cedo: cum is qui pecuniam Posthumus debuit: non huic,  
sed Gabinio dederit: condemnato Gabinio, utrum illi  
eā pecuniā reddidit? an ēt nūc debet? At habet: et celat.  
sunt enim qui ita loquantur. quod genus tandem est  
istud ostentationis, et gloriæ? si nihil habuisset unquam:  
\* tamen si quaesisset: cur is dissimularet habere causa non  
esset. qui uero duo lauta & copiosa patrimonia accepit:  
remq; praeterea bonis, & honestis rationibus auxit:  
quid esset tandem causæ, cur aestimari uellet nihil  
habere? An cum credebatur inductus usuris, id agebat:  
ut haberet quā plurimum? postea quam exegit, quod  
crediderat: ut existimaretur egere: nouum genus hoc  
gloriæ concupiscit? Dominatus est enim inquit Alexan-  
dria. immo uero in superbissimo dominatu fuit: pertu-  
lit ipse custodiam: uidit in uinculis familiaris suos: mors  
ob oculos



ob oculos sæpe uersata est: nudus atq; egens ad extremum fugit e regno. At permutata aliquando pecunia est. ductæ naues Posthumi Puteolis sunt: auditæ, uisæq; merces fallaces, quidem & fucosæ, chartis, & linteis, et uitro delatæ: quibus cum multæ naues refertæ fuissent: una non potuerit parua artata. plus ille Puteolanus sermo illius temporis, uectorumq; cursus, atq; ostentatio, tum subinuisum apud malucolos Posthumi nomen propter opinionem pecuniæ nescioquam, æstatem unam cōplures auris referat istis sermonibus. uerum autem Iudæi scire uultis: nisi C. Cæsaris summa in omnis, incredibilis in hunc eadem liberalitas extitisset: nos hunc Posthumum iam pridem in foro non haberemus. ille onera multorum huius amicorum excepit unus: quæq; multi homines necessarij secundis Posthumi rebus descripta sustinuerunt: nunc eius afflictis fortunis uniuersa sustinet. umbram Equitis Ro. & imaginem uidetis Iudices unius amici conseruatam auxilio & fide. nihil huic eripi potest præter hoc simulacrum pristinae dignitatis: quod Cæsar solus tuetur: & sustinet. quæ quidem in miserrimis rebus huic tamen tribuenda est. maxima nisi uero hoc mediocri uirtute effici potest. ut tantus ille uir, tanti ducat hunc, & afflictum præsertim & absentem: & in tanta fortuna sua, ut aliena respicere magnum sit: tanta oppugnatione maximarum rerum, quas gerit: atq; gessit: ut uel obliuisci aliorum non sit mirum: uel si meminerit: oblitum esse facile possit probare. multas equidem C. Cæsaris uirtutes, magnas, incredibilisq; cognoui. sed sunt ceteræ maioribus quasi theatris propositæ: et pene populares. castris locū capere: exercitum instruere: expugnare urbes: aciem ho



stium profligare: hanc uim frigorum hyememq; quam  
 nos uix huius urbis tectis sustinemus: exapere: his ipsis  
 diebus hostem persequi: tum cum etiam feræ latibulis  
 se tegant: atq; omnia bella iure gentium conquiescant:  
 sunt ea quidem magna. quis negat? sed magnis excita-  
 ta sunt præmijs ad memoriam hominum sempiternam.  
 quo minus admirandum est: eum facere illa, qui im-  
 mortalitatem concupiuerit. hæc mira laus est: quæ non  
 poetarum carminibus, non annalium monumentis ce-  
 lebratur: sed prudenti iudicio expeditur. Equem roma-  
 nū, ueterem amicum suum, studiosum, amantem, obser-  
 uantem sui, non libidine, non turpibus impensis cupidi-  
 tatum atq; iacturis, sed experientia patrimonij am-  
 plicandi, labentem excepit: corruere non sinit: fulsit:  
 & sustinuit, re, fortuna, fide: hodieq; sustinet: nec ami-  
 cum pudenter corruere patitur: nec illius animi acie  
 perstringit splendor sui nominis: nec mentis quasi lu-  
 minibus officit altitudo fortunæ & gloriæ. sint sane  
 illa magna: quæ reuera magna sunt: de iudicio animi  
 mei, ut uolet, quisq; sentiat: ego enim hæc in tantis opi-  
 bus, tanta fortuna, liberalitatem in suos, memoriā ami-  
 ciæ, reliquis uirtutibus omnibus antepono. Quam q-  
 dem uos Iud. in nouo genere bonitatem inusitatam cla-  
 ris ac præpotentibus uiris nōmodo nō aspernari, ac resu-  
 tare, sed complecti etiam, & augere debetis: & eo ma-  
 gis, quod uidetis hos quasi sumptos dies ad labefactan-  
 dum illius dignitatem. ex qua illi nihil detrahi potest:  
 quod non aut fortiter ferat: aut facile restituat. amissi-  
 mum hominem si honestate spoliatum audierit: nec sine  
 magno dolore feret: nec id amiserit: quod posse speret  
 recuperari. Satis multa hominibus non iniquis hæc esse



debeant. nimis etiam multa uobis: quos æquissimos esse  
 confidimus. Sed ut omnium uel suspicioni, uel malino-  
 lentiae, uel crudelitati satisfiat: occultat pecuniam Po-  
 sthumus: latent regiae diuitiae: ecquis est ex tanto popu-  
 lo, qui bona C. Rabirij Posthumi nummo sestertio sibi  
 addici uelit? Sed miserum me, quanto hæc dixi cum do-  
 lore. hem Posthume, tu ne es Curij filius: C. Rabirij iu-  
 dicio, et uoluntate filius, natura sororis filius? tunc  
 ille in omnis tuos liberalis? cuius multos bonitas locu-  
 pletauit: qui nihil profudisti: nihil ullam in libidinem  
 contulisti? tua Posthume nummo sestertio à me addicu-  
 tur? O meum miserum, acerbumq; præconium. at hoc  
 etiam optat miser: ut condemnetur à uobis: ita bona  
 ueneant: ut solidum suum cuiq; soluatur: nihil iam ali-  
 ud nisi fidem curat: nec uos huic, si iam obliuisci uestrae  
 mansuetudinis uolueritis: quicquam præterea potestis  
 eripere. quod Iud. ne faciatis, oro obtestorq; uos: atq; eo  
 magis, si aduenticia pecunia petitur ab eo: cui sua non  
 redditur. nã in eum, cui misericordia opitulari debeat:  
 inuidia quæ sita est. sed iam, quoniã, ut spero, fidẽ quã  
 potui, tibi præsteti Posthume: reddam etiam lachrymas,  
 quas debeo. quas qdẽ ego tuas in meo casu plurimas ui-  
 di. uersatur ante oculos luctuosa nox meis oĩbus: cum  
 tu totũ te cum tuis copijs ad me detulisti. tu comitibus, tu  
 præsidio, tu etiam tanto pondere auri, quantum tempus  
 illud postulabat: discessum illum sustentasti: tu nunquam  
 meis me absente liberis, nunquam coniugi meae, defuisti.  
 possum excitare multos reductos testes liberalitatis tuæ.  
 quod sæpe audiui patri tuo, qui id fecisset, magno adiu-  
 mento in iudicio capitis fuisse: sed iam omnia timeo: boni-  
 tatis ipsius inuidiam reformido. iam indicat tot homi-



PRO C. RABIRIO POSTHVMO.

num fletus, quàm sis charus tuis: & me dolor debilitat: includitq; uocem. uos obsecro Iudices: ut huic optimo uiro, quo nemo melior unquam fuit: nomen Equitis Ro. & usuram huius lucis, & uestrum conspectum ne eripiatis. hic uos aliud nihil orat: nisi ut rectis oculis hanc urbem sibi intueri, atque in hoc foro uestigium facere liceat: quod ipsum fortuna eripuerat: nisi unius amici opes subuenissent.

str  
im  
ma p  
dibile  
do pr  
pub-r  
& a  
refu  
geba  
sa  
m  
ri m  
tore  
à me  
te co  
his o  
gna  
dem  
omn  
sist  
tate  
bus,



## PRO M. MARCELLO.

## ORATIO. XLI.

Iturni silentij P.C. quo eram his tem-  
 poribus usus, nō timore aliquo, sed par-  
 tim dolore, partim uerecundia: finem  
 hodiernus dies attulit: idemq; initium  
 quæ uellem, quæq; sentirem, meo pri-  
 mo more dicendi. tantam enim mansuetudinem, tam  
 inusitatam, inauditamq; clementiam, tantum in sum-  
 ma potestate rerum omnium, modum, tam deniq; incre-  
 dibilem sapientiam, ac penē diuinam, tacitus nullo mo-  
 do præterire possum. M. enim Marcello uobis P.C. Rei q;  
 pub. reddito, non solum illius, sed meam etiam uocem,  
 & authoritatem, & uobis, & Reip. conseruatam, ac  
 restitutam puto. dolebam enim P.C. ac uehementer an-  
 gebar: cum uiderem uirum talem, qui in eadem cau- *in eadē causa*  
 sa, in qua ego, fuisset: non in eadem esse fortuna. nec *nō in eadem*  
 mihi persuadere poteram: nec fas esse ducebam: uersa *fortuna*  
 ri me in uestro ueteri curriculo, illo æmulo atq; imita-  
 tore studiorum, ac laborum meorū, quasi quodā socio  
 à me, et comite distracto. ergo & mihi meæ pristinae ui-  
 tæ consuetudinem C. Caesar interclusam aperuisti: &  
 his omnibus ad bene de omni Rep. sperandum quasi si-  
 gnum aliquod sustulisti. intellectum est enim mihi qui-  
 dem in multis, & maxime in me ipso, sed paulo ante in  
 omnibus, cum M. Marcellum Senatui, Rei q; pub. conces-  
 sisti, cōmemoratis præsertim ēt offensionibus: te authori-  
 tatem huius ordinis, dignitatemq; Reip. tuis uel dolori-  
 bus, uel suspicionibus anteferre. Ille quidē fructum o-

rrr ij



P R O M.

mnis ante actæ uitæ hodierno die maximum cœpit, cum summo consensu senatus, tum præterea iudicio tuo grauissimo, & maximo. ex quo profecto intelligis, quantæ in dato beneficio sit laus: cum in accepto tanta sit gloria. est uere fortunatus ille: cuius ex salute non minor penè ad omnes, quàm ad illum uetura sit: læticia peruenierit. quod ei quidem merito atq; optimo iure contigit. quis enim est illo aut nobilitate, aut probitate, aut optimarum artium studio, aut innocentia, aut ullo genere laudis præstantior? Nullius tantum est flumen ingenij: nulla dicendi, aut scribendi tanta uis, tantaq; copia: quæ non dicam exornare, sed enarrare C. Cæsar res tuas gestas possit. tamen hoc affirmo: & hoc pace dicam tua: nullam in his esse laudē ampliorem: quàm eā, quàm hodierno die consecutus es. Soleo sæpe ante oculos ponere, idq; libenter crebris usurpare sermonibus: omnes nostrorum Imperatorum, omnes exterarum gentium, potentissimorumq; populorum, omnes clarissimorum regum res gestas, cum tuis nec contentionum magnitudine, nec numero præliorum, nec uarietate regionum, nec celeritate conficiendi, nec dissimilitudine bellorum posse conferri. nec uero disiunctissimas terras citius cuiusquam passibus potuisse peragrari: quàm tuis non dicam cursibus, sed uictorijs illustratæ sunt. quæ quidem ego nisi tam magna esse fatear: ut ea uix cuiusquam mens aut cogitatio capere possit: amens sim. sed tamen sunt alia maiora. nam bellicis laudes solent quidā extenuare uerbis: easq; detrahere ducibus: communicare cum multis: ne propriæ sint Imperatorum. et certe in armis, militum uirtus, locorum opportunitas, auxilia sociorum, classes, commeatus, multum iuuant. maxi-



mam uero partem quasi suo iure fortuna sibi uendicat:  
 Et quicquid prospere gestum est: id pene omne ducit su-  
 um. At uero huius gloriae C. Caesar, quam es paulo an-  
 te adeptus, socium habes neminem. totum hoc, quan-  
 tuncq; est: quod certe maximum est: totum est inquam  
 tuum. nihil tibi ex ista laude Centurio, nihil Prae-  
 fectus, nihil cohors, nihil turma decerpit. quin etiam illa  
 ipsa rerum humanarum domina fortuna in istius se so-  
 cietatem gloriae non offert: tibi cedit: tuam esse totam,  
 Et propriam fatetur. nunquam enim temeritas cum sa-  
 pientia commiscetur: nec ad consilium casus admittitur.  
 domuisti gentes immanitate barbaras, multitudine in-  
 numerabiles, locis infinitas, omni copiarum genere abu-  
 dantes. sed tamen ea uicisti: quae Et naturam, Et con-  
 ditionem ut uina possent: habebant. nulla est enim tan-  
 ta uis, tanta copia: quae non ferro, ac uiribus debilita-  
 ri, frangiq; possit. uerum animum uincere: iracundi-  
 am cohibere: uictoriam temperare: aduersarium nobis  
 litate, ingenio, uirtute, praestantem non modo extollere  
 iacentem: sed etiam amplificare eius pristinam digni-  
 tatem: haec qui faciat: non ego eum summus uiris com-  
 paro: sed simillimum deo iudico. Itaq; C. Caesar belli-  
 cae tuae laudes celebrabuntur illae quidem non solum  
 nostris, sed pene omnium gentium literis, atq; linguis:  
 neq; ulla unquam aetas de tuis laudibus conticescet. sed  
 tamen eiusmodi res, nescio quomodo, etiam dum legun-  
 tur, obstrepi clamore militum uidentur, Et tubarum so-  
 no. at uero cum aliquid clementer, mansuete, iuste, re-  
 cte, moderate, sapienter factum, in iracundia praefer-  
 tum, quae est inimica consilio: Et in uictoria, quae natu-  
 ra insolens Et superba est: aut audimus: aut legimus:

omis res feru  
 ac uiribus de  
 bilitatur

Magis est ira  
 qm inimicu  
 uincere uult

iracundia mi  
 nica consilio

Victoria natura insolens et  
 superba est

rrr iij



quo studio incendimur? non modo in gestis rebus, sed etiam in fictis? ut eos sæpe, quos nunquam uidimus: diligamus. te uero, quem præsentem intuemur: cuius mentem, sensusq; et os cernimus: ut quicquid belli fortuna reliquum Reipub. fecerit: id esse saluum uelis: quibus laudibus efferemus? quibus studiis prosequemur? qua beniuolentia complectemur? parietes medijs fidi-  
us C. Cæsar, ut mihi uidetur: huius curiæ tibi gratias agere gestiunt: quod breui tempore futura sit illa au-  
thoritas in his maiorum suorum et suis sedibus. Equi-  
dem cum M. Marcelli uiri optimi, et commemorabili pietate ac uirtute præditi lachrymas modo uobiscum uiderem: omnium marcellorum meum pectus memoria effodit. quibus tu etiam mortuis M. Marcello conserua-  
to, dignitatem suam reddidisti: nobilissimamq; fami-  
liam, iam ad paucos redactam, pene ab interitu uen-  
dicasti. hunc tu igitur diem tuis maximis, et innume-  
rabilibus gratulationibus iure antepones. hæc enim res unius est propria Cæsaris. ceteræ duce te gestæ ma-  
gnæ illæ quidem: sed tamen multo magnoq; comita-  
tu. huius autem rei tu ipse es et dux, et comes: quæ quidem tanta est: ut nulla sicut trophæis, monumen-  
tisq; tuis allatura sit finem ætas. nihil enim est opere, aut manu factum, quod aliquando non conficiat, et consumat uetustas. at uero hæc tua iusticia, et lenitas animi florescet quotidie magis: ita ut quantum operibus tuis diuturnitas detrahet: tantum afferat laudibus. et cæteros quidem omnes uictores bellorum ciuiliū iam ante pietate, et misericordia uicerat: hodierno uero die te ipsum uicisti. uereor ut hoc, quod dicam, non per-  
inde intelligi auditu possit: atq; ego ipse cogitans sen-

parietes  
gras agere  
gestiunt

no.  
erat  
ditio  
dicio  
quo  
atq;  
atte  
Rei  
muy  
cum  
uauit  
reliqu  
didit  
confessu  
sed in  
atq; in  
bellum  
pace  
lui no  
cem et  
la uir  
filia pa  
runt. ha  
cotant  
lur: ne  
prude  
tariu  
rum  
pace  
perio  
mator



tio. ipsam uictoriam uicisse uideris: cum ea quæ illa, erat adepta: uictis remisisti. nam cum ipsius uictoriæ conditione iure omnes uicti occidissetis: clementiæ tuæ iudicio conseruati sumus. recte igitur unus inuictus es: à quo etiam ipsius uictoriæ conditio, uisq; denicta est. atq; hoc C. Cæsaris iudicium P. C. quàm late pateat, attendite. oēs enim q; ad illa arma fato sumus nescioquo Reip. misero funestoq; compulsi: & si aliqua culpa tenemur erroris humani: à scelere certe liberati sumus. nam cum M. Marcellum deprecantibus uobis, Reip. conseruauit: memet mihi, & item Reip. nullo deprecante: reliquos amplissimos uiros, et sibi ipsis, & patriæ reddidit: quorum & frequentiam, & dignitatem hoc ipso confesso uidetis: non ille hostes induxit in Curiam: sed indicauit à plerisq; ignoratione potius, & falso atq; inani metu, quàm cupiditate, aut crudelitete ciuile bellum esse susceptum. quo quidem in bello semper de pace agendum, audiendumq; esse putauit: semperq; dolui nonmodo pacem, sed orationem etiam ciuium pacem effragitantium repudiari. neq; enim ego illa, nec ulla unquam secutus sum arma ciuilia: semperq; mea consilia pacis, & togæ sociæ, non belli, atq; armorum fuerunt. hominem sum secutus priuato officio, non publico: tantumq; apud me grati animi fidelis memoria ualuit: ut nulla nonmodo cupiditate, sed ne spe quidem, prudens, & sciens tanquam ad interitum ruerem uoluntarium. quod quidem meum consilium minime obscurum fuit. nam & hoc in ordine integra re, multa de pace dixi: et in ipso bello eadem etiam cum capitis mei periculo sensi. ex quo nemo erit tam iniustus rerum æstimator: qui dubitet, quæ Cæsaris uoluntas de bello fue-



rit: cum pacis authores conseruandos statim censue-  
rit: cæteris fuerit iratior. Atque id minus mirum ui-  
deretur fortasse tum, cum esset incertus exitus, & an-  
ceps fortuna belli. qui uero uictor, pacis authores dili-  
git: is profecto declarat, maluisse se nō dimicare, quam  
uincere. Atque huius quidem rei M. Marcello sum tes-  
tis. nostri enim sensus, ut in pace semper, sic tum  
etiam in bello congruebant. quotiens ego eum, &  
quanto cum dolore uidi? cum insolentiam certorum  
hominum, tum etiam ipsius uictoriæ ferocitatem ex-  
timescentem? quo gratior tua liberalitas C. Cæsar no-  
bis, qui illa uidimus: debet esse. non enim iam causæ  
sunt inter se, sed uictoriæ comparandæ. uidimus tu-  
am uictoriam præliorum exitu terminatam: gladi-  
um uagina uacuum in urbe non uidimus. quos ami-  
simus ciues, eos martis uis perculit, non ira uictoriæ.  
ut dubitare debeat nemo: quin multos, si fieri posset,  
C. Cæsar ab inferis excitaret: quoniam ex eadem acie  
conseruat, quos potest. alterius uero partis nihil ampli-  
us dicam: quàm id, quod omnes uerebamur, nimis ira-  
cundam futuram fuisse uictoriā. quidam enim non mo-  
do armatis, sed interdum etiam ocosis minabantur.  
nec quid quisque sensisset: sed ubi fuisset: cogitandum  
esse dicebant. ut mihi quidem uideantur dy immor-  
tales, etiam si pœnas a Populo Ro. ob aliquod delictum  
expetiuerint: qui ciuile bellum tantum, & tam luctuo-  
sum excitauerunt: uel placati iam, uel etiam satiati  
aliquando omnem spem salutis ad clementiam uicto-  
ris, & sapientiam contulisse. Quare gaude tuo isto tam  
excellenti bono: & fruiere cum fortuna, & gloria, tum  
etiam natura & moribus tuis. ex quo quidem maxi-



mus est fructus, iucunditasq; sapiēti. cætera cum tua recordabere: & si persepe uirtuti, tamen plerūq; felicitati tuæ gratulabere. de nobis, quos in Rep. tecum simul saluos esse uoluisti: quotiens cogitabis: totiens de maximis tuis beneficijs, totiens de mirabili liberalitate, totiens de singulari sapiētia tua cogitabis. quæ non modo summa bona, sed nimirum audebo uel sola dicere. tantus est enim splendor in laude uera: tanta in magnitudine animi, & consilij dignitas: ut hæc a uirtute donata, cætera a fortuna commodata esse uideantur. noli igitur in conseruandis bonis uiris defatigari, non cupiditate præsertim, aut prauitate aliqua lapsis, sed opinione officij stulta fortasse, certe non improba, & specie quadam Reipublicæ. non enim culpa tua est: si te aliqui timuerunt: contraq; summa laus: quod pleriq; minime timendum fuisse senserunt. Nunc uenio ad grauissimam querelam, & atrocissimam suspicionem tuam: quæ nõ tibi ipsi magis, q̃ cum omnibus ciuibus, tum maxime nobis, qui a te conseruati sumus: prouidenda est. quam etsi spero esse falsam: nuquam tamen uerbis extenuabo. tua enim cautio, nostra cautio est. ut si in alterutro peccandum sit: malim uideri numis timidus, quàm parum prudens. sed quisnam est iste tam demens? de tuis ne? tametsi qui magis sunt tui? quàm quibus tu salutem in sperantibus reddidisti? an ex eo numero, qui una tecum fuerunt? non est credibilis tantus in ullo furor: ut quo duce omnia summa sit adeptus: huius uitam non anteponat suæ. At si tui nihil cogitant sceleris: cauendū est, ne quid inimici. qui? omnes enim, qui fuerunt, aut sua pertinacia uitam amiserunt: aut tua misericordia retinuerunt: ut aut nulli supersine



de inimicis: aut qui supersuerunt: amicissimi sint. sed  
 tamen, cum in animis hominum tantæ latebræ sint, et  
 tanti recessus: augeamus sanè suspicionem tuam: simul  
 enim augebimus et diligentiam. nam quis est omnium,  
 tam ignarus rerum, tam rudis in Republica, tam nihil  
 unquam nec de sua, nec de communi salute cogitans?  
 qui non intelligat tua salute, contineri suam? et ex  
 unius tui uitam pendere omnium. Equidem dies no-  
 ctesq; de te, ut debeo, cogitans, casus duntaxat humanos,  
 et incertos euentus ualitudinis, et naturæ communis  
 fragilitatem extimesco: doleoq; cum Resp. immortalis  
 esse debeat: eam in unius mortalis anima consistere. si  
 uero ad humanos casus, incertosq; euentus ualitudinis,  
 sceleris etiam accedat, insidiarumq; consensio: quem de-  
 um, etiam si cupiat, opitulari posse Reip. credamus? O-  
 mnia sunt excitanda tibi C. Caesar uni: quæ iacere sen-  
 tis belli ipsius impetu, quod necesse fuit: perculsa, atq;  
 prostrata: constituenda iudicia: reuocanda fides: compri-  
 menda libidines: propaganda soboles: omnia, quæ de-  
 lapsa iam fluxerunt: seueris legibus uincenda sunt.  
 non fuit recusandum in tanto ciuili bello, tantoq; ani-  
 morum ardore et armorum, quin quassata Resp. qui-  
 cunq; belli euentus fuisset: multa perderet et orna-  
 menta dignitatis, et præsidia stabilitatis suæ: multaq;  
 uterq; dux faceret armatus: quæ idem togatus fieri pro-  
 hibuisset. quæ quidem tibi nunc tibi omnia belli vulne-  
 ra sananda sunt: quibus præter te mederi nemo potest.  
 Itaq; illam tuam præclarissimam et sapientissimam  
 uocem inuitus audiui: satis te diu uel naturæ uixisse, uel  
 gloriæ. satis si ita uis naturæ fortasse: addo etiam si pla-  
 cet gloriæ. at quod maximum est: patriæ certe parum.

mederi

quare  
 tempe  
 pietas  
 nimis  
 audire  
 esses:  
 Rem  
 a per  
 quæ a  
 non s  
 si ista  
 diffima  
 ignarim  
 uero ali  
 quid eni  
 cum est  
 mortali  
 aduerf  
 est: uide  
 sit habi  
 ac perna  
 nes, uel n  
 meritoru  
 actus in  
 tu in p  
 perfru  
 soluere  
 di: sata  
 ipsum  
 rit: om  
 nulla



quare omitte quæso istam doctorum hominum in con-  
temnenda morte prudentiam: noli nostro periculo sa-  
piens esse. sæpe enim uenit ad aures meas, te idem istud  
nimis crebro dicere: satis te tibi uixisse. credo: sed tum id  
audirem, si tibi soli uiueres: aut si tibi etiam soli natus  
esses: nunc cum omnium salutem ciuium, cunctamq;  
Rempublicam, res tuæ gestæ complexæ sint: tantum abes  
a perfectione maximorum operum: ut fundamenta,  
quæ cogitas, nondum ieceris. Hic tu modum uitæ tuæ,  
non salute Reipub. sed æquitate animi definies? quid?  
si istud, ne gloriæ quidem tuæ, satis est? cuius te esse au-  
dissimum quamuis sis sapiens, non negabis. parum ne  
igitur inquires gloriam magnam relinquemus? immo  
uero alijs, quamuis multis, satis: tibi uni parum. quic-  
quid enim est, quamuis amplum sit: id parum est, tum  
cum est aliquid amplius. quod si rerum tuarum im-  
mortalium C. Cæsar hic exitus futurus fuit: ut deuictis  
aduersarijs Remp. in eo statu relinqueres, in quo nunc  
est: uide quæso, ne tua diuina uirtus admirationis plus  
sit habitura, quàm gloriæ. siquidem gloria est illustris,  
ac peruagata multorum, & magnorum uel in suos ci-  
ues, uel in patriam, uel in omne genus hominum fama  
meritorum. hæc igitur tibi reliqua pars est: hic restat  
actus: in hoc elaborandum est: ut Remp. constituas: eaq;  
tu in primis composita summa tranquillitate & ocio  
perfruare. Tum te, si uoles, cum & patriæ quod debes,  
solueris: & naturam ipsam expleueris satietate uiuē-  
di: satis diu uixisse dicito. quid enim est omnino hoc  
ipsum diu? in quo est aliquid extremum? quod cum uene-  
rit: omnis uoluptas præterita pro nihilo est: quia postea  
nulla futura sit. quanquam iste tuus animus nunquam



PRO M.

his angustijs, quas natura nobis ad uiuendum dedit: contentus fuit. semper immortalitatis amore flagrauit. nec uero hæc tua uita dicenda est: quæ corpore et spiritu continetur. illa inquam illa uita est tua Cæsar: quæ uigebit memoria sæculorum omnium: quam posteritas alet: quæ ipsa æternitas semper intuebitur. huic tu inservias, huic te ostentes oportet. quæ quidem quæ miretur iā pridem multa habet: nunc etiam quæ laudet expectat. obstupescunt posteri certe Imperia, Prouincias, Rhenum, Oceanum, Nilum, pugnas innumerabiles, incredibiles uictorias, monumenta, munera, triumphos, audientes & legentes tuos. sed nisi hæc urbs stabilita tuis consilijs, & institutis erit: uagabitur modo nomen tuum longe, atq; late: sedem quidem stabilem, & domicilium certum non habebit. Erit inter eos etiam, qui nascentur: sicut inter nos fuit: magna dissensio: cum alij laudibus ad cælum res tuas gestas efferrent: alij fortasse aliquid requirent: idq; uel maximum: nisi belli ciuilis incendium salute patriæ restinxeris: ut illud fati fuisse uideatur: hoc consilij. serui igitur ijs etiam iudicibus: qui multis post sæculis de te iudicabunt: & quidem haud scio, an incorruptius quam nos. nam & sine amore, & sine cupiditate, & rursus sine odio, & sine inuidia iudicabunt. id autem, etiā si tunc ad te, ut quidam falso putant: non pertinebit: nunc certe pertinet, te esse talem: ut tuas laudes obscuratura nulla unquam sit obliuio. Diuersæ uoluntates ciuium fuerunt: distractæq; sententiæ. non enim consilijs solum & studijs, sed armis etiam, & castris dissidebamus. erat autē obscuritas quædam: erat certamen inter clarissimos duces: multi dubitabant, quid optimum esset: multi quid sibi expediret: multi

quid  
resp  
tuna  
neg  
mor  
erep  
peri  
etiā  
sa  
eade  
fract  
rus: resp  
non sol  
Cæsar  
hodie  
mus. Q  
hortan  
Las: on  
ipse se  
dum  
terum  
Sed ut  
maxim  
etiam  
minu  
non  
dici  
lunt  
et R  
nam  
com



quid deceret: nonnulli etiam quidliceret. perfuncti  
 Resp. est hoc misero, fatali q; bello: uicit is: qui non for-  
 tuna inflammaret odium suum: sed bonitate leniret:  
 neq; omnes, quibus iratus esset: eosdem etiam exilio, aut  
 morte dignos iudicaret. arma ab alijs posita, ab alijs  
 erepta sunt. ingratus est iniustus q; ciuis: qui armorum  
 periculo liberatus, animum tamen retinet armatum: ut  
 etiā ille sit melior. qui in acie cecidit: quā qui in cau-  
 sa animam profudit. quæ enim pertinacia quibusdam:  
 eadē alijs constantia uideri potest. sed quia iam omnis  
 fracta dissensio est armis, & extincta æquitate uicto-  
 ris: restat ut omnes unum uelint: qui habent aliquid  
 non solum sapientiæ, sed etiam sanitatis. quia nisi te C.  
 Cæsar saluo, & in ista sententia, qua cum antea, tum  
 hodie uel maxime usus es: manente, salui esse non possu-  
 mus. Quare omnes te, qui hæc salua esse uolumus: &  
 hortamur: & obsecramus: ut uitæ, ut saluti tuæ consu-  
 las: omnes q; tibi, ut pro alijs etiam loquar: quod de me  
 ipse sentio: quoniam subesse aliquid putas: quod cauē-  
 dum sit: non modo excubias & custodias, sed etiam la-  
 terum nostrorum oppositus, & corporum pollicemur.  
Sed ut unde est orsa, in eodem terminetur oratio mea:  
 maximas tibi omnes gratias agimus C. Cæsar: maiores  
 etiam habemus. nam omnes idem sentiunt: quod ex o-  
 mnium precibus, & lachrymis sentire potuisti: sed quia  
 non est astantibus omnibus necesse dicere: à me certe  
 dici uolunt: cui necesse est quodammodo, & quod uo-  
 lunt: et quod M. Marcello à te huic ordini Populoq; Ro.  
 et Reip. reddito, præcipue id à me fieri debere intelli-  
 go. nam letari omnes, non ut de unius solum, sed ut de  
 communi omnium salute sentio. quod autem summæ

Gratias in  
 agit



PRO M. MARCELLO.

beniuolentiæ est: quæ mea erga illum omnibus semper  
nota fuit: ut uix M. Marcello optimo, & amantissimo  
fratri, præter eum quidem cederẽ nemini: cum id sol-  
licitudine, cura, labore, tamdiu præstiterim, quamdiu  
est de illius salute dubitatum: certe hoc tempore magnis  
curis, molestijs, doloribus, liberatus præstare debeo.  
Itaq; C. Cæsar sic tibi gratias ago: ut omnibus me rebus  
à te non conseruato solum, sed etiam ornato, tamen ad  
tua innumerabilia in me unum merita, quod fieri iam  
posse non arbitrabar: maximus hoc tuo facto cumulus  
accesserit.

*A. C. m. l. i. d. h. e. e. a. r. o. p. r. o. l. i. g. a. r. i. o. m. a. x. i. m. e. c. o. n. t. e.  
S. a. r. a. d. e. g. n. a. g. r. a. m. a. p. u. d. p. l. i. n. t. a. r. c. h. u. i. n. T. u. l. l. i. a.  
E. n. d. e. i. n. a. m. o. l. a. f. o. l. i. 1. 1. 5.*

ritate  
uerum  
per te  
ne tua  
diligent  
tendunt  
C. P. a. n.  
contro  
ferenda  
liberati  
Habet  
dū conf  
ea parte  
dignum  
confite  
prehē  
belli  
sidio  
bus in  
tis face  
uimae



## PRO Q. LIGARIO AD C.

## CAESAREM. ORA-

## TIO. XLII.

Ouum crimen C. Caesar, & ante hūc  
diem inauditum, propinquus meus ad  
te Q. Tubero detulit: Q. Ligarium  
in Africa fuisse: idq; C. Pansa præstan-  
ti uir ingenio, fretus fortasse ea familia-  
ritate, quæ est ei tecum, ausus est confiteri. Itaq; quo me  
uertam nescio. paratus enim ueneram: cum tu id neq;  
per te scires: neq; audire aliunde potuisses: ut ignoratio  
ne tua ad hominis miseri salutem abuterer. sed quoniam  
diligentia inimici inuestigatum est, quod latebat: confi-  
tendum est, ut opinor: præsertim cum meus necessarius  
C. Pansa fecerit: ut id iam integrum non esset: omnia q;  
controuersia omnis oratio ad misericordiam tuam con-  
ferenda est: qua plurimi sunt conseruati: cum à te nō solū  
liberationem culpæ, sed errati ueniam impetrauissent.  
Habes igitur Tubero quod est a accusatori maxime optan-  
dū confitentem reū: sed tamen hoc ita confitentem: se in  
ea parte fuisse, qua te Tubero: qua uirum omni laude  
dignum patrem tuum. Itaq; prius de uestro delicto  
confiteamini necesse est: quā Ligarij ullam culpam re-  
prehēdatis. Q. igitur Ligarius, cum esset adhuc nulla  
belli suspicio: Legatus in Africam cum consule C. Con-  
sidio profectus est: qua in Legatione & socijs, & ciui-  
bus ita se probauit: ut decedens Considius prouincia, sa-  
tisfacere hominibus non posset: si quenquam alium pro-  
uinciae præfecisset. Itaq; Q. Ligarius cum diu recu-

*gemino letia  
captas obire:  
do crimen qd  
natus est*



PRO Q.

sans nihil profecisset: Prouinciaam accepit inuitus: cui sic  
præfuit in pace: ut & ciuibus, et socijs gratissima esset  
eius integritas, & fides. bellum subito exarsit. quod,  
qui erant in Africa, ante audierunt geri: quàm para-  
ri. quo audito partim cupiditate inconsiderata, partim  
cæco quodam timore, primo salutis causa, post etiã stu-  
dij sui quærebant aliquem ducem. tum Ligarius do-  
mum spectans, & ad suos redire cupiens, nullo se im-  
plicari negotio passus est. Interim P. Aëtius Varus, qui  
Prætor Africam obtinuerat: Vticam uenit. ad eum sta-  
tim concursus est. atq; ille non mediocri cupiditate ar-  
ripuit imperium: si illud imperium esse potuit: quod ad  
priuatum, clamore multitudinis imperitæ, nullo publi-  
co consilio deferebatur. Itaq; Ligarius qui omne tale ne-  
gocium cuperet effugere: paulum aduentu Vari con-  
quieuit. Adhuc C. Cæsar Q. Ligarius omni culpa ua-  
cat. domo est egressus non modo nullum ad bellum: sed  
ne ad minimam quidem suspicionem belli. Legatus in  
pace profectus, in prouincia pacatissima ita se gessit: ut  
ei pacem esse expediret. profectio certe animum tuum nõ  
debet offendere. num igitur remansio? multo minus. nã  
profectio uoluntatem habuit non turpem: remansio etiã  
necessitatem honestam. Ergo hæc duo tempora carent  
crimine. unum, cum est Legatus profectus: alterũ, cum  
efflagitatus à prouincia, præpositus Africæ est. tertium  
est tempus, quo post aduentum Vari in Africa restitit.  
quod si est criminofum: necessitatis crimen est, non uo-  
luntatis. An ille, si potuisset illinc ullo modo euadere:  
Vtica potius, quàm Romæ? cum P. Aëtio, quàm cum  
concordissimis fratribus? cum alienis esse, quàm cum si-  
is maluisset? cum ipsa Legatio plena desiderij, ac solli-



citudinis fuisset, propter incredibilem quendam fratrum  
 amorem: hic æquo animo esse potuit, belli dissidio di-  
 stractus à fratribus. Nullum igitur habes Cæsar ad-  
 huc in Q. Ligario signum alienæ à te voluntatis. cu-  
 ius ego causam animaduerte quæso qua fide defendam:  
 cum prodo mea. O' clementiam admirabilem, atq; o-  
 mnium laude, prædicatione, literis, monumentisq; de-  
 corandam: M. Cicero apud te defendit alium in ea vo-  
 luntate non fuisse: in qua seipsum confitetur fuisse: nec  
 tuas tacitas cogitationes extimescit: nec quid tibi de alio  
 audienti de seipso occurrat: reformidat. uide q̄ non re-  
 formidem: uide quanta lux liberalitatis, & sapientiæ  
 tuæ mihi apud te dicenti oboriatur: quantum potero uo-  
 ce contendam: ut hoc Populus Ro. exaudiat: suscepto bel-  
 lo Cæsar, gesto etiā ex magna parte, nulla ui coactus,  
 iudicio meo, ac uolūtate ad ea arma profectus sum: quæ  
 erant sumpta contra te. apud quem igitur hoc dico?  
 nempe apud eum: qui, cum hoc sciret: tamen me, anteq̄  
 uidit, Reip. reddidit: qui ad me ex Aegypto literas mi-  
 sit: ut essem idem: qui fuisset: qui cum ipse Imperator in  
 toto imperio Populi Ro. unus esset: esse me alterum pas-  
 sus est: a quo hoc ipso C. Pansa mihi nuncium perfe-  
 rente, concessos fasces laureatos tenui, quoad tenendos  
 putavi: qui mihi tum deniq; se salutem putauit reddere:  
 si eā nullis spoliata ornamentis redderet. Vide quæso  
 Tubero, ut qui de meo facto non dubitem dicere: de Li-  
 garij non audeam confiteri. Atq; hæc propterea de me  
 dixi: ut mihi Tubero, cum de se eadem dicerem: igno-  
 sceret. cuius ego industriæ gloriæq; fauco: uel propter  
 propinquam cognationē: uel quod eius ingenio studijsq;  
 delector: uel quod laudem adolescentis propinqui exi-



PRO Q.

stimo etiam ad meum aliquem fructum redundare. sed hoc quæro: quis putet fuisse crimen esse in Africa Ligarium? nempe is: qui & ipse in eadem Africa esse uoluit: & prohibitum se à Ligario queritur: & certe contra ipsum Cæserem est congressus armatus. quid enim Tubero, tuus ille districtus in acie Pharsalica gladius agebat? cuius latus ille mucro petebat? qui sensus erat armorum tuorum? quæ tua mens? oculi? manus? ardor animi? quid cupiebas? quid optabas? nimis urgeo: commoueri uidetur adolescens: ad me reuertar. iisdem in armis fui. qd autem aliud egimus Tubero? nisi ut quod hic potest: nos possemus? quorum igitur impunitas, Cæsar, tuæ clementiæ laus est: eorum ipsorum ad crudelitatem te acuet oratio? Atq; in hac causa non nihil equidem Tubero etiam tuâ, sed multo magis patris tui prædectiam desidero: quod homo cum ingenio, tum etiam doctrina excellens, genus hoc causæ quod esset, non uiderit. nam si uidisset: quouis profecto, quàm isto modo, à te agi maluisset. arguis fatentem: non est satis: accusas eum, qui causam habet, aut, ut ego dico, meliorem quàm tu: aut, ut tu uis, parem. Hæc nōmodo mirabilia sunt: sed prodigijs similia, quæ dicam. non habet eam uim ista accusatio: ut Q. Ligarius condemnetur: sed ut necetur. hoc egit ciuis Ro. ante te nemo. externi isti mores usq; ad sanguinem, incitare solent odium aut leuium Græcorum, aut immanium Barbarorum. nam quid aliud agis? ut Romæ ne sit? ut domo careat? ne cum optimis fratribus, ne cum hoc T. Brocho auunculo suo, ne cum eius filio consobrino suo, ne nobiscum uiuat? ne sit in patria? num in patria est? num potest magis carere his omnibus, quam caret? Italia prohibetur: exulat. non



tu ergo hunc patria priuare, qua caret: sed uita uis. At istud ne apud eum quidem Dictatorē, qui omnes, quos oderat, morte mulctabat: quisquam egit isto modo. ipse iubebat occidi, nullo postulante: præmijs etiam inuitabat. quæ tamen crudelitas ab hoc eodem aliquot annis post, quem tu nunc crudelem esse uis, uindicta est? Ego uero istud non postulo inquires. ita mehercule existimo Tubero. noui enim te: noui patrem: noui domum, nomenq; uestrum: studia deniq; generis ac familiæ uestræ, uirtutis, humanitatis, doctrinæ, plurimarum artium, atq; optimarum nota sunt mihi omnia. itaq; certo scio, uos non petere sanguinem. sed parum attenditis. res enim eo spectat: ut ea poena, in qua adhuc Q. Ligarius sit, non uideamini esse contenti. quæ est igitur alia præter mortem? si enim in exilio est: si cuncti est: quid amplius postulatis? an ne ignoscatur? hoc uero multo acerbius, multoq; est grauius. quod nos domi petimus, precibus, et lachrymis prostrati ad pedes, non tam nostræ causæ fidentes, quam huius humanitatis: id ne impetremus, pugnabis? et in nostrum fletum irrumpes? et nos iacentes ad pedes supplicum uocæ prohibebis? si cum hoc domi faceremus: quod et fecimus: et ut spero non frustra fecimus: tu de repente irrupisses: et clamare cœpisses: C. Cæsar caue credas: caue ignoscas: caue te fratrum pro fratris salute obsecrantium misereat: non ne omnem humanitatem exuisses? quanto hoc durius: quod nos domi petimus: id a te in foro oppugnari? et in tali miseria multorum, perfugum misericordiæ tollere? Dicam plane C. Cæsar quod sentio. Si in hac tanta tua fortuna, lenitas tanta non esset: quantam tu per te, per te inquam obti-



nes (intelligo quid loquor) acerbissimo luctu redunda-  
 ret ista uictoria. quam multi enim essent de uictoribus,  
 qui te crudelem esse uellent: cum etiam de uictis repe-  
 riatur: quàm multi, qui cum à te nemini ignosci uellēt:  
 impedirent clementiam tuam: cum etiā hi quibus ipse  
 ignouisti, nolint te in alios esse misericordem. Quod  
 si probare Cæsari possemus in Africa Ligarium omni-  
 no non fuisse: si honesto, & misericordi mendacio, sa-  
 luti cui calamitoso esse uellemus: tamen hominis non  
 esset, in tanto discrimine, & periculo cuius refellere, &  
 coarguere nostrum mendacium: & si esset alicuius:  
 eius certe non esset: qui in eadem causa & fortuna  
 fuisset. sed tamen aliud est, errare Cæsarem nolle: ali-  
 ud nolle misereri. tum diceres, caue Cæsar credas: fuit  
 in Africa Ligarius: tulit arma contra te. nunc quid di-  
 cis? caue ignoscas. hæc nec hominis, nec ad hominem  
 uox est. qua qui apud te C. Cæsar utetur: suam citius  
 abiiciet humanitatem: quam extorquebit tuam. Ac pri-  
 mus aditus & postulatio Tiberonis hæc, ut opinor,  
 fuit: uelle se de Q. Ligarij scelere dicere. non dubito  
 quin admiratus sis: uel quod de nullo alio quisquam:  
 uel quod is qui in eadem causa fuisset: uel quidnam  
 noui facinoris afferret. scelus tu illud uocas Tiberio?  
 cur? isto enim nomine illa adhuc causa caruit. alij er-  
 rorem appellant: alij timorem: qui durius: spem, cupi-  
 ditatem, odium, pertinaciam: qui grauissime: temerita-  
 tem: scelus præter te adhuc nemo. Ac mihi quidem, si  
 proprium & uerum nomen nostri mali queratur: fa-  
 talis quædam calamitas incidisse uidetur: & impro-  
 das hominum mentes occupauisse: ut nemo mirari de-  
 beat humana consilia diuina necessitate esse superata.



liceat esse miseros: quanquam hoc uictore esse non pos-  
 sumus. sed non loquor de nobis: de illis loquor: qui oc-  
 ciderunt. fuerint cupidi: fuerint irati: fuerint pertina-  
 ces: sceleris uero crimine, furoris, parricidij liceat Cn.  
 Pompeio mortuo, liceat multis alijs carere. quando hoc  
 quisquam ex te caesar audiuit? aut tua quid aliud ar-  
 ma uoluerunt? nisi a te contumeliam propulsare? quid  
 egit tuus ille inuictus exercitus? nisi ut suum ius tue-  
 retur, & dignitatem tuam? quid? tu cum pacem esse ca-  
 piebas: id ne agebas? ut tibi cum sceleratis, an ut cum  
 bonis ciuibus conueniret? mihi uero Caesar tua in me  
 maxima merita, tanta certe non uiderentur: si me ut sce-  
 leratum a te conseruatum putarem. quomodo autem tu  
 de Rep. benemeritus esses: si tot sceleratos incolumi di-  
 gnitate esse uoluisses? secessionem tu illam existimauisti  
 Caesar initio, non bellum: non hostile odium, sed ciui-  
 le dissidium: utrisq; cupientibus Rempub. saluam: sed  
 partim consilijs, partim studijs, a communi utilitate ab-  
 errantibus. principum dignitas erat pene par: no par  
 fortasse eorum, qui sequebantur: causa tum dubia: quod  
 erat aliquid in utraq; parte: quod probari posset. nunc  
 melior certe ea iudicanda est: quam etiam di adiuue-  
 runt. cognita uero clementia tua, quis non eam uicto-  
 riam probet: in qua occiderit nemo, nisi armatus? sed ut  
 omittam communem causam: ueniamus ad nostram.  
 utrum tandem existimas facilius fuisse Tubero Ligari-  
 um ex Africa exire: an uos in Africam non uenire?  
 poteramus ne inquires? cum Senatus censuisset? si me con-  
 sulis: nullo modo. sed tamen Ligarium Senatus idem le-  
 gauerat. atq; ille eo tempore paruit: cum parere Sena-  
 tu necesse erat: uos tunc paruistis: cum paruit nemo,



qui noluit. reprehendo igitur? minime uero. neque enim li-  
cuit aliter uestro generi, nomini, familiae, disciplinae. sed  
hoc non concedo: ut quibus rebus gloriemini in uobis:  
easdem in alijs reprehendatis. Tuberonis sors coniecta  
est, ex S. C. cum ipse non adesset: morbo etiam impedi-  
retur: statuerat se excusare. haec ego noui propter omnes  
necessitudines, quae mihi sunt cum L. Tuberone: domi  
una<sup>a</sup> eruditi, militiae contubernales, post affines, in omni  
denique uita familiares. magnum etiam uinculum: quod  
iisdem semper studijs usi sumus. Scio igitur Tuberonem  
domi manere uoluisse. sed ita quidam agebant: ita Reip.  
sanctissimum nomen opponebant: ut, etiam si aliter sen-  
tires: uerborum tamen ipsorum pondus sustinere non  
posset. cessit auctoritati amplissimi uiri: uel potius pa-  
ruit: una<sup>a</sup> est profectus cum ijs: quorum erat una<sup>a</sup> causa.  
tardius iter fecit. itaque in Africam uenit iam occupatam.  
hinc in Ligarium crimen oritur: uel ira potius. nam si  
crimen est prohibere illum uoluisse: non minus magnū  
est, uos Africam, omnium prouinciarū arcem, natā ad  
bellū contra hanc urbē gerendū obtinere uoluisse: quā ali-  
quē se Imperatorem esse maluisse. atque is tamen aliquis Liga-  
rius nō fuit. Varus imperiū se habere dicebat. fasces cer-  
te habebat. Sed quoquomodo se se illud habet: haec quere-  
la uestra Tubero quid ualet? recepti in prouinciam nō  
sumus. quid si essetis? Caesari ne eam tradituri fuissetis?  
an contra eum retenturi? Vide quid licentiae Caesar  
nobis tua liberalitas det, uel potius audaciae. si respon-  
derit Tubero, Africam, quo Senatus eum, sorsque mise-  
rat: tibi patrem suum traditurum fuisse: non dubitabo  
apud ipsum te, cuius id eum facere interfuit: grauissi-  
mus uerbis eius consilium reprehendere. non enim si tr-



bi ea res grata fuisset: esset etiam probata. sed iam hoc totum omitto: non tam ut ne offendam tuas patientissimas aures: quam ne Tubero quod nunquam cogitauit, facturum fuisse uideatur. ueniebatis igitur in Africam provinciam unam ex omnibus huic uictoriae maxime infestam: in qua erat Rex potentissimus, inimicus huic causae: aliena uoluntas: conuentus firmus, atque magnus. quero quid facturi fuissetis? quanquam quid facturum fueritis non dubitem: cum uideam, quid feceritis. prohibiti estis in provincia uestra pedem ponere, ut perhibetis, summa cum iniuria. quomodo id tulistis? acceptae iniuriae querelam ad quem detulistis? nempe ad eum: cuius auctoritatem secuti in societatem belli ueneratis. quod si Caesaris causa in Provinciam ueniebatis: ad eum profecto exclusi Provincia uenissetis. uenistis ad Pompeium. quae est ergo apud Caesarem querela? cum eum accusetis: a quo queramini uos prohibitos contra Caesarem bellum gerere. Atque in hoc quidem uel cum mendacio si uultis, gloriari per me licet: uos Provinciam fuisse Caesari tradituros: etiam si a Vero et quibusdam alijs prohibiti essetis. ego autem confitebor culpam esse Ligarij: qui uos tantae laudis occasione priuauerit. Sed uide quaeso Caesar constantiam ornatissimi uiri L. Tuberonis: quam ego, quamuis ipse probarem: ut probo: tamen non commemorarem: nisi a te cognouissem in primis eam uirtutem solere laudari. quae fuit igitur unquam in ullo homine tanta constantia? constantiam dico? nescio an melius patientiam possem dicere? quotus enim istud quisque fecisset? ut a quibus partibus in dissensione civili non esset receptus: essetque etiam cum crudelitate eiectus: ad eas ipsas rediret? magni cuiusdam animi, atque



eius uiri est: quæ de suscepta causa proposita; sententia, nulla contumelia, nulla uis, nullum periculum posset depellere. ut enim cætera paria Tiberoni cum Varo fuissent: honos, nobilitas, splendor, ingenium: quæ nequaquam fuerunt: hoc certe præcipuum Tiberonis fuit: quod iustum Imperio, ex S. C. in Prouinciã suam uenerat. hinc prohibitus non ad Cæsarem, ne iratus, non domum, ne iners, non aliquam in regionem, ne condemnare causam illam, quam secutus esset, uideretur: in Macedoniam, in Cn. Pompeij castra uenit, in eam ipsam causam, a qua erat reiectus cum iniuria. Quid? cum ista res nihil commouisset eius animum, ad quem ueneratis: languidiore credo studio in causa fuistis? tantummodo in præsijs eratis? animi uero a causa abhorrebant? an, ut fit in ciuilibus bellis, nec in uobis magis, quam in reliquis: omnes uincendi studio tenebamur. pacis equidem semper author fui: sed tum sero: erat enim amens cum aciem uideres: pacem cogitare. omnes inquam uincere uolebamus. tu certe præcipue: qui in eum locum uenisses: ubi tibi esset pereundum, nisi uicisses. quanquã, ut nunc se res habet: non dubito quin hanc salutem anteponas illi uictoriæ. Hæc ego non dicerem Tiberoni: si aut uos constantiæ uestræ, aut Cæsarem beneficij sui perueniret. Nunc quæro utrum uestras iniurias, an Reip. persequamini? si Reipublicæ: quid de uestra in ea causa perseuerantia respondebitis? si uestras: uidete ne erretis: qui Cæsarem uestris inimicis iratum fore putetis: cum ignouerit suis. Itaque num tibi uideor Cæsar in causa Ligarij occupatus esse? num de eius facto dicere? quicquid dixi ad unam summam referri uolo, uel humanitatis, uel clementiæ, uel misericordiæ tuæ. Causas Cæsar ego



multas: & quidem tecum, dum te in foro tenuit ratio  
honorum tuorum: certe nunquam hoc modo: ignoscite  
Iudices: errauit: lapsus est: non putauit: si unquam post  
hac. ad parentem sic agi solet. ad iudices, non fecit: non  
cogitauit: falsi testes: fictum crimen. dic te Cæsar de fa-  
cto Ligarij Iudicem esse: quibus in præsijs fuerit, quæ-  
re. taceo: ne hæc quidem colligo: quæ fortasse ualerent  
etiam apud Iudicem: legatus ante bellum profectus: re-  
lictus in pace: bello oppressus, in eo non acerbus fuit:  
tamen si totus esset studio tuus. ad Iudicem sic agi solet:  
sed ego ad parentem loquor. errauit: temere feci: poenitet:  
ad clementiam tuam confugio: delicti ueniam peto: ut  
ignoscas oro: si nemo impetrauit: arroganter peto: si plus  
rimus: tu idem fer opem: qui spem dedisti. an sperandi Li-  
gario causa non sit? cum mihi apud te locus sit etiam  
pro altero deprecandi? quanquam neq; in hac oratione  
spes est posita causæ, nec in eorum studijs qui a te pro  
Ligario petunt tui necessarij. uidi enim, et cognoui quid  
maxime spectares: cum pro alicuius salute multi labo-  
rarent: causas apud te rogantium gratiores esse, quàm  
preces: neq; spectare quàm tuus esset necessarius is, qui te  
oraret: sed quàm illius, pro quo laboraret. Itaq; tribuis  
tu quidem tuis ita multa: ut mihi beatiores illi esse ui-  
deantur interdum: qui tua liberalitate fruuntur: quàm  
tu ipse, qui illis tam multa concedis: sed uideo tamen  
apud te causas ut dixi rogantium ualere, plus quàm  
preces: ab ijsq; te moueri maxime: quorum iustissimum  
dolorem uideas in petendo. In Q. Ligario conseruando  
multis tui quidem gratum facies necessarijs tuis: sed hoc  
quæso considera: quod soles. possum fortissimos uiros Sa-  
binos, tibi probatissimos, totumq; agrum Sabinum Ro-



rem Italiae, robur Reipublicae proponere. nosti optime homines. animaduerte horum omnium maestitiam, & dolorem. huius T. Brochi, de quo non dubito quid existimes: lachrymas, squaloremque ipsius, & filij uides. quid de fratribus dicam? noli Caesar putare de unius capite nos agere. aut tres Ligarij retinendi in ciuitate sunt: aut tres ex ciuitate exterminandi. quoduis exiliū his est optatius: quam patria, quam domus, quam dum poenates, uno illo exulante. si fraterne, si pie, si cum dolore faciunt: moueant te horum lachrymae: moueat pietas: moueat germanitas: ualeat tua uox illa: quae uicit. te enim dicere audiebamus: nos omnes aduersarios putare: nisi qui nobiscum essent: te omnes, qui contra te non essent: tuos. uides ne igitur hunc splendorem, omnem hanc Brochorū domum, hunc L. Martium, C. Cesetium, L. Cornificiū, hosce omnes Equites Ro. qui adsunt ueste mutata: non solum notos tibi, uerum etiam probatos uiros, qui tecum fuerunt? Atque his maxime irascebamur: & hos requirebamus: & his nonnulli minabantur. conserua igitur tuis suos: ut quemadmodum caetera, quae dicta sunt a te: sic hoc uerissimum reperiatur. Quod si penitus perspicere posses concordiam Ligariorum: omnes fratres tecum iudicares fuisse. an potest quisquam dubitare: quin si Q. Ligarius in Italia esse potuisset: in eadem sententia fuisset futurus: in qua fratres fuerunt? quis est, qui horum consensum conspirantem, & penē constatum, in hac prope aequalitate fraterna non nouerit? qui hoc non sentiat? quiduis prius futurum fuisse: quam ut hi fratres diuersas sententias fortunasque sequerentur. uoluntate igitur omnes tecum fuerunt. tempestate abreptus est unus. qui si consilio id fecisset: esset eorum



similis: quos tu tamen saluos esse uoluisti. Sed ierit ad bellum: dissenserit non a te solum, uerum etiam a fratribus: hi te orant tui. Equidem cum tuis omnibus negocijs interesset: memoria teneo qualis tum T. Ligarius Quæstor Urbanus fuerit erga te, et dignitatem tuam. sed parum est me hoc meminisse: spero etiam te, qui oblisci nihil soles, nisi iniurias: quoniam hoc est animi, quoniam etiam ingenij tui: te aliquid de huius Quæstoris officio cogitantem: etiam de alijs quibusdam Quæstoribus reminiscntem recordari. Hic igitur T. Ligarius, qui tum nihil egit aliud: neq; enim hæc diuinabat: nisi ut tu eum studiosum, et bonum uirum iudicares: nunc a te supplex fratris salutem petit. quam huius admonitus officio cum utrisq; his dederis: tres fratres optimos, et integerrimos, non solum sibi ipsos, neq; his tot ac talibus uiris, neq; nobis necessarijs, sed etiam Reip. condonaueris. fac igitur quod de homine nobilissimo, et clarissimo M. Marcello restituto fecisti nuper in curia: nunc idem in foro de optimis et huic omni frequentiae probatissimis fratribus. ut concessisti illum Senatui: sic da hunc Populo: cuius uoluntatem clarissimam semper habuisti. Et si ille dies tibi gloriosissimus, Populo Rogatissimus fuit: noli obsecro dubitare C. Caesar simile illi gloriæ laudem quam sepiissime quærere. nihil est enim tam populare quam bonitas: nulla de uirtutibus tuis plurimis, nec gratior, nec admirabilior misericordia est. homines enim ad deos nulla re propius accedunt: quam salutem hominibus dando. nihil habet nec fortuna tua maius: quam ut possis: nec natura tua melius: quam ut uelis conseruare quamplurimos. Longiorem orationem causa forsitan postulat: tua certe natura



PRO Q. LICARIO.

Breviorem . quare cum utilius esse arbitrer teipsum,  
quàm me, aut quenquam loqui tecum: finem iam faci-  
am. tantum teipsum admonebo : si illi absenti salutem  
dederis: præsentibus his omnibus te daturum.

ad omnes imp.

Early European Books, Copyright © 2011 ProQuest LLC.  
Images reproduced by courtesy of the Biblioteca Nazionale Centrale di  
Firenze.  
Ald.3.3.8



PRO REGE DEIOTARO AD  
C. CAESAREM. ORA-  
TIO. XLIII.

Vm in omnibus causis grauioribus C.  
 Caesar initio dicendi commoueri sole-  
 am uehementius, quam uidetur uel  
 usus, uel aetas mea postulare: tum in hac  
 causa ita me multa perturbant: ut quan-  
 tum mea fides studiū mihi afferat ad salutem Regis De-  
 iotari defendendam: tantum facultatis timor detrahat.  
 Primum dico pro capite fortunisque Regis: quod ipsum  
 etsi non iniquum est, in tuo duntaxat periculo: tamen  
 est ita inusitatum: regem capitis reum esse: ut ante hoc tem-  
 pus non sit auditum. deinde cum Regem, quem ornare  
 antea cuncto cum Senatu solebamus, pro perpetuis eius  
 in nostram Remp. meritis: nunc contra atrocissimum  
 crimen cogor defendere. accedit ut accusatorum alterius  
 crudelitate, alterius indignitate perturber. crudelis Ca-  
 stor: ne dicam sceleratum, et impium: qui nepos auum  
 in discrimen capitis adduxerit: adolescentiaeque suae ter-  
 rorem intulerit ei: cuius senectutem tueri, et tegere de-  
 bebat: commendationemque ineuntis aetatis ab impietate,  
 et scelere duxerit: aui seruum corruptum praemijs ad  
 accusandum dominum impulerit: a legatorum pedi-  
 bus abduxerit. Fugitiui autem dominum accusantis, et  
 dominum absentem, et dominum amantissimum nostrae  
 Reipublicae, cum os uidebam: cum uerba audiebam: non  
 tam afflictam regiam conditionem dolebam: quam de  
 fortunis communibus extimescebam. nam cum more ma-  
 iorum de seruo in dominum, ne tormentis quidem quae-

Ep. f. q. la. x. l. ix

oratione p. Diotaro p. regibus habebat meum quod  
 putabam itaque h. b. nisi uelim sic legere ut con-  
 iuncta tenem et magis nec scriptio nec in agnoscendo  
 sed ego f.



PRO DEIOTARO.

si liceat: in qua quaestione dolor ueram uocem elicere  
possit, etiam ab inuito: exortus est seruus: qui quem in  
eculeo appellare non posset: eum acuset solutus. pertur-  
bat me C. Caesar etiam illud interdum: quod tamen,  
cum te penitus recognoui: timere desino. re enim iniquu-  
um est: sed tua sapientia fit æquissimum. nam dicere  
apud eum de facinore, contra cuius uitam consilium fa-  
cinoris inisse arguare: si per se ipsum consideres: graue  
est: nemo enim ferè est: qui sui periculi iudex, non sibi se  
æquiores, quam reo præbeat. sed tua Caesar præstans,  
singularisq; natura hunc mihi metum minuit. non  
enim tam timeo, quid tu de rege Deiotaro: quam intelli-  
go quid de te ceteros uelis iudicare. moueor etiam loci  
ipsius insolentia: quod tantam causam, quanta nulla un-  
quam in disceptatione uersata est: dico intra domesticos  
parietes: dico extra conuentum, et eam frequentiam:  
in qua oratorum studia niti solent: in tuis oculis, in tuo  
ore, uultuq; acquiesco: te unum intueor: ad te unum o-  
mnis mea spectat oratio: quæ mihi ad spem obtinendæ  
ueritatis grauissima sunt: ad motum animi et ad o-  
mnem impetum dicendi contentionemq; leuiores. hanc  
enim C. Caesar causam si in foro dicerem eodem audi-  
ente, et disceptante te: quantam mihi alacritatem Po-  
puli Ro. concursus afferret? quis enim ciuis ei Regi non  
faueret? cuius omnem ætatem in Populi Ro. bellis con-  
sumptam esse meminisset? spectarem Curiam: intuerer  
forum: cælum deniq; testarer ipsum. sic cum et deorum  
immortalium, et Populi romani, et Senatus beneficia  
in Regem Deiotarum recorderer: nullo modo mihi de-  
esse posset oratio. quæ quoniam angustiora parietes faci-  
unt: actioq; causæ maximè debilitatur loco: tuum est

Caesar, qui



Cæsar, qui pro multis sæpe dixisti: quid nūc mihi ani-  
mi sit, ad te ipsum referre: quo facilius tum æquitas tua,  
 tum audiendi diligentia minuat hanc perturbationem  
 meam. Sed antequam de accusatione ipsa dico: de acu-  
 satorum spe pauca dicam. qui cum uideantur neq; inge-  
 nio, neq; usu, atq; exercitatione rerum ualere: tamen ad  
 hanc causam non sine aliqua spe, & cogitatione uene-  
 runt. Iratum te Regi Deiotaro fuisse non erant nescij:  
 affectum illum quibusdam incommodis, & detrimen-  
 tis propter offensionem animi tui meminerant: tēq; cum  
 huic iratum, tum sibi amicum cognouerant: cūq; apud  
 ipsum te, de tuo periculo dicerent: fore putabant, ut in  
exulcerato animo facile fictum crimen insideret. Quā  
 obrem hoc nos primum metu Cæsar per fidem, et con-  
 stantiam, & clementiam tuam libera: ne residere in te  
 ullam partem iracundiæ suspicemur. per dexteram te  
 istam oro: quam Regi Deiotaro hospes hospiti porrexisti:  
 istam inquam dexteram, nō tam in bellis, & in præ-  
 lijs, quā in promissis, & fide firmorem. tu illius do-  
 num inire, tu uetus hospitium renouare uoluisti: te eius  
 dij penates acceperunt: te amicum & placatum Deiotæ-  
 ri regis aræ fociq; uiderunt. cum facile exorari Cæ-  
 sar, tum semel exorari soles: nemo unquam te placuit  
 inimicus: qui ullas residisse in te simultatis reliquias sen-  
 serit. quanquam cui sunt inauditæ cum Deiotaro que-  
 relæ tuæ? nunquam tu illum accusasti ut hostem: sed ut  
 amicum, officio parum functum: quod propēior in Cn.  
 Pompei amicitia in fuisset, quā in tuam. cui tamen ipsi  
 regi ueniam te daturum fuisse dicebas: si tum auxilia  
 Pompeio, uel si etiam filium misisset: ipse tamen excusa-  
 tione ætatis usus esset. itaq; cum maximis eum rebus li-

ttt



# PRO DEIOTARO.

berares: per parvam amicitiae culpam relinquebas. itaque  
 non solum in eum non animadvertisti: sed omni metua  
 liberauisti: hospitem agnouisti: regem reliquisti. neque enim  
 ille odio tui progressus, sed errore communi lapsus est.  
 Is rex, quem Senatus hoc nomine saepe honorificentissi-  
 mis decretis appellauisset: quique eum illum ordinem ab  
 adolescentia grauissimum sanctissimumque duxisset: is-  
 dem rebus est perturbatus, homo longinquus, et alie-  
 nigena: quibus nos in media Rep. nati, semperque uersa-  
 ti. cum audisset Senatus consentientis autoritate arma  
 sumpta: Consulibus, Praetoribus, Tribunis plebis, nouis  
 Imperatoribus Remp. defendendam datam: mouebatur  
 animo: et uir huic imperio amicissimus de salute Po-  
 puli Ro. extimescebat: in qua etiam suam inclusam esse  
 uidebat. in summo tamen timore quiescendum sibi esse  
 arbitrabatur. maxime uero perturbatus est: ut audiuit  
 Consules ex Italia profugisse: omnesque Consulares, sic  
 enim nunciabatur: cunctum Senatum, totam Italiam,  
 esse effusam. talibus enim nuncijs et rumoribus pate-  
 bat ad orientem uia: nec ulli ueri subsequebantur. ni-  
 hil ille de conditionibus tuis, nihil de studio concordiae,  
 et pacis, nihil de conspiratione audiebat certorum ho-  
 minum contra dignitatem tuam. quae cum ita essent: ta-  
 men usque eo se tenuit: quoad a Cn. Pompeio ad eum le-  
 gati literaeque uenerunt. Ignosce, ignosce Caesar, si eius  
 uiri authoritati Rex Deiotarus cessit: quem nos omnes  
 secuti sumus: in quem, cum dii atque homines omnia or-  
 namenta congersissent: tum tu ipse plurima, et maxi-  
 ma. neque enim si tuae res gestae caeterorum laudibus ob-  
 scuritatem attulerunt: ideo Cn. Pompeij memoriam  
 amisimus. quantum nomen eius fuerit, quanta opes, quae



et in omni genere bellorum gloria, quanti honores Po-  
 puli romani, quanti Senatus, quanti tui, quis ignorat?  
 tanto ille superiores uicerat gloria: quanto tu omnibus  
 praestitisti. itaq; Cn. Pompeij bella, uictorias, triumphos,  
 consulatus admirantes numerabamus: tuos enumerare  
 non possumus. Ad eum igitur Rex Deiotarus uenit hoc  
 misero fataliq; bello: quem ante iustis hostilibusq; bel-  
 lis adiunxerat: quo cum erat non hospitio solum, uerū  
 etiam familiaritate coniunctus. Et uenit, uel rogatus,  
 ut amicus: uel accersitus, ut socius: uel euocatus, ut is, q  
 Senatui parere didicisset. postremo uenit ut ad fugien-  
 tem, non ut ad insequētem: id est ad periculi, nō ad ui-  
 ctoriae societatem. itaq; Pharsalico praelio facto, à Pom-  
 peio discessit: spem infinitam persequi noluit: uel offi-  
 cio, si quid debuerat: uel errori, si quid nescierat: satis-  
 factum esse duxit: domum se contulit: tēq; Alexandri-  
 num bellum gerente, utilitatibus tuis paruit. ille exer-  
 citum Cn. Domitij amplissimū uiri, suis tectis, et copijs  
 sustentauit: ille Ephesum ad eum, quem tu ex tuis fide-  
 lissimum, et probatissimum omnibus delegisti: pecuniā  
 misit: ille iterum, ille tertio auctionibus factis pecuniam  
 dedit: qua ad bellum uteretur: ille corpus suum pericu-  
 lo obiecit: tecumq; in acie contra Pharnacem fuit: tu-  
 umq; hostem, esse duxit suum. Quae quidem à te in eā  
 partem accepta sunt Caesar: ut eum amplissimo Regis  
 honore et nomine affeceres. Is igitur non modo à te  
 periculo liberatus, sed etiam honore amplissimo orna-  
 tus, arguitur domū te suae interficere uoluisse. quod tu,  
 nisi eum furiosissimum iudicās: suspicari profecto non po-  
 tes. ut enim omittam, cuius tanti sceleris fuerit, in conspe-  
 ctu deorū penatium necare hospitem: cuius tantae im-



PRO DEIOTARO.

portunitatis, omnium gentium, atq; omnis memoriae clarissimum lumen extinguere: cuius tantæ ferocitatis, uictorem orbis terrarum non extimescere: cuius tam inhumani, et ingrati animi, à quo Rex appellatus esset: in eum Tyrannum inueniri: ut hæc omittam: cuius tanti furoris fuit? omnes Reges, quorum multi erant finitimi: omnes liberos populos, omnes socios, omnes provincias, omnia deniq; omnium arma contra se unum excitare? quonam ille modo cum regno, cum domo, cum coniuge, cum clarissimo filio distractus esset? tanto scelere non modo perfecto, sed etiam cogitato? At credo hæc homo inconsultus & temerarius nõ uidebat? quis consideratior illo? quis rectior? quis prudentior? quam hoc loco Deiotarum non tam ingenio, & prudentia, quàm fide & religione uitæ defendendum putato. nota tibi est hominis probitas C. Cæsar: noti mores: nota constantia. cui porro, qui modo Populi Romani nomen audiuit: Deiotari integritas, grauitas, uirtus, fides non sit audita? quod igitur facinus, nec in hominem imprudentem cadere posset, propter metum præsentis exitij: nec in facinorosum, nisi esset idem amētissimus: id uos & à uiro optimo, & ab homine minime stulto cogitatum esse confingitis. At quàm non modo non credibiliter, sed ne suspiciose quidem. Cum inquit in castellum Luceium uenisses: & domum Regis hospitis tui diuertisses: locus erat qdam: in quo erant ea composita: quibus te Rex munere constituerat. huc te è balneo, prius quàm acumberes: ducere uolebat. ibi enim erant armati, qui te interficerent: in eo ipso loco collocati. En crimen, en causa, cur Regem fugitiuus, dominum seruus acuset. Ego me hercule Cæsar initio, cum est ad me ista causa



delata: Phidippum medicum, seruum regum, qui cum  
 legatis missus esset: ab ipso adolescente existimari esse  
 corruptum. hac suspitione sum percussus: medicum indi-  
 cem subornabit: finget uidelicet aliquod crimen ueneni.  
 Et si a ueritate longe, tamen a consuetudine criminan-  
 di non multum res abhorrebat. Quid ait medicus? ni-  
 hil de ueneno. at id fieri potuit, primo occultius in po-  
 tione, uel cibo: deinde etiam impunius fit: quod, cum  
 est factum: negari potest. si palam te interemisset: o-  
 mnium in se gentium non solum odia, sed etiam arma  
 conuertisset. si ueneno: Iouis illius quidē hospitalis nu-  
 men nunquam cælare potuisset: homines uero fortasse  
 cælasset. quod igitur et occultius conari, et efficere cau-  
 tius potuit: id tibi et medico callido, et seruo, ut puta-  
 bat, fideli non credidit? de armis, de ferro, de insidijs  
 cælare te noluit? At quā festiue crimen cōtexitur? Tua  
 te inquit eadem, quæ semper, fortuna seruauit. negau-  
 isti tum te inspicere uelle. quid postea? an Deiotarus re il-  
 lo tempore non perfecta, continuo dimisit exercitum?  
 nullus erat alius insidiandi locus? At eodē te cum ce-  
 nauisses rediturum dixeras. itaq; fecisti. horam unam  
 aut duas eodem loco armatos, ut collocati fuerant, reti-  
 nere magnum fuit? cum in conuiuium comiter, et incun-  
 de fuisses: tum illuc inisti ut dixeras. quo in loco Deiotar-  
 um talem erga te cognouisti: qualis rex Attalus in P.  
 Africanum fuit: cui magnificētissima dona ut scriptū  
 legimus, usq; ad Numantiam misit ex Asia: quæ Afri-  
 canus inspectante exercitu accepit. Quod cum præsens  
 Deiotarus regio et animo, et more fecisset: tu in cubi-  
 culum discessisti. Obsecro Cæsar repete temporis illius  
 memoriam: pone illum ante oculos diem: uultus homi-



PRO DEIOTARO.

num te intuētum, atq; admirantium recordare. num-  
quæ trepidatio? numqui tumultus? nunquid, nisi mo-  
derate, nisi quiete, nisi ex hominis grauiſſimæ & ſan-  
ctiſſimæ diſciplina? quid igitur cauſæ excogitari poteſt?  
cur te lautum uoluerit, cœnatum noluerit occidere? In  
poſterum inquit diem diſtulit: ut cum in caſtellum Lu-  
ceium uentum eſſet: ibi cogitata perficeret. Non uideo  
cauſam loci mutandi: ſed tamen acta res criminoſe eſt.  
cum inquit uomere te poſt cœnam uelle dixiſſes: in bal-  
neum te ducere cœperunt. ibi enim erant inſidiæ. at te  
eadem tua fortuna ſeruauit. in cubiculum te ire malle  
dixiſti. Diſ te perdant fugitiue: ita non modo nequam,  
& improbus, ſed & fatuus, & amens es. quid? ille ſi-  
gna ænea in inſidijs poſuerat? quæ è balneo in cubicu-  
lum transferri nō poſſent? Habes crimina inſidiarū.  
nihil enim dixit amplius. horum inquit eram conſcius.  
quid tum? ita demens ille erat? ut eum, quem conſcium  
tanti ſcleris habebat: a ſe dimitteret? romam etiā mit-  
teret? ubi & inimiciſſimum ſciret eſſe nepotem ſuum,  
& C. Cæſarem, cui feceſſet inſidias: præſertim cum is  
unus eſſet: qui poſſet de abſente ſe uindicare? Et fra-  
tres meos inquit, quod erant conſcij: in uincula coniecit.  
cum igitur eos uinciret: quos ſecum habebat: te ſolutum  
Romam mittebat: qui eadem ſcires: quæ illos ſcire di-  
cis. Reliqua pars accuſationis duplex fuit: una, regē  
ſemper in ſpeculis fuiſſe: cum à te animo eſſet alieno.  
altera, exercitum eum contra te magnum comparafſe.  
De exercitu dicam breuiter ut cætera. nunquam eas co-  
pias Rex Deiotarus habuit: quibus inferre bellum Po-  
pulo Ro. poſſet: ſed qbus fines ſuos ab excuſionibus ho-  
ſtum, & latrocinijſ tueretur: & Imperatoribus noſtris



auxilia mitteret. Atq; antea quidē maiores copias alere poterat: nunc exiguas uix tueri potest. At misit ad Caelium nescio quem. sed eos, quos misit, quod ire noluerunt: in uinula coniecit. non quæro quā uerisimile sit: aut non habuisse Regem quos mitteret: aut eos, quos misisset, non paruisse: aut qui dicto audientes in tanta re non fuissent: eos uinctos potius q̄ necatos fuisse. sed tamen cum ad Caelium mittebat: utrum causam illā uictam esse nesciebat? an Caelium istum magnū hominē putabat? quem profecto is, qui optime nostros homines nouit: uel quia nō nosset: uel si nosset: contemneret. Ad-didit etiam illud, equites nō optimos, misisse. ueteres credo Cæsar: nihil ad tuum equitatum. sed misit ex ijs, quos habuit: electos. At nescio quem ex eo numero seruum iudicatum. non arbitror: non audiui. sed in eo, etiam si accidisset: culpam Regis nullam fuisse arbitrarer. Alie no autē a te animo fuit. quomodo? sperauit credo difficiles tibi Alexandria fore exitus propter regionis naturam, & fluminis. At eo ipso tempore pecuniam dedit: exercitum aluit: quem Asia præfeceras, ei nulla in re defuit: tibi uictori non solum ad hospitium, sed ad periculum etiam, atq; ad aciem præsto fuit. Secutum est bellum Africanum. graues de te rumores sparsi: qui etiam furiosum illum Caelium exortauerunt. quo tum erga te rex animo fuit? qui auctionatus sit: seseq; expoliare maluerit: quā tibi pecuniam non subministrare. At eo inquit tempore ipso Niceam, Ephesumq; mittebat: qui rumores Africanos exciperent: & celeriter ad se referrent. itaq; cum esset ei nunciatum, Domitium naufragio peruisse: te in castello circumsederi: de Domitio dixit uersum Græcum eadem sententia: qua etiam nos ha-



PRO DEIOTARO.

bemus Latinum: Pereant amici: dum una inimici inter  
cidant. quod ille, si esset tibi inimicissimus: nunquam ta-  
men dixisset. ipse enim mansuetus: uersus immanis. qui  
autem Domitio poterat esse amicus: qui tibi esset inimi-  
cus? tibi porro inimicus cur esset? a quo cum uel interfi-  
ci belli lege potuisset: regem & se, & filium suum consti-  
tutos esse meminisset? Quid deinde furcifer? quo progre-  
ditur? ait hac læticia Deiotarum elatum, uino se obrui-  
isse: in conuiuioq; nudum saltauisse. quæ crux huic fu-  
gituo potest satis supplicij afferre? Deiotarum saltantem  
quisquam aut ebrium uidit unquam? omnes sunt in  
illo rege uirtutes: quod te Cæsari ignorare non arbitror:  
sed præcipue singularis, & admiranda frugalitas. &  
si hoc uerbo scio laudari Reges non solere. frugi homi-  
nem dici, non multum laudis habet in rege. fortem, in-  
stum, seuerum, grauem, magnanimum, largum, benefi-  
cium, liberalem, hæ sunt regis laudes. illa priuata est.  
ut uolet quisq; accipiat: ego tamen frugalitatem, idest mo-  
destiam, & temperantiam uirtutem esse maximam iu-  
dico. hæc in illo est ab ineunte ætate, tum a cuncta Asia,  
tum a magistratibus legatisq; nostris, tum ab Equitibus  
Romanis, qui in Asia negociati sunt: perspecta, & co-  
gnita. multis ille quidem gradibus officiorum erga  
Remp. nostram ad hoc regium nomen ascendit. sed ta-  
men quicquid a bellis Populi Ro. uacabat: cum homi-  
nibus nostris consuetudines, amicitias, res, rationesq;  
iungebat: ut non solum Tetrarcha nobilis, sed optimus  
paterfamilias, & diligentissimus agricola, & pecuari-  
us haberetur. qui igitur adolescens nondum tanta glo-  
ria præditus nihil unquam nisi seuerissime, & graui-  
sime fecerit: is ea existimatione, eaq; ætate saltauit? Im-



tari potius castor aui mores, disciplinamq; debebas: q̄  
 optimo et clarissimo uiro fugitiui ore maledicere. quod  
 si saltatorem auum habuisses: neq; eum uirum, unde pu-  
 doris pudicitiaq; exempla peterentur: tamen hoc male  
 dictum minime in illam aetatem conueniret. quibus il-  
 le studijs ab ineunte aetate se imbuerat: non saltandi,  
 sed bene ut armis, optime ut equis uteretur: ea tamen  
 illum cuncta iam aetate exacta defecerant. itaq; Deiota-  
 rum cum plures in equum sustulissent: quod haerere in  
 eo senex posset, admirari solebamus. hic uero adole-  
 scens, q̄ meus in Cilicia miles, in Graecia commilito fu-  
 it: cum in illo nostro exercitu equitaret cum suis delectis  
 equitibus: quos una cum eo ad Pompeium pater mise-  
 rat: quos concursus facere solebat? quam se iactare?  
 quam se ostentare? quam nemini in illa causa studio et  
 cupiditate concedere? cum uero exercitu amisso, ego qui  
 pacis semper author fui: post Pharsalicum autem pra-  
 lium suator fuisset armorum non deponendorum, sed  
 abiiciendorum: hunc ad meam auctoritatem non potui  
 reuocare: quod et ipse ardebat studio ipsius belli: et  
 patri satisfaciendum esse arbitrabatur. felix ista domus:  
 quae non impunitatem solum adepta sit: sed accusandi  
 etiam licentiam. calamitosus Deiotarus: qui ab eo, qui in  
 iisdem castris fuerit, non modo apud te, sed etiam a su-  
 is accusetur. uos uestra secunda fortuna Castor non po-  
 testis sine propinquorum calamitate esse contenti. Sine  
 sane inimicitiae: quae esse non debebant. rex enim De-  
 iotarus uestram familiam abiectam, et obscuram è te-  
 nebris in lucem uocauit. quis tuum patrem antea, qui  
 esset, quam cuius gener esset, audiuit? sed quamuis in-  
 grate, et impie necessitudinis nomen repudiaueritis: ta-



PRO DEIOTARO.

men inimicitias hominum more gerere poteratis: non si  
 esto crimine insectari: non expetere uitam: non capitis  
 arcessere. Esto concedatur hæc quoque acerbitalis, et odij  
 magnitudo. adeo neque etiam omnia uitæ, salutisque com-  
 munis, atque etiam humanitatis iura uiolentur? seruum  
 sollicitare uerbis, spe, præmijsque corrumpere, adducere  
 domum, contra dominum armare, hoc est non uni pro-  
 pinquo, sed omnibus familijs bellum nefarium indicere.  
 nam ista corruptela serui si non modo impunita fuerit:  
 sed etiam a tanta auctoritate approbata: nulli parietes  
 nostram salutem, nullæ leges, nulla iura custodient. ubi  
 enim id, quod intus est, atque nostrum, impune euolare  
 potest: contraque nos pugnare: fit in domum seruitus: in  
 seruitute dominatus. O tempora, O mores: Cn. Domiti-  
 us ille, quem nos pueri Cōsulem, Censorem, Pontificem  
 maximum uidimus: cum Tribunum plebis M. Scaurum  
 principem ciuitatis in iudicium populi uocauisset: Scau-  
 rumque seruus ad eum clam domum uenisset: et crimina  
 in dominum delaturum se esse dixisset: comprehendere  
 hominem iussit: ad Scaurumque deduci. uide quid inter-  
 sit? et si inique Castorem Domitio comparo. sed tamen,  
 ille inimico seruum remisit. tu ab auo abduxisti. ille in-  
 corruptum audire noluit. tu corrupisti. ille adiutorem ser-  
 uum contra dominum repudiavit. tu etiam accusatorem  
 adhibuisti. At semel iste est corruptus a uobis? non ne  
 cum esset productus: et cum tecum fuisset: refugit ad  
 legatos? non ne etiam ad hunc Cn. Domitium uenit?  
 non ne audiente hoc Ser. Sulpitio clarissimo uiro, qui  
 tum casu apud Domitium coenabat: et hoc T. Torqua-  
 to optimo adolescente, se a te corruptum, tuis promissis  
 in fraudem impulsus esse confessus est? Quæ est ista



tam impudens, tam crudelis, tam immoderata inhu-  
 manitas? Itaque in hanc urbem uenisti? ut huius urbis  
 iura & exempla corrumperes? domesticaq; tua inhu-  
 manitate nostrae ciuitatis humanitatem inquinares? At  
 quam acute collecta crimina? Blesamius inquit, eius  
 enim nomine optimi hominis, nec tibi ignoti, maladice-  
 bat tibi: ad regem inquit scribere solebat: te inuidiose  
 Tyrannum existimari: statua inter Reges posita animos  
 hominum uehementer offensos: plaudi tibi non solere.  
 nonne intelligis Caesar, ex urbanis maliuolorum ser-  
 munculis haec ab istis esse collecta? Blesamius Tyran-  
 num Caesarem scriberet? multorum enim ciuium capita  
 uiderat? multos iussu Caesaris uexatos, uerberatos, nec  
 tos? multas afflictas, et euersas domos? armatis militibus  
 refertum forum? quae semper in ciuili uictoria sensimus:  
 ea te uictore non uidimus. solus inquam es C. Caesar:  
 cuius in uictoria ceciderit nemo nisi armatus. & quem  
 nos liberi in summa Reip. libertate nati non modo non  
 Tyrannum, sed etiam clementissimum in uictoria ui-  
 demus duce: is Blesamio, qui uiuit in regno: Tyran-  
 nus uideri potest? Nam de statua quis queritur? una prae-  
 fertim? cum tam multas uideat? ualde enim inuiden-  
 dum est eius statuae: cuius trophaeis non inuidemus. na-  
 si locus affert inuidiam: nullus locus est ad statuam qui  
 dem rostris clarior. De plausu autem quid responde-  
 am? qui nec desideratus unquam a te est: & nonnun-  
 quam obstupefactis hominibus ipsa admiratione com-  
 pressus est: & fortasse eo praetermissus: quia nihil uul-  
 gare te dignum uideri potest. Nihil a me arbitror  
 praetermissum: sed aliquid ad extremam causae partem  
 reservatum. id autem aliquid est: te ut planè Deiotaro



PRO DEIOTARO.

reconciliet oratio mea. non enim iam metuo, ne tu illi  
succenseas. illud uercor: ne tibi illum succensere aliquid  
suscipere. quod abest longissime mihi crede Caesar. quid  
enim retineat per te meminit: non quid amiserit: neque  
se a te multatum arbitratur: sed, cum existimaret mul-  
tis tibi multa esse tribuenda: quæ minus assequi in alte-  
ra parte potuisset: ea sumeres ab illo non recusauit. Ete-  
nim si Antiochus magnus ille Rex Asiæ, cum postea quæ  
a Scipione deuictus Tauro tenus regnare iussus esset:  
omnemque hanc Asiam, quæ est nunc nostra provincia:  
amississet: dicere est solitus: benigne sibi a Populo Ro. esse  
factum: quod nimis magna procuratione liberatus mo-  
dicis regni terminis uteretur: potest multo facilius se Deio-  
tarus consolari. ille enim furoris multam sustinuerat:  
hic erroris. omnia tu Deiotaro Caesar tribuisti: cum et  
ipsi, et filio nomen regum concessisti. Hoc nomine re-  
tento atque conseruato, nullum beneficium Populi roma-  
ni, nullum iudicium de se Senatus immutatum putat:  
magno animo et erecto est: nec unquam succumbet ini-  
micis: ne fortunæ quidem. multa se arbitratur et pepe-  
risse antea factis, et habere in animo, atque uirtute: quæ  
nullo modo possit amittere. quæ enim fortuna? aut quis  
casus? aut quæ tanta possit iniuria, omnium Imperato-  
rum de Deiotaro decreta delere? ab omnibus enim est  
ornatus: qui, postquam in castris esse potuit per ætatem:  
in Asia, Cappadocia, Ponto, Cilicia, Syria, bella gesse-  
runt. senatus uero iudicia de illo tam multa, tamque hono-  
rifica, quæ publicis Populi Ro. literis, monumentisque con-  
signata sunt: quæ unquam uetustas obruet? aut quæ tan-  
ta delebit obliuio? quid de uirtute eius dicam? quid de  
magnitudine animi? grauitate? constantia? quæ omnes



docti, atq; sapientes summa, quidam etiam sola bona esse dixerunt: hisq; non modo ad bene, sed etiam ad beate uiuendum contentam uirtutem esse. Hæc ille reputans, & dies & noctes cogitans, non modo tibi non succenset (esset enim non solum ingratus: sed etiam amens) uerum omnem tranquillitatem, et quietem senectutis acceptam refert clementiæ tuæ. quo quidem animo cum antea fui: tum non dubito quin tuis literis, quarum exemplum legi: quas ad eum Tarracone huic Blesamio disti: se magis etiam erexerit: ab omniq; sollicitudine abstraxerit. iubes enim eum bene sperare: & bono esse animo. quod scio te non frustra scribere solere. memini enim iisdem ferè uerbis ad me te scribere: meq; tuis literis bene sperare nõ frustra esse iussum. Laboro equidem Regis Deiotari causa: quo cum mihi amicitiam Resp. conciliauit: hospitium uoluntas utriusq; coniunxit: familiaritatem consuetudo attulit: summam uero necessitudinem magna eius officia in me, et in exercitum meum effecerunt: sed cum de illo laboro: tum de multis amplissimis uiris: quibus semel ignotum à te esse oportet: nec beneficium tuum in dubium uocari: nec hæere in animis hominum sollicitudinem sempiternam: nec accidere, ut quisquam te timere incipiat eorum, qui semel à te sint liberati timore. Non debeo C. Cæsar quod fieri solet in tantis periculis tentare: quonammodo dicendo misericordiam tuam commouere possim. nihil opus est. occurrere ipsa solet supplicibus, & calamitosis nullius oratione euocata. propone tibi duos reges: & id animo contemplare, quod oculis non potes: dabis profecto misericordiæ: quod iracundiæ negauisti. multa sunt tuæ clementiæ monumenta: sed maxime eorum incolu-



PRO DEIOTARO.

mitates: quibus salutem dedisti. quæ si in priuatis gloriosa sunt: multo magis commemorabuntur in regibus. semper regum nomen in hac ciuitate sanctum fuit. sociorum uero regum, et amicorum, sanctissimum. quod nomen hi reges ne amitterent, te uictore timuerunt: retentum uero, et à te confirmatum posteris etiã suis tradituros esse confido. corpora uero sua, pro salute Regum suorum hi legati tibi regij tradunt, Hieras, et Blesamius, et Antigonus tibi, nobisq; omnibus iam diu noti: eademq; fide, et uirtute præditus Dorialus: qui nuper cum Hiera legatus est ad te missus: tum Regum amicissim, tum tibi etiam probati, ut spero. Exquire de Blesamio, nunquid ad Regem contra dignitatem tuam scripserit? Hieras quidem causam omnem suscipit. et criminibus illis pro Rege se supponit reum: memoriam tuam implorat: qua uales plurimum. negat unquam se à te in Deiotari Tetrarchia pedem discessisse: in primis finibus tibi se præsto fuisse dicit: usq; ad ultimos profectum: cum è balneo exisses: tecum se fuisse: cum illa munera inspexisses cœnatus: cum in cubiculo recubisses: eandemq; assiduitatem tibi se præbuisse postredie. quamobrem, si quid eorum, quæ obiecta sunt: cogitatum sit: non recusat, quin id facinus suum iudices. Quo circa C. Cæsar uelim existimes, hodierno die sententiam tuam aut cum summo dedecore miserrimam pestem importaturam esse regibus: aut incolumẽ famã cum salute. quorum alterum optare illorum crudelitatis est: alterum conseruare clementiæ tuæ.







str  
ma  
con  
nec  
luri  
it, ier  
ex  
in  
mr  
del  
gra  
eius  
prim  
qua  
ad  
ma  
ref  
in  
les  
m  
Ser



## IN M. ANTONIVM PHILIPPI-

## CA PRIMA. ORATIO.

## XLI III.

Ntequam de republica Patres C. dicam ea, quae dicenda hoc tempore arbitror: exponam uobis breuiter consilium et profectionis, et reuersionis meae.

Ego cum sperarem aliquando ad uestrum consilium auctoritatemque Rempublicae esse reuocatam: manendum mihi statuebam quasi in uigilia quadam consulari, ac senatoria. nec uero usquam discedebam: nec a Republica deieceram oculos, ex eo die, quo in eadem telluris conuocati sumus. in quo templo, quantum in me fuit, ieci fundamenta pacis: atheniensiumque renouaui uetus exemplum: graecum etiam uerbum usurpauit: quod tum in sedandis discordiis usurpauerat ciuitas illa: atque omnem memoriam discordiarum obliuione sempiterna delendam censi. praecleara tum oratio M. Antonij: egregia etiam uoluntas: pax denique per eum, et per liberos eius cum praestantissimis ciuibus confirmata est. atque his principibus reliqua consentiebant. ad deliberationes eas, quas habebat domi de republica: principes ciuitatis adhibebat: ad hunc ordinem res optimas deferebat: summa cum dignitate et constantia ad ea, quae quaesita erant, respondebat: nihil tum, nisi quod erat notum omnibus, in C. Caesaris commentariis reperiebatur. num qui exules restituti? unum aiebat: praeterea neminem. num immunitates datae? nullae respondebat. assentiri etiam nos Ser. Sulpitio clarissimo uiro uoluit: nequa tabula post



# PHILIPPICA

Idus Martias ullius decreti Cæsaris, aut beneficij fige-  
retur. multa prætereo: eaq; præclara. ad singulare enim  
M. Antonij factum festinat oratio. Dictaturam, quæ  
uim iam regiae potestatis obsederat: funditus ex Rep.  
sustulit. de qua ne sententias quidem diximus. scriptum  
senatus cōsultum, quod fieri uellet: attulit. quo recitato,  
authoritatem eius summo studio secuti sumus: eiq; am-  
plissimis uerbis per senatus consultum gratias egimus.  
lux quædam uidebatur oblata, non modo regno, quod  
pertuleramus: sed etiā regni timore sublato: magnūq;  
pignus ab eo Reip. datum: se liberam ciuitatem esse uel-  
le: cum Dictatoris nomen, quod sæpe iustum fuisset: pro-  
pter perpetuæ dictaturæ recentem memoriam funditus  
ex Rep. sustulisset. liberatus cædis periculo paucis post  
diebus Senatus: unctus impactus est fugitino illi: qui in  
C. Marij nomen inuaserat. atq; hæc omnia communiter  
cum Collega. alia porro propria Dolobellæ. quæ nisi  
Collega abfuisset: credo eis fuisse futura communia. Nam  
cum serperet in urbe infinitum malum: idq; maneret  
in dies latius: ydemq; bustum in foro facerent: qui illā  
insepultam sepulturam effecerant: & quotidie magis  
magisq; perditihomines, cum suis similibus seruis, te-  
tis ac templis urbis mnarentur: talis animaduersio fie-  
it Dolobellæ cum in audaces sceleratosq; seruos, tum in  
impuros, & nefarios liberos: talisq; euersio illius exe-  
crate columnæ: ut mirum mihi uideatur: tam ualde  
reliquum tempus ab illo uno die dissensisse. ecce enim  
Cal. Iunij, quibus ut adessemus edixerat: mutata oia.  
nihil per Senatum: multa & magna per seipsum &  
absente populo & inuito. Consules designati se audere  
negabant in Senatum uenire: patriæ liberatores urbe



carebant ea: cuius à ceruicibus iugum feruile deice-  
rant. quos tamen ipsi Consules, & in concionibus, & in  
omni sermone laudabant. ueterani qui appellabantur:  
quibus hic ordo diligentissime cauerat: non ad conser-  
uationem earum rerum, quas habebant: sed ad spem  
nouarum prædarum inatabantur. quæ cum audire  
malem: quam uidere: haberemq; ius legationis liberum:  
ea mente discessi: ut adessem Cal. Ianuarij: quod ini-  
tium Senatus cogendi fore uidebatur. Exposui P. C.  
profectionis consilium. nunc reuersionis, quæ plus admi-  
rationis habet: breuiter exponam. Cum Brundisi-  
um, iterq; illud, quod tritum in Græciam est: non sine  
causa uitauissem: Cal. sextilibus ueni Syracusas: quod  
ab urbe ea transmissio in Græciam laudabatur. quæ ta-  
men, mihi urbs coniunctissima, plus una me nocte, ca-  
piens retinere non potuit. ueritus sum, ne meus repen-  
tinus ad meos necessarios aduentus suspicionis aliquid  
afferret: si essem commoratus. cum autem me ex Sicilia ad  
Leucopetram, quod est promontorium a gri rhegini: uen-  
ti detulissent: ab eo loco conscendi, ut transmitterem. nec  
ita multum prouectus, reiectus austro sum in eum ipsum  
locum, unde conscenderam. cumq; intempesta nox esset:  
mansissemq; in uilla P. Valerij comitis, & familiaris  
mei: postridieq; apud eundem uentum expectans mane-  
rem: nuncipes Rhegini complures ad me uenerunt: ex  
his quidam Roma recentes: à quibus primum accipio  
M. Antonij concionem: quæ ita mihi placuit: ut ea lecta  
de reuersione primum cœperim cogitare. nec multo  
post, edictum Bruti affertur, & Casij. quod quidem  
mihi, fortasse quod eos, etiam plus Reip. quàm familia-  
ritatis gratia diligo: plenum ætatis uidebatur. adde-

uuu ij



# PHILIPPICA

bant præterea (fit enim plerumq; ut ij, qui boni quid uolunt afferre: affingant aliquid: quo faciant id, quod nunciant, lætius) Remp. conuenturam Cal. Sextilibus: Senatum frequentem fore: Antonium repudiatis malis suasoribus, remissis Gallijs provincijs, ad auctoritatem Senatus esse rediturum: tum uero tanta sum cupiditate incensus ad reditum: ut mihi nulli neq; remi, neq; uenti satisfacere. non quo me ad tempus occursum putarem: sed ne tardius, quam cuperem, Reip. gratularer. Atq; ego celeriter Veliam deuectus Brutum uidi, quanto meo dolore non dico. turpe mihi ipsi uidebatur, in eã urbem me audere reuerti: ex qua Brutus excederet: & ibi uelle tuto esse: ubi ille non posset. neq; uero illum similiter, atq; ipse eram, commotum esse uidi. erectus enim maximè, ac pulcherrimè facti conscientia, nihil de suo casu, multa de nostro querebatur. ex quo primum cognoui, quæ Cal. Sextilibus in Senatu fuisset L. Pisonis oratio. qui quanquam parũ erat (id enim ipsum a Bruto audieram) a quibus debuerat, adiutus: tamen & Bruti testimonio, quo quid potest esse grauius? et omnium prædicatione, quos postea uidi: magnam mihi uidebatur gloriam consecutus. Hunc igitur ut sequeretur propeperi: quem præsentem non sunt secuti: non ut proficerem aliquid (neq; enim sperabam id: neq; perficere poteram) sed ut, siquid mihi humanitus accidisset (multa autem impendere uidebantur præter naturam etiam, præterq; fatum) huius diei uocem testem reipub. relinquerem meæ perpetuæ erga se uoluntatis. Quoniam utriusq; consilij causam P. C. probatam uobis esse confido: prius quàm de Rep. dicere incipio: pauca querar de hesternæ M. Antonij iniuria: cui sum amicus: idq; non



nullo eius officio debere esse, prae me semper tuli.  
Quid tandem erat causa? cur in Senatum hesterno die  
tam acerbe cogerer? solus ne aberam? an non saepe mi-  
nus frequenter fuisset? an ea res agebatur? ut etiam a gro-  
tos deferri oporteret? Annibal credo erat ad portas?  
aut de Pyrrhi pace agebatur? ad quam causam etiam  
Appium illum & coecum & senem delatum esse me-  
moriae proditum est. de supplicationibus referebatur. quo  
in genere Senatores deesse non solent. coguntur enim  
non pignoribus, sed eorum, quorum de honore agi-  
tur, gratia. quod idem fit, cum de triumpho refertur.  
ita sine cura Consules sunt: ut penè liberum sit Senato-  
ri non adesse. qui cum mihi mos notus esset: cumq; e-  
uia languerem: et mihi met displicerem: nisi pro amicia  
qui hoc diceret. at ille uobis audientibus, cum fabris  
se domum meam uenturum esse dixit. nimis iracunde  
hoc quidem, & ualde intemperanter. cuius enim male-  
ficij ista poena est? ut dicere in hoc ordine auderet: se  
publicis operis disturbaturum publice ex Senatus sen-  
tentia aedificatam domum? quis autem unquam tanto  
damno Senatorem coegit? aut quid est ultra pignus, aut  
multam? qui si scisset quam sententiam dicturus es-  
sem: remisisset aliquid profecto de seueritate cogendi. an  
me censetis P. C. quod uos inuiti se cuti estis: decreturum  
fuisse? ut parentalia cum supplicationibus miscerentur?  
ut inextinguibiles religiones in Remp. inducerentur? ut de-  
cernerentur supplicationes mortuorum? nihil dico quis  
fuerit ille L. Brutus: qui & ipse regio dominatu Remp.  
liberauit: & ad similem uirtutem, & simile factum  
sarpem in propè quingentesimum annum propagauit:  
adduci tamen non possem: ut quenquam mortuum con-



# PHILIPPICA

iungerem cum deorum immortalium religione: ut cuius sepulchrum nusquam extet, ubi parentetur: ei publice supplicetur. Ego uero eam sententiam dixissem Patres conscripti: ut me aduersus populum Ro. si quis accidisset grauior Reip. casus: si bellum, si morbus, si fames: facile possim defendere: quæ partim iam sunt: partim tamen meo ne impendant. sed hoc ignorent dum immortales uelim et populo romano, qui id non probat: et huic ordini, qui decreuit inuitus. Quid de reliquis Reip. malis? licet ne dicere? mihi uero licet, et semper licebit, dignitatem tueri: mortem contemnere. potestas modo ueniendi in hunc locum sit: dicendi periculum non recesso. Atque utinam P. C. Cal. Sextilibus adesse potuissem: non quo profici potuerit aliquid: sed ne unus modo Consularis, quod tum accidit: dignus illo honore, dignus Rep. inueniretur. quia quidem ex re magnum accipio dolorem: homines amplissimis populi Ro. beneficijs usos L. Pisonem ducem optimæ sententiæ non secutos. itaque ne nos populus Ro. consulares fecit? ut in altissimo gradu dignitatis locati Remp. pro nihilo haberemus? non modo uoce nemo L. Pisoni Consularis, sed ne uultu quidem assensus est. quænam (malum) est ista uoluntaria seruitus? fuerit quædam necessaria. nec ego hoc ab omnibus ijs desidero: qui sententiam loco Consulari dicunt. alia causa est eorum: quorum silentio ignosco: alia eorum: quorum uocem requiro. quos quidem doleo in suspicionem populo Ro. uenire: non metu, quod ipsum est turpe: sed alium alia de causa deesse dignitati suæ. quare primum maximas gratias et habeo, et ago, L. Pisoni: qui non quid efficere posset in rep. cogitauit: sed quid ipse facere deberet. deinde à uobis P. C. peto: ut



etiam, si sequi minus audebitis orationem atq; authori-  
tatem meam: benigne tamē me, ut fecistis adhuc, audia-  
tis. Primum igitur acta Caesaris seruanda censeo. nō  
quo probem: quis enim id quidem potest? sed quia ra-  
tionem habendam maxime arbitror pacis, et ocij. uel-  
lem adesset Antonius: modo sine aduocatis. sed, ut opi-  
nor, licet ei minus ualere: quod mihi heri per illum  
non licebat. doceret me, uel potius uos P. C. quemadmo-  
dum ipse Caesaris acta defenderet. an in commentario-  
lis, & chirographis, & libellis se uno auctore prola-  
tis, ac ne prolatis quidem, sed tantummodo dictis, acta  
Caesaris firma erunt? quæ ille in æs incidit: in quo popu-  
li iussa, perpetuasq; leges esse uoluit: pro nihilo habebū-  
tur? Egdem existimo nihil tam esse in actis Caesaris, q̄ le-  
ges Caesaris. an si cui quid ille promissit: id erit fixum?  
quod idem facere non potuit: ut multis multa promissa  
nō fecit. quæ tamen multo plura reperta sunt illo mor-  
tuo: quam uiuo beneficia per omnes annos tributa, &  
data. sed ea non muto: non moueo: summo etiam studio  
præclara illius acta defendo. pecunia utinam ad eadem  
opus maneret. cruenta quidem illa: sed his temporibus,  
cum ijs quorum est, non redditur: necessaria. quanquam  
ea quoq; sit effusa: si ita in actis eius fuit. ecquid est?  
quod tam proprie dici possit actum eius, qui togatus in  
Rep. cum potestate, imperioq; uersatus sit: quàm lex?  
quære acta Grachi: leges Sempronie proferentur: quæ-  
re Scyllæ: Corneliæ. quid? Cn Pompei tertius Consu-  
latus, in quibus actis consistit: nempe in legibus. à Cæ-  
sare ipso si quæeres, quid nam egisset in urbe, & toga?  
leges multas responderet se, & præclaras tulisse. chiro-  
grapha uero aut mutaret: aut non daret: aut, si dedis-



# PHILIPPICA

set: non istas res in actis suis duceret. Sed ea ipsa con-  
cedo: quibusdam in rebus etiam conuincio. in maximis  
uero rebus, id est legibus, acta Cæsaris dissolui, fren-  
dum non puto. Quæ lex melior, utilior, optima etiam  
in Rep. sæpius flagitata? quàm ne Prætoriae provinciae  
plusquam annum, ne plusquam biennium Consulares  
obtinerentur? hac lege sublata uidentur ne uobis acta  
Cæsaris seruari? quid? ea lege, quæ promulgata est de  
tertia Decuria iudicum: non ne omnes iudiciariae leges  
Cæsaris dissoluantur? Et uos acta Cæsaris defenditis:  
qui leges eius euertitis? nisi forte, si quid memoriæ causa  
retulit in libellum: id numerabitur in actis: Et quamuis  
iniquum et inutile sit, defendetur? quod ad populum Centu-  
ratis comitis tulit: id in actis Cæsaris non habebitur? At  
quæ est ista tertia decuria? centurionum inquit. quid? isti or-  
dini iudicatus lege Iulia, etiã ante Põpeia, Aurelia non  
patebat? census præfiniebatur inquit. non Centurioni qui-  
dem solum, sed Equiti etiam romano. itaque uiri fortis-  
simi atque honestissimi, qui ordines duxerunt: res Et iu-  
dicant: Et iudicauerunt. Non quæro inquit istos: qui-  
cunque ordinem duxit, iudicet. at si feratis, quicunque equo  
meruisset: quod est laudatius: nemini probaretis. in iudi-  
ce enim spectari et fortuna debet, et dignitas. Non quæro  
inquit ista: addo etiã iudices manipulares ex legione Alau-  
darum. aliter enim nostri negant posse se saluos esse. O  
contumeliosum honorem istis, quos ad iudicandum nec opinan-  
tes uocatis. Hic enim est legis index: ut ij in tertia De-  
curia iudicent: qui libere iudicare non audeant. in quo  
quantus est error dum immortales eorum, qui istam legem  
ex cogitauerunt. ut enim quisque sordidissimus uidebitur: ita  
libertissime seueritate iudicandi sordes suas elucet: labora-



bitq; ut honestis Decurijs potius dignus uideatur: q̄ in  
turpes iure coniectus. Altera promulgata lex est: ut  
et de ui, et de maiestate damnati, ad populum pro-  
uocent, si uelint. Hæc uirum tandem lex est? an legum  
omnium dissolutio? quis enim est hodie? cuius intersit  
istam legem manere? nemo reus est istis legibus: nemo,  
quem futurum putemus. armis enim gesta, nunquam  
profecto in iudicium uocabuntur. At res popularis?  
utinam quidem uelletis aliquid esse popolare. omnes  
enim iam ciues de Reip. salute una et mente, et uo-  
ce consentiunt. quæ est igitur ea cupiditas eius legis fe-  
rendæ? quæ turpitudinem summam habeat: gratiam  
nullam? quid enim turpius quàm qui maiestatem po-  
puli romani per uim minuerit: eum damnatum iudi-  
cio, ad eam ipsam reuerti: propter quam sit iure da-  
mnatus? sed quid plura de lege disputo? quasi uero id  
agatur: ut quisquam prouocet. id agitur: id fertur: ne q̄s  
omnino unquã istis legibus reus fiat. quis enim aut ac-  
cusator tam amens reperietur? qui reo condemnato obij-  
ci se multitudini conductæ uelit? aut iudex? qui reum  
damnare audeat: ut ipse ad operas mercenarias statim  
protrahatur? nõ igitur prouocatio ista lege datur. sed duæ  
maxime salutare leges, quæstionesq; tolluntur? quid est  
igitur aliud? quàm adhortari adolescentes, ut turbulen-  
ti, et seditiosi, ut perniciosi ciues uelint esse? quam au-  
tem ad Reip. pestem furor tribunitius impelli non pote-  
rit, his duabus quæstionibus de ui, et de maiestate sub-  
latis? quid? quod abrogatur his legibus Cæsaris, quæ  
iubent, ei, qui de ui, itemq; ei, qui maiestatis damna-  
tus sit: aqua et igni interdicti? quibus cum prouocatio  
datur: non ne acta Cæsaris rescinduntur? Quæ quidẽ



# PHILIPPICA

ego P.C. qui illa nunquam probavi: ita conseruanda  
concordiæ causa arbitratus sum: ut non modo, quas ui-  
uus Cæsar leges tulisset, infirmandas hoc tempore non  
putarem: sed ne illas quidem, quas post mortem Cæsaris  
prolatas esse & fixas uidetis. de exilio reducti sunt a  
mortuo: ciuitas data non solum singulis, sed etiam na-  
tionibus, & prouincijs uniuersis: immunitatibus infini-  
tis sublata uectigalia à mortuo. ergo hæc uno uiro opti-  
mo auihore domo prolata defendimus. eas leges, quas  
ipse uobis inspectantibus reitauit: pronunciauit: tulit:  
quibus latis gloriabatur: ijsq; legibus Remp. contineri  
putabat: de prouincijs, de iudicijs: eas inquam Cæsaris  
leges nos, qui defendimus acta Cæsaris: euerendas pu-  
tabimus? Ac de ijs tamen legibus, quæ promulgatæ  
sunt: saltem queri possumus: de ijs, quæ iam latæ dicun-  
tur: ne illud quidem licuit. illæ enim nulla promulga-  
tione latæ sunt ante, quàm scriptæ. Quærent quid sit:  
cur aut ego, aut quisquam uestrum P.C. bonis Tribu-  
nis pl. leges malas metuat. paratos habemus, qui inter-  
cedant: paratos, qui Remp. religione defendant: uacui  
metu esse debemus. quas tu mihi intercessionem inquis?  
quas religiones? eas scilicet, quibus Reip. salus contine-  
tur. ne gligimus ista: & nimis antiqua, & stulta duci-  
mus. forum sepietur: omnes claudentur aditus: armati  
in præsijs multis in locis collocabuntur. qd tum? quod  
erit ita gestum: id lex erit? & in æs incidi iubebitis?  
credo illa legitima: quæ Consules populum iure roga-  
uerunt. hoc enim à maioribus accepimus ius rogandi:  
populus quæ iure sciuit. qui populus? is ne, qui exclu-  
sus est? quo iure? an eo, quod ui & armis omne subla-  
tum est? Atq; ego hoc dico de futuris: quod est augurū:



antedicere ea, quæ uitari possunt: quæ si facta nõ erũt: refelletur oratio mea. loquor de legibus promulgatis: de quibus est integrum uobis. demonstro uicia: tollite. denuncio uim, arma: remouete. Irasci quidem mihi Dolobella pro Rep. dicenti non oportebit. quanquam quidem te id facturum non arbitror. noui enim facilitatem tuam. collegam tuum aiunt in hac sua fortuna, quæ bona ipsi uidetur: mihi, ne grauius quippiam dicam: auorum et auunculi sui consulatum si imitaretur: fortunatior uideretur. sed eum iracundum audio factum. uideo autem quàm sit odiosum, habere iratum eundem, & armatum: cum tanta præsertim gladiatorũ sit impunitas. sed pro mam ius ut opinor æquum: quod M. Antonium non arbitror repudiaturum. ego si quid in uitam eius, aut in mores contumeliæ dixero: quo minus mihi inimicus sinus sit, non recusabo. si consuetudinem meam, quam semper in Rep. habui: tenuero: id est si libere, quæ sentiam, de Rep. dixero: primũ deprecor ne irascatur. deinde, si hoc non impetro: peto, ut sic irascatur: ut quibus armis utatur, si ita necesse est, ut dicat, sui defendendi causa: uis qui pro Rep. quæ ipsis uisa erunt, dixerint: ista arma ne noceant. qd hac postulatione dici potest æquius? Quod si, ut à quibusdam mihi eius familiaribus dictum est: omnis eum quæ habetur contra uoluntatem eius oratio, grauius offendit: etiam si nulla inest contumelia: feremus arma naturam. sed ydem illi ita mecum: non idem tibi aduersario Cæsaris licebit: quod Pisoni scero. et simul admonent quiddam: quod cauebimus: nec erit inhor P. C. in Senatum non ueniendi morbi causa: quàm mortis. Sed per deos immortales, te enim intuens Dolobella, qui es mihi charissimus: non possum



# PHILIPPICA

de utriusq; uestrum errore reticere. credo enim uos ho-  
mines nobiles, magna quædam spectantes, non pecuni-  
am, ut quidam nimis creduli suspicantur: quæ semper  
ab amplissimo quoq; clarissimoq; contempta est: non  
opes uiolentas, & populo ro. minime ferendam poten-  
tiam, sed charitatem ciuium & gloriam concupisse. ea  
autem est gloria, et laus, recte factorum, magnorumq;  
in Remp. meritorum. quæ cum optimi cuiusq; tum etiã  
multitudinis testimonio comprobatur. Dicerem Dolobel-  
la qui recte factorum fructus esset: nisi te pulis per esse  
expertum uideremus. quem potes recordari in uita tibi  
illuxisse diem lætiorem? quàm cum expiato foro, dissi-  
pato concursu impiorum, principibus sceleris poena af-  
fectis, te domum recepisti? cuius ordinis? cuius generis?  
cuius deniq; fortunæ studia tum laudi, & gratulatio-  
ni tuæ se non obtulerunt? quin mihi etiam, quo autho-  
re te in ijs rebus uti arbitrabantur: & gratias boni ui-  
ri agebant: et tuo nomine gratulabatur. recordare quæ-  
so Dolobella consensum illum theatri: cum omnes earũ  
rerum obliuisci, propter quas tibi fuerant offensi: signifi-  
cauerunt se beneficio nouo memoriam doloris ueteris ab-  
iecisse. hanc tu potuisti Dolobella (magno loquor cum do-  
lore) hanc tu inquam æquo animo potuisti tantam di-  
gnitatem deponere? Te autem M. Antoni absentem ap-  
pello: unum illũ diem, quo in æde Telluris Senatus fuit:  
non omnibus ijs mensibus, quibus te quidam multum  
à me dissentientes beatum putant: anteponis? quæ fuit  
oratio de concordia? quanto metu ueterani, quanta solli-  
citudine ciuitas tum à te liberata est? cum tuum Colle-  
gam depositis inimicijs, oblitus auspiorum, auguria te  
ipso augure nunciante, illo primum die Collegam tibi



esse uoluisti: reip. tuus paruus filius in Capitolium à te  
missus pacis obses fuit. quo Senatus die lætior? quo popu-  
lus romanus? qui quidē nulla in concione unquam fre-  
quentior fuit. tum deniq; liberati per uiros fortissimos  
uidebamur: quia, ut illi uoluerant, libertatem pax con-  
sequebatur. proximo, altero, tertio, deniq; reliquis con-  
secutis diebus non intermittebas quasi donum aliquod  
quotidie afferre rei publicæ. maximum autem illud:  
quod dictaturæ nomen sustulisti. hæc iniusta est à te, à  
te inquam, mortuo Cæsari nota ad ignominiam sem-  
piternam. ut enim propter unius M. Manlij scelus, de-  
creto, gentis Manliæ neminem patricium M. Manlium  
uocari licet: sic tu propter unius dictatoris odium, no-  
men dictatoris funditus sustulisti. num huiusce, cum pro  
salute Reip. tanta gessisses: fortunæ te? num amplitudi-  
nis? num claritatis? num gloriæ poenitebat? unde igitur  
subito tanta ista mutatio? non possum adduci, ut suspi-  
cer, te pecunia captum. licet quod cuiq; libet, loquatur:  
credere non est necesse. nihil enim unquam in te sordi-  
dum, nihil humile cognoui. quanquam solent domesti-  
ci deprauare nonnunquam. sed noui firmitatem tuā:  
atq; utinam ut culpam, sic etiam suspicionem uitare po-  
tuisses. illud magis uereor: ne ignorans uerum iter glo-  
riæ, gloriosum putes, plus te unum posse: quàm omnes:  
Et metui à ciuibz tuis, quàm diligi malis. quod si ita  
putas: totam ignoras uiam gloriæ. carum esse ciuem,  
bene de Rep. mereri, laudari, coli, diligi, gloriosum est.  
metui uero Et in odio esse, inuidiosum, detestabile, im-  
becillum, caducum. quod uidemus etiam in fabulis, ipsis  
illis, qui, oderint dum metuunt, dixerint: pueriosum fui  
se. Utinam Antoni auum tuum meminisses: de quo te-



# PHILIPPICA

men multa audisti ex me sepiissime. putas ne illum im-  
mortalitatem mereri uoluisse: ut propter armorum me-  
tuendorum licentiam metueretur? illa erat uita: illa se-  
cunda fortuna: libertate esse parem cum cæteris: princi-  
pem dignitate. itaq; ut omittam res aui tui prosperas: a-  
cerbissimum eius diē supremum malim: quā L. Cinnæ  
dominatum: à quo ille crudelissime est interfectus.  
Sed quid oratione te flectam? si enim exitus C. Cæsa-  
ris efficere hoc non potest: ut malis carus esse: quā me-  
tui: nihil cuiusquam proficiet, nec ualebit oratio. quem  
qui beatum fuisse putant: miserrimi ipsi sunt. beatus est  
nemo: qui ea lege uiuit: ut non modo impune, sed etiā  
cum summa interfectoris gloria interfici possit. Quare  
te flecte te queso: & maiores tuos respice: atq; ita guber-  
na rem publicam: ut natum te esse ciues tui gaudeant:  
sine quo nec beatus, nec clarus esse quisquam potest. Et  
populi quidem ro-iudicia multa ambo habetis: quibus  
uos non satis moueri permoleste fero. qd enim gladi-  
atorij clamores innumerabilium ciuium? quid populi  
uersus? quid Pompei statuæ plausus infiniti? quid ij Tri-  
buni plebis, qui uobis aduersantur? parum ne hæc si-  
gnificent, incredibiliter consentientem populi ro-uni-  
uersi uoluntatem? quid Appollinarium ludorum plau-  
sus? uel testimonia potius? & iudicia populi romani?  
uobis parua esse uidebantur? O' beatos illos: qui cum  
adesse ipsis, propter uim armorum, non licebat: aderāt  
tamen: & in medullis populi romani ac uisceribus  
hærebant. nisi forte Actio tum plaudi: & sexagesimo  
post anno palmam dari putabatis: non Bruto: qui ijs lu-  
dis ita caruit: ut in illo apparatissimo spectaculo stu-  
dium populus romanus tribuerit absenti: desiderium



liberatoris sui perpetuo plausu et clamore leniret. Eque-  
dem is sum: q̄ istos plausus, cum à popularibus quibus  
tribueretur: semper contempserim. idēq; cum à summis,  
medijs, infimis, cum deniq; ab uniuersis, hoc idem fit:  
eūq; ij, q̄ ante seq̄ populi consensum solebant: fugiunt:  
nō plausum illum, sed iudiciū puto. sin̄ hæc leuiora uo-  
bis uidentur: quæ sunt grauissima: num etiam hoc con-  
temnitis? quod sensistis tam caram populo ro. uitam A.  
Hircij fuisse? satis enim erat, probatum illum esse popu-  
lo romano, ut est: iucundum amicis, in quo uincat o-  
mnes: carum suis, quibus est ipse charissimus. tantam  
tamen sollicitudinem bonorum, tantum timorem omni-  
um, in quo meminimus? certe in nullo. quid igitur? hoc  
uos per deos immortales quale sit non interpretamini?  
quid eos de nostra uita cogitare censetis? quibus eorum,  
quos sperant Reipub. consulturos: uita tam cara sit?

Cæpi P. C. reuersionis meæ fructum: quoniā ea dixi:  
ut quicunq; casus consecutus esset: extaret conscientia  
meæ testimonium: Et sum à uobis benigne, ac diligenter  
auditus. quæ potestas si mihi sæpius sine meo uestroq; pe-  
riculo fiet: utar. si minus: quantum potero, non tam mihi  
me, quàm Reip. reseruabo. mihi ferè satis est, quod uixi,  
uel ad ætatem, uel ad gloriam. huc si quid accesserit:  
non tam mihi, quàm uobis, Reiq; publicæ accesserit.



IN M. ANTONIVM, PHILIPPI-  
CA SECVNDA. ORATIO.

XLV.

*Exordiu*  
Vnam meo fato P.C. fieri dicam: ut  
nemo his annis uiginti Reip. hostis fue-  
rit: qui non bellum eodem tempore  
mihi quoq; indixerit. Nec uero necesse  
est à me quenquam nominari uobis:  
cum ipsi recordemini. mihi poenarum illi, plusquam op-  
ptarem, dederunt. te miror Antoni quorum facta imi-  
tere: eorum exitus non perhorrescere. Atq; hoc in alijs  
minus mirabar. nemo illorum mihi inimicus fuit uo-  
luntarius: omnes à me Reip. causa laceffi. tu, ne uerbo  
quidem uiolatus, ut audacior quàm L. Catilina, furio-  
sior, quàm P. Clodius uiderere: ultro maledictis me la-  
ceffisti: tuamq; à me alienationem ad ciues impios tibi  
*putauisti* gloriae fore putauisti. quid putem? contemptum ne me?  
non uideo nec in uita, nec in gratia, nec in rebus gestis,  
nec in hac mea mediocritate ingenij, quid despicere pos-  
sit Antonius. an in Senatu facillime detrahi posse credi-  
dit? qui ordo clarissimis ciuibus bene gestae reipublicae  
testimonium multis, mihi uni conseruatae dedit. an de-  
certare mecum uoluit contentione dicendi? hoc quidem  
beneficium est. quid enim plenius? quid uberius? quàm  
mihi & pro me, & contra Antonium dicere. illud  
profecto est. non existimauit suis simulibus probari posse,  
se esse hostem patriae: nisi mihi esset inimicus. Cui pri-  
us quàm de cæteris rebus respondeo: de amicitia, quam  
à me uiolatam esse criminatus est: quod grauissimum  
crimen iudico



erimen iudico: pauca dicamus. Contra rē suam uenisse me nescio quando questus est. an ego non uenirem contra alienum pro familiari, & necessario, meo? non uenirem contra gratiam, non uirtutis specie, sed ætatis flore collectam? non uenirē contra iniuriā? quam iste intercessoris iniquissimi beneficio obtinuit, non iure prætorio? sed hoc iaculo commemoratum a te puto: ut te in fimo ordini commendares: cum omnes recordarentur libertinum generum, et liberos tuos nepotes Q. fadi libertini hominis fuisse. Atenim te in disciplinam meam tradideras. nam ita dixisti. domum meam uentituras. ne tu, si id fecisses, melius famæ, melius pudiciæ tuæ consulisses. sed nec fecisti: nec si cuperes: tibi id per C. Curionem facere licuisset. Auguratus petitionem mihi te concessisse dixisti. O' incredibile audaciam: O' impudētiam prædicandam. quo enim tempore me Augurē a toto Collegio expetitur Cn. Pompeius, & Q. Hortensius nominauerūt: neq; enim licebat a pluribus nominari: nec tu soluendo eras: nec te ullo modo nisi euer sa Rep. fore incolumem putabas. poteras autem eo tempore Auguratum petere: cum in Italia Curio non esset? aut tum, cum es factus, unam iribum sine Curione ferre potuisses? cuius etiam familiares de ui condemnati sunt: quod tui nimis studiosi fuissent. At beneficio sum usus tuo? quo? quanquam illud ipsum, quod commemoras, semper præ me tuli. malui me tibi debere confiteri: quàm cuiquam minus prudenti nō satis gratus uideri. sed quo beneficio? quod me Brundusij non occideris? quem ipse uictor, qui tibi, ut tute gloriari solebas, detulerat ex latronibus suis principatum: saluum esse uoluisset: in Italiam ire iussisset: eum tu occideres? fac potuisse. quod est

xxx



# PHILIPPICA

beneficia  
latronum

aliud P. C. beneficium latronum: nisi ut commemora-  
re possint, his se uitam dedisse: quibus non ademerint?  
quod si esset beneficium: nunquam ij, qui illum interfece-  
runt, a quo erant seruati: quos tu ipse uiros clarissimos  
appellare soles: tantam essent gloriam consecuti. quale  
autem beneficium est? quod te abstineris a nefario  
scelere? qua in re, non tam iucundum uideri mihi de-  
buit: non interfectum a te: quam miserum: id te impu-  
ne facere potuisse. Sed sit beneficium. quandoquidem ma-  
ius accipi a latrone nullum potuit. in quo potes me di-  
cere ingratum? an de interitu Reip. queri non debui,  
ne te ingratus uiderer? an in illa querela misera qdam,  
& luctuosa, sed mihi pro hoc gradu, in quo me Sena-  
tus populusq; Ro. collocauit: necessaria, quid dictum a  
me cum contumelia? quid non moderate? quid non am-  
ce? Et quidem cuius temperantiae fuit: de M. Antonio  
querentem, abstinere maledicto? praesertim cum tu reli-  
quias Reip. dissipauisses: cum domi tuae turpissimo mer-  
catu omnia essent uenalia: cum leges eas, quae nunquam  
promulgatae essent: & de te, & a te latas confiterere:  
cum auspicia Augur, intercessionem Consul sustulisses:  
cum esses foedissime stipatus armatis: cum omnes impu-  
ritates pudica in domo quotidie susciperes, uino lu-  
strisq; confectus. At ego, tanquam mihi cum M. Crasso  
contentio esset: quo cum multae, & magnae fuerunt: non  
cum uno gladiatore nequissimo: de Rep. grauitur que-  
rens, de homine nihil dixi. itaq; hodie perficiam: ut in-  
telligat quantum tum a me beneficium acceperit. At  
etiam literas, quas me sibi misisse diceret: recitauit homo  
& humanitatis expers, & uitae communis ignarus. quis  
enim unquam, qui paulum modo bonorum consuetudine



nosset: literas ad se ab amico missas, offensione aliqua  
 interposita in medium protulit. palamq; recitauit: quid  
 hoc est aliud? quam tollere è uita uitæ societatem? tolle  
 re amicorum colloquia absentium? quam multa loca  
 solent esse in epistolis? quæ prolata si sint: inepta esse  
 uideantur? quam multa seria? neq; tamen ullo mo-  
 do diuulganda? sit hoc inhumanitatis tuæ. stulticiâ in-  
 credibilem uidete. quid habes quod mihi opponas ho-  
 mo diserte? ut Mustellæ Tamisio, & Tyroni Numisio  
 uideris. qui cum hoc ipso tempore stent cum gladijs  
 in conspectu Senatus: ego quoq; te disertum putabo: si  
 ostenderis quomodo sis eos inter sicarios defensurus.  
 sed quid oppones tandem? si negem me unquam istas  
 literas ad te misisse? quo me teste conuincas? an chi-  
 ro grapho? in quo habes scientiam quæstuosam. qui pos-  
 sis? sunt enim librarij manu. Iam inuideo magistro tuo:  
 qui te tanta mercede, quantam iam proferam: nihil sa-  
 pere docuit. quid est minus non dico oratoris, sed homi-  
 nis? quam obijcere aduersario: quod ille si uerbo nega-  
 rit: longius progredi nō possit, qui obiecerit. at ego non  
 nego: teq; in isto ipso conuinco non inhumanitatis solū,  
 sed etiam amentię. quod enim uerbum in istis literis est  
 non plenum humanitatis? officij? beniuolentiæ? omne  
 autem crimen tuum est: quod de te in his literis non  
 male existimem: quod scribam tanquam ad ciuem, tan-  
 quam ad bonum uirum, non tanquam ad sceleratum,  
 & latronem. At ego tuas literas, & si iure poteram à  
 te laceissus: tamen non proferam: quibus petis, ut tibi p  
 me liceat quendam de exilio reducere: adiurasq; id te  
 inuito me, non esse facturum: idq; à me impetras. qd  
 enim interponerem audaciæ tuæ? quam neq; authori-

xxx ij



# PHILIPPICA

tas huius ordinis, neq; existimatio populi romani, neq;  
leges ullae possent coercere? uerū tamen qd erat, quod me  
rogares? si erat is, de quo rogabas: Caesaris lege redu-  
ctus? sed uidelicet meam gratiam uoluit esse. in quo,  
ne ipsius quidē ulla esse poterat lege lata. Sed cum  
mihi P.C. & pro me aliquid, et in M. Antonium mul-  
ta dicenda sint: alterum peto à uobis: ut pro me dicen-  
tem benigne, alterum ipse efficiam: ut contra illum  
cum dicam: attente audiatis. simul illud oro: si meam  
cum in omni uita, tum in dicendo moderationem, mo-  
destiamq; cognoscitis: ne me hodie cum isti, ut prouoca-  
uit, respondebo: oblitum esse putetis mei. non tractabo ut  
Consulem. ne ille quidem me ut Consularem. & si ille  
nullo modo Consul: uel quod ita uiuit: uel quod ita  
Rempub. gerit: uel quod ita factus est Consul. ego sine  
ulla controuersia Consularis. ut igitur intelligeretis,  
qualem me esse Consularem profiteretur: obiecit mihi  
Consulatum meum. qui Consulatus uerbo meus P. C.  
re uester fuit. quid enim constitui? quid gessi? nisi ex hu-  
ius ordinis consilio? autoritate? sententia? Hæc tu ho-  
mo sapiens, non solum eloquens, apud eos, quorum con-  
silio, sapientiaq; gesta sunt: ausus es uituperare. quis au-  
tem meum Consulatum, præter P. Clodium, qui uitu-  
peraret inuentus est? cuius quidem te fatum, sicuti C.  
Curionem manet: quoniam id domi tuæ est: quod fuit  
illorum utriq; fatale. non placet M. Antonio Consu-  
latus meus. at placuit P. Seruilio: ut eum primum no-  
minem ex illius temporis Consularibus: qui proxime est  
mortuus: placuit L. Catulo: cuius semper in hac repub.  
uiuet autoritas: placuit duobus Lucullis, M. Crasso,  
Q. Hortensio, C. Curioni, M. Lepido, C. Pisoni, M. Li-



beoni, L. Volcatio, C. Figulo, D. Syllano, L. Murenæ: qui  
 tunc erant Consules designati: placuit idem quod Con-  
 sularibus M. Catoni: qui cum multa, uita excedēs, pro-  
 uidit: tum, quod te Consulem non uidit. maxime ue-  
 ro Consulatum meum Cn. Pompeius probauit: qui, ut  
 me primum decedens ex Syria uidit: complexus, &  
 gratulans meo beneficio patriam se uisurum esse di-  
 xit. sed quid singulos commemoro? frequentissimo Se-  
 natui sic placuit: ut esset nemo: qui mihi non ut pa-  
 renti gratias ageret: q̄ non mihi uitam suā, liberos, for-  
 tunas, rem publicam referret acceptum. Sed quoniam il-  
 lis, quos nominauī, tot & talibus uiris, Respub. orba-  
 ta est: ueniamus ad eos: qui duo ē consulari numero re-  
 liqui sunt. L. Cotta uir summo ingenio, summaq; pri-  
 dentia, rebus his gestis, quas tu reprehendis: supplicatio-  
 nem decreuit uerbis amplissimis: eiq; illi ipsi, quos  
 modo nominauī, Consulares, Senatusq; cunctus assen-  
 sus est. qui honos post conditam hanc urbem habitus  
 est togato ante me nemini. L. Cæsar auunculus tuus,  
 qua oratione, qua constantia, qua grauitate sententiam  
 dixit in sororis suæ uirum, uiricum tuum? hunc tu,  
 cum authorem, & præceptorem omnium consiliorum,  
 totiusq; uitæ debuisses habere: uirici te similem, quā  
 auunculi esse maluisti. huius ego alienus consilijs Con-  
 sul usus sum. tu sororis filius, quid ad eum unquam  
 de Rep. retulisti? ad quos refert dī immortales? ad eos  
 scilicet: quorum nobis etiam dies natales audiēdi sunt.  
 hodie non descendit Antonius. cur? dat natalicia in hor-  
 tis. cui? neminem nominabo. putatote eum Phornioni,  
 alicui, tum Gnatonī, tum Ballioni. O' fœditatem homi-  
 nis flagitiosam: O' impudentiam, nequitiam, libidinem

xxx iij



# PHILIPPICA

non ferendam. tu cum Principem Senatorem, ciuem singularem, tam propinquum habeas: ad eum de Rep. nihil refers: ad eos refers: qui domum suam nullam habent: tuam exhauriunt. tuus uidelicet salutaris Consulatus: perniciosus meus? adeo ne pudorem cum pudicitia perdidisti? ut hoc in eo templo dicere ausus sis: in quo ego Senatum illum, qui quondam florens orbi terrarum praesidebat: consulebam: tu homines perditissimos cum gladijs collocauisti. At etiam ausus es, quid autem est quod tu non audeas? Cluium Capitolinum dicere me Consule plenum seruorum armatorum fuisse. ut illa credo nefaria Senatus Consulta tum fierent, uim afferbam Senatus. O miserum, siue illa tibi nota non sunt: nihil enim boni nosti: siue sunt: qui apud tales uiros tam impudenter loquere. quis enim Eques Romanus? quis praeter te adolescens nobilis? quis ullius ordinis? qui se ciuem meminisset: cum Senatus in hoc templo esset: in Cluo Capitolino non fuit? quis nomen non dedit? quanquam nec scribe sufficere, nec tabulae nomina illorum capere potuerunt. Etenim cum homines nefarii de patriae parricidio confiterentur, consciorum indicijs, sua manu, uoce penè literarum coacti, se urbem inflammare, ciues trucidare, uastare Italiam, delere Remp. consensisse: quis esset? qui ad salutem communem defendendam non excitaretur? praesertim cum senatus populusq; ro. haberet ducem: qualis si quidem nunc esset: tibi idem, quod illis accidit, contigisset. Ad sepulchrum corpus uitrici sui negat à me datum. Hoc uero ne P. quidem Clodius dixit unquam. quem, quia iure ei sui inimicus: doleo à te iam omnibus uicijs esse superatum. Qui autem tibi uenit in mentem, redigere in

suo patris no  
 — — —



memoriam nostram, te domi P. Lentuli esse educatum?  
an uerebare? ne non putaremus natura te potuisse tam  
improbum euadere: nisi accessisset etiam disciplina?

Tam autem eras excors: ut tota in oratione tecum  
ipse pugnares: ut non modo non coherentia inter se di-  
ceres: sed maxime disiuncta, atq; contraria: ut non tan-  
ta tecum, quanta tecum tibi esset contentio. Vitricum  
tuum in tanto fuisse scelere fatebare: poena affectum  
querere. Ita quod proprium meum est: laudasti: quod  
totius Senatus est: reprehendisti. nam cum comprehensio  
fontium, mea, animaduersio, Senatus fuerit: homo diser-  
tus non intelligit eum, quem contra dicit: laudari a se:  
eos, apud quos dicit: uituperari. Iam illud cuius est nō  
dico audaciae (cupit enim se audacem dici) sed, quod mī  
nime uult, stulticiae: qua uincit omnes: cliui Capitolini  
mentionem facere? cum inter subsellia nostra uersentur  
armati: cum in hac cella concordiae (o' dy immortales)  
in qua me Cōsule salutare sententiæ dictæ sunt: quibus  
ad hanc diem uiuimus: cum gladijs homines collocati  
stent. accusa senatum: accusa equestrem ordinem: qui  
tum cum senatu copulatus fuit: accusa omnes ordines: o-  
mnes ciues: dum confiteare hunc ordinem, hoc ipso tem-  
pore, ab Ithyreis circumsederi. hæc tu non propter au-  
daciā dicis tam impudenter: sed, qui tantarum rerū  
repugnantiam non uideas, nihil profecto sapis. quid est  
enim dementius? quā cum ipse contra Remp. pernicio-  
sa arma coeperis: obijcere alteri salutaria? At etiam  
quodam loco facetus esse uoluisti. quam id (dy boni) non  
decebat. in quo est tua culpa nulla. aliquid enim salis  
ab uxore mima trahere potuisti. cædant arma togæ. qd  
tum? non ne cesserunt? at postea tuis armis cessit toga.


xxx iiij



# PHILIPPICA

*Vigiliae  
Cicero ad Atticum*  
 queramus igitur utrum melius fuerit: libertati populi  
 romani, sceleratorum arma, an libertatem nostram ar-  
 mis tuis cedere? Nec uero tibi de uersibus responde-  
 bo. tantum dicam breuiter: neq; illos, neq; ullas te omni-  
 no literas nosse. me nec Reip. nec amicus unquam de-  
 fuisse: & tamen omni genere monumentorum meorum  
 perfecisse operis subactis: ut meae uigiliae, meaeq; literae  
 & inuentuti utilitatis, & nomini Romano laudis ali-  
quid afferrent. sed hoc non huius temporis. ad maio-  
 ra ueniamus. P. Clodium meo consilio interfectum  
 esse dixisti. quid nam homines putarent? si tum occisus  
 esset: cum tu illum in foro spectante populo Ro. gladio  
 stricto insecutus es? negociumq; transegressus: nisi ille se  
 sub scalas tabernae librariae coniecisset? hisq; oppilatis  
 impetum tuum compressisset? sed quid? ego fauisse me ti-  
 bi fateor: suasisse ne tu quidem dicas. at Miloni ne fauere  
 quidem potui. prius enim rem transegit: quam quisqua-  
 tum suspicaretur eum facturum esse. At ego suasi. sci-  
 licet is animus erat Milonis: ut prodesse Reip. sine sua-  
 sore non posset? At laetatus sum. quid ergo? in tanta lae-  
 ticia cunctae ciuitatis me unum tristem esse oportebat?  
 quanquam de morte P. Clodij fuit quaestio no satis pri-  
 detur illa quidem constituta. quid enim attinebat noua  
 lege quaeri de eo? qui hominem occidisset: cum esset legi-  
 bus quaestio constituta? quaesitum est tamen. quid ergo?  
 cum res agebatur: nemo in me dixit: & tot annis post  
 tu es inuentus, qui diceres? Quod uero dicere au-  
 sus es: idq; multis uerbis: opera mea Pompeium a Ca-  
 saris amicitia esse disiunctum: ob eamq; causam mea cul-  
 pa ciuile bellum esse natum: in eo non tu quidem tota-  
 re, sed, quod maximum est, temporibus errasti. Ego M.



Bibulo præstantissimo ciue Consule, nihil prætermisi. quantum facere, enitîq; potui: quin Pompeiû à Cæsaris coniunctione auocarem. in quo Cæsar fuit foelicior. ipse enim Pompeium à mea familiaritate disiunxit. Postea uero quàm se totum Pompeius Cæsari tradidit: quid ego illum ab eo distrahere conarer? stulti erat sperare: suadere impudentis. duo tamen tempora inciderunt: quibus aliquid contra Cæsarem Pompeio suaserim: ea uelim reprehendas si potes. unum, ne quinquenniî imperium Cæsari prorogaretur. alterum ne pateretur fieri, ut absentis eius ratio haberetur. quorum si uirû uis persuasissim: in has miseras nûquam incidissimus. Atq; idem ego cum iam omnes opes suas & Reip. Pompeius ad Cæsarem detulisset: seroq; eadem sentire cœpisset: quæ ego ante multo prouideram: inferriq; patriæ bellum nefarium uiderem: pacis, concordie, compositionis author esse non destiti: meaq; illa uox est nota multis: utinam Cn. Pompei cum C. Cæsare societatem aue-  

nunquam coisses: aut nunquam diremisses. fuit alterû grauitatis, alterum prudentiæ tuæ. Hæc mea M. Antonio semper & de Pompeio & de rep. consilia fuerunt. quæ si ualuisent: Resp. staret: tu tuis flagitijs, egestate, infamia, concidisses. Sed hæc uetera. illud uero recens, Cæsarem meo consilio interfectum. iam uereor P. C. ne, quod turpissimum est: præuicatoremi mihi apponisse uidear: qui me nò solum meis laudibus ornaret: sed etiam honoraret alienis. quis enim meum in istius societate gloriosissimi facti nomen audiuit? cuius autem, qui in eo numero fuisset: nomen est occultatum? occultatû dico? cuius non statim diuulgatum? citius dixerim iactasse se aliquos: ut fuisse in ista societate uideretur so-



# PHILIPPICA

cij: cum socij nō fuissent: quā ut quisquam coelare uellet. quam uerisimile porro est in tot hominibus partim obscuris, partim adolescentibus, neminē occultantibus, meum nomen latere potuisse? etenim si auctores ad liberandam patriam desiderarētur illis auctoribus: Brutus ego impellerem? quorum uterq; L. Bruti imaginem quotidie uideret: alter, etiā Halæ. his igitur maioribus orti ab alienis potius consilium peterent, quā a suis? et foris potius, q̄ domū? quid? C. Cassius in ea familia natus, quæ nō modo dominatum, sed ne potentiā quidē cuiusquam ferre potuit: me auctorem credo desiderauit? qui etiam sine his clarissimis uiris, hanc rem in Ciliciam ad hostium fluminis Cydni coniecisset: si ille ad eā ripam, quā constituerat: non ad contrariā nauis applicuisset. Cn. Domitium non patris interitus clarissimi uiri? non auunculi mors? non spoliatio dignitatis? ad recuperandam libertatem, sed mea auctoritas excitauit? an C. Trebonio persuasi? cui ne suadere quidem ausus essem? quo etiam maiorem ei Respu. gratiam debet: q̄ libertatem populi romani unius amicitiae praeponit: depulsorq; dominatus, quā particeps esse maluit. an L. Tullius Cimber me est auctore secutus? quem ego magis fecisse illam rem sum admiratus: quā facturū putauit. admiratus sum autem ob eam causam: quod immemor beneficiorum, memor patriæ fuisset. quid duos Seruilius, Cascas dicam, an Halas? Et hos auctoritate mea censetis excitatos potius, quā charitate Reipublicae? longum est psequi ceteros: idq; Reip. praeclarū, fuisse tam multos. tū multo ipsis gloriosius est. At quēadmodū me coarguerit homo acutus, recordamini. Caesare interfecto inquit statim cruentum alte extollens M. Brutus pu-



gionem, Ciceronem nominatum exclamauit: atq; ei recuperatam libertatem est gratulatus. Cur mihi potissimum? qui sciebam. Vide ne illa causa fuerit appellandi me: quod cum rem gessisset consimilem rebus istis, quas ipse gesseram: me potissimum testatus est: se æmulum mearum laudum extitisse. tu autem omnium stultissime non intelligis: si id, quod me arguis, uoluisse interfici Cæsarem, crimen sit: etiam latatum esse morte Cæsaris, crimen esse. quid enim interest inter suasorem facti? & probatorem? aut quid refert utrum uoluerim fieri? an gaudeam factum? ecquis est igitur, te excepto, qui illum regnare gaudebas: qui illud aut fieri noluerit? aut factum improbarit? omnes enim in culpa. etenim omnes boni, quantum in ipsis fuit, Cæsarem occiderunt. alijs consilium, alijs animus, alijs occasio defuit: uoluntas nemini. Sed stuporem hominis, uel dicam pecudis, attendite. sic enim dixit. M. Brutus, quem ego honoris causa nomino: cruentum pugionem tenens, Ciceronem exclamauit. ex quo intelligi debet eum conscium fuisse. Ergo ego sceleratus appellor à te: quem tu suspicatum aliquid suspicaris? ille, qui stillantem præ se pugionem tulit: is à te honoris causa nominatur? esto. sit in uerbis tuis hic stupor. quanto in rebus sententijsq; maior? constatue hoc Consul aliquando: Brutorum, C. Cassij, Cn. Domitij, C. Trebonij, reliquorum, quam uelis causam esse: edormi crapulam inquam: & exhalare. an facies admonende sunt? quæ te exatent tantæ causæ indormientem? nunquam ne intelligis statuendum tibi esse, utrum illi, qui istam rem gesserunt: homicidij rei sint? an uindices libertatis? Attende enim paulisper: cogitationemq; sobrij hominis ad punctum temporis suscipe. & ego,



# PHILIPPICA

qui sum illorum, ut ipse fateor, familiaris: ut a te arguor, socius: nego quicquam esse medium. confiteor eos, nisi liberatores populi romani, conservatoresq; Reip. sint: plusquam sicarios, plusquam homicidas, plus etiam q̄ parriadas esse. siquidem est atrocius patriæ parentem, quàm suum occidere. tu homo sapiens & considerate quid dicis? si parriadae: cur honoris causa a te sunt & in hoc ordine, & apud populum Ro. semper appellati? cur M. Brutus te referente legibus est solutus: si ab urbe plusquam decem dies absuisset? cur ludi Apollinares incredibili M. Bruti honore celebrati? cur prouinciae Cassio & Bruto datae? cur quaestores additi? cur legatorum numerus additus? Atq; hæc acta per te. non igitur homicidae. Sequitur ut liberatores tuo iudicio sint: quandoquidem tertium nihil potest esse. Quid est? num conturbo te? non enim fortasse satis, quæ distinctius dicuntur, intelligis. sed tamen hæc est summa conclusionis meæ: quoniam scelere a te liberati sunt: ab eodem te amplissimis præmijs dignissimi iudicati sunt. Itaq; iam retexo orationem meam: scribam ad illos: ut siqui forte, quod a te mihi obiectum est, quærent sit ne uerum? ne cui negent. etenim uereor, ne aut coelatum me ab ipsis, illis non honestum, aut inuitatum refugisse, mihi sit turpissimum. quæ enim res unquam (pro sancte Iupiter) non modo in hac urbe, sed in omnibus terris est gesta maior? quæ gloriosior? quæ cõmendatior erit hominum memoriæ sempiternæ? In huius consilij societate, tanquam in equum Troianum includi cū principibus non recusō. ago etiam gratias, quoquo animo facis. tanta enim res est: ut inuidiam istam, quam tu in me uis concitare: cum laude non comparem. quid



enim beatus illis quos tu expulsos a te praedicat, & re-  
legatos? qui locus est aut tam desertus, aut tam inhu-  
manus? qui illos, quo accesserint: non affari, atque appete-  
re uideatur? qui homines tam agrestes? qui se, cum eos  
aspexerint, non maximum cepisse uitae fructum pu-  
tent? quae uero tam immemor posteritas? quae tam in-  
grata literae reperientur? quae eorum gloriam non im-  
mortalitatis memoria prosequantur. tu uero ascribe me-  
talem in numerum. sed unam rem uereor, ne non pro-  
bes. si enim fuisset: non solum regem, sed regnum et de-  
Reip. sustulisset: & si meus filius ille fuisset (ut dici-  
tur) mihi crede non solum unum actum, sed totam fabu-  
lam confecissem. quanquam si interfici Caesarem uoluisse  
crimen est: uide quaeso Antoni, quid tibi futurum sit:  
quem & Narbone hoc consilium cum C. Trebonio coe-  
pisse notissimum est: & ob eius consilij societatem, cum  
interficeretur Caesar: tum te a Trebonio uidimus seuo-  
cari. Ego autem, uide quam tecum agam non inimice:  
quod bene cogitasti aliquando: laudo: quod non indicat-  
sti: gratias ago: quod non fecisti: ignosco. uirum res illa  
quaerebat. quod si te in iudicium quis adducat: usurpetque  
illud Cassianum: cui bono fuerit: uide quaeso ne haere-  
as. quanquam quidem illud fuit, ut tu dicebas, omnibus  
bono, qui uni seruire nolebant: tibi tamen praecipue: qui  
non modo non seruis: sed etiam regnas: qui maximo te  
aere alieno ad aedem Opis liberaisti: qui per easdem ta-  
bularum innumerabilem pecuniam dissipauisti: ad quam  
domo Caesaris tam multa delata sunt: cuius domus qua-  
stuosissima est falsorum commentariorum, & chirogra-  
phorum officina, agrorum, oppidorum, immunitatum,  
uectigalium, flagitiosissimae nundinae. etenim quae res

*illud Cassia-  
num*



# PHILIPPICA

egestati, & aeri alieno tuo præter mortem Cæsaris sub-  
uenire potuisset? nescio quid conturbatus mihi esse uide-  
ris. nunquid subtimes, ne ad te hoc crimen pertinere ui-  
deatur? liberabo te metu: nemo credet unquam: non  
est tuum de Rep. bene mereri: habet istius pulcherrimi  
facti clarissimos uiros Resp. authores: ego te dico tantum  
gaudere: fecisse non arguo. Respondi maximis crimini-  
bus. nunc etiam reliquis respondendum est. Castra  
mihi Põpei, atq; omne illud tempus obiecasti. quo quidẽ:  
tempore si, ut dixi, meum consilium, authoritasq; ua-  
luisset: tu hodie egeres: nos liberi essemus: Resp. non tot  
duces, & exercitus amisisset. fateor enim me, cum ea, quæ  
acciderunt: prouiderem futura: tanta in mœsticia fuisse:  
quanta cæteri optimi ciues, si idem prouidissent, fuissent.  
dolebam, dolebam P. C. Remp. uestris quondam meisq;  
consilijs conseruatam breui tempore esse perituram: neq;  
uero eram tam indoctus, ignarusq; rerum: ut frange-  
rer animo, propter uitæ cupiditatem: quæ me manens  
conficeret angoribus: dimissa molestijs omnibus liberaf-  
set. illos ego præstantissimos uiros, lumina Reip. uiuere  
uolebam: tot Consulares, tot Prætorios, tot honestissimos  
Senatores, omnem prætereasorem nobilitatis, ac iuuen-  
tutis, tum optimorum ciuium exercitus: qui si uiuerent,  
quamuis iniqua conditione pacis (mihi enim omnis pax  
cum ciuib; bello ciuili utilior uidebatur) Remp. hodie  
teneremus. quæ sententia si ualuisset: ac non ij maxime,  
quorum ego uitæ consulebam: spe uictoriæ elati obstiti-  
sent: ut alia omittam: tu nũquam in hoc ordine, uel po-  
tius nunquam in hac urbe mansisses. At uero Cn.  
Pompei uoluntatem a me abalienabat oratio mea. an il-  
le quenquam plus dilexit? cum ullo aut sermones, aut



consilia contulit sepius? quod quidem erat magnum:  
de summa re dissentientes: in eadem consuetudine ami-  
citiae permanere. sed & ego quid ille, è contra ille quid  
& ego sentirem & spectarem uidebat. ego incolumita-  
ti ciuium primum, & postea dignitati, ille præsenti di-  
gnitati potius consulebat. quod autem habebat uterq;  
quid sequeretur: ita tolerabilior erat nostra dissen-  
sio. Quid uero ille consularis uir, ac penè diuinus de 333  
me senserit, sciunt qui eum Pharsalica fuga Paphum  
prosecuti sunt. Nunq̃ ab eo mentio de me, nisi honorifica,  
nisi plena amicissimi desiderij: cū me uidisse plus fate-  
tur: se sperauisse meliora. & eius uiri nomine me inse-  
ctari audes: cuius me amicum, te sectorem esse fatea-  
re? sed omittatur bellum illud: in quo tu nimium foe-  
lix fuisti. Ne iocis quidem respondebo: quibus me in  
castris usum esse dixisti. erant quidem illa castra plena  
curæ. ueruntamen homines, quamuis in turbidis re-  
bus sint: tamen si modo homines sunt: interdum animis  
relaxantur. quod autem idem moesticiam meam repre-  
hendit: idem iocum: magno argumento sit: me in utroq;  
fuisse moderatum. Hæreditates mihi negasti uenire.  
Vtinam hoc unum uerum crimen essent. plures amici  
mei, et necessarij uiuerent. sed qui istuc tibi uenit in men-  
tem? ego enim amplius HS ducenties acceptum hæredi-  
tatibus retuli. quāquam in hoc genere fateor felicior  
esse te. me nemo nisi amicus fecit heredem: ut cum illo  
commodo, si quod erat, animi quidam dolor iungeretur.  
te is, quē nunquam uidisti: L. Rubrius Cassina fecit hæ-  
redem. & quidem uide, quā te amarit is: qui albus  
ater'ue fueris ignorans, fratris filium præterijt: Q.  
Furij honestissimi equitis Romani, suiq; amicissimi, quē



# PHILIPPICA

palam heredem semper factitabat: ne nomen quidem  
 perscripsit: quem nunquam uiderat: ac ne unquam salu-  
 tauerat: fecit heredem: uelim mihi dicas, nisi molestum  
 est: L. Tursecius qua facie fuerit? qua statura? quo muni-  
 cipio? qua tribu? nihil scio inquires: nisi quæ prædia  
 habuerit: igitur fratrem exheredans te faciebat hære-  
 dem. In multas præterea pecunias alienissimorum ho-  
 minum eiectis ueris heredibus, tanquã heres esset, in-  
 uasit: quanquam hoc maxime admiratus sum: mentionẽ  
 te hereditatum ausum esse facere: cum ipse hereditatem  
 patris non adisses. hæc ut colligeres homo amentissime,  
 tot dies in aliena uilla declamasti? quanquam tu quidem  
 (ut tui familiarissimi dictitant) uini exhalandi, non  
 acuti ingeniij causa declamitas. Tũ uero adhibes io-  
 ci causa magistrum suffragio tuo, & compotorum tuo-  
 rum Rhetorem: cui concessisti, ut in te quæ uellet dice-  
 ret: falsum omnino hominem: sed materia facilis in te  
 & in tuos dicta dicere. Vide autem inter te & auum  
 tuum quid intersit? ille sensim dicebat, quod causæ pro-  
 deisset: tu cursim dicis aliena. at quanta merces Rhetori  
 data est? audite: audite P. C. & cognoscite Reip. uulne-  
 ra: duo millia iugerum Campi Leontini Sex. Clodio  
 Rhetori assignasti, & quidem immunia: ut pro tanta  
 mercede nihil sapere disceres: num etiam hoc homo au-  
 dacissime ex Cæsaris commentarijs? Sed dicam alio lo-  
 co de Leontino agro, & de Campano: quos iste agros  
 ereptos Reip. turpissimis possessoribus iniquauit. Iam  
 enim quoniam criminibus eius satis respondi: de ipso  
 emendatore & correctore nostro quædã dicenda sunt.  
 nec enim omnia effundam. ut si sæpius decertandũ sit:  
 ut erit: semper nouus ueniam. quam facultatem mihi  
 multitudo istius



multitudo istius uiciorū, peccatorumq; largitur. Vis ne igitur te inspiciamus à puero? sic opinor. à principio ordiamur. Tene ne memoria prætextatum te decoxisse? patris inquires ista culpa est. concedo. etenim est pietatis plena defensio. illud tamen audaciæ tuæ: quod sedisti in quatuordecim ordinibus: cum esset lege Roscia decoctoribus certus locus constitutus: quamuis qui fortunæ uicio non suo decoxisset. Sumpsiisti uirilem togam: quam statim muliebrem stolam reddidisti. primo uulgarè scortum: certa flagitij merces: nec ea parua. sed cito Curio interuenit: qui te à meretricio quæstu abduxit: & tanquā stolam dedisset, in matrimonio stabili, & certo locauit. nemo unquam puer emptus libidinis causa tam fuit in domini potestate: quā tu in Curionis. quotiens te pater eius domo sua eiecit? quotiens custodes posuit: ne limen intrares? cum tamen tu nocte socia, hortante libidine, cogente mercede, per tegulas dimittere. quæ flagitia domus illa diutius ferre nō potuit. scis ne me de rebus mihi notissimis dicere? recordare tempus illud: cum pater Curio mœrens iacebat in lecto: filius se ad pedes meos prosternens lachrymās te mihi commendabat: orabat ut te contra suum patrem, si sestertium sexages peteret: defenderē. tantum enim pro te intercessisse dicebat. ipse autem amore ardens, confirmabat, quod desiderium tui dissidij ferre nō posset: se in exilium esse iturum. quo ego tempore tanta mala florētissimæ familiæ sedauī: uel potius sustuli. patri persuasi, ut æs alienum filij dissolueret: redimeret adolescentem summa spe, & animi, & ingenij præditum rei familiaris facultatibus: eumq; à tua non modo familiaritate, sed etiam congreSSIONE patrio iure & potestate prohiberet. hæc tu,

yyy



# PHILIPPICA

cum per me acta meminisses: nisi illis, quos uidemus, gla-  
 dijs consideres: maledictis me prouocare ausus esses? sed  
 iam supra & flagitia omittam. sunt quædam, quæ  
 honeste non possum dicere. tu autem eo liberior: quod  
 ea in te admisisti: quæ a uerecundo inimico audire non  
 posses. Sed reliquum cursum uidete. quem quidem ce-  
 leriter perstringam. ad hæc enim, quæ in civili bello,  
 in maximis Reip. miserijs fecit: & ea, quæ quotidie fa-  
 cit, festinat animus. quæ peto, ut quâquam multo notio-  
 ra uobis, quàm mihi sunt: tamen, ut facitis, attente au-  
 diatis. debet enim talibus in rebus excitare animos nō  
 cognitio solum rerum, sed etiam recordatio: tametsi in-  
 cidamus oportet media: ne nimis sero ad extrema ueni-  
 amus. Intimus erat in tribunatu Clodio. qui sua er-  
 ga me beneficia commemorat: eius omnium incendiorū  
 fax. cuius etiam domi quiddam iam tum molitus est.  
 quid dicam, ipse optime intelligit. Inde iter Alexan-  
 driam contra Senatus auctoritatem, contra religiones.  
 sed habebat ducem Gabinium: qui cum quiduis rectis-  
 sime facere posset. qui tum inde reditus? aut qualis? pri-  
 us in ultimam Galliam, ex Aegypto, quàm domum.  
 quæ autem erat domus? suam enim quisq; domum tum  
 obtinebat: neq; erat usquam tua. domum dico? quid erat  
 in terris: ubi in tuo pedem poneret? præter unum Mi-  
 senum: quod cum socijs tanquam Sisaponem tenebas.  
 Venisti e Gallia ad Quæsturam petendam. aude dice-  
 re prius ad patrem tuum uenisse, quàm ad me. accepe-  
 ram enim iam ante Cæsaris literas: ut mihi satisfaceri  
 paterer a te. itaq; ne loqui quidem sum te passus de gra-  
 tia. postea custoditus sum a te: tu a me obseruatus in pe-  
 titione Quæsturæ. quo quidē tempore P. Clodium ap-



probante populo romano in foro es conatus occidere. cumq; eam rem tua sponte conarere, non impulsu meo: tamen ita predicabas: te non existimare, nisi illum interfecisses: unquam mihi pro tuis in me iniurijs satis esse facturum. In quo demror, cur Milonem impulsu meo rem illam egisse dicas: cum te uliro mihi idem illud deferentem nunquam sim adhortatus. quanquam, si in co perseuerares: ad tuam gloriam rem illam referri malebam: quàm ad meam gratiam. Quæstor es factus. deinde continuo sine Senatus Consulto, sine sorte, sine lege ad Cæsarem cucurristi. id enim unum in terris egestatis, æris alieni, nequitiæ, pditis uitæ rationibus perfugium esse ducebas. ibi te cum & illius largitionibus, & tuis rapinis expleuisses (si hoc est explere: quod statim effundas) aduolas egens ad Tribunatum: ut in eo magistratu, si posses, uirici tui similis esses. accipite nunc quæso non ea, quæ ipse in se, atq; in domesticum dedecus impure, atq; intemperanter, sed quæ in nos, fortunasq; nostras, idest uniuersam Remp. impie ac nefarie fecerit. ab huius enim scelere omnium malorum principium natum reperietis. Nam cum L. Lentulo, C. Marcello consulibus, Cal. Ian. labentem, & propè cadentem Remp. fulcire cuperetur: ipsiq; C. Cæsari, si sano mente esset: consulere uelletis: tum iste ueditum, atq; manipatum Tribunatum, consilijs uestris opposuit: ceruicēsq; suas ei subiecit securi: qua multi in minoribus peccatis occiderunt. In te autem M. Antoni id decreuit Senatus, & quidem incolumis, nondum tot luminaribus extinctis, quod in hostem togatum decerni est solitū more maiorū. et tu apud patres conscriptos cōtra me dicere ausus es: cum ab hoc ordine ego conseruator essem, tu hostis



# PHILIPPICA

Reip. iudicatus. commemoratio illius tui sceleris inter-  
missa est: non memoria deleta. dum genus hominum,  
dum populi Ro. nomen extabit: quod quidem erit, si per  
te licuerit, sempiternum: tua illa pestifera intercessio no-  
minabitur. quid cupide a Senatu, quid temere fiebat?  
cum tu unus adolescens uniuersum ordinem decernere  
de salute Reip. prohibuisti? neq; id semel: sed saepius. neq;  
tu tecum de Senatus auctoritate agi passus es. quid au-  
tem agebatur? nisi ne delere & euertere Remp. fundi-  
tus uelles? cum te neq; Principes ciuitatis rogando, neq;  
maiores natu monendo, neque frequens Senatus agen-  
do, de uendita atque addicta sententia mouere po-  
tuit? tum illud, multis ante tentatis, necessario tibi uul-  
nus inflatum: quod paucis ante te: quorum incolumis  
fuit nemo. tum contra te dedit arma hic ordo consuli-  
bus, reliquisq; Imperijs, & potestatibus. quæ non effu-  
gisses: nisi te ad arma Cæsaris contulisses. tu, tu inquam  
M. Antoni princeps C. Cæsari perturbare omnia cupi-  
enti, causam belli contra patriam inferendi dedisti. quid  
enim aliud ille dicebat? quam causam dementissimi sui  
consilij, & facti afferebat? nisi quod intercessio negle-  
cta, ius Tribunitium sublatum, circumscriptus esset An-  
tonius? omitto quàm hæc falsa: quàm leuia: præsertim  
cum omnino nulla causa iusta cuiquam esse possit, con-  
tra patriam arma capiendi. sed nihil de Cæsare. tibi  
certe confitendum est: causam perniciosissimi belli in  
persona tua constitisse. O' miserum te, si intelligis: mæ-  
seriorem, si non intelligis: hoc literis mandari: hoc  
memoriæ prodi: huius rei ne posteritatem quidem o-  
mnium sæculorum unquam immemorem fore: Con-  
sules ex Italia expulsos: cumq; his Cn. Pompeium: quæ



imperij populi Ro. decus, ac lumen fuit: omnes con-  
 sulares, qui per ualitudinem exequi fugam illam, cla-  
 demq; potuissent: Praetores, Praetorios, Tribunos plebis,  
 magnam partem Senatus, omnem sobolem iuuentutis,  
 unoq; uerbo rempublicam expulsam, atq; extermin-  
 natam suis sedibus. ut igitur in seminibus causa est ar-  
 borum, & stirpium: sic huius luctuosissimi belli semen-  
 tu fuisti. doletis tres exercitus populi Ro. interfectos. in-  
 terfecit Antonius. desideratis clarissimos ciues. eos quoq;  
 eripuit uobis Antonius. auctoritas huius ordinis affi-  
 cta est. affixit Antonius. omnia deniq; quae postea ui-  
 dimus: quid autem mali non uidimus? si recte ratio-  
 cinabimur: uni accepta referemus Antonio. ut Helena  
 troianis, sic iste Reip. causa belli, causa pestis, atq; exi-  
 tij fuit. Reliquae partes Tribunatus principio similes.  
 omnia perfecit. quae Senatus, salua Rep. ne fieri possent,  
 perfecerat. cuius tamen scelus in scelere cognoscite. Re-  
 stituebat multos calamitosos. in his parui nulla mentio.  
 si seuerus: cur non in omnes? si misericors: cur non in  
 suos? sed omitto caeteros. Licinium Lenticulam de alea  
 condemnatum collusorem suum restituit. quasi uero lu-  
 dere cum condemnato non liceret. sed ut quod in alea  
 perdiderat: beneficio legis dissolueret. quam attulisti ra-  
 tionem populo romano, cur eum restitui oporteret? ab-  
 sentem credo in reos relatum: rem indicta causa iudi-  
 catam: nullum fuisse de alea lege iudicium: ui oppres-  
 sum & armis: postremo quod de patruo dicebatur: pe-  
 cunia iudicium esse corruptum. nihil horum. At uir bo-  
 nus, et Rep. dignus. nihil id quidem ad rem. ego tamē,  
 quoniam condenatum esse pro nihilo uis: si ita esset: igno-  
 scerem. hominem uero omnium nequissimum, qui non

y y y iij



PHILIPPICA

dubitaret uel in foro alea ludere: lege quæ est de alea  
condemnatum, qui in integrum restituit: is non aper-  
tissime studium suum ipse profitetur: in eodem uero Tri-  
bunatu, cum Cæsar in Hispaniam proficiens, huic con-  
culcandam Italiam tradidisset: quæ fuit eius peragra-  
tio itinerum? lustratio municipiorum? scio me in rebus  
celebratissimis sermone omnium uersari: eaq; quæ di-  
co, dicturusq; sum, notiora omnibus esse, qui in Italia  
tum fuere: q; mihi: qui nō fui. notabo tamē singulas res:  
etsi nullo modo poterit oratio mea satisfacere uestre  
scientiæ. etenim quod unquam in terris tantum flagitium  
extitisse auditum est? tantam turpitudinem? tantum de-  
decus? v chebatur in effedo Tribunus plebis: lictores lau-  
reati antecedeabant: inter quos aperta lectica mima por-  
tabatur: quam ex oppidis municipales homines honesti  
obuiam necessario prodeuntes, non uero illo, & mimi-  
co nomine, sed uoluntariam salutabant. sequebatur rhe-  
da cum lenonibus: comites nequissimi: reiecta mater a-  
micam impuri filij tanquam murum sequebatur. O  
miserae mulieris fecunditatem calamitosam. horum  
flagitiorum iste uestigijs omnia Municipia, Præfectu-  
ras, Colonias, totam deniq; Italiā impressit. Reliquo-  
rum factorum eius P. C. difficilis est sane reprehensio:  
et lubrice uersatus in bello est. saturauit se sanguine dis-  
simillimorum sui ciuium: fuit felix: si potest ulla esse  
in scelere felicitas. sed quoniam ueteranis cautum esse  
uolumus: quanquam dissimilis est militum causa, et tua:  
illi secuti sunt: tu quæstisti ducem: tamen, ne apud illos  
me in inuidiam uoces: nihil de genere belli dicam. Vi-  
ctor Thessalia Brundisium cum legionibus reuertisti.  
ibi me non occidisti. magnum beneficium. potuisse enim



fateor. quanquam nemo erat eorum, qui tunc tecum fuerunt: qui mihi non censeret parci oportere. tanta enim est charitas patriæ: ut uestris etiam legionibus sanctus essem: quod eam à me seruata esse meminissent. sed fac te dedisse mihi, quod non ademisti: meq; à te habere uitam: quia à te non sit erepta: liceat nunc mihi per tuas contumelias hoc beneficiū sic tueri: ut tuebar: præsertim cum te hæc auditurum uideres. Venisti Brundisium in sinum quidem & complexum tuæ mimulæ. quid est? num mentior? quam miserum est id negare non posse: quod sit turpissimum confiteri. si te municipiorum non pudebat: ne ueterani quidem exercitus? quis enim miles fuit? qui Brundisij illam non uiderit? quis, qui nescierit uenisse eam tot dierum tibi uiam gratulatum? quis qui non indoluerit tam sero se, quem hominem secutus esset, cognoscere? italiæ rursus per cursatio eadem comite mimæ: in oppida, militum crudelis et mæsera deductio: in urbe auri & argenti maximeq; uini foeda direptio. accessit, ut Cæsare ignaro, cum esset ille Alexandria: beneficio amicorū eius magister equitum cōstitueretur. tum existimauit se suo iure cum Hippia uiuere: & equos uectigales Sergio mimo tradere. quid ego istius decreta? quid rapinas? quid hæreditatum possessiones datas? qd ereptas proferā? cogebat egestas: quo se uerteret non habebat: nondum ei tanta à L. Rubrio, non à L. Tursicio hæreditas uenerat: nondum in Cn. Pōpei locum, multorūq; aliorū, qui aberāt: repentinus hæres successerat: erat ei uiuendu latronum ritu: ut tantum haberet: quantum rapere potuisset. sed hæc, quæ robustioris improbitatis sunt: omittamus: loquamur potius de iniquissimo genere leuitatis. Tu istis san-

yyy iij



# PHILIPPICA

cibus, istis lateribus, ista gladiatoria totius corporis firmitate, tantum uini in Hippiae nuptijs exhauseras: ut tibi necesse esset in populi romani conspectu uomere postridie. O rem non modo uisu foedam, sed etiam auditu. si inter coenam, in tuis immanibus illis poculis, hoc tibi accidisset: quis non turpe diceret? in coetu uero populi, negotium publicum gerens, magister equitum, cui ructare turpe esset: is uomens frustis esculentis uinum redolentibus, gremium suum, & totum tribunal impleuit. sed hoc ipse fatetur esse in suis sordibus. ueniamus ad splendida. Caesar Alexandriam se recepit felix, ut sibi quidem uidebatur: mea autem sententia, si quis Reip. sit infelix: felix esse non potest: hasta posita pro aede Iouis Statoris, bona (miserum me, consumptis enim lachrymis, tamen infixus animo haeret dolor) bona inquam Cn. Pompei Magni uoci acerbissimae subiecta praconis. una in illa re seruitutis oblita ciuitas ingemuit: seruiantibusque animus genitus tamen populi Ro. liber fuit. expectantibus omnibus, quis nam esset tam impius: tam demens: tam dijs hominibusque hostis: qui ad illud scelus sectionis auderet accedere: inuentus est nemo, praeter Antonium: praesertim cum tot essent circa hastam illam: qui alia omnia auderent. unus inuentus est: qui id auderet: quod omnium fugisset, & formidasset audacia. tantus igitur te stupor oppressit? uel, ut uerius dicam, tantus furor? ut primum, cum sector sis isto loco natus: deinde cum Pompei sector: non te execrandum populo romano, non detestabilem, non omnes tibi deos, omnes homines, & esse inimicos, & futuros scias? At quam insolenter statim helluo inuasit in eius uiri fortunas: cuius uirtute terribilior erat



populus romanus exteris gentibus, iusticia carior. In  
 eius igitur copias cum se subito ingurgitauisset: exulta-  
 bat gaudio persona de mimo, modo egens, repēte diues.  
 sed ut est apud poetam nescio quem: male parta, male  
 dilabuntur: incredibile ac simile portenti est: quonam  
 modo illa tam multa, quam paucis non dico mensibus,  
 sed diebus effuderit. maximus uini numerus fuit: per  
 magnum optimi pondus argenti: preciosa uestis: multa et  
 lauta suppellex, & magnifica multis locis, nō illa qui-  
 dem luxuriosi hominis, sed tamen abundantis. horum  
 paucis diebus nihil erat. quæ Charybdis tam uorax?  
 Charybdin dico? quæ si fuit: fuit animal uiuum: ocea-  
 nus medijs fidius uix uidetur tot res, tam dissipatas, tā  
 distantibus in locis positas, tam cito absorbere potuisse.  
 nihil erat clausum: nihil obsignatum: nihil scriptum:  
 apothecæ totæ nequissimis hominibus condonabantur:  
 alia mimi rapiebant: alia mimæ: domus erat aleatori-  
 bus referta: plena ebriorum: totos dies potabatur: atq; id  
 locis pluribus: suggeriebantur etiam sæpe, non enim sem-  
 per iste felix: damna aleatoria: conchiliatis Cn. Pompei  
 peristromatis seruorum in cellis lectos stratos uideres.  
 quamobrem desinite mirari hæc tam celeriter esse con-  
 sumpta. non modo unius patrimonii, quamuis amplū,  
 ut illud fuit: sed urbes, et regna tanta nequicia deuo-  
 rare potuisset. At eiusdem ædes etiam & hortos. O' au-  
 daciam immanem: tu ingredi illam domum ausus es?  
 tu illud sanctissimum limen intrare? tu illarum ædiū  
 dijs penatibus os importunissimum ostendere? quā do-  
 mum aliquandiu nemo aspicere poterat: nemo sine la-  
 chrymis præterire: hac te in domo tamdiu diuersari  
 non pudet? in qua quamuis nihil sapias: tamen nihil ti



# PHILIPPICA

bi potest esse iucundum. an tu illa uestibula, rostra, spolia, cum aspexisti: domū tuam te introire putas? fieri nō potest. quamuis enim sine mente, sine sensu sis, ut es: tamen & te, & tua, & tuos nosti. nec uero te unquam neq; uigilantem, neq; in somnis credo mente posse consistere. necesse est, quamuis sis, ut es, uiolentus, & furens: cum tibi obiecta sit species singularis uiri: perterritum de somno excitari: furere etiam sæpe uigilantem. me quidem miseret parietum ipsorum, atq; tectorum. quid enim unquam domus illa uiderat, nisi pudicum, nisi ex optimo more, & sanctissima disciplina? fuit enim ille uir P. C. sicut scitis, cum foris clarus: tum domū admirā dus: neq; rebus exteris magis laudandus: quā institutis domesticis. huius in sedibus pro cubiculis stabula, pro tricliniis popinæ sunt. & si iam negat. nolite, nolite quærere. frugi factus est. illam suā suas res sibi habere iussit: ex duodecim tabulis causam addidit: exegit. q̄ porro? spectatus ciuis? quā probatus? cuius ex omni uita nihil est honestius: quā quod cum mima feat diuortium. At quā crebro usurpat, & Consul, & Antonius? hoc est dicere et Consul, et impudicissimus, et Cōsul, & homo nequissimus. qd enim est aliud Antonius? nam si dignitas significaretur in noīe: dixisset aliquādo credo auus tuus se et Cōsulē, et Antoniū. nunquā dixit. dixisset ēt collega meus, patruus tuus. nisi solus esses Antonius. sed omitto ea peccata: quæ nō sunt earū partium propria: quibus tu Remp. uexauisti. ad ipsas tuas partes redeo: id est ad ciuile bellum. quod natum, conflatum, susceptum, opera tua est: cur ei bello tum propter timiditatem tuam, & propter libidines defuisti? gustaras ciuilem sanguinem: uel potius exorbueras: fueras in acie



pharsalica antesignanus: L. Domitium nobilissimum  
 & clarissimum uirum occideras: multos, qui de praelio  
 effugerant, quorum Caesar nonnullos fortasse seruasset:  
 crudelissime persecutus trucidaras. quibus rebus tantis,  
 talibus, gestis, quid fuit causa, cur in Africam Caesarem  
 non sequerere? cum praesertim belli pars tanta resta-  
 ret? Itaque quem locum apud ipsum Caesarem post eius  
 ex Africa reditum obtinuisti? quo numero fuisti? ca-  
 ius tu imperatoris quaestor fueras: dictatoris magister  
 equitum: belli princeps: crudelitatis author: praedae so-  
 cius: testamenti, ut ipse dicebat, filius: appellatus es de  
 pecunia: quam pro domo, pro hortis, pro sectione debe-  
 bas. primo respondisti plane ferociter: & ne omnia ui-  
 deat contra te: propemodum aequa & iusta dicebas. a  
 me C. Caesar pecuniam? cur potius quam ego ab illo?  
 an ille sine me uicit? an ne potuit quidem? ego ad illius  
 belli civilis causam attuli: ego leges perniciosas rogavi:  
 ego arma contra consules, imperatoresque; populi romani,  
 contra Senatum populumque; romanum, contra deos patrū  
 os, arasque; & focos, contra patriam tuli. num sibi so-  
 li uicit? quorum facinus commune: cur non sit eo-  
 rum praeda communis? ius postulabas. sed quid ad  
 rem? plus ille poterat. itaque exclusis tuis uocibus, & ad  
 te, & ad praedas tuas milites misit: cum repente a te  
 praecleara illa tabula prolata, qui risus hominum de te  
 erat? tantam esse tabulam, tam uarias, tam multas posses-  
 siones: ex quibus praeter partem Miseni, nihil erat, quod is,  
 qui auctionaretur: posset suum dicere. auctionis uero misera-  
 bilis aspectus. uestis Pompei non multa, eaque maculosa: cuius-  
 dam quaedam argentea uasa collisa: sordidata mancipia: ut  
 doleremus quod quae esse ex illis reliquijs: quod uidere pos-



# PHILIPPICA

semus. hanc tamen auctionem heredes L. Rubrij decre-  
to Caesaris prohibuerunt. haerebat nebulo: quo se uerte-  
ret, non habebat. quippe in his ipsis temporibus domi  
Caesaris percussor ab isto missus deprehensus dicebatur  
esse cum fici. de quo Caesar in Senatu aperte in te inue-  
hens, quaestus est. proficiscitur in Hispaniam Caesar, pau-  
cis tibi ad soluendum propter inopiam tuam, prorogatis  
diebus. ne tum quidem sequeris. tam bonus gladiator  
rudem tam cito accepisti? hunc igitur quisquam, qui in  
suis partibus, idest in suis fortunis tam timidus fuerit:  
pertimescat? profectus est tamen aliquando in Hispan-  
niam: sed tuto, ut ait, peruenire non potuit. quo nam mo-  
do igitur Dollobella peruenit? aut non suscipienda  
fuit ista causa Antoni: aut, cum suscepisses: defendenda  
usq; ad extremum. ter depugnauit Caesar cum ciuibus,  
in Thessalia, Africa, Hispania. omnibus affuit his pu-  
gnis Dollobella. in Hispaniensi etiam uulnus accepit. si  
de meo iudicio quaeris: nollem: sed tamen consilium a  
principio reprehendendum: laudanda constantia. tu ue-  
ro quis es? Cn. Pompeij liberi primum patriam repete-  
bant. esto, fuerit partium haec causa communis. repete-  
bant praeterea deos penates patrios, aras, focos, larem  
suum familiarem: in qua tu inuaseras. haec cum pete-  
rent armis q; quorum erant legibus: etsi in rebus ini-  
quissimis quid potest esse aequi? tamen erat aequissimum  
contra Cn. Pompeij liberos Cn. Pompei pugnare secto-  
rem. An tu Narbonae in mensas hospitium cum uome-  
res: Dollobella pro te in Hispania dimicaret? qui uero  
Narbona reditus? Et tamen quaerebat, cur ego ex ipso  
cursu tam subito reuertissem. exposui nuper P. C. causam  
reditus mei. uolui etiam si possem ante Cal. Ian. prodes



se Reipublicæ. nam quod quærebas, quomodo redissem?  
primum luce, non tenebris: deinde cum Calceis, & to-  
ga, nullis nec caligis, nec lacerna. At etiam aspicias me,  
& quidē, ut uideris, iratus. ne tu mecum iam in gra-  
tiam redeas: si scias, quā me pudeat nequitiæ tuæ: cui-  
us te ipsum non pudet. Ex omnium omnibus flagitijs  
nullum turpius uidi: nullū audiui: quā quod qui magi-  
ster equitum fuisse tibi uiderere: in proximū annum con-  
sulatum peteres: uel potius rogares: is per municipia,  
coloniasq; Galliæ: a qua cum Consulatus noster pete-  
batur, non rogabatur: petere Consulatum solebamus:  
cum caligis & lacerna cucurristi. At uidete leuitatem.  
Cum hora diei decima ferē ad saxa rubra uenisset:  
delituit in quadam Cauponula: atque ibi se occultans  
perpotauit ad uesperum. inde Cassia celeriter ad ur-  
bem aduectus domum uenit capite inuoluto. ianitor,  
quis tu? a Marco tabellarius. confestim ad eam, cuius  
causa uenerat: deducatur: eiq; epistolam tradidit. quam  
cum illa legeret flens (erat enim amatorie scripta) caput  
autem literarum, sibi cum illa mimā posthac nihil futu-  
rum: omnem se amorem abiecit illinc: atq; in hanc  
transfudisse. cum mulier fleret uberius: homo misericors  
ferre non potuit: caput aperuit: in collum inuasit. O' ho-  
minem nequam (quid enim aliud dicam? magis proprie  
nihil possum dicere) ergo ut te catamitum, neque opi-  
nato cum ostendisses, præter spem mulier aspiceret: ic-  
circo urbem terrore nocturno, Italiam multorū dierū  
metu perturbasti? Et domi quidem causam amoris ha-  
buit: foris etiam turpiorem. ne L. Plancus prædes tuos  
uenderet productus aut in concione a Tribuno pl. cum  
respondisses, te rei tuæ causa uenisse: populum in te dica-



# PHILIPPICA

ceum etiam reddidisti. Sed nimis multa de nugis. ad maiora ueniamus. Cæsari ex Hispania redeunti obuiam longissime processisti. celeriter isti: et redisti: ut cognosceret te, si minus fortem, attamen strenuum. factus ei rursus nescio quomodo familiaris. habebat hoc omnino Cæsar: quem plane perditum ære alieno, egentemque, si eundem nequam hominem, audacemque cognouerat: hunc in familiaritatem libentissime recipiebat. His igitur rebus præclare commendatus iussus est renunciari Consul, et quidem cum ipso: nihil queror de Dolobella: qui tum est impulsus, elusus, inductus. qua in re quanta fuerit utriusque uestrum perfidia in Dolobellam quis ignorat? ille induxit, ut peteret: promissum, et receptum interuertit: ad seque transtulit. tu eius perfidiæ uoluntatem tuam ascripsisti. Veniunt Cal. Ianuariæ: cogimur in Senatum: inuectus est copiosius multo in istum, et paratus Dolobella: quam nunc ego. hic autem iratus, quæ dixit dij boni: cum primum Cæsar ostendisset, se prius quam proficisceretur, Dolobellam Consulem esse iussurum: quem regant regem, qui et faceret semper eiusmodi aliquid et diceret. sed cum Cæsar ita dixisset: tum hic bonus augur, eo se sacerdotio præditum esse dixit: ut comitia auspicijs uel impedire, uel uiciare posset. idque se facturum esse asseuerauit. In quo primum incredibilem stupiditatem hominis cognoscite. quid enim? istuc, quod te sacerdotij iure facere posse dixisti: si augur non esses: et Consul esses: minus facere potuisses? uide etiam ne facilius. nos enim nunciationem solum habemus: Consules, et reliqui magistratus etiam inspectionem. esto hoc imperite (nec enim ab homine nunquam sobrio postulanda prudentia) sed uidete impudentiam. multis ante



mensibus in Senatu dixit Dolobellæ comitia aut prohi-  
biturum auspicijs: aut id facturum esse, quod fecit: quis-  
quam ne diuinare potest, quid uicij in auspicijs futurum  
sit: nisi qui de cælo seruare constituit: quod neq; licet co-  
mitijs per leges: & si quis seruauit: non habitis comitijs,  
sed prius quam habeatur, debet nunciare. uerum impli-  
cata inscitia, impudentia est: si nescit quod augurem: nec  
facit quod prudentem decet. Atq; illo die recordamini  
eius usq; ad Idus Martias Consulatum. quis unquam  
apparitor tam humilis: tam abiectus: nihil ipse pote-  
rat: omnia rogabat: caput in aduersam lecticam infe-  
rēs, beneficia, quæ uideret, a Collega petebat. Ecce Do-  
lobellæ comitiorum dies: sortitio prærogatæ: quiescit.  
renunciatur: tacet. prima classis uocatur: renunciatur: de-  
inde, ut assolet, suffragia. tum secunda classis uocatur:  
quæ omnia citius sunt facta, quàm dixi. confecto negotio  
bonus augur, Lelium dices: alio die inquit. O' impu-  
dentiam singularem: quid uideras? quid senseras?  
quid audieras? nec enim te de cælo seruasse dixisti:  
neq; hodie dicis. id igitur obuenit uicium: quod tu iam  
Calendis Ian. futurum esse præuideras: & tanto ante  
prædixeras. Ergo hercule magna, ut spero, tua potius,  
quàm Reip. calamitate euentus es auspicia: obstrin-  
xisti populum Ro. religione: augur auguri, Consul Con-  
suli obnunciasti. nolo plura: ne acta Dolobellæ uidear  
conuellere: quæ necesse est aliquando ad nostrum colle-  
gium deferantur. Sed arrogantiam hominis, insolentiamq;  
cognoscite. quandiu tu uoles: uiciosus consul Do-  
lobella: rursus, cum uoles: saluus auspicijs creatus. si ni-  
hil est: cum augur his uerbis nunciat, quibus nunciasti:  
confitere te, cum alio die dixeris: sobrium non fuisse.



# PHILIPPICA

*sin est aliqua uis in istis uerbis: ea quæ sit Augur a' Col  
 lega requiro. Sed ne forte multis rebus gestis, M. Antoni  
 re unam pulcherrimam transiliat oratio: ad Luperca  
 lia ueniamus. non dissimulat P.C. apparet esse com  
 motum: sudat: pallet. quidlibet, modo ne nauseet: faci  
 at: quod in porticu numitia fecit. quæ potest esse tur  
 pitudinis tanta defensio? cupio audire: ut uideam ubi  
 rhetoris tanta merces, ubi campus leontinus appareat.  
 sedebat in rostris Collega tuus, amictus toga purpurea,  
 in sella aurea, coronatus: ascendis: accedis ad sellam:  
 ita eras Luperkus: ut te esse consulem meminisse debe  
 res. diadema ostendis. gemitus toto foro. unde diade  
 ma? non enim abiectum sustuleras: sed attuleras do  
 mo meditatam, & cogitatum scelus. tu diadema impo  
 nebas cum plangore populi. ille cum plausu reiciebat.  
 tu ergo unus scelerate inuentus es: qui cum auctor re  
 gni inuentus esses: eum, quem Collegam regni habe  
 bas: dominum habere uelles: & idem tentares, quid  
 populus Ro. ferre, & pati posset. At etiam misericor  
 diam captabas: supplex te ad pedes abiciebas: quid pe  
 tens? ut seruires? tibi uni peteres: qui ita a puero  
 uixerat: ut omnia paterere: ut facile seruires. a' nobis  
 populoq; Ro. mandatum id certe non habebas. O' præ  
 claram illam eloquentiam tuam: cum es nudus concio  
 natus. quid hoc turpius? quid foedius? qd supplicijs o  
 mnibus dignius? num expectas dū te stimulis fodiam?  
 hæc te, si ullam partem habes sensus: lacerat, hæc cruen  
 tat oratio. Vereor ne imminuam uirorum summorum  
 gloriam. dicam tamen dolore commotus. quid indigni  
 us? quàm uiuere eum? qui imposuerit diadema? cum o  
 mnes fateantur iure interfectum esse: qui abiecerit. At  
 etiam inscribi*



etiam inscribi iussit in fastis, ad Lupercalia C. Cæsare Dictatori perpetuo M. Antonium Consulem populi iussit regnum detulisse: Cæsarem uti noluisse. Iam iam minime miror, te otium perturbare: non modo urbem odisse, sed etiam lucem: cum perditissimis latronibus non solum de die, sed etiam in diem uiuere. ubi enim tu in pace cõsistes? q̃ locus tibi in legibus, et iudicijs esse potest? quæ tu, quantum in te fuit, dominatu regio sustulisti? ideo ne L. Tarquinius regno exactus? Sp. Cassius, Sp. Melius, M. Manlius necati? ut multis post seculis, a' M. Antonio, quod fas non est, rex romæ constitueretur? sed ad auspicia redeamus. de quibus rebus idibus martijs fuit in Senatu Cæsar acturus: quæro tum tu quid egisses? Audiebam quidem te paratum uenisse: quod me de ementitis auspicijs, quibus tamen parere necesse erat: putares esse dicturum. sustulit illum diem fortuna populû romani: tum etiam tuum de auspicijs iudicium, interitus Cæsaris sustulit. Sed incidi in id tempus: quod ijs de rebus, in quas ingressa erat oratio: prætereundum non sit. quæ tua fuga? quæ formido illa die? quæ propter conscientiam scelerum desperatio uitæ? cum ex illa fuga beneficio eorum, qui te, si sanus esses: saluum esse uoluerunt: clam te domum recepisti? O' mea semper frustra uerissima auguria rerum futurarum. dicebam illis in Capitolio liberatoribus nostris, cum me ad te ire uellent: ut ad defendendam Remp. te adhortarer: quoad metueres, omnia te promissurum: simulac timere desisses: similem te futurum tui. Itaq; cum cæteri Consulares irent, & redirent: in sententia mansi: neq; te illo die, neq; postero uidi: neq; ullam societatem optimis ciuibus cum importunissimo hoste fœdere ullo confirmari posse

ZZZ



# PHILIPPICA

credidi. post diem tertium ueni in ædem Telluris, equi-  
dem inuitus: cum omnes aditus armati obsiderent. qui  
tibi ille dies M. Antoni fuit? quanquam mihi subito ini-  
micus extitisti: tamen me tui miserer: quod tibi inuide-  
ris. qui tu uir, dij immortales, & quantus fuisses? si illius  
diei mentem seruare potuisses? pacem haberemus: quæ  
erat facta per obsidem puerum nobilem M. Antoni filium  
M. Bambalionis nepotem: quanquam te bonum ti-  
mor faciebat, non diurni magister officij: im probum  
fecit ea, quæ, dum timor abest: a te non discessit, auda-  
cia. cisi tum, cum optimum te putabant me qdem dissen-  
tiente, funeri Tyranni illius sceleratissime præfuiisti. tua  
illa pulchra laudatio: tua miseratio: tua cohortatio: tu tu  
illas faces incendiisti, & eas, quibus semustum latus il-  
lius est: & eas, quibus incensa L. Bellieni domus de-  
flagrauit: tu illos impetus perditorum hominum, &  
ex maxima parte seruorum, quos nos ui, manuq; re-  
pulinus: in nostras domus immisisti. Idem tamen quasi  
fuligine absterfa, reliquis diebus in Capitolio præclara  
senatus cõsulta fecisti: ne qua post idus martias immuni-  
tatis tabula, ne ue cuiusquam beneficij figeretur. memi-  
nisti ipse, de exulibus, scis de immunitate quid dixeris.  
optimum uero, quod dictaturæ nomen in perpetuum de  
Rep. sustulisti. quo quidem facto tantum te cœpisse odi-  
um regni uidebatur: ut eius omnem propter proxi-  
mum dictatorem tolleres metum. constituta Respub.  
uidebatur alijs: mihi uero nullo modo: qui omnia te gu-  
bernante naufragia metuebam. num me igitur fefellit?  
aut num diutius potuit sui esse dissimilis? inspectan-  
tibus uobis toto Capitolio tabulæ figebantur: neque so-  
lum singulis ueniebant immunitates: sed etiam populis



uniuersis: ciuitas non tum singillatim, sed prouincijs totis  
 dabatur. itaq; si hæc manent: quæ stante Rep. manere  
 non possunt: prouincias uniuersas P. C. perdidisti: neq;  
 uectigalia solum, sed etiam imperium populi Ro. hu-  
 ius domesticis nundinis diminutum est. ubi est septies  
 millies Sestertium? quod in tabulis, quæ sunt ad Opis:  
 patebat: funestæ illius quidem pecuniæ: sed tamen, si his  
 quorum erat, non redderetur: quæ nos à tributis pos-  
 set uindicare. tu autem Sestertiū quadringenties, quod  
 Idibus Martijs debuisti: quonam modo ante Cal. Apri-  
 lis debere desisti? quid ego de commentarijs infinitis,  
 quid de innumerabilibus chirographis loquar? sunt  
 ea quidem innumerabilia: quæ à diuersis emebantur  
 non insciente te. sed unum egregium de Rege Deiotaro  
 populo Ro. amicissimo decretum in Capitolio fixum.  
 quo proposito, nemo erat, qui in ipso dolore risum pos-  
 set continere. quis enim cuiquam inimicior? quàm De-  
 iotaro Cæsar? æque atq; huic ordini: ut equestri: ut Mas-  
 siliensibus: ut omnibus, quibus rem publicam populi Ro-  
 manicam esse sentiebat. is igitur, à quo uiuo nec præ-  
 sens: nec absens quicquam æqui, boni impetrauit: apud  
 mortuum factus est gratus. compellat hospitem præ-  
 sens: computarat: pecuniam imperarat: in eius tetrar-  
 chiam ex Græcis comitibus suis collocarat: Armeniam  
 abstulerat à Senatu datam. hæc uiuus eripuit. red-  
 dit mortuus. At quibus uerbis? modo æquum sibi ui-  
 deri: modo non iniquum: mira uerborum complexio.  
 at ille nunquam, semper enim absenti affui Deiotaro:  
 quicquam sibi, quod nos pro illo postularem, æquum  
 dixit uideri. syngrapha Sestertiij centies per legatos uiros  
 bonos, sed timidos, & imperitos, sine reliquorum ho-



# PHILIPPICA

spiritum regis sententia, facta in gynaeceio. quo in loco plurimae res uenire: & ueneunt. qua ex syngrapha quid sis acturus meditare censeo. rex enim ipse sua sponte nullis commentariis Caesaris, simulatq; audiuit eius interitum, suo Marte res suas recuperauit. sciebat homo sapiens ius semper hoc fuisse: ut quae Tyranni eripuis-  
sent: ea Tyrannis interfectis, ij, quibus crepta essent, re-  
cuperarent. nemo igitur iure consultus, ne iste quidem, qui tibi uni est iure consultus: per quem haec agis: ex ista syngrapha deberi dicit pro ijs rebus: quae erant ante syngrapham recuperatae. non enim a te emi: sed prius quam tu suum sibi uenderes: ipse possedit. Ille uir fuit. nos quidem contemnendi: qui authorem odimus: acta defendimus. Quid ego de commentariis infinitis? quid de innumerabilibus chirographis loquar? quorum etiam imitatores sunt: qui ea, tanquam gladiatorum libellos, palam uendunt. Itaque tanti acerui numerum apud istum construuntur: ut iam appendantur, non numerentur pecuniae. At quam caeca auaricia est? nuper fixa tabula est: qua ciuitates locupletissimae Cretensium uectigalibus liberantur: statuiturq; ne post M. Brutum Proconsulem, sit Creta prouincia. tu mentis es compos? tu non constringendus? an Caesaris decreto creta post M. Bruti decessum potuit liberari? cum Creta nihil ad Brutum Caesare uiuo pertineret? At huius uenditione decreti (ne nihil actum putetis) prouinciam Cretam perdidisti. omnino ullius rei nemo fuit emptor: cui defuerit hic uenditor. Et de exulibus legem, quam fixisti: Caesar tulit? nullius infector calamitatem: tantum queror primum eorum redditus inquinatos: quorum causam dissimulem Caesar iudicauerit. deinde nescio cur reliquis idem non



tribuas. neque enim plus quam tres, aut quatuor reliqui  
sunt: qui simili in calamitate fuerint. cur tua misericor-  
dia simili non fruuntur? cur eos habes in loco patrum?  
de quo ferre, cum de reliquis ferres: nolisti. quem etiam  
ad censuram petendam impulisti: eamque petitionem com-  
parasti: quæ et risus hominum, et querelas moueret.  
cur autem ea comitia non habuisti? an quia Tribunus  
Pl. fulmen sinistrum nuntiabat? tua quid interest? nulla  
auspicia tuorum sunt: cum sis religiosus. quid? eundem  
in septemviro non ne destitisti? interuenit enim. quid  
metuisti? credo ne saluo capite negare non posses. omni-  
bus eum contumeliis onerasti: quem patris loco, si ulla  
pietas in te esset: colere debebas. filiam eius, sororem tu-  
am eiecisti, alia conditione quaesita, et ante perspecta.  
non est satis: probri insimulasti pudicissimam foemnam.  
quid est quod addi possit? contentus eo non fuisti. frequen-  
tissimo Senatu Calendis Ian. sedente patruo, hanc tibi  
esse cum Dolobella odij causam ausus es dicere: quod ab  
eo sorori, et uxori tuae stuprum oblatum esse compe-  
risses. quis interpretari potest? impudentior ne? qui in Se-  
natu, an improbior? qui in Dolobellam, an impurior?  
qui patre audiente, an crudelior? qui in illam miseram  
tam spurce, tam impie dixeris. Sed ad chirographa re-  
deamus. quæ fuit tua cognitio? acta enim Caesaris pa-  
cis causa confirmata sunt a Senatu: quæ quidem Caesar  
egisset: non ea, quæ Caesarem egisset Antoni-  
us. unde ista erumpunt? quo authore proferuntur? si  
sunt falsa: cur approbantur? si uera: cur ueneunt? at sic  
placuerat ut ex Cal. Iunijs de Caesaris actis cum con-  
silio cognosceretis: quod fuit consilium? quem unquam  
aduocasti? quas Cal. Iunias expectasti? an eas? ad quas

zzz ij



PHILIPPICA

te per a gratis ueteranorum colonijs, stipatum armis re-  
tulisti? O' præclaram illam percurstationem tuam men-  
se Aprili atq; Maio: tum, cum etiam Capuam deduce-  
re conatus es. quemadmodum illam adieris: uel poti-  
us penè non adieris scimus. cui tu urbi munita-  
ris. utinam conere: ut aliquando illud penè tollatur.  
At quam nobilis est tua illa peregrinatio? quid pran-  
diorum apparatus? quid furiosam uinolentiam tuam  
proferam? tua ista detrimenta sunt. illa nostra. agrum  
Campanum, qui cum de uectigalibus eximebatur: ut  
militibus daretur: tamen infligi magnum Reip. uulnus  
putabamus: hunc tu compransoribus tuis, & collusori-  
bus diuidebas. numos dico, et numas in agro P. C. Cam-  
pano collocatos. Quid iam querar de agro Leontino?  
quandoquidem hæ quondam arationes Campani, &  
Leontini in populi Ro. patrimonio glandiferae, & fru-  
ctuosae ferebantur. medico tria millia iugerum, quasi te  
sanum fecisset: Rhetori duo, quasi disertum facere po-  
tuisset. sed ad iter, Italiamq; redeamus. Deduxisti co-  
loniam Casilinum: quo Cæsar ante deduxerat. consu-  
luisti me per literas de Capua tu quidem: sed idem  
de Casilino respondi: posses ne ubi colonia esset:  
eo coloniam nouam iure deducere? negavi in eam co-  
loniam, quæ esset auspiciato deducta: dum esset incolu-  
mus: coloniam nouam iure deduci: colonos novos ascri-  
bi posse rescripsi. tu autem insolentia elatus, omni au-  
spiciorum iure turbato, Casilinum coloniam deduxi-  
sti: quo erat paucis annis ante deducta: ut uexillum  
uideres: & aratrum circunduceres: cuius quidem no-  
mure portam Capuæ penè perstrinxisti: ut florentis  
coloniæ territorium minueretur. Ab hac religionum



perturbatione aduolas in M. Varronis sanctissimi, atq;  
 integerrimi uiri fundum Cassinatem. quo iure? quo  
 ore? eodem inquires, quo in heredum L. Rubrij, quo  
 in heredum L. Tursecij prædia: quo in reliquis in-  
 numerabiles possessiones. Et si ab hasta. ualeant tabu-  
 læ, modo Cæsaris, non tuæ: quibus debuisti: non qui-  
 bus tu te liberauisti. Varronis quidem Cassinatem fun-  
 dum quis uenisse dicat? quis hastam istius uenditionis  
 uidit? quis uocem præconis audiuit? misisse te dicis Ale-  
 xandriam, qui emeret à Cæsare. ipsum enim expecta-  
 re magnum fuit? quis uero audiuit unquam (nullius  
 autem salus curæ pluribus fuit) de fortunis Varronis re-  
 ullā esse detractam? quod, si etiam scripsit ad te Cæsar,  
 ut redderes: quid satis potest dici de tanta impuden-  
 tia? remoue gladios illos parumper, quos uidemus:  
 iam intelliges aliam causam esse hastæ Cæsaris: aliam  
 confidentiæ, et temeritatis tuæ. nō enim te dominus mo-  
 do illis sedibus, sed quis amicus, uicinus, hospes, pro-  
 curator arcebit. At quam multos dies in ea uilla tur-  
 pissime es perbacchatus? ab hora tertia bibebatur: lu-  
 debatur: uonebatur. O' tecta ipsa misera, quā dispā-  
 ri domino, quanquam quomodo iste dominus? sed tamē  
 quā à dispari tenebantur. studiorum enim suorū M.  
 Varro uoluit esse illud, non libidinum diuersorium.  
 quæ in illa uilla ante dicebantur? quæ cogitabantur?  
 quæ literis mandabantur? iura populi romani, monu-  
 menta maiorum, omnis sapientiæ ratio, omnisq; doctri-  
 na. At uero te inquilino (non enim domino) persona-  
 bant omnia uocibus ebriorum: natabant pauimenta ui-  
 no: madebant parietes: ingenui pueri cum meritorijs,  
 scorta inter matres familias uersabantur. Casilino salu-

ZZZ iiij



# PHILIPPICA

tatum ueniebant, Aquino, Interamna: admissus est nemo iure id quidem in homine enim turpissimo obsolebant dignitatis insignia. cum inde Romam proficiscens ad Aquinum accederet: obuiam ei processit (ut est frequens municipium) magna sane multitudo. at iste operata lectica latus est per oppidum, ut mortuus. stulte Aquinates. sed tamen in uia habitabant. quid Anagnini? qui cum essent deuji: obuiam ei descenderunt: ut istum, tanquam si esset Consul: salutarent. incredibile dictu. sed tum nimis inter omnes constabat: neminem esse resalutatum. praesertim cum duos secum anagninos haberet Mustellam, & Laconem: quorum alter gladiatorum est princeps: alter poculorum. Quid ego illas istius minas? contumeliasque commemorem? quibus inuectus est in Sidicanos: uexauit Puteolanos: quod C. Cassium, quod Brutos patronos adoptassent, magno quidem iudicio, studio, beniuolentia, charitate: non ut te, ut Basilium, ui & armis, & alios uestri similes: quos clientes nemo habere uelit: non modo esse illorum cliens. interea dum tu abes: qui dies ille Collegae tui? cum illud quod tu uenerari solebas, bustum in foro euertit? qua re tibi nunciata, ut constabat inter eos, qui una fuerunt: concidisti. quid euenerit postea, nescio. metum credo ualuisse, & arma. collegam quidem de caelo detraxisti: effecistique non tu quidem etiam nunc, ut sit similis tui: sed certe ut dissimilis esset sui. qui uero reditus inde Romam? quae per turbatio totius urbis? memineramus Cinnam nimis potentem: Syllam postea dominantem: Caesarem regnantem uideramus. erant fortasse gladij, sed tamen absconditi, nec ita multi. ista uero quae, & quanta barbaria est? agmine quadrato cum gladijs sequuntur scutati ma-



lites: lecticas portari uidemus. Atq; his quidem iam in-  
 ueteratis P. C. consuetudine obduruimus: Calēdis Iun-  
 cum in Senatum, ut erat constitutum, uenire uellemus:  
 metu perterriti repente diffuginus. at iste, qui Senatus  
 non egeret: neq; desiderauit quenquam: & potius di-  
 scessu nostro letatus est: statimq; illa mirabilia facino-  
 ra effecit: qui chirographa Cæsaris defendisset lucri sui  
 causa: is leges Cæsaris, easq; præclaras, ut Remp. concu-  
 tere posset: euerit. numerum annorum prouincijs pro-  
 rogauit: idemq; cum actorum Cæsaris defensor esse de-  
 beret: & in publicis, & in priuatis rebus acta Cæsaris  
 rescidit. in publicis actis nihil est lege grauius: in pri-  
 uatis firmissimum est testamentum. leges alias sine pro-  
 mulgatione sustulit: alias ut tolleret promulgauit. testa-  
 mentum irritum fecit. quod etiam infimus ciuibus sem-  
 per obtentum est. signa, tabulas, quas populo Cæsar una  
 cum hortis legauit: eas hic partim in hortos Pompei de-  
 portauit: partim in uillam Scipionis. Et tu in Cæsaris me-  
 moria diligens? tu illum, tu illū amas mortuum? quē is  
 maiorem honorem consecutus erat? quā ut haberet pul-  
 uinar, simulachrum, fastigium, flaminem? est ergo fla-  
 mē ut Ioui, ut Marti, ut Quirino, sic diuo Iulio M. An-  
 tonius. quid igitur cessas? cur non inaugurare? sume  
 diem: uide qui te inauguret: collegæ sumus: nemo nega-  
 bit. O' detestabilem hominem: siue quod Tyranni sacer-  
 dos es: siue quod mortui. quæro deinceps, nū hodiernus  
 dies quis sit, ignores? nescis heri quartum in circo diē  
 ludorum romanorum fuisse? te autem ipsum ad populū  
 tulisse: ut quintus præterea dies Cæsari tribueretur? cur  
 non sumus prætextati? cur honorem Cæsaris tua le-  
 ge datum deferri patimur? an supplicationes addēdo diē



# PHILIPPICA

contaminari passus es? puluinaria noluiſti? aut undiq;  
religionem tolle: aut usquequa; conserua. quæres pla-  
ceat ne mihi puluinar esse, fastigium, flaminem? mihi ue-  
ro nihil istorum placet. Sed tu, qui acta Cæsaris defen-  
dis: quid potes dicere? cur alia defendas? alia non cures?  
nisi forte uis fateri, te omnia quæstu tuo, non illius di-  
gnitate metiri. quid ad hæc tandem? expecto eloquentiã  
tuam. disertissimum cognoui Auum tuum. at te etiam  
apertiore in dicendo. ille nunquam concionatus est nu-  
dus. tuum hominis simplici pectus uidimus. responde-  
bis ne ad hæc? aut omnino hiscere audebis? ecquid repe-  
ries ex tam longa oratione? cui te respondere confidas?  
sed præterita omittamus. hunc unum diem, hunc unũ  
inquam hodiernum diem, hoc punctum temporis, quo  
loquor: defende si potes. cur armatorum corona Senatus  
septus est? cur me tui satellites cum gladijs audiunt? cur  
ualuæ Cõcordiæ non patent? cur homines omnium gen-  
tium, maxime Barbaros Ithyreos cum sagittis deducis  
in forum? præsidij sui causa se facere dicit. non'ne igi-  
tur nullies perire est melius? quàm in sua ciuitate sine ar-  
matorum præsidio non posse uiuere? sed nullũ est istuc,  
mihi crede, præsidium. charitate, & beniuolentia ciui-  
um septum oportet esse, non armis. eripiet, extorquebit  
tibi ista populus romanus, utinam saluis nobis: sed quo  
quomodo nobiscum egeris: dum istis consilijs uteris: nõ  
potes esse, crede mihi, diuturnus. etenim, ista tua minime  
auara coniũx, quam ego sine contumelia descrbo: nimis  
debet diu populo Ro. pensionem tertiam. habet populus  
ro. ad quos gubernacula Reip. deferat: qui ubi cunq; ter-  
rarum sunt: ibi est omne Reip. præsidium: uel potius ipsa  
respublica: quæ se adhuc tantummodo ultæ est: nondũ



recuperauit. habet quidem certe Resp. adolescentes nobilissimos, paratos defensores. quam uolēt illi cedant oīo consulentes: tamen à Repub. reuocabuntur. Et nomen pacis dulcē est: Et ipsa res salutaris. sed inter pacem Et seruitutem plurimum interest. pax est tranquilla libertas: seruitus postremum malorum omnium, non modo bello, sed morte etiam repellendum. quod si seipsos illi nostri liberatores ē conspectu nostro abstulerunt: at exemplum facti reliquerunt. illi, quod nemo fecerat, fecerunt. Tarquinium Brutus bello est persecutus: qui tamen rex fuit, cum esse romae regem liceret. Sp. Cassius, Sp. Melius, M. Manlius propter suspicionem regni appetendū sunt necati. hi primi cum gladijs, non in regnum appetentem, sed in regnantem impetum fecerunt. quod cum ipsum factum per se praeclarum, atque diuinum est: tum expositum ad imitandum: praesertim cum illi eā gloriam consecuti sunt: quae uix caelo capi posse uideatur. Etsi enim satis in ipsa conscientia pulcherrimi facti fructus erat: tamē mortali immortalitatem nō arbitror contemnendam. recordare igitur illum M. Antoni diem: quo Dictaturam sustulisti: pone ante oculos laeticiam Senatus, populiq; romani: confer cum nūmatione tua tuorumq;: tum intelliges quantum inter laudem Et lucrum intersit. sed nimirum, ut quidam morbo aliquo, Et sensus stupore suauitatem cibi non sentiunt: sic libidinosi, auari, faeneratori, uerae laudis gustum non habent. sed si te laus allicere ad recte faciendum non potest: ne metus quidem a foedissimis factis potest auocare? iudicia non metus. si propter innocentiam: laudo: si propter uim: nō intelligis ei, qui isto modo iudicia non timeat: quid timeendum sit. quod si non metus uiros fortes, egregiosq;



# PHILIPPICA

aues: quod a corpore tuo prohibentur armis: tui te, cre-  
 de mihi, diutius, non ferent. quid est autem multos dies,  
 & noctes timeri à suis? nisi uero maioribus habes be-  
 neficijs obligatos, quàm ille quosdam habuit ex ijs, à  
 quibus est interfectus. an tu es ulla re cum eo comparan-  
 dus? fuit in illo ingenium, ratio, memoria, literatura, co-  
 gitatio, diligentia: res bello gesserat, quamuis Reip. cala-  
 mitosas, attamen magnas: non multos annos regnare  
 est meditatus: magno labore, magnis periculis quod co-  
 gitauerat effecerat: muneribus, monumentis, congiarijs  
 epulis, multitudinem imperitam lenierat: suos premijs,  
 aduersarios clementiae specie deuinxerat. qd multa? at-  
 tulerat iam liberae ciuitati partim metu, partim pacien-  
 tia, consuetudinem seruiendi. cum illo ego te dominandi  
 cupiditate conferre possum: ceteris uero rebus nullo mo-  
 do es comparandus. Sed ex plurimis malis, quae ab illo  
 Reip. sunt iniusta: hoc tantum boni est: quod didicit iam  
 populus Ro. quantum cuiq; crederet: quibus se commit-  
 teret: à quibus caueret. Hæc igitur non cogitas? nec in-  
 telligis satis esse uiris fortibus didicisse, q sit pulchrum  
 beneficio gratum, fama gloriosum Tyrannum occidere?  
 an cum illum homines non tulerint: te ferent? certatim  
 posthac, mihi crede, ad hoc opus curretur: nec occasio-  
 nis tarditas expectabitur. respice quæso aliquando Rēp.  
 M. Antoni: quibus ortus sis, non quibus cum uiuas, con-  
 sidera: mecum ut uoles: cum Repub. redi in gratiam.  
 Sed de te tu ipse uideris. ego de me ipso profitebor. defen-  
 di Remp. adolescens: non deferam senex: contempsi Ca-  
 tilinae gladios: non pertimescam tuos. quin etiam corpus  
 libenter obtulerim: si representari morte mea libertas  
 ciuitatis potest. Vtinam aliquando dolor populi Ro. pa-



riat: quod iam diu parturit. etenim si ab hinc annos  
prope uiginti hoc ipso in templo negavi posse mortem  
immaturam esse Consulari: quanto uerius nunc negabo  
seni? mihi uero P. C. iam etiam optanda mors est per-  
functo rebus eis, quas adeptus sum: quasq; gessi. duo  
modo hæc opto: unum, ut moriens populum Ro. liberū  
relinquam. hoc mihi maius a' dijs immortalibus dari  
nihil potest. alterum, ut ita cuiq; eueniat: ut de Repub.  
quisq; mereatur.



IN M. ANTONIVM PHILIP  
PICA TERTIA. ORA-  
TIO. XLVI.

Erius omnino P. C. quam tempus rei-  
publicæ postulauit: aliquando tamen,  
conuocati sumus. quod flagitabā equi-  
de i quotidie: quippe cum bellum nefa-  
rium contra aras, & focos, contra ui-  
tam, fortunasq; nostras, ab homine profligato, ac per-  
dito non comparari, sed geri iam uiderē. Expectantur  
calendæ Ianuarij: quas nō expectat Antonius. q̄ in pro-  
uinciam D. Bruti summi & singularis uiri, cum exerci-  
tu impetum facere conatur. ex qua se instructum, & pa-  
ratum ad urbem uenturum esse minitatur. quæ est igitur  
expectatio? aut quæ uel minima dilatio temporis?  
quanquam enim adsunt calendæ Ianuarij: tamen breue  
tempus longum est imparatis. dies enim affert, & ho-  
ra potius, nisi prouisum est: magnas sæpe clades. certus  
autem dies non ut sacrificij, sic consilij expectari solet.  
quod si aut calendæ Ian. fuissent eo die: quo primū ex ur-  
be fugit Antonius: aut hæ, non essent expectatæ: bellum  
iam nullum haberemus. auctoritate enim Senatus con-  
sensuq; populi Ro. facile hominis amentis fregissemus  
audaciam. quod confido equidem Consules designatos,  
simulac magistratum inierint: esse facturos. sunt enim  
optimo animo: summo consilio: singulari concordia. mea  
autem festinatio non uictoriæ solum auda est: sed etiam  
celeritatis. quousq; enim tantum bellum, tam crudele,  
tam nefarium priuatis consilijs propulsabitur? cur non  
quam primum publica accedit auctoritas? C. Cæsar



adoleſcens, pene potius puer, incredibili ac diuina qua-  
dam mente, atq; uirtute tum, cum maxime furor arde-  
ret Antoni: cumq; eius a Brundusio crudelis & pesti-  
fer reditus timeretur: nec poſtulantibus, nec cogitantibus,  
nec opinantibus quidem nobis (quia fieri poſſe non ui-  
debat) firmiſſimum exercitum inuicto genere uetera-  
norum militum comparauit: patrimoniumq; ſuum effu-  
dit. quanquam non ſumus uſi eo uerbo: quo decuit. non  
enim effudit: ſed in ſalutem Reip. collocauit. cui quan-  
quam gratia referri tanta non poteſt: quanta debetur  
habenda tamen eſt, quantam maximam animi noſtri ca-  
pere poſſunt. quis enim eſt tam ignarus rerum? tam ni-  
hil de Repub. cogitans? qui hoc non intelligat: ſi M.  
Antonius a Brundusio cum ijs copijs, quas ſe habitu-  
rum putauerat: Romam, ut munabatur, uenire potuiſſet:  
nullum genus crudelitatis eum prateriturum fuiſſe?  
quippe qui in hoſpitis teſtis Brundusij fortiſſimos uiros ci-  
ues optimos iugulari iuſſit: quorum ante pedes eius mo-  
rientium ſanguine os uxoris reſperſum eſſe conſtabat.  
Hac ille crudelitate imbutus, cum multo bonis omnibus  
ueniret irator: q̃ illis fuerat, quos trucidarat: cui tan-  
dem ueſtrum, aut cui omnino bono perperciſſet? qua pe-  
ſte Remp. priuato conſilio (nec enim fieri potuit aliter)  
Caſar liberauit. qui niſi in hac Remp. natus eſſet: Rēp.  
ſcelere Antoni nullam haberemus. ſic enim perſpicio:  
ſic iudico: niſi unus adoleſcens illius ſurentis impetus  
crudeliſſimosq; conatus cohibuiſſet: Remp. funditus inte-  
rituram fuiſſe. cui quidem hodierno die P. C. nunc eni-  
primum ita conuenimus: ut de illius beneficio poſſemus  
quæ ſentiremus libere dicere: tribuenda eſt authoritas:  
ut Remp. non modo a ſe ſuſceptam, ſed etiam a nobis



# PHILIPPICA

commendatam possit defendere. Nec uero de legione Martia (quoniam longo intervallo loqui nobis de Rep. licet) sileri potest. quis enim unquam fortior? quis amicior unquam Reip. fuit? quam legio Martia uniuersa? quæ cum hostem populi romani M. Antonium iudicasset: comes eius esse amentiae noluit. reliquit consulem. quod profecto non fecisset: si eum Consulem iudicauisset, quem nihil aliud agere, nihil moliri, nisi cædem ciuium, atq; interitum ciuitatis uideret. atq; ea legio consedit Albæ. quam potuit urbē eligere, aut opportunitatem ad res gerendas? aut fideliores? aut fortiorum uirorum? aut amiciorum populo ro. ciuiū huiusce legionis uirtutē imitata Quarta legio duce L. Egnatuleio Quæstore aue optimo, & fortissimo, Cæsaris auctoritatem, atq; exercitum persecuta est. faciendum est igitur nobis P. C. ut ea, quæ sua sponte clarissimus adolescens, atq; omnium præstantissimus gessit: & gerit: hæc auctoritate nostra comprobentur: ueteranorumq; fortissimorum uirorum, tum legionis Martiæ, Quartæq; mirabilis consensus ad Remp. recuperandam laudetur: & testimonio nostro confirmetur: eorumq; commoda, honores, præmia, cum Consules designati magistratum inierint: curæ nobis fore hodierno die spōdeamus. Atq; ea quidem quæ dixi de Cæsare, deq; eius exercitu: iam diu nota sunt nobis. uirtute enim admirabili Cæsaris, constantiaq; militum ueteranorum, legionumq; earum optimo iudicio, quæ auctoritatem nostram, libertatemq; populi Romani, uirtutem C. Cæsaris secutæ sunt: à ceruicibus nostris est depulsus Antonius. sed ut dixi, hæc superiora. Hoc uero recens edictum D. Bruti, quod paulo ante propositum est, certe silentio non potest præteriri. pollicetur



pollicetur enim se provinciam Galliam retenturum in  
 Senatus populiq; Ro. potestate. O' ciuem natum Reipub-  
 licæ, memorem sui nominis, imitatoremq; maiorum.  
 neq; enim Tarquinio expulso, maioribus nostris tā-  
 fuit optata libertas: quā est repulso Antonio retinēda  
 nobis. illi regibus parere iam à condita urbe didicerāt.  
 nos post reges exactos seruitutis obliuio cœperat. atq;  
 ille Tarquinius, quem maiores nostri non tulerunt: nō  
 crudelis, non impius, sed superbus habitus est, & di-  
 ctus. quod nos uicium in priuatis sæpe tulimus: maiores  
 nostri ne in rege quidem ferre potuerunt. L. Brutus re-  
 gem superbum non tulit: D. Brutus sceleratum atq; im-  
 pium regnare patietur Antonium? quid Tarquinius  
 tale? qualia innumerabilia, et fecit, et facit, Antonius?  
 senatum etiam Reges habebant: nec tum, ut Antonio  
 Senatum habenti, in consilio regis uersabantur Barba-  
 ri armati. seruabant auspicia reges: quæ hic Consul Au-  
 gurq; neglexit: neq; solum legibus contra auspicia fe-  
 rendis, sed etiam Collega una referente, quē ipse emen-  
 titis auspicijs uiciosum fecerat. Quis autem rex unquā  
 fuit tam insigniter impudens? ut haberet omnia com-  
 moda, beneficia, iura regni uenalia? quam hic immu-  
 nitatem, quam ciuitatem, quod præmium, non uel sin-  
 gulis hominibus, uel ciuitatibus, uel uniuersis provin-  
 cijs uendidit? nihil humile de Tarquinio, nihil sordi-  
 dum accepimus. at uero huius domi inter ciues illius  
 appendebatur aurum: numerabatur pecunia: una in do-  
 mo omnes, quorum intererat, totum Imperiū Reipub-  
 lundinabantur. supplicia uero in ciues Ro. nulla Tar-  
 quinij accepimus. at hic & Suesæ iugulauit eos: quos  
 in custodiam dederat. & Brundusij tercentos fortissi-

AAA



## PHILIPPICA

mos viros, ciuesq; optimos trucidauit. postremo Tarquin-  
 nius pro populo Ro. bellum gerebat, tum cum expulsus  
 est. Antonius contra populū romanum exercitum edu-  
 cebat, tum, cum à legionibus relictus nomen Cæsaris  
 exercitumq; pertinuit: neglectisq; sacrificijs solēnibus,  
 ante lucem ea uota, quæ nunquam solueret: nuncupa-  
 uit: et hoc tempore in prouinciam populi Ro. conatur in-  
 uadere. maius igitur beneficiū à D. Bruto populus Ro.  
 habet: & expectat: quàm maiores nostri acceperūt  
 à L. Bruto principe huius maxime conseruandi gene-  
 ris, & nominis. cum autem est omnis seruitus misera:  
 tum uero intolerabile est seruire impuro, impudico, ef-  
 foeminato, nunquam, ne in metu quidem, sobrio. hunc  
 igitur qui Gallia prohibet, priuato præsertim consilio:  
 iudicat, uerissimeq; iudicat, non esse Consulem. Facien-  
 dum est igitur P. C. nobis: ut D. Bruti priuatum consi-  
 lium auctoritate publica comprobemus. nec uero M. An-  
 tonium Consulem post Lupercalia putare debuistis. quo  
 enim ille die populo Ro. inspectante, nudus, unctus,  
 ebrius, concionatus est: & id egit, ut collegæ diadema  
 imponeret: eo die non modo Consulatu, sed etiam liber-  
 tate se abdicauit. esset enim ipsi certe statim seruiendū:  
 si Cæsar ab eo regni insigne accipere uoluisset. hunc  
 igitur ego Consulem, hunc auem romanum, hunc libe-  
 rum, hunc deniq; hominem putem? qui foedo illo, &  
 flagitioso die, & quid pati Cæsare uiuo posset: & quid  
 eo mortuo cōsequi ipse cuperet: ostēdit. Nec uero de uir-  
 tute, constantia, grauitate prouinciæ Galliæ taceri potest.  
 est enim ille flos Italiæ: illud firmamentum imperij po-  
 puli romani: illud ornamentum dignitatis. tantus autem  
 est consensus municipiorū, coloniarumq; prouinciæ Gal-



liæ: ut omnes ad auctoritatem huius ordinis, maiesta-  
temq; populi Ro. defendendam conspirasse uideantur.  
Quamobrem Tribuni pl. quanquam uos nihil aliud,  
nisi de præsidio, ut senatum tuto consules Cal. Ian. ha-  
bere possent, retulistis: tamen mihi uidemini magno con-  
silio, atq; optima mente potestatem nobis de tota Rep. se-  
cisse dicendi. cum enim tuto Senatum haberi sine præsi-  
dio non posse iudicauistis: istud etiam statuistis: intra mu-  
ros Antoni scelus audaciamq; uersari. Quamobrem  
omnia mea sententia complectar, uobis ut intelligo nõ  
inuitis: & ut præstantissimus ducibus à nobis detur au-  
thoritas: & fortissimis militibus spes ostendatur præ-  
miorum: & iudicetur non uerbo, sed re, non modo nõ  
Consul, sed etiam hostis Antonius. nam si ille Consul:  
fustuarium meruerunt legiones: quæ Cõsulem relique-  
runt: sceleratus Cæsar: Brutus nefarius: qui contra Con-  
sulem priuato consilio exercitus comparauerunt. sin au-  
tem militibus exquirendi sunt honores. noui, propter  
eorum diuinum, atq; immortale meritum: ducibus au-  
tem ne referri quidem potest gratia: quis est, qui eum  
non hostem existimet? quem, qui armis persequuntur,  
conservatores Reip. iudicantur? At quàm contumeliosus  
in edictis? quam barbarus? quàm rudis? primum in Cæ-  
sarem maledicta congeffit deprompta ex recordatione  
impuditiæ, & stuprorum suorum. quis enim hoc ado-  
lescente castior? quis modestior? quod in iuuentute habe-  
mus illustrius exemplum ueteris sanctitatis? quis autem  
illo maledico impurior? ignobilitatem obijcit C. Cæsa-  
ris filio. cuius etiam naturalis pater, si uita suppedita-  
set: Consul factus esset. Aricina mater. Trallianam, aut  
Ephesinã putes dicere? uidete quàm despiciamur omnes,

AAA ij



# PHILIPPICA

qui sumus è municipijs: idest omnes plane: notus enim quisq; non est. quod autem municipium non contemnit is? qui Aricinum tantopere despiciat, uetustate antiquissimum, iure foederatum, propinquitate pene finitimu, splendore municipu honestissimum. hinc Voconiae, hinc Scatiniae leges: hinc multae Sellae curules, et patrum memoria & nostra: hinc Equites Ro. lautissimi plurimi, & honestissimi. sed si Aricinam uxorem non probas: cur probas Thusculanam? quanquam huius sanctissimae foeminae, atq; optimae pater M. Accus Balbus in primis honestus, Praetorius fuit. tuae coniugis bonae foeminae, locupletis quidem certe, Bambalio quidam pater, homo nullo numero. nihil illo contemptius: qui propter haesitantiam linguae, stuporemq; cordis, cognomen ex contumelia traxerit. At auus huius nobilis. Tuditanus nempe ille: qui cum palla, & coturnis nummos populo de rostris spargere solebat. uellem hanc contemptiorem pecuniae suis reliquisset: haberetis nobilitatem generis gloriosam. qui autem euenit ut Iulia natus, ignobilis uideatur? cum tu eodem materno genere soleas gloriari? quae porro amentiae sunt? eum dicere aliquid de uxorum ignobilitate: cuius pater Numitoriam Fregellanam proditoris filiam habuerit uxorem: ipse ex libertini filia suscepit liberos. Sed hoc clarissimi uiri uiderint, L. Philippus, qui habet Aricinam uxorem: C. Marcellus, qui Aricinae filiam: quos certe scio dignitatis optimarum foeminarum non poenitere. Idem etiam Q. Ciceronem fratris mei filium compellat edicto: nec sentit amens commendationem esse, compellationem suam. quid enim accidere huic adolescenti potuit optatius? quam cognosci ab hominibus Caesaris consiliorum



esse socium: Antonij furoris inimicum? At etiam gladiator ausus est scribere: hunc de patris et patruj par-  
ricidio cogitasse. O' admirabilem impudentiam, auda-  
ciam, temeritatem. in eū adolescentem hæc scribere au-  
dere? quem ego, et frater meus, propter eius suauissimos  
atq; optimos mores præstantissimumq; ingeniū, certatim  
amamus: omnibus horis, oculis, auribus, complexu te-  
nemus. Nam in eisdem me edictis nescit lædat, an lau-  
det. cum idem supplicium minatur optimis ciuibus: quod  
ego de sceleratissimis sumpserim: laudare uidetur: quasi  
imitari uelit. cum autem illam pulcherrimæ facti memo-  
riam refricat: tum à suis simulibus inuidiā aliquā in  
me commoueri putat. Sed ipse quid fecit? cum tot edicta  
proposisset: edixit ut adesset Senatus frequens ad V I I I  
Cal. Decembris. eo die ipse non affuit. At quomodo edi-  
xit? hæc sunt ut opinor, uerba in extremo. Si quis non  
affuerit: hunc omnes existimare poterunt, & interitus  
mei & perditissimorum consiliorum authorem fuisse.  
Quæ sunt perditæ consilia? an ea? quæ pertinent ad li-  
bertatem populi romani recuperandam? quorum con-  
siliorum Cæsaris, me authorem & hortatorem, &  
esse, & fuisse fateor: quanquam ille non eguit consilio ci-  
uiusquam. sed tamen, ut dicitur, currentem incitauit. Nam  
interitus quidem tui quis bonus non esset author? cum  
in eo salus, & uita optimi cuiusq;, & libertas popu-  
li romani, dignitasq; consisteret. Sed cum tam atroci  
edicto nos conatauisset: cur ipse non affuit? num puta-  
tis aliqua re tristi & seuerâ: uino, & epulis retentus,  
& alea est: si epulæ potius, quàm popinæ nominandæ  
sunt. diem edicti obire neglexit: & ante diem quartam  
calendarum decembris distulit. adesse in Capitolio iussit.



# PHILIPPICA

sit. quod in templum ipse nescio qua, per Gallorum cū  
 niculum ascendit. conuenerunt corrogati, & quidem  
 ampli quidam homines, sed immemores dignitatis suae.  
 is enim erat dies: ea fama: is impetus eius, qui senatum  
 uocarat: ut turpe senatori esset, nihil timere. Ad eos ta-  
 men ipsos, qui conuenerant, ne uerbum quidem ausus  
 est facere de Caesare: cum de eo constitisset ad Senatum  
 referre. scriptam attulerat Consularis quidam senten-  
 tiam. quid est aliud de eo referre non audere, qui con-  
 tra se Consulem exeratum duceret: nisi se ipsum hostem  
 iudicare? necesse enim erat alterum esse hostem: nec po-  
 terat aliter de aduersarijs ducibus iudicari. Si igitur C.  
 Caesar hostis: cur Consul nihil refert ad Senatum? si ille  
 à Senatu notandus non fuit: quid potest dicere? quin  
 cum de illo tacuerit: se hostem esse confessus sit? quem  
 in edictis Spartacum appellat: hunc in Senatu ne im-  
 probum quidem dicere audet. At in rebus tristissimis  
 quantos excitat risus? sententiolas edicti cuiusdam me-  
 moriae mandauit: quas uidetur ille per acutas putare. Ego  
 autem, qui intelligeret, quid dicere uellet, adhuc nemi-  
 nem inueni. An ulla contumelia est, quam facit dignus?  
 primum quid est dignus? nam etiam malo digni multi:  
 sicut ipse. an quā facit is: qui cum dignitate est? quae au-  
 tem potest esse maior? quid est porro facere contumeliā?  
 quis sic loquitur? Deinde, nec timor quē denunciat ini-  
 micus. quid est ergo? ab amico timor denunciari solet?  
 horum similia deinceps. non ne satius est mutum esse?  
 q̄ quod nemo intelligat, dicere? hem cur magister eius  
 ex oratore, arator factus sit. ut possideat in agro publico  
 populi romani, campi Leontini duo millia iugerum in-  
 cuniae: ut hominem stultum magis etiam in fatuet mer-



cede publica. Sed hæc leuiores fortasse. illud quaero, cur  
 tam subito mansuetus in Senatu fuerit: cum in edictis  
 tam fuisset ferus? quid autem attinuerit, L. Cassio tri-  
 buno Pl. fortissimo, & constantissimo cui mortem de-  
 nunciare? si in Senatum uenisset? D. Carfulenum bene  
 de Rep. sentientem, à Senatu ui & minis mortis expelle-  
 re? Tyberinum Canutium, à quo erat honestissimis  
 contentionibus & saepe, & iure uexatus: non templo so-  
 lum, uerum etiam aditu prohibere, Capitolij? cui sena-  
 tus consulto ne intercederent uerebatur? de supplicatione  
 credo M. Lepidi clarissimi uiri. atq; id erat periculum:  
 de cuius honore extraordinario quotidie aliquid cogi-  
 tabamus: ne eius usitatus honos impediretur. Ac ne si-  
 ne causa uideretur edixisse, ut Senatus adesset: cum de  
 Rep. relaturus fuisset: allato nuncio de legione Quarta,  
 mente concidit: effugere festinans senatus consultum de  
 supplicatione per discessionem fecit: cum id factum esse  
 antea nunquam. Quæ uero profectio postea? quod iter  
 paludati? quæ uittatio oculorum, luas, urbis, fori? quàm  
 misera fuga? quàm fœda? quàm turpis? præclara tum  
 fuit senatus in illo ipso die uestpertina prouinciarum re-  
 ligiosa sortitio: diuina uero opportunitas: ut quæ cuiq;  
 apta esset: ea cuiq; obueniret. præclare igitur facitis Trî-  
 buni Pl. qui de præsidio Consulum, Senatusq; referatis:  
 meritoq; uestro maximas gratias uobis omnes & aga-  
 re, & habere debemus. qui enim carere metu, & peri-  
 culo possemus, in tanta hominum cupiditate, & auda-  
 cia? ille autem afflictus & perditus, quæ de se expe-  
 ctat iudicia grauiora, quàm amicorum suorum? fami-  
 liarissimus eius mihi homo coniunctus, L. Lentulus, &  
 P. Naso omni carens cupiditate, nullam se habere prouin-



# PHILIPPICA

ciam, nullam Antonij sortitionem fuisse iudicauerunt.  
 quod idē fecit L. Philippus uir auo, patre, maioribusq;  
 suis dignissimus. in eadem sententia fuit homo summa  
 integritate, atq; innocentia M. Anturanus. idem fecit  
 P. Appius. ipsi etiam qui amicitiam M. Antonij ueriti,  
 plus ei tribuerunt, quā fortasse uellent: M. Piso, &  
 meus necessarius, & uir, & ciuis egregius, pariq; in-  
 nocentia M. Vehilius, senatus authoritati se obtempera-  
 turos esse dixerunt. quid ego de L. Cinna loquar? cuius  
 spectata multis magnisq; rebus singularis integritas  
 minus admirabilem fecit huius honestissimi facti glo-  
 riam: qui omnino prouinciam neglexit. quā item ma-  
 gno animo & constanti C. Cessediū repudiāuit. qui  
 sunt igitur reliqui? quos fors diuina delectet? L. Anto-  
 nius, & M. Antonius. O' felicem utrunque, nihil enim  
 maluerunt. C. Antonius Macedoniam. hunc quoq; fe-  
 licem. hanc enim semper habebat in ore prouinciam.  
 C. Caluissius Africā. nihil felicius. modo enim ex Afri-  
 ca decesserat: & quasi diuinans se rediturum, duos le-  
 gatos Vticae reliquerat. deinde M. Icius Siciliā, Q.  
 Cassius Hispaniam. non habeo quid suspicer. duarum  
 credo prouinciarum sortes minus diuinas fuisse. O' C.  
 Cæsar (adulescentem appello) quam tu salutem reipubli-  
 cæ, attulisti? quā improuisam? quā repentinam?  
 qui enim hæc fugiens fecerit: quid faceret insequens? ete-  
 nim in concione dixerat: se custodem futurum urbis:  
 usq; ad Cal. Maias ad urbem exercitum habiturum.  
 O' præclarum custodem ouium (ut aiunt) lupum. cu-  
 stos ne urbis? an direptor, & uexator esset Antonius?  
 Et quidem se introiturum in urbem dixit, exiturumq;  
 cum uellet. quid istud? non'ne audiente populo se-



dens pro aede Castoris dixit? nisi qui uicisset uicturū  
 neminem? Hodierno die primum P.C. longo interval  
 lo in possessionem libertatis pedem ponimus: cuius qui  
 dem ego, quoad potui, non modo defensor, sed etiam con  
 seruator fui. cum autem id facere non possem: qui fui?  
 nec abiecte, nec sine aliqua dignitate, casum illum tem  
 porum, et dolorem tuli. hanc uero teterrimam belluam,  
 quis ferre posset? aut quomodo? quid est in Antonio, præ  
 ter libidinem, crudelitatem, petulantiam, audaciam? ex  
 his tot conglutinatus est. nihil apparet in eo ingenuū:  
 nihil moderatum: nihil pudens: nihil pudicum. Quapro  
 pter quoniam res in id discrimen adducta est: utrum  
 ille poenas Reip. luat: an nos seruiamus: aliquando per  
 deos immortales P.C. patrium animum, uirtutemq;  
 capiamus. aut libertatem propriam Romani generis, et  
 nominis recuperemus: aut mortem seruituti antepona  
 mus. Multa quæ in libera ciuitate ferenda non essent:  
 tulimus: et perpeffi sumus: alij spe recuperandæ liber  
 tatis: alij uiuendi nimia cupiditate. sed si illa tulimus,  
 quæ necessitas ferre coegit, uisq; quædam pene fatalis:  
 quæ tamen ipsa non tulimus: etiam ne huius impuræ  
 latronis feremus teterrimum, crudelissimumq; domina  
 tum? quid hic faciat, si potuerit, iratus? qui cum sucen  
 fere nemini posset: omnibus bonis fuerit inimicus? quid  
 hic uictor non audebit? qui nullam adeptus uictoriam  
 tanta scelera post Cæsaris interitum fecerit: refer  
 tam eius domum exhauferit: hortos compilarit: ad se o  
 mnia ex his ornamenta transtulerit: cædis et incendio  
 rum causam quæsierit ex funere: duobus aut tribus se  
 natus consultis è Rep. benefactis, reliquas res ad lu  
 crum prædamq; reuocauerit: uendiderit: immunitate



# PHILIPPICA

ciuitates liberauerit: prouincias uniuersas ex imperij  
populi Ro. iure sustulerit: exules reduxerit: falsas leges  
C. Caesaris nomine, & falsa decreta in aes incidenda,  
& in Capitolio figenda curauerit: earumq; rerum o-  
mnium domesticum mercatum instituerit: populo Ro. le-  
ges imposuerit: armis & praesidijs populum romanum,  
& magistratus foro exclusit: Senatum stipauerit ar-  
matis: armatos in cella Concordiae, cum Senatum habe-  
ret, inclusit: ad legiones Brundisium cucurrerit: ex  
his optime sentientes Cetriones iugulauerit: cum exer-  
citu Romam sit ad interitum nostrum, & ad disperdi-  
tionem urbis uenire conatus. atq; is ab hoc impetu ab-  
stractus consilio et copijs Caesaris, consensu ueteranorum,  
uirtute legionum, ne fortuna quidem fractus minuit  
audaciam: nec ruere demens, nec furere desinit: in Gal-  
liam mutilatum ducit exercitum: cum una legione, &  
ea uacillante L. fratrem expectat: quo neminem repe-  
rire potest sui similiore. ille autem ex Myrmillone dux,  
ex gladiatore Imperator, quas fecit strages, ubi cunq; po-  
suit uestigia: cedit greges armentorum, reliquiq; pecoris  
quodcunq; nactus est: epulantur milites: ipse autem se,  
ut fratrem imitetur, obruit uino: uastantur agri: diri-  
piuntur uillae: matres familias, uirgines, pueri ingenui  
arripiuntur: militibus traduntur. Haec eadem quacunq;  
exercitum duxit, fecit M. Antonius. His uos teterrimis  
fratribus portas aperietis? hos in qua in urbem recipietis?  
non tempore oblato, ducibus paratis, animus militum in-  
citatis, populo Ro. conspirante, Italia tota ad libertatem  
recuperandam excitata, deorum immortalium bene-  
ficio utimini? nullum erit tempus hoc amisso. a ter-  
go, a fronte, a lateribus tenetur. si in Galliam uenerit:



nō ille armis solū, sed etiā nostris decretis urgendus est. magna uis est, magnum numen unum & idem sentientis Senatus. uidetis ne refertum forum? populum Ro. ad spem recuperandæ libertatis erectum? qui longo intervallo cum frequentes hic uidet nos, tum sperat etiam liberos conuenisse. hūc ego diem expectans, M. Antoni scelerata arma uitari: tum cum ille in me absentem inuehens, non intelligebat ad quod tempus me, & meas uires reseruarem. si enim illi tum cædis initium à me querenti respondere uoluissē: nunc Reip. consulere nō possem. hanc uero nactus facultatem, nullum tempus P. C. dimittam, neq; diurnum, neq; nocturnum: quin de populi romani libertate, de dignitate uestra quod cogitandum sit, cogitem: quod agendum, atq; faciendum, id non modo non recusem: sed appetam etiam: atq; deponam. Hoc feci semper dum licuit: internisi quoad non licuit: iam non solum licet: sed necesse est etiam: nisi seruire malumus, quā ne seruiamus, animus armisq; decernere. Dū immortales nobis hæc præsidia dederunt: urbi Cæsarem, Brutum Galliæ. Si enim ille urbem opprimere potuisset statim: si Galliam tenere paulo post: optimo cuiq; pereundum, reliquis esset seruiendum. Hanc igitur occasionem oblata tenete per deos immortales P. C. & amplissimū orbis terræ consilij Principes uos esse aliquando recordamini. signum date populo Ro. consilium uestrum non deesse Reipublicæ: quoniam ille uirtutem suam non defuturam esse proficitur. nihil est quod moneam. nemo est tam stultus: qui non intelligat, si dormierimus hoc tempore, non modo crudelem superbamq; dominationem nobis, sed ignominiosam etiam & flagitiosam esse ferendam. nostis in



# PHILIPPICA

solentiam Antonij: nostis amicos: nostis totam domum. libidinosi, petulantibus, impuris, impudicis, aleatoribus, ebrijs seruire: ea summa miseria est summo dedecore coniuncta. quod si iam (quod dij omen auertant) factum extremum Reip. uenit: quod gladiatores nobiles faciunt: ut honeste decumbant: faciamus nos Principes orbis terrarum gentiumque omnium: ut cum dignitate potius cadamus: quam cum ignominia seruiamus. nihil est detestabilius dedecore: nihil foedius seruitute. ad decus, et libertatem nati sumus. aut hæc teneamus, aut cum dignitate moriamur. nimium diu teximus, quid sentiremus. nunc iam apertum est: omnes iam patefecerunt, in utramque partem quid sentiant: quid uelint. sunt impij ciues, pro charitate Reip. nimium multi, pro multitudine bene sentientium, admodum pauci. quorum opprimendorum dij immortales incredibilem populo Ro. potestatem, et fortunam dederunt. ad ea enim præsidia, quæ habemus: iam accedunt Consules summa prudentia, uirtute, concordia, multos menses de populi Ro. libertate commentati atque meditati. His authoribus, et ducibus, dijs iuuantibus, nobis uigilantibus, et multum in posterum providentibus, populo Ro. consentiente, erimus profecto liberi breui tempore. iucundiorum autem faciet libertatem seruitutis recordatio. Quas ob res quod Tribuni pl. uerba fecerunt: ut Senatus Calen. Ianu. tuto haberi, sententiæque de summa Reip. libere dici possint: de ea re ita censeo: ut C. Pansa, A. Hircus Consules designati, dent operam, ut Senatus Cal. Ianu. tuto haberi possit: quodque edictum D. Bruti imperatoris Consulis designati, optime de Repub. meriti propositum sit: Senatum existimare D. Brutum imperatorem Consulem de-



signatū, optime de Rep. promereri: cum Senatus aucto-  
 ritatem, populiq; romani libertatem, Imperiumq; de-  
 fendat: quodq; Galliam prouinciam atteriore optimo-  
 rum & fortissimorum uirorum, amicissimorum po-  
 pulo Ro. cuius exercitum in Senatus potestate retine-  
 at: id eum, exercitumq; eius, municipia, colonias pro-  
 uinae Galliae, recte, atq; ordine, exq; Rep. fecisse: & fa-  
 cere: Senatum ad summam Reip. pertinere arbitrari:  
 a D. Bruto & ab L. Planco Imperatoribus Cons. desi-  
 gnatis, itemq; a ceteris, qui prouincias obtinent: obtine-  
 ri ex lege Iulia quoad ex senatus consulto cuiq; eorum  
 successum sit: eosq; dare operam, ut hae prouinciae, Gal-  
 liaeq; exercitus, in Senatus populiq; Ro. potestate, praesi-  
 dioq; Reip. sint: cumq; opera, uirtute, consilio C. Caesa-  
 ris, summoq; consensu militum ueteranorū, qui eius au-  
 thoritatem secuti Reip. praesidio sunt: & fuerunt: & a  
 grauissimis periculis populus Ro. defensum sit: et hoc tem-  
 pore defendatur: cumq; legio Martia Albæ consterit,  
 in municipio fidelissimo, & fortissimo: seq; ad Senatus  
 auctoritatem populiq; Ro. libertatem contulerit: quod  
 pari consilio eademq; uirtute legio Quarta usa L. Egnat-  
 ius duce ciue egregio Senatus auctoritatem Populiq;  
 Ro. libertatem defendat: ac defenderit: Senatui magnae  
 curae esse, ac fore: & ut pro tantis eorum in republī  
 cum meritis honores eis habeantur: gratiaeq; referan-  
 tur: Senatui placere: utq; C. Pansa, A. Hircaus Consules  
 designati, cum magistratum inierint: si eis uidebitur: pro-  
 mo quoq; tempore de his rebus ad hunc ordinem refe-  
 rant: ita uti de Rep. fideq; sua censuerint.



IN M. ANTONIVM AD QVIRITES

PHILIPPICA QVARTA.

ORATIO. XLVII.

Requentia uestrum incredibilis, con-  
 cioq; Quirites tanta, quantam meminif-  
 se non uideor: & alacritatem mihi  
 summam affert Reip. defendendæ, &  
 spem recuperandæ libertatis. quan-  
 quam animus mihi nunquam defuit: tempora defuerūt.  
 quæ simulac primum aliquid lucis ostendere uisa sunt:  
 princeps uestre libertatis defendendæ semper fui.  
 quod si ante facere conatus essem. nunc facere non pos-  
 sem. hodierno enim die Quir. ne mediocrem rem a-  
 ctam arbitremini: fundamenta sunt iacta reliquarū a-  
 ctionum. nam est hostis à senatu nondū uerbo appella-  
 tus, sed re iam iudicatus Antonius. Nunc uero multo  
 sum erectior: quod uos quoq; hostem illum esse tanto con-  
 sensu, tantoq; clamore approbauistis. nec enim fieri po-  
 test: ut non aut ijsint impij: qui contra Consulem exer-  
 citum comparauerunt: aut ille hostis, contra quem iu-  
 re arma sumpta sunt. Hanc igitur dubitationem, quan-  
 quā nulla erat: tamen nequa posset esse: Senatus hodie-  
 ro die sustulit. C. Cæsar, qui Rempublicam, liberta-  
 temq; uestram suo studio, consilio, patrimonio denique  
 tutatus est: & tutatur: maximus Senatus laudibus orna-  
 tus est. Laudo, laudo uos Quirites: cum gratissimis ani-  
 mis prosequimini nomē clarissimi adolescentis, uel pueri  
 potius. sunt enim facta eius immortalitatis, nō ætatis. mul-  
 ta memini: multa audiui: multa legi: nihil ex omnium  
 sæculorū memoria tale cognoui: qui cum seruitute præ-



meremur: & in dies malum cresceret: praesidium nihil haberemus: capitalem, & pestiferum Brundisio M. Antonij reditum timeremus: hoc inperatum omnibus consilium, in cognitum certe coepit, ut exercitum inuictum ex Hispanis militibus conduceret: Antonijq; furorem crudelissimis consilijs inatatum a perniciē Reip. auerteret: quis est enim, qui hoc non intelligat? nisi Caesar exercitum parauisset: non sine exitio nostro futurum Antonij reditum fuisse? Ita enim se recipiebat ardēs odio uestri, cruentus sanguine ciuiū romanorū, quos Sueſæ, quos Brūdisij occiderat: ut nihil nisi de Reip. perniciē cogitaret. Quod autem erat praesidium salutis, libertatisq; uestræ? si C. Caesaris fortissimorum suiūq; patris militum exercitus non fuisset? cuius de laudibus & honoribus, qui ei pro diuinis, & immortalibus meritis diuini immortalesq; debentur: mihi Senatus assensus paulo ante decreuit, ut primo quoq; tempore referretur. quo decreto quis non prospiciat Antonium hostem esse iudicatum? quem enim appellare possumus eum: contra quem qui exeratus ducunt: ijs Senatus arbitratur singulares exquirendos honores? quid legio Martia? quæ mihi uindetur diuinitus ab eo deo traxisse nomen: a quo populum Ro. generatum accepimus: non ne ipsa suis decretis prius, quā Senatus, hostem iudicauit Antonium? nam ille si non hostis: qui Consulem reliquerunt, hostes necesse est iudicemus. præclara & luculenta reclamatione uestra factum pulcherrimum Martialium comprobauistis: qui se ad Senatus auctoritatem, ad libertatem uestram, ad uniuersam Remp. contulerunt: hostem illum, & latronem, et parricidam patriæ reliquerunt. nec solum id animose, & fortiter, sed considerate etiam,



# PHILIPPICA

sapienterq; fecerunt. Albæ constiterunt in urbe opportu-  
na, munita, propinqua, fortissimorum uirorum, fidelis-  
simorum ciuium, atq; optimorum. Huius Martiæ legio-  
nis legio Quarta innotata uirtutem, duce L. Egnatuleio,  
quem Senatus merito paulo ante laudauit: C. Cæsaris  
exercitum profecta est. quæ expectas M. Antoni iudi-  
cia grauiora? Cæsar fertur in cælum: qui contra te exer-  
citum comparauit: laudantur exquisitissimis uerbis legio-  
nes: quæ te reliquerunt: quæ a te accersitæ sunt: quæ  
tuæ essent: si te consulem, quàm hostem maluisses: quarû  
legionum fortissimum, uerissimumq; iudicium confir-  
mat Senatus: comprobat uniuersus populus romanus: ni-  
si forte uos Quirites consulem, non hostem iudicatis An-  
tonium? sic arbitrabar uos iudicare ut ostenditis. muni-  
cipia, colonias, præfecturas, num aliter iudicare cense-  
tis? omnes mortales una mente consentiunt: omnia ar-  
ma eorum, qui hæc salua uelint: contra illam pestem es-  
se capienda. quid D. Bruti iudiciû Quir. quod ex ho-  
dierno eius edicto perspicere potuistis: num cui tandem  
contemnendum uidetur? recte & uere negastis Quiri-  
tes: est enim quasi deorum immortalium beneficium & mu-  
nere datum Reip. Brutorum genus, & nomen ad liber-  
tatem populi Ro. uel constituendam, uel recuperandam.  
quid igitur D. Brutus de M. Antonio iudicauit? exclu-  
sit prouincia: exercitus obstitit: Galliam totam horta-  
tur ad bellum, ipsam sua sponte, suoq; iudicio exorta-  
tam. Si Consul Antonius: Brutus hostis. si conseruator  
Reip. Brutus: hostis Antonius. num igitur utrum horum  
sit, dubitare possumus? At qui ut uos una mente unaq;  
uoce dubitare uos negatis: sic modo decreuit Senatus, D.  
Brutum optime de Rep. mereri, cum Senatus authorita-  
tem populi



ratem, populiq; Ro. libertatem, imperiumq; defenderit.  
 à quo defenderit? nempe ab hoste. quæ est enim alia lau-  
 danda defensio? deinceps laudatur provincia Gallia:  
 meritoq; ornatur uerbis amplissimis à Senatu: quod re-  
 sistat Antonio. quem si Consulem illa provincia putaret:  
 neq; eum reciperet: magno scelere se astringeret. omnes  
 enim sub Consulis iure, & imperio debent esse provin-  
 ciæ. negat hoc D. Brutus imperator Consul designatus  
 natus Reip. ciuis: negat Gallia: negat cuncta Italia: ne-  
 gat Senatus: negatis uos. quis igitur illum consulem nisi  
 latrones putant? quanquam ne ij quidem ipsi quod lo-  
 quuntur, id sentiunt: nec à iudicio omnium mortalium,  
 quamuis impij, nefarij; sint: sicut sunt: dissentire pos-  
 sunt. sed spes rapiendi, atq; prædandi cecat animos eo-  
 rum: quos non bonorum donatio, non agrorum assi-  
 gnatio, non illa infinita Pompei hasta faciauit: qui sibi  
 urbem, qui bona, & fortunas ciuium ad prædam pro-  
 posuerunt: qui dum sit quod rapiant: quod auferant:  
 nihil sibi defuturum arbitrantur. quibus M. Antonius (o  
 dij immortales auertite, et detestamini quæso hoc omen)  
 urbem se diuisurum esse promissit. ita uero Quir. ut pre-  
 camini ueniat: quo huius amentiae poena, in ipsum, fa-  
 miliamq; eius recidat. quod ita futurum esse confido.  
 iam enim non solum homines, sed etiam deos immor-  
 tales ad Remp. conseruandam arbitror consensisse. Si  
 enim prodigijs, atq; portentis dij immortales nobis futu-  
 ra prædicunt: ita sunt aperte denūciata: ut et illi poena,  
 & libertas nobis appropinquet. si enim tantus consensus  
 omnium, sine impulsu deorum esse non potuit: quid est,  
 quod de uoluntate coelestium dubitare possimus? Reli-  
 quum est Quirites: ut uos in ista sententia, quam præ-



# PHILIPPICA

uobis fertis: perseveretis. Faciam igitur ut Imperatores instructa acie solent: quanquam paratissimos milites ad praeliandum uideant: ut eos tamen adhortentur. sic ego uos ardentes, & erectos ad libertatem recuperandam adhortabor. Non est, non est uobis Quir. cum eo hoste certamen: quo cum aliqua pacis conditio esse possit. neq; enim ille seruitutem uestram, ut antea, sed iam iratus sanguinem concupiscit. nullus ei ludus uidetur esse iucundior, quam cruor, quam caedes, quam ante oculos trucidatio civium. non est uobis Quir. res cum scelerato homine, atq; nefario, sed cum immani terrâq; belua. quæ quoniam in foveam incidit: obruatur. si enim illinc emergerit: nullius supplicij crudelitas erit recusanda. sed tenetur, premitur, urgetur, nunc ijs copijs, quas iam habemus: mox ijs, quas paucis diebus novi Consules comparabunt. incumbite in causam Quir. ut facitis. nunquam inter Senatum & uos consensus maior in ulla causa fuit: nunquam tam uehementer cum Senatu sociati fuistis. nec mirum. agitur enim non qua conditio ne uicturi: sed uicturi ne simus: an cum supplicio ignominiaq; perituri. quanquam mortem quidem omnibus natura proposuit. crudelitatem mortis, & dedecus, uirtus propulsare solet. quæ propria est Romani generis, & feminis. hanc retinete quaeso Quirites: quam uobis tanquam hereditatem maiores uestri reliquerunt. quam quæ omnia alia falsa, incerta sunt, caduca, mobilia. uirtus est una altissimis defixa radicibus: quæ nunquam ulli labefactari potest: nunquam dimoueri loco. hac maiores nostri primum uniuersam Italiam, deuicerunt: deinde Charthaginem exciderunt: numantiam euertierunt: potentissimos Reges, bellicosissimas gentes, in dedi-



tionem huius Imperij redegerunt. Ac maioribus quidē  
uestris Quir. cū eo hoste res erat: q̄ haberet Rēpublicā,  
curiam, ararium, consensum, & concordiam ciuium,  
rationem aliquam, si res ita tulisset: pacis & fœderis.  
hic uester hostis uestram Remp. oppugnat: ipse habet  
nullam: Senatum idest orbis terræ consilium delere ge-  
stit: ipse consilium publicum nullum habet: ararium ue-  
strum exhausit: suum non habet. nam concordiam ciuiū  
qui habere potest? nullam qui habeat ciuitatem? pacis ue-  
ro quæ potest cum eo esse ratio? in quo est incredibilis  
crudelitas? fides nulla? Est igitur Quirites populo Ro-  
mā victori omnium gentiū, omne certamen cum excursio-  
re, cum latrone, cum spartaco. nam quod se simlē Ca-  
tilinæ esse gloriari solet: scelere par est: belli industria  
inferior. ille cum exercitum nullum haberet: repente con-  
fluit. hic eum ipsum exercitum, quem accepit: amisit.  
ut igitur Catilinam diligentia mea, Senatus auctoritate,  
uestro studio, & uirtute fregistis: sic Antoni nefarium  
latrocinium uestra cum Senatu concordia tanta, quanta  
nunquam fuit: felicitate, et uirtute exercituum, ducumq;  
uestrorum, breui tempore oppressum audietis. Equidem  
quantum cura, labore, uigilijs, auctoritate, consilio, eniti  
atq; efficere potero: nihil prætermittam quod ad liberta-  
tem uestram pertinere arbitrabor. neq; enim id pro ue-  
stris in me amplissimis beneficijs sine scelere facere pos-  
sum. hodierno autem die primum referente uiro for-  
tissimo, uobisq; amantissimo M. hoc Seruilio, Collegisq;  
eius ornatissimis uiris, optimis ciuibus, longo interval-  
lo me auctore, & principe ad spem libertatis exar-  
simus.



IN M. ANTONIVM PHILIPPI-  
CA QVINTA. ORATIO.

XLVIII.

*n*ihil unquam longius Calēdis Ian. mā  
hi uisum est patres conscripti: quod idē  
intelligebam p̄ hos dies uniuersūq; uestrū  
uideri. qui enim bellum cum Rep. ge-  
runt: hunc diem non expectant. nos  
autem tum, cum maxime consilio uestro subuenire com-  
muni saluti oporteret: in Senatum conuocabamur. sed  
querelam præteritorum dierum sustulit oratio Con-  
sulum: qui ita locuti sunt: ut magis exoptatæ Cal. Ian.  
quàm seræ esse uideantur. Atq; ut oratio Consulū ani-  
mum meum crexit: spemq; attulit non modo salutis con-  
seruandæ, uerum etiam dignitatis pristinæ recuperan-  
dæ: sic me perturbasset eius sententia: qui primus roga-  
tus est: nisi uestræ uirtuti, constantiæq; considerem. hic  
enim uobis P. C. dies illuxit: hæc potestas data est: ut  
quantum uirtutis, quantum constantiæ, quantum graui-  
tatis, in huius ordinis consilio esset: populo Ro. decla-  
rare possētis. recordamini qui dies nudiustertius deci-  
mus fuerit: quantus consensus uestrum: quanta uirtus:  
quanta constantia: quantam sitis à populo romano lau-  
dem, quantam gloriam consecuti. Atq; illo die P. C. ea  
constituistis: ut uobis nihil iam sit integrum: nisi aut ho-  
nesta pax: aut bellum necessarium. Pacem uult M. An-  
tonius. arma ponat: roget: deprecetur. neminem æquiorē  
me reperiet: cui dum se ciuibus impijs commendat: in-  
imicus esse, quàm amicus maluit. nihil est profecto quod



dari possit bellum gerēti: erit fortasse aliquid: quod con-  
 cedi possit roganti. legatos uero ad eum mittere, de quo  
 grauissimum iudicium nudiustertius decimus fecistis: nō  
 iam leuitatis est: sed, ut quod sentio dicam, dementiæ.  
 primum enim eos duces laudauistis: qui contra illum  
 priuato consilio bellum suscepissent. deinde milites ue-  
 teranos: qui cum ab Antonio in Colonias essent dedu-  
 cti: illius beneficio libertatem populi Ro. anteposuerunt.  
 quid legio Martia? quid Quarta? cur laudantur? si  
 enim consulem suum reliquerunt: uituperandæ sunt. si  
 inimicum Populi Romani: iure laudantur. Atqui cum  
 Consules nondum haberetis: decreuistis, ut & de præ-  
 mijs militum, & de honoribus imperatorum, primo  
 quoq; tempore referretur. placet eodem tempore præ-  
 mia constituere ijs, qui contra Antonium arma coepe-  
 runt: & legatos ad Antonium mittere? ut iam puden-  
 dum sit: honestiora esse legionum decreta: quàm Senatus.  
 siquidem legiones decreuerunt Senatum defendere con-  
 tra M. Antonium. senatus decreuit Legatos ad An-  
 tonium. utrum hoc est confirmare militum animos?  
 an debilitare uirtutem? hoc dies duodecim profecerunt?  
 ut quem nemo præter Cotylam inuentus sit, qui de-  
 fenderet: is habeat iam patronos, etiam Consulares.  
 qui utinam omnes ante me sententiam rogarentur. quā-  
 quam suspicor quid dicturi sunt quidam eorum, qui  
 post me rogabuntur. facilius contradicerem, si quid ui-  
 deretur. est enim opinio, decreturum aliquem M. Anto-  
 nio illam ultimam Galliam: quā Plancus obtinet. Quid  
 hoc aliud est? quàm ab bellum ciuile hosti arma largi-  
 ri? primum neruos belli pecuniam infinitam, qua nūc  
 eget: deinde equitatum, quantum uelit: equitatum dico?



# PHILIPPICA

dubitabit credo gentes Barbaras secum adducere? hoc  
 qui non uidet, excors: qui cum uidet, decernit: impius.  
 tu ciuem sceleratum, & perditum, Gallorum, & ger-  
 manorum exercitu, pecunia, peditatu, equitatu, copijs,  
 instrues? nullæ istæ excusationes sunt: meus amicus est.  
 sit patriæ prius. meus cognatus: an potest cognatio ulla  
 propior esse? quàm patriæ? in qua etiam parentes conti-  
 nentur? mihi pecuniam attribuit. cupio uidere qui id  
 audeat dicere. quid autem agatur, cum aperuero: facile  
 erit statuere, quam sententiam dicatis, aut sequamini.  
 Agitur utrum M. Antonio facultas detur opprimendæ  
 Reipublicæ, cædis faciendæ, bonorum diripiendorum,  
 urbis, agrorum, suis latronibus condonandi, populum  
 romanum seruitute opprimendi: an horum nihil facere  
 ei liceat. dubitate quid agatis. an non cadunt hæc in  
 Antonium? hoc ne Cotta quidem dicere auderet. quid  
 enim in eum non cadit? qui cum Cæsaris acta se defen-  
 dere dicit: eius leges peruertit: quas maxime laudare po-  
 teramus. ille paludes siccare uoluit. hic omnem Italiam  
 moderato homini L. Antonio diuidendam dedit. quid?  
 hanc legem populus Ro. accepit? quid? per auspicia fer-  
 re potuit? sed augur uerecundus sine Collegis de auspi-  
 cijs non interpretaretur. quanquam illa auspicia non  
 egent interpretatione augurum. Ioue enim tonante cum  
 populo Ro. agi non esse fas qui ignorat? Tribuni Pl.  
 tulerunt de prouincijs contra acta Cæsaris ille biennij,  
 iste sexennij. num etiam hanc legem populus Ro. ac-  
 cepit? quid? promulgata fuit? quid? non ne ante lata,  
 quàm scripta? non ne ante factam uidimus: quàm futu-  
 ram quisquam est suspicatus? ubi lex Cælia? & Di-  
 dia? ubi promulgatio trinundinum? ubi pœnæ recentis



lege Iunia, & Licinia? possunt ne hæ leges ratæ esse, si-  
ne interitu legum reliquarum? & cui potestas in forū  
introeundi fuit? quæ porro illa tonitrua? quæ tempe-  
stas? aut si auspicia M. Antonium non mouerent: susti-  
nere eum, aut ferre non posse tantam uim tempestatis,  
hymbris, ac turbinum mirum uideretur: quam legem  
igitur se augur dicit tulisse, non modo tonante Ioue, sed  
prope cælesti clamore prohibente: hanc dubitabit con-  
tra auspicia latam confiteri? quid? quod cum eo collega  
tulit, quem ipse fecit sua nunciatione uiciosum: nihil ne  
ad auspicia bonus Augur arbitratus est pertinere? sed  
auspiciorum nos fortasse erimus interpretes: qui sumus  
eius Collegæ. num ergo etiā armorū interpretes quæri-  
mus? primū omnes fori aditus ita septi: ut etiā si nemo  
obstaret armatus: tamen nisi septis reuulsis introiri in-  
forum nullo modo posset. sic uero erant disposita præsi-  
dia: ut quomodo aditus hostium prohibetur Castellis, et  
aggeribus: ita ab ingressione fori populum tribunosq;  
pl. propulsari uideres. Quibus de causis eas leges, quas  
M. Antonius tulisse dicitur: omnes cenſeo per uim, &  
contra auspicia latas: hisq; legibus populum Ro. non te-  
neri. Si quam legem de actis Cæsaris confirmandis,  
de uie Dictatura in perpetuum tollenda, de uie Colonis  
in agros deducendis tulisse M. Antonius dicitur: easdē  
leges de integro, ut populum teneant, saluis auspicijs fer-  
re placet. Quamuis ergo bonas leges uicioſe, per uimq;  
tulerit: tamen hæ leges non sunt habendæ: omnisq; au-  
dacia gladiatoris amentis, authoritate nostra repudian-  
da est. illa uero dissipatio pecuniæ publicæ, ferēda nul-  
lo modo est: per quam septies millies falsis perſcriptio-  
nibus, donationibusq; uertit: ut portenti simile uidea-



# PHILIPPICA

tur: tantam pecuniam populi Ro. tam breui tempore pervire potuisse? quid illi immanes quæstus? ferendi ne? quos M. Antonij tota exhausit domus? decreta falsa uendebat: regna, ciuitates, immunitates, in æs accepta pecunia iubebat incidi. hæc se ex commentarijs Cæsaris, quorum ipse auctor erat: agere dicebat. in interiore ædiũ parte totius Reip. mundinæ: mulier sibi felicior, quàm uir, auctionem prouinciarum, regnorumq; faciebat: restituebantur exules, quasi lege, sine lege: quæ nisi auctoritate Senatus rescindantur: quoniam ingressi in spem Reip. recuperandæ sumus: imago nulla liberæ ciuitatis relinquetur. Neq; solum commentarijs commenticijs, chirographisq; uenalibus innumerabilis pecunia congesta in illam domum est: cum quæ uendebat Antonius: ea se ex actis Cæsaris agere diceret: sed Senatus etiam Consulta pecunia accepta falsa referebat: syngraphæ obsignabantur: senatus consulta tanquam facta ad ærarium referebatur. Huius turpitudinis testes erant etiã extræ nationes. fœdera interea facta: regna data: populi prouinciæq; liberatæ. earum rerum falsæ tabulæ gemente populo Ro. toto Capitolio figebatur. Quibus rebus tanta pecunia una in domo coacervata est: ut, si hoc genus in unum redigatur: non sit pecunia populo romano defutura. Is etiam legem iudiciariam tulit: homo castus, atq; integer, iudiciorum & iuris auctor. in quo uos fefellit. antesignanos, & manipulares, & alaudas iudices se constituisse dicebat. at ille legit aleatores: legit exules: legit græcos. O' confessum iudicium præclarum: O' dignitatem consilij admirandam. pauet animus apud consilium illud pro reo dicere. Cydam cretensem, portentum insulæ, hominem audacissimum, & perditissimum.



simum. sed fac ita non esse. num latine scit? num ex iu-  
 dicum genere & forma? num leges nostras moresue  
 nouit? num deniq; homines? est enim uobis Creta notior:  
 quam Roma Cyde. delectus autem & notatio iudi-  
 cum etiam in nostris ciuibus haberi solet, Cortynium  
 uero iudicem quis nouit? aut quis nosse potuit? Nam  
 Lysidem Atheniensem pleriq; nouimus: est enim Phe-  
 dri Philosophi nobilis filius: homo praeterea festiuus:  
 ut ei cum M. Curio confessore eodem, & collusore facil-  
 lime possit conuenire. quæro igitur, si Lysides citatus ius-  
 dex non responderit: excuseturq; Areopagites esse: nec  
 debere eodem tempore Romæ, & Athenis res iudicare:  
 accipiet ne excusatione is, qui quaestioni præerit, græci  
 li iudicis, modo palliati, modo togati? an Atheniensium  
 antiquissimas leges negliget? qui porro ille confessus  
 dū boni? cretensis iudex, usq; neglissimus. quæadmodū ad  
 hunc reus alleget? quomodo accedat? dura natio est.  
 at Athenienses misericordes. puto ne Curium qui-  
 dem esse crudelem: qui quotidie periculum fortunæ  
 faciat. sunt item lecti Iudices: qui fortasse excusa-  
 buntur: habent enim legitimam excusationem: exiliij  
 causa solum uertisse: nec esse postea restitutos. hos ille de-  
 mens iudices legisset? horum nomina ad ærarium de-  
 tulisset? his magnam partem Reip. credidisset? si ullam  
 speciem Reip. cogitauisset? Atq; ego de notis iudicibus  
 dixi. quos minus nostis, nolui nominare. saltatores,  
 citharistas, totum deniq; comesationis Antonianæ cho-  
 rum in tertiam decuriam iudicum scitote esse colle-  
 ctum. hæc causa, cur lex tam egregia, tamq; præ-  
 clara, maximo hymbri, tempestate, uentis, procellis, tur-  
 binibus, inter fulmina, & tonitrua ferretur: ut eos Iu-



# PHILIPPICA

dices haberemus: quos socios ad epulas habere hospites  
 nemo uelit. scelerum magnitudo, conscientia maleficio-  
 rum, direptio eius pecuniæ, cuius ratio in æde Opis  
 confecta est: hanc tertiam decuriam excogitauit: nec  
 ante turpes iudices quæsi: quàm honestis iudicibus no-  
 centium salus desperata est. Sed illud os, illam impuri-  
 tatem \* fecissent: ut hos iudices legere auderet: quo-  
 rum lectione duplex imprimeretur Reip. dedecus: unū,  
 quod tam turpes iudices essent: alterum, quod patefa-  
 ctum, cognitumq; esset, quàm multos in ciuitate turpes  
 haberemus. Hanc ego & reliquas eiusmodi leges, eti-  
 am si sine ui, salus auspicijs essent rogatæ: censerem  
 tamen abrogandas. nunc uero abrogandas censeam,  
 quas iudico non rogatas? An illa non grauissimis igno-  
 minijs, monumentisq; huius ordinis ad posteritatis me-  
 moriam sunt notanda? quod unus M. Antonius in hac  
 urbe post conditam urbem palàm secum habuit arma-  
 tos? quod neq; reges fecerunt: neq; ij, qui Regibus exactis  
 regnum occupare uoluerūt. Cinnam memini: uidi Syl-  
 lam: modo Cesarem: hi enim tres post ciuitatem à L.  
 Bruto liberatam, plus poterunt: quàm uniuersa Respu-  
 blica. non possum affirmare nullis telis eos stipatos fuis-  
 se. hoc dico: nec multis, & oculis. at hanc pestem ag-  
 men armatorum sequebatur: Classitius, Mustella, Tyro  
 gladios ostentantes sui similes greges ducebant per fo-  
 rum: certum agminis locum tenebant Barbari sagittæ  
 rj. cum autem erat uentum ad ædem Concordiæ: gra-  
 dus complebantur: læticæ collocabantur: non quod il-  
 le scuta uellet occulta esse: sed ne familiares, si scuta ipse  
 ferrent, laborarent. illud uero teterrimum auditu non  
 modo aspectu. In cella Concordiæ collocari armatos la-



trones, siccarios: è templo carcerem fieri: apertis ualuis  
 Concordiæ, cum inter subsellia Senatus uersarentur la-  
 trones: patres conscriptos sententias dicere. huc etiam nisi  
 uenire cal. Septembris, fabros se missurum, & domum  
 meam disturbaturum esse dixit. magna res credo age-  
 batur: de supplicatione referebatur. ueni postridie: ipse  
 non uenit. locutus sum de Rep. minus equidem libe-  
 re, quam mea consuetudo, liberius tamen, quam pericu-  
 la, minæq; postulabant. At ille homo uehemens, & ui-  
 lentus, qui hanc consuetudinem libere dicendi exclude-  
 ret: fecerat enim hoc idem maxima cum laude L. Piso.  
 XXX diebus ante me: inimiçias mihi denunciauit:  
 adesse in Senatu iussit ad XIII. cal. Octobris. ipse in-  
 terea decem & septem dies: ut digestio potius quam de-  
 clamatio uideretur: de me in Tyburtino Scipionis de-  
 clamauit, sitim quærens. hæc enim ei causa esse so-  
 let declamandi. cum is dies, quo me adesse iusserat: ue-  
 nisset: tum uero agmine quadrato in ædem Concordiæ  
 uenit: atq; in me absentem orationem ore impurissimo  
 euomit. quo die, si per amicos mihi cupienti in Sena-  
 tum uenire licuisset: cædis initium fecisset a me: sic enim  
 statuerat. cum autem semel gladium scelere imbuisset:  
 nulla res ei finem cædendi, nisi defatigatio, & sacietas,  
 attulisset. etenim aderat L. frater gladiator Asiaticus,  
 qui myrmillo Milasis depugnarat: sanguinem nostrum  
 sitiebat: suum in illa gladiatoria pugna multum pro-  
 fuderat. hic pecunias nostras æstimabat: possessiones no-  
 tabat, & urbanas, & rusticas: huius mendicitas auidi-  
 tati coniuncta in fortunas nostras imminebat: diuidebat  
 a gros quibus, & quos uolebat: nullus aditus erat priua-  
 to: nulla æquitatis depreçatio: tantum quisq; habebat pos



# PHILIPPICA

*seffor: quantum reliquerat diuisor Antonius. quæ quã-*  
*quam, si leges irritas feceritis: rata esse non possunt: tamen*  
*separatim suo nomine notanda cenſeo: iudicandumq;*  
*nullos Septemuiros fuiſſe: nihil placere ratum eſſe, quod*  
*egiffent: aut quod ab ijs actum diceretur. M. uero Anto-*  
*nium, quis eſt qui ciuem poſſit iudicare potius, quàm te*  
*terrimum, & crudeliſſimum hoſtem? qui pro æde Caſto*  
*ris ſedens, audiente Populo Ro. dixerit, niſi uictorem ui-*  
*cturum neminem? num putatis P. C. dixiſſe eum mi-*  
*nacius, quàm facturum fuiſſe? quid uero? quod in cõ-*  
*cione dicere auſus eſt? ſe cum magiſtratu abiſſet: ad*  
*urbem uenturum cum exercitu: introiturum quotienſ-*  
*cunq; uellet? quid erat aliud, niſi denunciare populo*  
*Ro. ſeruitutem? quod autem eius iter Brundusiũ? quæ*  
*feſtinatio? quæ ſpes? niſi ut ad urbem potius exercitum*  
*maximum adduceret? qui autem delectus Centurio-*  
*num? quæ effrenatio impotentis animi? cum eius pro-*  
*miſſis legiones fortiſſimæ reclamaffent: domum ad ſe*  
*uenire iuſſit Centuriones: quos bene de Rep. ſentire cõ-*  
*gnouerat: eosq; ante pedes ſuos, uxorisq; ſuæ, quam ſe-*  
*cum grauis imperator ad exercitum duxerat: iugulari*  
*cœgit. quo animo hunc cenſetis futurum in nos: quos*  
*oderat? cum in eos, quos nunquam uiderat: tam cru-*  
*delis fuiſſet? & quàm auidum in pecunijs locupletum:*  
*qui pauperum ſanguinem concupiſſet? quorum ipſorũ*  
*bona, quanta cunq; erant: ſtatim ſuis comitibus, com-*  
*potoribusq; deſcripſit. Atq; ille ſurens infeſta iam pa-*  
*triæ ſigna Brundusio inferebat. cum Cæſar deorum*  
*immortalium beneficio diuini animi, ingeni, conſilij ma-*  
*gnitudine, cum ſua ſponte eximãq; uirtute, tum appro-*  
*batione authoritatis meæ Colonias patris adiit: uetera*



nos milites conuocauit: paucis diebus exercitum fecit: in  
citatos latronis impetus retardauit. postea uero quam le  
gio Martia ducem præstantissimum uidit: nihil egit  
aliud: nisi ut aliquando liberi essemus. quam est imi  
tata quarta legio. quo ille nuncio audito, cum Senatum  
uocasset: adhibuissetq; Consularem: qui sua sententia  
C. Cæsarem hostem iudicaret: repente concidit. Post au  
tem neq; sacrificijs solemnibus factis, neq; uotis nun  
cupatis, profectus est: & profugit paludatus. At quo?  
in prouinciā firmissimorum, & fortissimorum ci  
uium: qui illum, ne si ita quidem uenisset: ut nullum  
bellum inferret: ferre potuissent, impotentem, iracun  
dum, contumeliosum, superbum, semper poscentem, sem  
per rapientem, semper ebrium. At ille, cuius ne pacatam  
quidem nequitiam quisquam ferre posset: bellum intus  
lit prouinciæ Galliæ: arcusedit Mutinam firmissimā  
et splendidissimā populi Ro. coloniam: oppugnat D.  
Brutum imperatorem, consulem designatum, cuiem nō  
sibi sed nobis & Reip. natum. Ergo Annibal hostis? ci  
uis Antonius? quid ille fecit hostiliter? quod hic aut nō  
fecerit: aut non faciat: aut non moliatur: & cogitet?  
totum iter Antoni quid habuit? nisi depopulationes? ua  
stationes? cædes? rapinas? quæ non faciebat Annibal:  
quia multa ad usum reservabat: hæc ij, qui in horam  
uiuant: non modo de fortunis, & de bonis ciuium, sed  
ne quidem de utilitate sua cogitauerunt. ad hunc (dij  
boni) legatos mitti placet? norunt isti homines formam  
Reipublicæ, iura belli, exempla maiorum? cogitant qd  
populi Ro. maiestas, quid Senatus seueritas postulet? Le  
gatos decernitis. si ut deprecantur: contemnet: si ut im  
peretis: non audiet. denique quamuis seuera legatis



# PHILIPPICA

mandata dederimus: nomen ipsum Legatorum hunc,  
 quē uidimus, restinguet ardorem municipiorum: atq;  
 Italiae franget animos. ut omittā hęc, quę magna sunt:  
 ista legatio moram, & tarditatem asferet bello. quam-  
 uis dicant, & quosdam audiam dicturos: legati profici-  
 untur bellū nihilominus paretur: tamen legatorū nomē  
 ipsum, & animos molliet: & belli celeritatem mora-  
 bitur. Minimis momentis P. C. maximę inclinationes  
 temporum fiunt, cum in omni casu reipublicę, tum in  
 bello, & maxime ciuili: quod opinione plerunq; & fā-  
 ma gubernatur. nemo quæret quibus cum mandatis le-  
 gatos miserimus: nomen ipsum legationis ultero missę ti-  
 moris esse signum uidebitur. recedat a' Mutina: desinat  
 oppugnare Brutum: decedat ex Gallia: nō est uerbis ro-  
 gandus: cogendus est armis. nō enim ad Annibalem mit-  
 timus: ut a' Sagunto recedat: ad quem miserat olim Se-  
 natus P. Valerium Flacum, & Q. Fabium Pamphi-  
 lum: qui, si Annibal nō pareret: Carthaginem ire iussi  
 sunt. nostros Legatos quo iubebimus ire? si non parue-  
 rit Antonius? ad nostrum ciuem mittimus, ne impe-  
 ratorem, ne Coloniam populi Ro. oppugnet. Ita ne uero?  
 hoc per legatos rogandus est? quid interest per deos im-  
 mortales: utrum hanc urbem oppugnet? an huius ur-  
 bis propugnaculum, coloniamq; populi Ro. præsidij cau-  
 sa collocatam? belli punia secundi, quod contra maio-  
 res nostros Annibal gessit: causa fuit Sagunti oppugna-  
 tio. recte ad eum Legati missi. mittebantur ad pœnum:  
 mittebātur pro Annibale hostibus nostris et socijs. qd si-  
 mile tandē? nos ad ciuem mittimus: ne Imperatorem po-  
 puli romani, ne exercitum ne coloniam circumsedeat: ne  
 oppugnet: ne agros depopuletur: ne sit hostis. Age, si pœ-



uerit: hoc ciue uti aut uolumus? aut possumus? ante diem  
XIIII cal. Ian. decretis uestris eum concidistis: consti-  
tulistis ut hæc ad uos cal. Ian. referrentur: quæ referri uē-  
detis: de honoribus, & præmijs bene de Repub. merito-  
rū, et merentium: quorum Principem iudicauistis eum,  
qui fuit: C. Cæsarem: qui M. Antonij impetus nefarios  
ab urbe in Galliam uertit. deinde milites ueteranos:  
qui primi Cæsarem secuti sunt. tum illas cælestes, diui-  
nasq; legiones, Martiam, & Quartam: quibus, cum  
Consulem suum non modo reliquissent: sed bello etiam  
persequerentur: honores et præmia spondidistis: eodēq;  
die D. Bruti præstantissimū ciuis edicto allato, atq; pro-  
posito, factum eius collaudauistis: quodq; ille bellum  
priuato cōsilio suscepit: id uos auctoritate publica com-  
probauistis. quid igitur illo die aliud egistis? nisi ut re-  
hostem iudicaretis Antonium? his uestris decretis aut  
ille uos æquo animo aspicere poterit? aut uos illum sine  
dolore summo uidebitis? exclusit illum à Repub. distra-  
xit, segregauit, non solum scelus illius, sed etiam, ut mi-  
hi uidetur, fortuna quædam Reipublicæ. qui si Legatis  
parauerit: Romamq; redierit: num quando perditis ci-  
uibus uexillum, quo concurrant, defuturum putatis?  
sed hoc minus uereor. sunt alia, ob quæ magis nun-  
quam parebit ille legatis. noui hominis insaniam, ar-  
rogantiam: noui perditæ consilia amicorum: quibus  
ille est deditus. Lucius quidem frater eius ut pote qui  
peregre depugnauit: familiam ducit. si per se ipse sa-  
nus, quod nunquam erit: per hos esse ei tamen non  
licebit. teretur interea tempus: belli apparatus refrige-  
scent. unde est adhuc bellum, nisi retardatione, &  
mora? ut primum post discessum latronis, uel potius



# PHILIPPICA

desperatam fugam libere Senatus haberi potuit: semper flagitavi: ut conuocaremur: quo die primum conuocati sumus: cum designati Consules non adessent: ieci sententia mea maximo uestro consensu fundamenta Reipub. serius omnino, quam decuit: nec enim ante potui. sed tamen si ex eo tempore dies nullus intermissus esset: bellum profecto nullum haberemus. omne malum nascens facile opprimitur: inueteratum fit plerumque robustius. Sed tum expectabantur Calen. Ianu. fortasse non recte. uerum praeterita omittamus. etiam ne hanc moram afferemus: dum proficiantur Legati? dum reuertantur? quorum expectatio dubitationem belli afferet. bello autem dubio quod potest studiū esse delectus? Quamobrem P. C. Legatorum mentionem nullam censeo faciendam: rem administrandam arbitror sine ulla mora: et confestim gerendam censeo: tumultum decerni, iusticiam iudici, saga sumi dico oportere: delectum haberi sublatis uacationibus in urbe, et in Italia praeter Galliam totam. Quae si erunt facta: opinio ipsa et fama uestrae seueritatis obruet scelerati gladiatoris amentiam. sentiet sibi bellum cum Rep. esse susceptum: experietur consentientis Senatus neruos, atque uires. nam nunc quidem partium contentionem esse dicuntur. quarum partium? alteri uicti sunt: alteri sunt e medijs C. Caesaris partibus. Nisi forte Caesaris partes a Pansa, et Hirco consulibus et a filio C. Caesaris oppugnari putamus. Hoc uero bellum non ex dissensione partium, sed ex nefaria spe perditissimorum ciuium excitatum: quibus bona, fortunaeque nostrae notae sunt: et iam ad cuiusque opinionem distributae. Legi epistolam Antonij: quam ad quendam Septemuirum capitalem hominem Collegam suum



gam suum miserat. Quid concupiscas tu uideris: quod concupueris certe habebis. Hem ad quem Legatos mitamus? cui bellum moremur inferre? qui ne sorti quidē fortunas nostras destituit: sed libidini cuiusq; nos ita, ad dicit: ut ne sibi quidem quicquam integrum, quod nō alicui promissum iam sit: reliquerit. cum hoc P. C. bello, bello inquam certandū est: idq; confestim. legatorū tarditas repudianda est. Quapropter ne multa nobis quoti die decernenda sint: Consulibus totam Remp. committendam censeo: hisq; permittendum, ut Remp. defendāt: provideantq; ne quid Resp. detrimenti accipiat. censeoq; ut ijs, qui in exercitu Antonij sunt: ne sit ea res fraudi: si ante cal. Feb. ab eo discesserint. hēc si censueritis patres cōscripti: breui tpe libertatem Reip. auctoritatemq; uestrā recuperabitis. si aut lenius agitis: tamē eadem, sed fortasse serius decernetis. de Rep. quoad retulistis: satis decreuisse uideor. Altera res est de honoribus. de quibus deinceps intelligo esse dicendum. Sed qui ordo in sententijs rogandis seruari solet: eundē tenebo in uiris fortibus honorandis. à Bruto igitur Consule designato more maiorum capiamus exordium: cuius, ut superiora omittam: quæ sunt maxima illa quidē: sed adhuc hominum magis iudicijs, quàm publice laudata: quibus nam uerbis eius laudes huius ipsius temporis consequi possūmus? neq; enim ullam mercedem tanta uirtus, præter hanc laudem, gloriæq; desiderat. qua, etiam si careat: tamen sit se ipsa contenta. quanquā in memoria gratorum ciuium, tanquam in luce posita lætetur. laus igitur iudicij, testimonijq; uestri tribuenda Bruto est. quamobrem his uerbis P. C. Senatus consultum faciendum censeo. Cum D. Brutus Imp. Cons. de-



# PHILIPPICA

signatus, provinciā Galliam in Senatus populiq; Ro. potestate teneat: cumq; exercitum tantum, tam breui tempore summo studio municipiorum, coloniarumq; provinciae Galliae Optime de Rep. merita, merentisq; conscripserit: compararit: id eum recte, & ordine, exq; Rep. fecisse: idq; D. Bruti praestantissimum meritum in Rep. Senatui populoq; Ro. gratum esse: & fore. Itaq; senatum populumq; Ro. existimare D. Bruti imperatoris Cons. desig. opera, consilio, uirtute, incredibiliq; studio, & consensu provinciae Galliae, Reip. difficillimo tempore esse subuentum. huic tanto merito Bruti P. C. tantoq; in rempublicam beneficio, quis est tantus honos? qui non debeatur? nam si M. Antonio patuisset Gallia: si oppressis municipijs, & colonijs imparatis, in illam ultimam Galliam penetrare potuisset: quantus Reip. terror impenderet? dubitaret credo homo amentissimus, atq; omnibus consilijs praecipuus, & deuius, non solum cum exercitu suo, sed etiam cum omni immanitate Barbariae bellum inferre nobis: ut eius furorem ne alpium quidem muro cohibere possemus. Haec igitur habenda gratia est D. Bruto: qui illum nondum interposita auctoritate uestra, suo consilio, atq; iudicio, non ut consulē recepit: sed ut hostem arcuit: Gallia, seq; obsideri, quam hanc urbē maluit. Habeat ergo huius tanti facti, tamq; praecleari decreto uestro testimonium sempiternum: Galliaq; quae semper praesidet, atq; praesedit huic Imperio, libertatiq; communi: merito uereq; laudetur: quod se, suasq; vires non tradidit: sed opposuit. Atq; etiam M. Lepido pro eius egregijs in Remp. meritis decernendos honores quam amplissimos censeo. semper ille populum Ro. liberum esse uoluit: maximumq; signum



illo die dedit uoluntatis, et iudicij sui: cum Antonio diademata Caesari imponente, se auertit: gemituq; et maestitia declarauit quantum haberet odiū seruitutis: q̄ populum Ro. liberum cuperet: quā illa, quæ tulerat, temporū magis necessitate, quā iudicio tulisset. Quanta uero is moderatione usus sit, in illo tempore ciuitatis: quod post mortem Caesaris consecutum est: quis nostrū obliuisci potest? Magna hæc: sed ad maiora properat oratio. quid enim, o' dij immortales, admirabilius omnibus gentibus? quid optatius populo Ro. accidere potuit? quā cum bellum ciuile maximum esset: cuius belli exitum omnes timeremus: sapientia etiam id potius extingui, quā armis et ferro rem in discrimen adducere? Quod si eadem ratio Caesaris fuisset, in illo terro miseroq; bello: ut omittam patrem: duos Cn. Pompei summi et singularis uiri filios incolumes haberemus. quibus certe pietas fraudi esse non debet. utinam omnes M. Lepidus seruare potuisset: facturum fuisse declarauit, in eo, quod potuit: cum Sex. Pompeium restituit ciuitati, maximum ornamentum Reipublicæ, clarissimū monumentum clementiæ suæ. grauis illa fortuna populi Ro. graue fatum. Pompeio enim patre, quod Imperij populi Ro. lumen fuit: extincto, interfectus est patris simillimus filius. sed omnia mihi facta uidentur deorum immortalium iudicio, et pietate, Sex. Pompeio Reip. conseruato. Quam ob causam iustam, atq; magnam, et quod periculosissimum ciuile bellum, maximumq; humanitate et sapientia sua M. Lepidus ad pacem concordiamq; conuertit: Senatus consultum his uerbis censeo perscribendum. Cum à M. Lepido Imp. Pontifice Max. sæpenumero Resp. et bene, et feliciter gesta



# PHILIPPICA

sit: populusq; Ro. intellexerit ei dominatum regū ma-  
 xime displicere: cumq; eius opera, uirtute, consilio, singu-  
 lariq; clementia, & mansuetudine bellum acerbissimū  
 ciuile sit restinctum: Sex. q; Pompeius, Cn. F. Magnus  
 huius ordinis auctoritate ab armis discesserit: & à M.  
 Lepido Imp. Pont. Max. summa senatus populiq; Ro. uo-  
 lūtate ciuitati restitutus sit: Senatum populumq; Ro. pro  
 maximis plurimusq; in Remp. M. Lepidi meritis, ma-  
 gnā spem in eius uirtute, auctoritate, felicitate, repo-  
 nere, oculi, pacis, concordiae, libertatis: eiusq; in Rempub.  
 meritorum senatum populumq; Ro. memorem fore: eiq;  
 statuam equestrem inauratam in rostris, aut quo alio  
 loco in foro uellet, ex huius ordinis sententia statui pla-  
 cere. Qui honos P. C. mihi maximus uidetur. primum,  
 quia iustus est. non enim solū datur propter spem tem-  
 porum reliquorum: sed pro amplissimis meritis reddi-  
 tur. nec uero cuiquam possumus commemorare hunc  
 honorem à Senatu tributum iudicio Senatus soluto, &  
 libero. Venio ad C. Cæsarem P. C. qui nisi fuisset:  
 quis nostrum esse potuisset? aduolabat ad urbē à Brun-  
 dusio homo impotentissimus, ardens odio, animo hostili  
 in omnis bonos cum exercitu Antonius. quid huius au-  
 daciae, & sceleri poterat opponi? nondum ullos duces  
 habebamus: non copias: nullum erat consilium publi-  
 cum: nulla libertas: dandae ceruices erant crudelitati  
 nefariae: fugam querebamus omnes: quae ipsa exitum  
 non habebat. quis tum nobis, quis populo Ro. obtulit  
 hunc diuinum adolescentem deus? qui, cum omnia ad  
 perniciē nostram pestifero illi ciui paterent: subito prae-  
 ter spem omnium exortus, prius confecit exercitum: quē  
 furori M. Antonij opponeret: quā quisquam hoc eum



cogitare suspicaretur. magni honores habiti Cn. Pompeio: cum esset adolescens: et quidem iure: subuenit enim reipublicæ: sed ætate multo robustior: & militum du-  
cem quærentium studio paratior: & in alio genere belli. non enim omnibus Syllæ causa grata. declarat multitudo proscriptorum: tot municipiorum maximæ calamitates. Cæsar autem annis multis minor ueteranos cupientes iam requiescere armauit: eam complexus est causam: quæ esset Senatui: quæ populo, quæ cunctæ Italiæ, quæ dijs omnibus gratissima. & Pompeius ad L. Syllæ maximum imperium, uictoremq; exercitum accessit. Cæsar se ad neminem adiunxit: ipse Princeps exercitus facendi, & præsidij comparandi fuit. ille in aduersariorum partibus agrum picenum habuit munitum. hic ex Antoni amici, sed amicioribus libertati, contra Antonium confecit exercitum. illius opibus Sylla regnauit. huius præsidio Antoni dominatus oppressus est. demus igitur imperium Cæsari: sine quo res militaris administrari, teneri exercitus, bellum geri non potest: & pro populo Ro. eo iure, quo qui optimo. qui honos, quâquam est magnus, illi ætati: tamen ad necessitatem rerum gerendarum, non solum ad dignitatem ualet. itaq; illa quæramus, quæ uix hodierno die consequemur. sed sæpe spero fore, huius adolescentis hortandi honorandiq; & nobis & populo Ro. potestatem. Hoc autem tempore ita censeo decernendum. Quod C. Cæsar C. F. Pontifex, Proprætor, summo Reip. tempore milites & ueteranos ad libertatem populi Ro. cohortatus sit: eosq; conscripserit: quodq; legio Martia, Quartaq; summo studio, optimoq; in Remp. consensu, C. Cæsare duce & authore rempublicam, libertatem populi Ro.



PHILIPPICA

defendant: defenderint: & quod C. Caesar Proprætor,  
Galliæ provinciæ cum exercitu subsidio profectus sit:  
equites, sagittarios, elephantos in suam populiq; Ro. po=  
testatem redegerit: difficillimoq; Reip. tempore saluti, di=  
gnitatiq; populi Ro. subuenerit: ob eas causas Senatui pla=  
cere C. Caesarem C. F. Pontificem, Proprætorem, Sena=  
torem esse: sententiamq; loco prætorio dicere: eiusq; ra=  
tionem quæcunq; appetet, ita haberi: prout haberi le=  
ge liceret: si anno superiore Quæstor fuisset. qd est enim  
P. C. cur eum non quamprimum amplissimos honores  
capere cupiamus? Legibus enim annalibus cum gran=  
diorem ætatem ad Cōsulatum constituiebant: adolescen=  
tiæ temeritatem uerebantur. C. Caesar ineunte ætate do=  
cuit ab excellenti eximiq; uirtute, progressum ætatis  
expectari non oportere. itaq; maiores nostri ueteres il=  
li admodum antiqui leges annales non habebant:  
quas multis post annis attulit ambitio: ut gradus essent  
petitionis inter æquales. Ita sæpe magna indoles uirtu=  
tis prius q̃ Reip. prodesse potuisset: extincta fuit. At ue=  
ro apud antiquos Rulli, Decij, Coruini, multiq; alij, re=  
cētior ætate memoria superior Africani, T. Flaminius,  
admodū adolescentes Cōsules facti tantas res gesserunt:  
ut populi Ro. imperiū auxerint: nomē ornarint. Quid  
Macedo Alexander? cū ab ineunte ætate res maximas  
gerere cœpisset: non ne tertio & trigésimo anno mor=  
tem obiit? quæ est ætas nostris legibus decem annis mi=  
nor: quàm Consularis. ex quo iudicari potest: uirtutis  
esse quàm ætatis cursum celeriores. nam quod ij, quib;  
Caesari inuidet, simulant se timere. ne uerèdum qui=  
dem est: ut tenere se possit: ut moderari: ne honoribus  
nostris elatus intemperatius suis opibus utatur. Ea na=



tura rerum est P. C. ut qui sensum ueræ gloriæ cœperit: quiq; se ab Senatu, ab Equitibus romanis, populoq; Ro. uniuerso senserit ciuem clarum haberi, salutaremq; Reipublicæ: nihil cum hac gloria comparandum putet. Vtinam C. Cæsari, patri dico, contigisset adolescenti: ut esset Senatui, atq; optimo cuiq; charissimus. quod cum consequi neglexisset: omnem uim ingenij, quæ summa fuit in illo: in populari leuitate consumpsit. Itaq; cum respectum ad Senatum, & ad bonos non haberet: eam sibi uiam ipse patefecit ad opes suas amplificandas: quam uirtus liberi populi ferre non posset. Eius autem filij longissime diuersa ratio: qui cum omnibus est, tum optimo cuiq; charissimus. in hoc spes libertatis posita est: ab hoc accepta iam salus: huic summi honores & exquiruntur: & parati sunt. cuius igitur singularem prudentiam admiramur: eius stultitiam timemus? quid enim stultius? quàm inutilem potentiam, inuidiosas opes, cupiditatem dominandi præcipitem, & lubricam anteferre ueræ, graui, solidæ gloriæ? an hoc uidit puer? si ætate processerit, non uidebit? At est quibusdam inimicus clarissimis atq; optimis ciuibus. nullus iste timor eē debet. omnis Cæsar inuictas Reip. condonauit. hanc sibi iudicem constituit: hanc moderatricem omnium factorū. ita enim ad Remp. accessit: ut eam confirmaret: non ut euenteret. omnis habeo cognitos sensus adolescentis: nihil est illi Rep. charius: nihil uestra autoritate grauius: nihil bonorum uirorum iudicio optatius: nihil uera gloria dulcius. Quamobrem ab eo non modo nihil timere, sed maiora & meliora expectare debetis: neq; in eo, qui ad D. Brutum obsidione liberandum profectus sit: timere ne memoria maneat domestici doloris.



# PHILIPPICA

quæ plus apud eum possit, quàm salus ciuitatis. Audebo etiam obligare fidem meam P. C. uobis, populoq; romano: quod profecto, cum me nulla uis cogeret: facere non auderè: ptimesceremq; in re maxima periculosam opinionem temeritatis. promitto, recipio, spòdeo patres conscripti, C. Cæsare talem semper fore ciuem: qualis hodie sit: qualemq; eum maxime uelle et optare debemus. Quæ cum ita sint: de Cæsare satis hoc tempore dictum habeo. Nec uero de L. Egnatuleio fortissimo, et constantissimo ciue, ammissimo Reip. silendum arbitror: sed tribuendum testimonium uirtutis egregiæ: quod is legionem Quartam ad Cæsarem adduxerit: quæ praesidio Consulibus senatui populoq; ro. rei q; pub. esset. ob eam causam placere, uti L. Egnatuleio triennium ante legitimum tempus magistratus petere, capere, gerere liceat. In quo P. C. non tantum commodum tribuitur L. Egnatuleio: quantum honos. in tali enim re satis est nominari. De exercitu autem C. Cæsaris ita censeo decernendum. senatui placere, militibus ueteranis, qui Cæsaris Pontificis, auctoritatemq; huius ordinis defenderint: atq; defendant: his liberisq; eorum militiæ uacationem esse: utiq; C. Pansa, A. Hircius Consules alter, ambo ue cognoscerent: qui ager colonus esset, quo milites ueterani deducti essent: qui contra legem Iuliam possideretur: ut is militibus ueteranis diuideretur. de agro Campano separatim cognoscerent: inirentq; rationem de commodis militum ueteranorum augendis, legioniq; Martiæ, et legioni Quartæ, et ijs militibus q de legione Secunda, trigesima quinta, ad C. Pansam, A. Hircium Consules uenissent: suaq; nomina dedissent: quod his Senatus, populiq; Ro. libertas charissima sit: et sue



rit: vacationem militiæ ipsis, liberisq; eorum, esse place-  
re, extra tumultum Gallicum, Italicumq; easq; legio-  
nes bello confecto missas fieri placere: quantamq; pecu-  
niam militibus earum legionum in singulos C. Caesar  
Pontifex Proprætor pollicatus sit: tantam dari placere:  
utiq; C. Pansa, A. Hircaus Consules alter, ambo ue ra-  
tionem agri habeant: qui sine iniuria priuatorum di-  
uidi possit: hisq; militibus legionis Martiæ, & legionis  
quartæ ita darent: assignarent: ut quibus militibus am-  
plissime dati, assignati essent. Dixi ad ea omnia Con-  
sules: de quibus retulistis: quæ sine mora, matureq; decre-  
ta, facilius apparabitis ea, quæ tempus & necessitas fla-  
gitat. celeritate autem opus est: quæ si essemus usi: bellū,  
ut sæpe dixi, nullum haberemus.



IN M. ANTONIVM AD QVIRITES  
PHILIPPICA SEXTA.  
ORATIO XLIX.

Vdita vobis esse arbitror Quir. quæ  
sint acta in Senatu: quæ fuerit cuiusq;  
sententia. res enim ex Cal. Ian. agitata,  
pauloante confecta est, minus quidem  
illa severe quam decuit: non tamen o-  
mnino dissolute. mora est allata bello: non causa subla-  
ta. Quamobrem quod quæsiuit me P. Apuleius homo.  
& multis officiis mihi, & summa familiaritate coniun-  
ctus, & vobis amicissimus: ita respondebo: ut ea, quibus  
non interfuistis, nosse possitis. Causa fortissimis opti-  
misq; Cōsulibus calendis Ian. de Rep. primum referē-  
di fuit, ex eo, quod XIII Cal. Ian. Senatus me autho-  
re decrevit. Eo die primum Quir. fundamenta iacta  
sunt Reipublicæ. fuit enim longo intervallo ita liber  
Senatus: ut vos aliquando liberi essetis. quo quidem tem-  
pore, etiam si ille dies vitæ finem mihi allaturus esset:  
satis magnum cœperā fructum: cum vos uniuersi una  
mente atq; uoce iterum à me conseruatam esse Remp.  
conclamastis. Hoc uestro iudicio tanto tãq; præclaro ex-  
citatus, ita calendis Ian. ueni in Senatum: ut meminissē  
quam personam impositam à vobis sustinerem. Itaq;  
bellum nefarium illatum Reip. cum uiderem: nullam  
moram interponendam insequendi M. Antonium puta-  
ui: hominemq; audacissimum, qui multis nefarijs rebus  
ante commissis, hoc tempore Imperatorem populi Ro-  
oppugnaret: coloniam uestram fidissimam, fortissimãq;  
obsideret: bello censui persequendum. tumultum esse de-



cerni, iustitiam edici, saga sumi dixi placere: quo omnes  
acrius, grauiusq; incumberent ad ulciscendas Reip. in-  
iurias: si omnia grauiissimi belli insignia suscepta a Se-  
nato uiderent. Itaq; hæc sententia sic per triduum ua-  
luit: ut, quanquam discessio facta non esset: tamen præter  
paucos, omnes mihi assensuri uideretur. hodierno autem  
die nescioqua obiecta re remissior Senatus fuit. nam  
plures eam sententiam secuti sunt: ut quantum Senatus  
auctoritas, uesterq; consensus apud Antonium ualitu-  
rus esset: p. Legatos experiremur. Intelligo Quir. à uobis  
hanc sententiam repudiari: neq; iniuria. ad quem enim  
legatos? ad eum ne? qui pecunia publica dissipata, atq;  
effusa, per uim, et contra auspicia impositis Reip. legi-  
bus, fugata concione, obsessio Senatu, ad opprimendam  
Remp. Brundisio legiones accersierit: ab his relictus,  
cum latronum manu in Galliam irruerit: Brutum op-  
pugnet: Mutinam circūse deat. quæ uobis potest cum hoc  
gladiatore conditionis, æquitatis, legationis, esse commu-  
nitas? quanquam Quir. non est illa legatio: sed denun-  
ciatio belli, nisi paruerit. Ita enim est decretum: ut si le-  
gati ad Annibalem mitterentur. mittuntur enim qui  
nuncient ne oppugnet Consulem designatum: ne Muti-  
nam obsideat: ne prouinciam depopuletur: ne delectus  
habeat: sit in Senatus populiq; Ro. potestate. facile uero  
huic denunciationi parebit? ut in Patrum conscriptorū,  
atq; in uestra potestate sit: qui in sua nunquam fuerit?  
quid enim ille unquam arbitrio suo fecit? semper eo tra-  
ctus: quo libido rapuit, quo lenitas, quo furor, quo uino  
lentia. semper eum duo dissimillima genera lenonum,  
et latronum ita domesticis stupris, forensibus parrici-  
dijs delectarunt: ut mulieri citius auarissimæ parue-



# PHILIPPICA

rit: quàm Senatui, populoq; romano. itaq; quod paulo ante feci in Senatu, faciam apud uos. testificor: denuncio: ante prædico: nihil M. Antonium eorum, quæ sunt legatis mandata: facturum: uastaturum agros: Mutinam obsessurum: delectus, qua possit, habiturum. is est enim ille: qui semper Senatus iudicium, & auctoritatem, semper uoluntatem uestram, potestatemq; contempserit. an ille id faciat, quod paulo ante decretum est: ut exercitum circa flumen Rubiconem, qui finis est Galliae: educeret? dum ne propius urbem Romam CC mil. admoueret? huic denunciationi ille pareat? ille se flumini Rubicone CC mil. circumscriptum esse patiatur? non is est Antonius. nam si esset: non commisisset ut ei Senatus tanquam Annibali initio belli Punica denuncicaret, ne oppugneret Saguntum. Quod uero ita auocatur à Mutina: ut ab urbe tanquam pestifera flamma arceatur: quam habet ignominiam? quod iudicium Senatus? quid? quod à Senatu dantur mandata legatis? ut D. Brutum, militesq; eius adeant: hisq; demonstrent sua in Remp. merita, beneficiaq; eorum grata esse senatui populoq; romano: hisq; eam rem magnæ laudi, magnoq; honori fore? passurum ne censetis Antonium introire Mutinam legatos? exire inde tuto? nunquam patietur: mihi credite. noui uiolentiam: noui impudentiam: noui audaciam. Nec uero de illo sicut de homine aliquo debemus, sed ut de importunissima bellua cogitare. Quæ cum ita sint: non omnino dissolutum est: quod decreuit Senatus. habet atrocitatis aliquid legatio. utinam nihil haberet moræ. nam cum plerisq; in rebus gerendis tarditas, & procrastinatio odiosa est: tum hoc bellum indiget celeritatis. suaturrendum est D. Bruto: omnes undiq; copiae colligen



de: horam exhibere nullam in tali ciue liberando sine  
 scelere non possumus. an ille non potuit, si Antonium  
 consulem, si Galliam Antoi provinciam iudicasset: legio-  
 nes Antonio & provinciam tradere? domum redire?  
 triumphare? primus in hoc ordine esse: quoad magistra-  
 tum iniret? quid negocij fuit? sed cum se Brutum esse  
 meminisset: uestræq; libertati natum: quid egit aliud? ni-  
 si ut penè corpore suo Gallia prohiberet Antonium? Ad  
 hunc uirum legatos? an legiones ire oportebat? Sed præ-  
 terita omittamus. properent: quod uideo esse facturos.  
 uos sagi parate. est enim ita decretum: ut, si ille autori-  
 tati senatus non paruisset: ad sagi iretur. ibitur: non pa-  
 rebit. nos amissos tot dies rei gerendæ queremur. Non  
 metuo Quir. ne cum audierit Antonius, me hoc in Se-  
 natu, & in concione confirmasse, nunquam illum futu-  
 rum in Senatus potestate: refellendi mei causa, ut ego ni-  
 hil uidisse uidear: uertat se: Senatui pareat. nunquam  
 faciet: non inuidebit huic meæ gloriæ: malet me sapien-  
 tem a uobis, quàm se modestum existimari. quid? ipse  
 si uelit: num etiam L. fratrem passurum arbitramur?  
 nuper quidem dicitur ad Tybur, ut opinor, cum ei la-  
 bare M. Antonius uideretur: mortem fratri esse munita-  
 tus. Etiam ne ab hoc Myrmillone Asiatico Senatus man-  
 data, legatorum uerba audientur? nec enim secerni a  
 fratre poterit, tanta præsertim autoritate. nam hic in-  
 ter illos Africanus est: pluris habetur quàm L. Trebel-  
 lius: pluris quàm T. Plancius adolescens nobilis: qui o-  
 mnibus sententijs maximo uestro plausu condemnatus,  
 nescio quomodo se coniecit in turbâ: atq; ita mæstus re-  
 dijt: ut retractus, nõ reuersus uideretur. sic contemnit:  
 tanquã si illi aqua et igni interdictũ sit. aliquãdo negat



# PHILIPPICA

ei locū eē oportere ī curia: q̄ incēderit curiā. Nā Trebelliū ualde iam diligit: oderat tum, cum ille tabulis nouis aduersabatur. iam fert in oculis: postquam ipsum Trebellium uidit sine tabulis nouis saluum esse non posse. audisse enim uos arbitror Quir. quod etiam uidere potuistis: quotidie sponsores, & creditores L. Trebellij cōuenire. O' fides (hinc enim puto Trebelliū sumpsisse cognomē) quae potest eē maior fides? q̄ fraudare creditores? domo profugere? propter aēs alienum uenire ad arma? ubi plausus ille in triumpho est spe ludi? ubi aedilitas delata summo studio bonorum? quis est? qui hunc non cāsu existimet recte fecisse? nequitia est: scelus est. Sed redeo ad amores, deliciasq; nostras L. Antonium: qui uos omnes in fidem suam recepit. negatis? num quisnam est uestrum: qui tribum non habeat? certe nemo. atqui illum quinque & triginta tribus patronum adoptarunt. rursum reclamatis. aspiciate a sinistra illam equestre statuā inauratam. in qua qd̄ inscriptum est? quinque & triginta tribus patrono populi romani. igitur est patronus L. Antonius. malam quidem illi pestem. clamori enim uestro assentior. non modo hic latro, quem clientem habere nemo uelit: sed quis unquam tantis, opibus, tantis rebus gestis fuit? qui se populi Ro. uictoris, dominiq; omnium gentium tutorem dicere auderet? In foro L. Antonij statuam uidemus: sicut illam Q. Trebellij qui Hernicos deuicit, ante Castoris. O' impudentiam incredibilem. tantum ne sibi sumpsit? quia Milassis Myrmillonem Thracem iugulauit familiarē suū? quonam modo istum ferre possemus? si in hoc foro spectantibus uobis depugnasset? Sed haec una statua. altera Equitibus Ro. equo publico: qui item ascri-



bunt, patrono. quem unquam iste ordo patronum ad-  
 optauit? si quenquam: debuit me. sed me omitto: quem cen-  
 sorem? quem imperatorem? agrum his diuisit. O' sordi-  
 dos, qui acceperunt: improbum, qui dederit. statuerunt  
 etiam Tribuni militares, qui in exercitu Caesaris duo-  
 bis fuerunt? Quis est iste ordo? multi fuerunt multis in  
 legionibus per tot annos: his quoque diuisit Semurium.  
 campus Martius restabat: nisi prius cum fraire fugis-  
 set. Sed hæc agrorum assignatio paulo ante Quir. L.  
 Caesaris clarissimi uiri & præstantissimi Senatoris sen-  
 tentia dissoluta est. huic enim assensi, septemuirum acta  
 sustulimus. Iacēt beneficia Nuculæ: friget patronus An-  
 tonius. nam possessores animo æquiore discedent: nullā  
 impensam fecerant: nondum instruxerant: partim  
 quia non confidebant: partim quia non habebant. Sed  
 illa statua palmaris: de qua, si meliora tempora essent:  
 non possem sine risu dicere. L. Antonio Iano medio pa-  
 trono. ita ne? Ianus medius in L. Antoni clientela sit?  
 quis unquam in illo Iano inuentus est? qui L. Antonio  
 nulle nummum ferret expensum? sed nimis multa de  
 nugis. ad causam bellumq; redeamus. quanquam non  
 alienum fuit personas quasdam à uobis recognosci: ut  
 quibus cum bellum gereretur possitis tacti cogitare. Ego  
 autem uos hortor Quir. ut, etiam si melius aliud fuit:  
 tamen legatorum reditum expectetis animo æquo. cele-  
 ritas detracta de causa est: boni tamen aliquid accessit  
 ad causam. cum enim legati renunciarint, quod certe  
 renuntiabunt: non in uestra potestate, non in Senatus  
 esse Antonium: quis erit tam improbus cuius? qui illum  
 ciuem habendum putet? nunc enim sunt pauci illi qui-  
 dem: sed tamen plures quàm Rep. dignum est: qui ita



# PHILIPPICA

loquantur: ne legatos quidem expectabimus? istam certe uocem, simulationemq; clemētiae, extorquebit his res ipsa publica. quo etiam, ut confitear uobis Quir. minus hodierno die contendi: minus laboraui: ut mihi Senatus assentiens tumultum decerneret: saga sum iuberet. malui uiginti diebus post, sententiam meam laudari ab omnibus: quā a paucis hodie uituperari. Quapropter Quir. expectate legatorum reditum: et paucorum dierum molestiam deuorate. qui cum redierint: si pacem afferent: cupidum me, si bellum: prouidum indicatote. An ego non provideam meis ciuibus? nō dies noctesq; de uestra libertate, de Reip. salute cogitem? quid enim non debeo uobis Quirites? quem uos a se ortum, hominibus nobilissimus omnibus honoribus praetulistis? an ingratus sum? quis minus? qui partis honoribus, eosdē gessi in foro labores: quos in petendis. rudis in Republica? quis exercitator? qui uiginti iam annos bellum geram cum improbis ciuibus? quamobrem Quirites consilio quantum potero, labore plus penē, quā potero excubabo: uigilaboq; pro uobis. etenim quis est ciuis, praesertim hoc gradu, quo me uos esse uoluistis: tam oblitus beneficij uestri? tam immemor patriae? tam inimicus dignitati suae? quem non excitet, non inflammet tantus uester iste consensus? multas, magnasq; habui consul conciones: multis interfui. nullam unquā uidi tantam: quanta nunc uestra est. unum sentitis omnes: unum studetis: M. Antony conatus auertere à Republica: furorem extinguere: opprimere audaciam. idem uolunt omnes ordines: eodem incumbunt municipia, Coloniae, cuncta Italia. Itaq; Senatum sua sponte bene firmum, firmiorē uestra auctoritate fecistis. uenit tempus Quirites serius omnino, quā



omnino, quàm dignum populo romano fuit: sed tamē  
ita maturum: ut differri iam hora non possit. fuit ali-  
quis fatalis casus: ut ita dicam: quem tulimus: quoquo  
modo ferendus fuit. nunc si quis erit: erit uoluntarius.  
populum ro. seruire fas non est: quem dii immortales  
omnibus gentibus imperare uoluerunt. res in extre-  
mum est adducta discrimen: de libertate decernitur: aut  
uinctis oportet Quirites: quod profecto et pietate uestra,  
et tanta concordia consequemini: aut quiduis potius:  
quàm seruiatis. aliæ nationes seruitutem pati possunt:  
populi romani est propria libertas.

DDD



IN M. ANTONIVM PHILIPPI-

CA SEPTIMA. ORA-

TIO. L.

Arui de rebus, sed fortasse necessarijs,  
 consulimur Patres conscripti: de Appia  
 p uia & de Moneta Consul, de Luperas  
 Tribuni pl. referunt. quarum reru eisi  
 facilis explicatio uidetur: tamen ani-  
 mus aberrat a sententia, suspensus curis maioribus. ad-  
 ducta est enim P.C. res in maximum periculum, &  
 extremum pene' discrimen. non sine causa legatorum  
 istam missionem semper timui: nunquam probavi: quo-  
 rum reditus quid sit allaturus, ignoro. expectatio qui-  
 dem quantum afferat langoris animus, quis non uidet?  
 non enim se tenent ij, qui Senatum dolent ad autho-  
 ritatis pristinae spem reuiuiscere: coniunctum huic or-  
 dini populum romanum: conspirantem Italiam: para-  
 tos exercitus: expeditos duces. iam non fingunt Antoni  
 responsa: eademq; defendunt. alij postulare illum: ut  
 omnes exercitus dimittantur. scilicet Legatos ad eum mi-  
 simus? no ut pareret: et dicto audiens esset huic ordini:  
 sed ut conditiones ferret: leges imponeret: referare nos  
 exteris gentibus Italiam iuberet: se praesertim incolumi:  
 a quo maius periculum, quam ab ullis nationibus ex-  
 timescendum est. alij remittere eum nobis Galliam ci-  
 teriorem: illam ultimam postulare. praclare: ex qua  
 non legiones solum, sed etiam nationes ad urbem con-  
 tur adducere. alij nihil eum iam nisi modesti postula-  
 re. Macedoniam suam uocat omnino: quoniam C. fra-



ter est inde reuocatus. Sed quæ provincia est? ex qua illa  
 fax exatire non posset incendium? Itaq; iſdem quaſi  
 prouidi ciues, & Senatores diligentes, bellicum me ceci-  
 niſſe dicunt. ſuſcipiunt partis patrocinium, qui ſic di-  
 ſputant. irritari Antonium non oportuit. nequam eſt  
 homo ille, atq; confidens. multi præterea improbi. quos  
 quidem à ſe primũ numerare poſſunt, qui hæc loquun-  
 tur. eos eſſe cauendos denunciant. uirum igitur in neſci-  
 rijs ciuibus ulciſcendis, cum poſſis, an pertimeſcendis di-  
 ligentior cauſa eſt? atq; hæc illi loquuntur: qui quon-  
 dam propter leuitatem populares habebantur. Ex quo  
 intelliigi poteſt: animo illos abhorruiffe ſemper ab optimo  
 ciuitatis ſtatu: non uoluntate fuiſſe populares. qui enim  
 conuenit? ut qui in rebus improbis populares fuerint:  
 iſdem in re una maxime populari, quod eadem ſaluta-  
 ris populo Ro. ſit: improbos ſe, quàm populares eſſe ma-  
 lint? ne quidem ſemper (ut ſciſis) aduerſatum multi-  
 tudinis temeritati, hæc fecit præclariffima cauſa popu-  
 larem. & quidem dicuntur, uel potius iſdem ipſi ſe di-  
 cunt Conſulares. quo nomine dignus eſt nemo: niſi qui  
 tanti honoris nomen poteſt ſuſtinere. faueas tu hoſti? li-  
 teras tibi ille mittat de ſua ſpe rerum ſecundarũ ſua-  
 rum? eas tu lætus proferas? recites? describendas etiam  
 des improbis ciuibus? eorum augeas animos? bonorum  
 ſpem, uirtutemq; debilites? & te Conſularem, aut Sena-  
 torem, aut deniq; auem putes? accipiet in optimam par-  
 tem C. Panſa fortiffimus Conſul, atq; optimus: etenim  
 dicam animo amiffiſſimo: hunc ipſum mihi hominem  
 familiariffimum, niſi talis Conſul eſſet: ut omnes uigili-  
 as, curas, cogitationes, in Reip. ſalute conſigeret: Conſu-  
 lem non putarem. quanquam nos ab ineunte ætate il-



# PHILIPPICA

lius usus, consuetudo, studiorum etiam honestissimorum  
 societas, similitudoq; coniunxerit: eius deniq; curam in  
 credibilem in asperissimis belli civilis periculis perspexi  
 non modo salutis, sed etiam dignitatis meae: tamen eun-  
 dem, ut dixi: nisi talis Consul esset: negare esse Consulem  
 auderem. idem non modo Consulem esse dico: sed etiam  
 memoria mea praestantissimum, atq; optimum Consulem.  
 non quia non pari uirtute, et uoluntate alij fuerint:  
 sed tantam causam non habuerunt: in qua et uirtu-  
 tem, et uoluntatem suam declararent. Huius magni-  
 tudini animi, grauitati, sapientiae tempestas est oblata  
 formidolosissimi temporis. tum autem illustratur Consu-  
 latus: cum gubernat Rempublicam. si non optabili, at neces-  
 sario tempore. magis autem necessarium P. C. nullum tem-  
 pus unquam fuit. Itaq; ego ille, qui semper author pa-  
 cis fui: cuiq; pax, praesertim civilis, quanquam omnibus  
 bonis, mihi tamen in primis fuit optabilis: omne enim  
 curriculum industriae nostrae in foro, in curia, in ami-  
 corum periculis propulsandis elaboratum est: hinc hono-  
 res amplissimos, hinc mediocres opes, hinc dignitatem,  
 si quam habemus, consecuti sumus: ego itaq; pacis, ut ita  
 dicam, alumnus, qui quantuscumq; sum (nihil enim mi-  
 hi arrego) sine pace civili certe non fuisset: periculose  
 dico: quemadmodum accepturi P. C. sitis horreo: sed pro  
 mea perpetua cupiditate uestrae dignitatis retinendae, et  
 augendae, quaeso oroq; uos, P. C. ut primo si erit uel acer-  
 bum auditu: uel incredibile a M. Cicerone esse dictum:  
 accipiat sine offensione, quod dixero: ne ue id prius,  
 quam quale sit explicauero: repudietis. ego ille (dicam  
 saepius) pacis semper laudator, semper author, pacem  
 cum M. Antonio esse nolo. magna spe ingredior in reli-



quam orationem P. C. quoniam periculosissimum locum  
 silentio sum præteruectus. cur igitur pacem nolo? quia  
 turpis est: quia periculosa: quia esse non potest. quæ iri-  
 dum explicō: peto à uobis P. C. ut eadem benignitate,  
 qua soletis, uerba mea audiat. Quid est inconstan-  
 tia, mobilitate, leuitate, cum singulis hominibus, tum  
 uero uniuerso Senatui, turpius? quid porro inconstan-  
 tius? quàm quem modo hostem non uerbo, sed re mul-  
 tis decretis iudicauistis: cum hoc pace uelle subito con-  
 iungi? quasi uero, cum C. Cæsari, meritos quidem illi  
 honores, & debitos, sed tamen immortales, & singula-  
 res decreuistis, unā ob causam, quod contra M. Antoniū  
 exercitum comparauisset: non hostem Antonium iudica-  
 ueritis? nec tum hostis est à uobis iudicatus Antonius:  
 cum laudati auctoritate uestra ueterani milites: q̄ Cæ-  
 sarem secuti essent? nec tum hostem Antonium iudica-  
 uistis: cum fortissimis legionibus, quod illum, qui Con-  
 sul appellabatur, cum esset hostis: reliquissent: uacatio-  
 nes, pecunias, agros spopondistis? quid? cum Brutum  
 hominem quondam illius generis, & nominis, natum  
 ad Remp. liberandam, exercitumq; eius pro libertate  
 populi Ro. bellum gerentem cum Antonio, prouinciamq;  
 fidelissimam, atq; optimam Galliam laudibus amplissi-  
 mus affecistis: tum non hostem iudicastis Antonium? qd?  
 cum decreuistis ut Consul alter, ambo'ue ad bellum pro-  
 ficerentur: quod erat bellum? si hostis Antonius non  
 erat? quo igitur profectus est uir fortissimus meus Col-  
 lega, & familiaris A. Hircius? at qua imbecillitate?  
 qua macie? sed animi uires corporis infirmitas non  
 retardauit. æquum credo putauit, uitam, quam populi  
 Ro. uotis retinuisset: pro libertate populi Ro. in disci-



# PHILIPPICA

men adducere. quid? cum delectus haberi tota Italia ius-  
sistis: cum uacationes omnes sustulistis: tum ille hostis  
non est iudicatus? armorum officinas in urbe uidetis:  
milites cum gladijs sequuntur: Consuli praesidio sunt:  
specie Consuli, re & ueritate nobis: omnes sine ulla  
recusatione, summo etiam cum studio nomina dant:  
parent auctoritati uestrae: non est iudicatus Antonius  
hostis? At Legatos misimus. heu me miserum. cur Sena-  
tum cogor, quem laudauimus semper: reprehendere? quid?  
uos censetis P. C. Legatorum missionem populum Ro.  
probauisse? non intelligitis, non auditis, meam senten-  
tiam flagitari? cui cum pridie frequentes essetis assen-  
si: prostridie ad spem estis inanem pacis deuoluti. quam  
turpe porro est legiones ad Senatum Legatos mittere: Se-  
natum ad Antonium? quanquam illa Legatio non est:  
denunciato est, paratum illi exitium, nisi paruerit huic  
ordini. quid refert? tamen opinio est grauior. missos eni  
Legatos omnes uident: decreti uestri non omnes uerba  
nouerunt. retinenda est igitur uobis constantia, grauitas,  
perseuerantia: repetenda est uetus illa seueritas: siqui-  
dem auctoritas Senatus, decus, honestatem, laudem, di-  
gnitatem desiderat: quibus hic ordo nimium caruit diu.  
sed erat tunc excusatio oppressis, misera illa quidem, sed  
tamen iusta. nunc nulla est. liberati tum regio domina-  
tum uidebamur. armis domesticis ea ipsa depulimus.  
nunc quidem ui extorquenda sunt. quod si non possu-  
mus facere (dicam quod dignum est senatore & roma-  
no homine) moriamur. quanta illa erit Reip. turpitu-  
do, quantum dedecus, quanta labe? dicere in hoc ordi-  
ne sententiam M. Antonium Consulari loco? cuius ut o-  
mittam innumerabilia scelera urbani Consulatus: in



quo pecuniam publicam maximam dissipauit: exules  
 sine lege restituit: uectigalia uendidit: provincias de po-  
 puli romani imperio sustulit: regna addixit pecunia:  
 leges ciuitati per uim imposuit: armis obsedit, aut ex-  
 clusu Senatum: ut hæc inquam omittam: ne hoc quidem  
 cogitatis: eum, qui Mutinam Coloniam populi romani, et  
 Consulem designatum obsederit: depopulatus agros sit:  
 hunc, in eum ordinem recipi: a quo totiens ob has ip-  
 sas causas hostis iudicatus sit. quam foedum, flagitio-  
 sumq; sit, uidetis. Satis multa de turpitudine. Dicam  
 deinceps, quod proposui, de periculo: quod si minus est  
 fugiendum, quam turpitudine: tamen offendit animos  
 maioris partis hominum magis. Poteritis igitur ex-  
 ploratam habere pacem: cum in ciuitate Antonium ui-  
 deatis? uel potius Antonios? nisi forte contemnitis Lu-  
 cium. ego ne Caium quidem. sed ut uideo dominabitur  
 Lucius. est enim patronus XXXV tribuum: quarum  
 sua Lege, qua cum C. Cesare magistratum sortitus est:  
 suffragium sustulit. patronus Centuriarum equitum:  
 quas idem sine suffragio esse uoluit. patronus fori: qui  
 Tribuni militares fuerunt. patronus Iani medij. O' di  
 quis huius potentiam poterit sustinere? præsertim cum  
 eosdē, in agros etiā deduxerit. q's unquā omnes tribus?  
 quis Equites romanos? q's tribunos militares? Gracchorū  
 potentiam maiorem fuisse arbitramini? quam huius  
 gladiatoris futura sit? quem gladiatorem non ita ap-  
 pellauit: ut interdum etiam M. Antonius gladiator ap-  
 pellari solet: sed ut appellant ij: qui plane, & latine lo-  
 quuntur. Myrmillo in Asia depugnauit: cum ornasset  
 Thæciditis comitem & familiarem suum: illum mise-  
 rum fugientem iugulauit. luculentam tamen ipse plagā \*

DDD iiij



# PHILIPPICA

accepit: ut declarat cicatrix. qui familiarem iugularat: quid hic occasione data faciet inimico? Et qui illud animi causa fecerit: hunc praeda causa quid facturum putatis? non rursus improbos decuriabit? non sollicitabit rursus agrarios? non quæret expulsos? M. uero Antonius non is erit? ad quem omni motu concursus fiat ciuium perditorum? ut nemo sit alius, nisi ij, qui una sunt: Et ij, qui hic ei nunc aperte fauent: parum ne erunt multi? præsertim cum bonorum præsidia cesserint: illi parati sint ad nutum futuri. ego uero metuo, si hoc tempore consilio lapsi erimus: ne illi breui tempore nimis multi nobis esse uideantur. Nec ego pacem nolo. sed pacis nomine bellum inuolutum reformido. quare si pace frui uolumus: bellum gerendum est. si bellum omitemus: pace nunquam fruemur. est autem nostri consilij P. C. in posterum quàm longissime prouidere. ideo in hac custodia tanquam in specula collocati sumus: ut uacuum metu populum Ro. nostra uigilia, Et prouidentia redderemus. turpe est summo consilio orbis terræ, præsertim in re tam perspicua, consilium intelligendi defuisse. Eos Consules habemus: eam populi Ro. alacritatem: eum consensum Italiae: eos duces: eos exercitus: ut nullam calamitatem Respub. accipere possit, sine culpa Senatus. Equidem nõ deero: monebo: prædicabo: denunciabo: Et testabor semper deos, hominesq; quid sentiam: nec solum fidem meam, quod fortasse uidetur satis esse: sed in principe ciue nõ satis est: curam, consiliũ, uigilantiamq; præstabo. Dixi de periculo. docebo ne coagmentari quidem posse pacem. de tribus enim quæ proposui, hoc extremum est. Quæ potest esse pax M. Antonio primum cum Senatu? quo ore ille uos pote-



rit? quibus illum uicissim uos oculis intueri? qui uestri  
illum? quem ille uestrum non oderit? age, uos ille so-  
lum, et uos illū. quid ij, qui Mutinam circumsedent? qui  
in Gallia delectus habent? qui in nostras fortunas im-  
minent? amici nobis unquam erunt? aut nos illis? an  
Equites Ro. amplectetur? occulta enim fuit eorum uolun-  
tas: iudiciūq; de, M. Antonio? qui frequentissimā  
in gradibus Concordiæ steterunt: qui uos ad liberta-  
tem recuperandam incitauerunt: arma, saga, bellum  
flagitauerunt: me una cum populo Ro. in concionem uo-  
cauerunt. hi Antonium diligunt? cum his pacem ser-  
uabit Antonius? Nam quid ego de uniuerso populo Ro.  
dicam? qui pleno, ac referto foro, bis me una mente atq;  
uoce in concionem uocauit: declarauitq; maximam li-  
bertatis recuperandæ cupiditatem. Itaque quod erat  
optabile antea, ut populum Ro. comitem haberemus:  
nunc habemus ducem. quæ est igitur spes, qui Mutinā  
circumsedent imperatorem populi Ro. exeratumq; op-  
pugnantes, pacem cum populo Ro. habere posse? An cū  
Municipijs pax erit? quorum tanta studia cognoscun-  
tur in decretis faciēdis, militibus dandis, pecunijs polli-  
cendis: ut in singulis oppidis curiam populi Ro. non  
desideretis. Laudandi sunt ex huius ordinis sententia  
Firmanī: qui Principes pecuniæ pollicendæ fuerunt, re-  
spondendum honorifice est Marrucanis: qui ignominia  
notandos censuerunt eos: qui militiam subtersugissent.  
hæc iam tota Italia fiunt. magna pax Antonio cum  
eisdem? his cum illo? quæ potest maior esse discordia?  
in discordia autem pax civilis esse ullo pacto potest? ut  
omittam multitudinem: L. Nasidius Equiti Ro. homini  
in primis ornato, atq; honesto, ciuiq; semper egregio, cū



PHILIPPICA

ius ego excubias, & custodias mei capitis cognoui in cō  
sulatu meo: qui uicinos suos non cohortatus est solum,  
ut milites fierent: sed etiam facultatibus suis subleua=  
uit: huic inquam tali uiro, quem nos Senatus consulto  
collaudarimus: poterit ne esse pacatus Antonius? quid  
Cæsari? qui illum urbe, quid D. Bruto? qui Gallia  
prohibuit? Iam uero ipse se placabit, & leniet provin=  
ciæ Galliae: a qua exclusus & repudiatus est. omnia  
uidebitis P. C. nisi prospiciatis, plena odiorum: plena  
discordiarum: ex quibus oriuntur bella ciuilia. nolite  
igitur uelle, quod fieri non potest: & caute per deos  
immortales P. C. ne spe præsentis pacis, perpetuam pa=  
cem amittatis. Quorsum hæc omnis spectat oratio?  
quid enim Legati egerint nondum scimus. at uero ere=  
cti, citati, parati, armati animis iam esse debemus: ne  
blanda, aut supplici oratione, aut æquitatis simulatione  
fallamur. omnia fecerit oportet, quæ interdicta, & de=  
nunciata sunt prius, quàm aliquid postulet: Brutum  
exercitumq; eius oppugnare, urbes & agros provinciæ  
Galliae populari desiterit: ad Brutum aduendi Lega=  
tis potestatem fecerit: exercitum citra flumen Rubiconem  
eduxerit: nec propius urbem millia passuum ducenta ad=  
mouerit: fuerit in Senatus populiq; Ro. potestate. hæc sibi  
fecerit: erit integra potestas nobis deliberandi. si Sena=  
tui non paruerit: non illi Senatus, sed ille populo Ro. bel=  
lū indixerit. Sed uos moneo P. C. libertas agitur. populi  
Ro. quæ est commendata uobis: uita & fortuna optimæ  
cuiusq;: quo cupiditatem infinitam cum immani crude=  
litate iam pridem intendit Antonius: auctoritas uestra:  
quam nullam habebitis: nisi nuuc retinueritis. tetram  
& pestiferam belluam, ne inclusam, & constrictam di



mittatis caute. te ipsum moneo Pansa (quoniam non  
eges consilio: quo uales plurimum: tamen & summi  
gubernatores in magnis tempestatibus a uectoribus ad-  
moneri solent) hunc tuum tantum apparatus, tamq[ue]  
præclarum, ne ad nihilum recidere patiare. tempus ha-  
bes tale: quale nemo habuit unquam: hac grauitate se-  
natus, hoc studio equestri ordinis, hoc ardore populi Ro-  
potes in perpetuum metu & periculo Remp. liberare.



IN M. ANTONIVM PHILIPPI-  
CA OCTAVA. ORA-  
TIO. LI.

Onfusius hesterno die est acta res C. Pā-  
sa: quā postulat institutum Cōsulatus tui. parum mihi uisus es eos, quibus  
cedere non soles: sustinere. nam cum  
Senatus ea uirtus fuisset: quæ solet: et  
cum re uiderent omnes esse bellum: quidamq; id uer-  
bum remouendum arbitrarentur: tua uoluntas in di-  
scessione fuit ad lenitatem propensior. uicta igitur est pro-  
pter asperitatem te authore nostra sententia. uicit L. Cæ-  
saris amplissimi uiri: qui uerbi atrocitate dempta, ora-  
tione fuit, quam sententia lenior. quāquā is qdem, ante-  
quam sententiam diceret: propinquitatem excusauit. idē  
fecerat me Consule in sororis uiro: quod hoc tempore in  
sororis filio: ut & luctu sororis moueretur: & saluti  
Reip. prouideret. Atq; ipse tamen Cæsar præcepit uobis  
quodammodo P. C. ne sibi assentiremini: cum ita di-  
xit: aliam sententiam se dicturum fuisse: eamq; se, ac  
Rep. dignam: nisi propinquitate impediretur. Ergo ille  
auunculus. num etiam uos auunculi? qui illi assensi estis?  
At in quo fuit controuersia? belli nomen ponendum in  
sententia quidam non putabant: tumultum appellare  
malebant, ignari non modo rerum, sed etiam uerborū.  
potest enim esse bellum sine tumultu. tumultus esse sine  
bello non potest. quid est enim tumultus? nisi perturbatio  
tanta: ut maior timor oriatur? unde etiam nomen du-  
ctum est tumultus. Itaq; maiores nostri, tumultum Itali-



eum, quod erat domesticus : tumultum Gallicum, quod erat Italiae finitimus: præterea nullum tumultum nominabant. grauius autem esse tumultum, quàm bellum, hinc intelligi licet: quod bello Gallico uacationes ualent: tumultu non ualent. ita fit: quemadmodum dixi: ut bellum sine tumultu possit, tumultus sine bello esse non possit. etenim cum inter bellum & pacem medium nihil sit: necesse est tumultum si belli non sit: pax esse. quo quid absurdius dici aut existimari potest? Sed nimis multa de uerbo. rem potius uideamus Patres conscripti: quã quidem intelligo uerbo fieri interdum deteriore sole re. nolumus hoc bellum uideri. quam igitur municipijs, & colonijs ad excludendum Antonium auctoritatem damus? quam ut milites fiant sine ui? sine tumultu? studio & uoluntate? quam, ut pecunias in Remp. polliceantur? si enim belli nomen tollitur: municipiorum studia tolluntur: consensus populi romani, qui iam descendit in causam: si nos languescimus: debilitetur necesse est. Sed quid plura? D. Brutus oppugnatur: non est bellum? Mutina obsidetur: ne hoc quidem bellum est? Gallia uastatur: quæ potest pax esse certior? illud uero quis potest bellum non esse dicere? quo fortissimum uirum cum exercitu misimus: qui cum esset infirmus ex graui diuturnoq; morbo: nullã putauit sibi excusationem esse oportere: cum ad Reip. præsidium uocaretur. C. quidem Cæsar non expectauit nostra decreta: præsertim cum esset illius ætatis: bellum contra Antonium sua sponte suscepit. decernendi enim tempus nondum nouerat: belli autem gerendi tempus si prætermisisset: uidebat Rep. oppressa nihil decerni posse. Ergo illi nunc, & eorum exercatus in pace uersantur: nõ est hostis is: cuius præsi-



idium Claterna deiecit Hircius: non est hostis: qui ar-  
 matus Consulem designatum oppugnat: nec illa hostilia  
 uerba, nec bellica: quæ paulo ante ex Collegæ literis  
 Pansa recitauit: deieci præsidium: Claterna potitus sum:  
 fugati equites: prælium commissum: occisi aliquot. quæ  
 pax potest esse maior? delectus tota Italia decreti sub-  
 latis uacationibus: saga cras sumentur: consul se cum  
 præsidio descensurum dixit. utrum hoc bellum non est?  
 an etiam tantum bellum? quantum nunquam fuit? Cæ-  
 teris enim bellis, maximeq; ciuilibus, contentione Reipub.  
 causa faciebat. Sylla cum Sulpitio de iure legum, quas  
 per uim latus Sylla dicebat: Cinna cum Octauio, de  
 nouorum ciuium suffragiis: rursus cum Mario & Car-  
 bone Sylla: ne dominarentur indigni: & clarissimorum  
 hominum crudelissimam ulcisceretur necem. horum o-  
 mnium bellorum causæ ex Reip. contentione natæ sunt.  
 de proximo bello ciuili non libet dicere. ignoro cau-  
 sam: detestor exitum. hoc bellum quintum ciuile geri-  
 tur, atq; omnia in nostram ætatem inciderunt: primum  
 non modo in dissensione, & discordia ciuium, sed in ma-  
 xima consensione, incredibiliq; concordia. omnes idem  
 uolunt: idem defendunt: idem sentiunt. cum omnes di-  
 co: eos exapio: quos nemo ciuitate dignos putat. quæ est  
 igitur in medio belli causa posita? nos deorum immor-  
 talium templa, nos muros, nos domicilia, sedesq; popu-  
 li romani, penates, aras, focos, sepulchra maiorum, nos  
 leges, iura, libertatem, coniuges, liberos, patriam defen-  
 dimus. contra M. Antonius id molitur: id pugnat: ut  
 hæc omnia perturbet: euertat: prædam Reipub. causam  
 belli putet: fortunas nostras partim dissipet: partim di-  
 spartiat: paritidis. In hac tam dispari ratione belli ma-



ferrimum illud est: quod ille latronibus suis pollicetur  
 primum domos: urbem enim se diuisurum confirmat:  
 deinde omnibus portis, quo uelint, deducturum. omnes  
 Caphones, omnes Saxæ, cæteræq; pestes, quæ sequun-  
 tur Antonium: ædes sibi optimas, hortos, Tusculana,  
 Albana definiunt. atq; etiam homines agrestes, si homi-  
 nes sunt illi potius, quam pecudes: inani spe ad aquas  
 usq; Puteolanas prouehuntur. Ergo habet Antonius  
 quod suis polliceatur. Quid nos? nunquid tale habe-  
 mus? diu meliora. id enim ipsum agimus: ne quis post-  
 hac eiusmodi quicquam possit polliceri. inuitus dico: sed  
 dicendum est. hasta Cæsaris P. C. multis improbis et  
 spem affert, et audaciam. uiderunt enim ex mendicis  
 fieri repente diuites. Itaq; hastam semper uidere cupi-  
 unt: qui nostris bonis imminet: quibus omnia polli-  
 cetur Antonius. quid nos nostris exeratibus? quid polli-  
 cemur? multo meliora, atq; maiora. scelerum enim pro-  
 missio, et is qui expectant: perniciofa est: et is qui  
 promittunt. nos libertatem nostris militibus, iura, le-  
 ges, iudicia, imperium orbis terræ, dignitatem, pacem,  
 otium pollicemur. Antonij igitur promissa cruenta, te-  
 tra, scelerata, dijs hominibusq; inuisa, nec diuturna, neq;  
 salutaria. nostra contra, honesta, integra, gloriosa, ple-  
 na lætitiæ, plena pietatis. Hic mihi etiam Q. Fufius uir  
 fortis, ac strenuus, amicus meus pacis commoda comme-  
 morat. quasi uero, si laudanda pax esset: ego idem facere  
 commode non possem? semel enim pacem defendi.  
 non semper ocio studui? quod cum omnibus bonis uti-  
 le est: tum præcipue mihi. quem enim cursum industria  
 mea tenere potuisset? sine forensibus causis, sine legibus,  
 sine Iudicijs? quæ esse non possunt civili pace sublata.



PHILIPPICA

Sed quæso Calene, quid? tu seruitutem pacem uocas? maiores quidem nostri non modo ut liberi essent: sed etiã ut imperarent: arma capiebant. at tu arma abijcienda censes: ut seruiamus. quæ causa iustior est belli gerendi? quàm seruitutis depulsio? in qua etiam si non sit molestus dominus: tamen est inferrimũ posse, si uelit. immo alia causa iusta, ac necessaria est. nisi forte ad te hoc non putas pertinere: quod te socium fore speras dominationis Antoni. in quo bis falleris: primũ, quod tuas rationes communibus anteponis: deinde, quod quicquàm stabile in regno, aut iucundum putas. non, si tibi antea profuit: semper proderit. quin etiam de illo homine queri solebas. quid te facturum de bellua putas? at qui es, qui semper pacem optaris: semper omnes ciues saluos uolueris. honesta ratio: sed ita, si bonos, & utiles Reip. ciues: sin eos, qui natura ciues sunt, uoluntate hostes saluos uelis: quid tandem interest inter te, et illos? Pater tuus, quo utebar sene authore adolescẽs: homo seuerus, et prudẽs, primas omniũ ciuiũ P. Nasicæ, q̃ Tyberium Gracchum interfecit: dare solebat. eius uirtute, consilio, magnitudine animi, liberatam Remp. arbitrabatur. quid? nos à patribus num aliter accipimus? ergo is tibi ciuis, si temporibus illis fuisset: non probaretur: quia nõ omnes saluos esse uoluisset? quod L. Opimius Cõsul uerba fecit de Republica: de ea re ita censerunt: uti Opimius Consul Remp. defenderet. Senatus hæc uerbis: Opimius armus. num igitur eum, si tum esses: temerarium ciuem, aut crudelem putares? aut Q. Metellum, cuius quatuor filij Consulares? P. Lentulum principem Senatorem? quid complures alios summos uiros? qui cum L. Opimio Consule armati Gracchum in

Auentinum



Auentinum persecuti sunt: quo in praelio Lentulus graue uulnus accepit: interfectus est Gracchus, & M. Fuluius Consulares, eiusq; duo adolescentuli filij. illi igitur uiri uituperandi. non enim ciues omnes saluos esse uoluerunt. Ad propiora ueniamus. C. Mario, L. Valerio Consulibus Senatus Remp. defendēdā dedit: L. Saturninus Tribunus plebis, Clauia Prætor est interfectus. omnes illo die Saturi, Metelli, Claudij, Catuli, Scauolæ, Crassi arma sumpserunt. num aut Consules illos, aut clarissimos uiros uituperandos putas? Ego Catilinam perire uolui. num tu, qui omnes saluos uis: Catilinam saluum esse uoluisti? hoc interest Calene inter meam sententiam & tuam. ego nolo quenquam ciuem committere: ut morte mulctandus sit. tu, etiam si commiserit: conseruandū putas. in corpore si quid eiusmodi est: quod reliquo corpori noceat: uri, ac secari quod noceat patimur: ut membrorum aliquod potius, quā totum corpus intereat. sic in Reip. corpore, ut totum saluum sit: quicquid est pestiferum amputetur. dura uox. multo illa durior. salui sint improbi, scelerati, ipij: deleantur innocentes, honesti, boni, tota respublica. uno in homine Q. Fusi fateor te uidisse plusquam me. ego P. Clodium arbitrabar perniciosum ciuem, sceleratum, libidinosum, impium, audacem, facinorosum. tu contra sanctum, temperatum, innocentem, modestum, retinendum ciuem, & optandum. in hoc uno te plurimum uidisse, multum me errasse concedo. Nam me tecum iracunde agere dixisti solere. non est ita. uehementer me agere fateor: iracunde nego. omnino irasci amicis non temere soleo: ne si merentur quidem. itaq; sine uerborum contumelia à te dissentire possum: sine animi summo dolore non possum.

EEE



# PHILIPPICA

parua est enim mihi tecum, aut parua de re dissensio? ego huic uidelicet faueo? tu illi? immo uero ego D. Bruto faueo: tu M. Antonio. ego conseruare coloniam. populi ro. cupio: tu expugnare studes. an hoc negare potes? qui omnes moras interponis: quibus infirmetur Brutus: melior fiat Antonius? quousq; enim pacem dicas uelle te? res geritur: conductæ uineæ sunt: pugnatur acerrime: qui intercurrerent, missimus tres principes ciuitatis: hos contempsit, reiecit, repudiavit Antonius: tu tamen perma- nes constantissimus defensor Antoni. Et quidem quo me- lior Senator uideatur: negat se illi amicum esse debere: cum suo magno beneficio uenisse eum contra se. ui- de quanta charitas sit patriæ. cum homini sit iratus: tamen Reip. causa defendit Antonium. Ergo te, cum in Massilienses tam sis acerbus Fusi: non animo æquo au- dio. quousq; enim Massiliam expugnabis? ne triumphus quidem finem fecit belli? per quem sublata est urbs ea: sine qua nunquam ex Transalpinis gentibus maiores nostri triumpharunt. quo quidem tempore populus Ro. ingemuit. quanquam proprios dolores suarum rerum omnes habebant: tamen huius ciuitatis fidelissimæ mise- rias nemo erat ciuis, qui à se alienas arbitraretur. Cæ- sar ipse, qui illis fuerat iratissimus: tamen propter singu- larem eius ciuitatis grauitatem, et fidem, quotidie ali- quid iracundiæ remittebat. te nulla sua calamitate ci- uitas satiare tam fidelis potest? rursus me iam irasci for- tasse dices. ego autem sine iracundia dico, ut omnia: nec tamen sine dolore. neminem illi ciuitati inimicum esse ar- bitror: qui amicus sit huic ciuitati. Ex cogitare quæ tua ratio sit Calene nō possum. antea detertere te, ne popula- ris esses, nō poteramus: ut nunc sis popularis exorare nō



possumus. Satis multa cum Fusio: ac sine odio omnia: nihil sine dolore. credo autem qui generi querelam moderate ferat: æquo animo laturum amici. Venio nunc ad reliquos Consulares: quorum est nemo, iure meo hoc dico: qui non mecum habeat aliquam coniunctionem gratiæ: alij maximam, alij mediocrem: nemo nullam. quàm hesternus dies nobis, Consularibus dico, turpis illuxit. iterum Legatos? quid? ille faceret inducias? ante Consules, oculosq; Legatorum tormentis Mutinam uerberauit: opus ostendebat, munitionemq; Legatis: ne punctum quidem temporis, cum Legati adessent, oppugnatione respirauit. adhuc Legatos? cur? an ut in eorum reditu uehementius pertimescatis? Equidem cum antea Legatos decerni non censuissem: hoc me tamen consolabar: quod, cum illi ab Antonio contempti, & reiecti reuertissent: dixissentq; Senatui non modo illum è Gallia non discessisse, ut censuimus: sed ne à Mutina quidem recessisse: potestatem sibi D. Bruti conueniendi non fuisse: putabam fore ut oēs inflammati odio, excitati dolore, armis, equis, uiribus D. Bruto subueniremus. nos etiam languidiores facti sumus: postquam Antonij non solum audaciam, & scelus, sed etiam insolentiam, superbiamq; perspeximus. Utinam L. Cæsar ualeret: Seruius Sulpitius uiueret: multo melius hæc tunc agerentur à tribus: quàm nunc aguntur ab omnibus. dolenter hoc dicam potius, quàm contumeliose. deserti, deserti inquam sumus P. C. à Principibus. sed, ut iam sæpe dixi, omnes in tanto periculo, qui recte & fortiter sentient: erunt Consulares. animi nobis afferre Legati debuerunt: timorem attulerunt. quanquam mihi quidem nullum unquam timorem: quamuis illi de illo ad quē missi sunt, bene existiment:

EEE ij



# PHILIPPICA

a quo etiam mandata acceperunt. Pro' dij immorta-  
les, ubi est ille mos, uirtusq; maiorū? C. Pompilius apud  
maiores nostros, cum ad Antiochum Regem legatus  
missus esset: & uerbis Senatus nunciasset: ut ab Alexan-  
dria discederet: quam obsidebat: cum tempus ille differ-  
ret: uirgula stantem circumscripsit: dixitq; se non antea  
renunciaturum Senatui: nisi prius sibi respondisset, quid  
facturus esset: quā ex illa circumscriptione excederet.  
præclare. senatus enim faciem secum attulerat, autho-  
ritatem reipublicæ. cui qui non parer: non ab eo man-  
data accipienda sunt: sed ipse est potius repudiandus. An  
ego ab eo mandata acciperem? qui Senatus mandata con-  
temneret? aut ei cum Senatu quicquam commune iudi-  
carem? qui imperatorem populi Ro. Senatu prohibente  
obsideret? At quæ mandata? qua arrogantia? quo stu-  
pore? quo spiritu? cur autem ea legatis nostris dabat? cū  
ad nos Cotylam mitteret ornamentum, atq; arcem am-  
corum suorū, hominem ædilitium: si uere tum fuit Ae-  
dilis: cum eum iussu Antonij in conuiuio serui publici  
loris ceciderunt. At quā modesta mandata fert? ū  
sumus P. C. qui quicquam huic negemus? Vtranq; pro-  
uinciam inquit remitto: exercitum depono: priuatus esse  
non recusor: hæc sunt enim uerba. redire ad se uidetur.  
omnia obliuiscor: in gratiam redeo. sed quid adiungit?  
si legionibus meis, & si equitibus, & si cohorti præto-  
riæ prædam, agrumq; dederitis. His etiam præmia po-  
stulet? quibus ut ignoscatur si postulet: impuden-  
tissimus iudicetur. Addit præterea quos ipse cum Do-  
lobella dederit agros, teneant ū, quibus dati sunt.  
Hic est Campanus ager & Leontinus: quæ duo ma-  
iores nostri annonæ persugia ducebant. cauet mimis,



aleatoribus, lenonibus: Caſoni etiam, & Saxæ ca-  
uet: quos Centuriones pugnaces, & lacertosos inter mi-  
morum, & mimarum greges collocauit. postulat  
præterea ut Chirographorum, & commentariorum,  
ſua, Collegæq; ſui decreta maneant. quid laborat?  
ut habeat quod quiſque mercatus eſt. ſi quid accepit:  
habeat qui uendidit. et ne tangantur rationes ad Opis:  
ideſt, ne ſeſtertium ſepties millies recuperetur: ne frau-  
di ſit ſeptemuiris, quod egiffent. Nucula hoc credo ad-  
monuit. uerebatur fortasſe ne amitteret tantas cliētelas.  
caueri etiam uult ijs, qui ſecum ſunt: quicquid contra  
legem commiſerunt. Muſtellæ, et Tyroni proſpiciat: de ſe  
nihil laborat. quid enim commiſit unquam? num aut  
pecuniam publicam attigit? aut hominem occidit? aut  
ſecum habuit armatos? Sed quid eſt, quod de ijs labo-  
ret? poſtulat enim ne ſua iudiciaria lex abrogetur. quo i-  
petrato, quid eſt quod metuat? an, ne ſuorum aliquis a-  
Cyda, Liſiade, Curio condemnetur? neq; tamen nos ur-  
get mandatis pluribus. remittit aliquantum: & rela-  
xat. Galliam inquit remitto: comatam poſtulo. ocioſus  
uidelicet eſſe malo. cum ſex legionibus inquit, hiſq; ſup-  
pletis ex D. Bruti exercitu, non modo ex delectu ſuo:  
tandiuq; ut obtineat: quamdiu D. Brutus, C. Caſ-  
ſius Conſules proue conſules prouincias obtinebunt:  
huius comitijs C. frater eſt enim iam annus: ut re-  
pulſam tulit. ipſe autem ut quinquennium inquit ob-  
tineam. At iſtud uetat lex Cæſaris, & tua. Hæc  
tu mandata L. Piſo, & tu, L. Philippe Prinapes ci-  
uitatis non dico animo ferre, uerum auribus accipere  
potuiſtis? Sed ut ſuſpicor, terror erat quidam: nec uos  
ut Legati apud illum fuiſtis: nec ut Conſulares: nec uos



# PHILIPPICA

uestram nec Reip. dignitatem tenere potuistis. Et tamen  
nescio quo pacto, sapientia quadam credo, quod ego nō  
possum, nō nimis irati reuertistis. uobisq; M. Antonius  
nihil tribuit, clarissimis uiris, legatis populi romani:  
nos quid non Legato Antonij Cotylæ concessimus? cui  
portas huius urbis patere ius non fuit: huic hoc templū  
patuit: huic aditus in Senatum fuit: hic hesterno die  
sententias nostras in codicillos, Et omnia uerba refere-  
bat: huic se etiam summus honoribus hi, contra digni-  
tatem suam uenditabant. O dij immortales, quā ma-  
gnū est personam in Repub. tueri principis. quæ non  
animus solum debet, sed oculis seruire ciuium. donum  
recipere Legatum hostium, in cubiculum admittere,  
Et reducere, hominis est nihil de dignitate, nimum de  
periculo cogitantis. Quod autem est periculum? nam si  
maximum in discrimen uenietur: aut libertas parata est  
uictori: aut mors exposita uicto. quorum alterum opta-  
bile est: alterum effugere nemo potest. turpis autem fu-  
ga mortis omni est morte peior. Nam illud quidem  
non adducor ut credam: esse quosdam: qui inuideant  
alicuius constantiæ: qui laboribus: qui eius perpetuam  
in Rep. adiuvanda uoluntatem, Et a Senatu Et a po-  
pulo Ro. probari moleste ferant. omnes id quidē facere  
debeamus: cāq; erat non modo apud maiores nostros,  
sed etiam nuper summa laus Consularium: uigilare: co-  
gitare: adesse animo: semper aliquid pro Rep. aut fa-  
cere: aut dicere. Ego Q. Scauolam Augurem memoria  
teneo bello Marsico, cum esset summa senectute, Et per-  
dita ualitudine: quotidie, simulatq; luceret: facere o-  
mnibus conueniendi sui potestatem. neq; eum quisquam  
illo bello uidit in lecto. senexq; et debilis primus uenie-



bat in Curiam. huius industriam maxime equidem  
 uellem ut imitarentur ij: quos oportebat. secundo autem  
 loco, ne alterius labori inuiderent. Et enim P. C. cum  
 in spem libertatis sexennio simus ingressi: diutiusq; ser-  
 uitutem perpeffi, quam captui frugi, Et diligetes solēt:  
 quas uigilias, quas sollicitudines, quos labores liberan-  
 di populi Ro. causa recusare debemus? Equidem P. C.  
 quanquam hoc honore usi, togati esse solent: cum est in  
 sagis ciuitas: statui tamen a uobis, ceterisq; ciuibus  
 in tanta atrocitate temporis, tantaq; perturbatione po-  
 puli Ro. non differre uestitu. non enim ita gerimus nos  
 hoc bello Consulares: ut aequo animo populus Ro. ui-  
 surus sit nostri honoris insignia. cum partim ē nobis  
 ita timidi sint: ut omnem ij populi Ro. beneficiorum  
 memoriam abiecerint: partim ita a Rep. auersi, ut  
 huic se hosti fauere pre se ferant: Legatos nostros ab  
 Antonio despectos esse Et irrisos facile patiantur: Lega-  
 tum Antoni subleuatum uelint. huic enim reditum ad  
 Antonium prohiberi negabant oportere: Et in eodem  
 excipiendo sententiam meam corripiebant. quibus gerā  
 morem. redeat ad Imperatorem suum Varius: sed ea  
 lege, ne unquam Romam reuertatur. Ceteris autem, si  
 errorem suum deposuerint: Et in Reip. gratiam redie-  
 rint: ueniam, Et impunitatem dandam puto. Quas  
 ob res ita censeo: eorum, qui cum M. Antonio sunt: q ab  
 armis discesserint: Et aut ad Pansam, aut ad Hirciū con-  
 sules, aut ad Decimū Brutū Imperatorē, Cons. designa-  
 tum, aut ad C. Cæsarem proprætorē, ante idus martias  
 adierint: eis fraudi ne sit, quod cū M. Antonio fuerint.  
 si quis eorū, q cum M. Antonio sunt: fecerit: quo honore,  
 præmio ue quis dignus esse uideatur: uti C. Pansa A. Hir-



PHILIPPICA OCTAVA

cuius cons. alter, ambo'ue, si eis uideatur: de eius honore, premio'ue, primo quoq; die ad Senatum referant. si quis post hæc ad Antonium profectus fuerit, præter L. Varium: Senatum existimaturum eum contra Remp. fuisse.

no  
qua  
defi  
pinu  
totum  
si ca  
nullo  
in le  
lumi  
cum  
frus  
ad g  
non  
opem  
us hy  
ritas  
iam  
quen  
di su  
sa pr  
horta  
quib



IN M. ANTONIVM PHILIPPI-  
CA NONA. ORATIO.

L I I.

Ellem dii immortales fecissent P. C. ut  
uiuo potius Ser. Sulpitio gratias agere  
mus : q̄ mortuo honores quaereremus.  
nec uero dubito, quin si ille uir renun-  
ciare legationem potuisset: reditus eius et  
nobis gratus fuerit, & Reip. salutaris futurus. non  
quod L. Philippo, & L. Pisoni aut studium, aut cura  
defuerit i tāto officio, tantoq; munere: sed cū Seruius Sul-  
pitiū aetate illis anteiret, sapiētia omnibus: subito ereptus  
totam legationem orbam, & debilitatam reliquit. quod  
si cuiquam iustus honos habitus est in morte Legato: in  
nullo iustior quā in Ser. Sulpitio reperietur. ceteri, quī  
in legatione mortem obierunt: ad incertum uitae pericu-  
lum, sine ullo mortis metu profecti sunt. Ser. Sulpitius  
cum aliqua perueniendi ad M. Antonium spe profe-  
ctus est, nulla reuertendi. qui cum ita affectus esset: ut si  
ad grauē ualitudinē labor accessisset: sibi ipsi diffideret:  
non recusauit, quominus uel in extremo spiritu, si quā  
opem Reip. afferre posset: experiretur. itaq; non illum  
uis hyemis, non niues, non longitudo itineris, non aspe-  
ritas uiarum, nō morbus in grauescens retardauit: cūq;  
iam ad congressum, colloquiumq; eius peruenisset: ad  
quem erat missus: in ipsa cura, & meditatione obeun-  
di sui muneris excessit ē uita. Vt igitur alia, sic hoc Pan-  
sa praecclare: quod nos ad ornandum Ser. Sulpitium co-  
hortatus es: & ipse multa copiose de illius laude dixisti.  
quibus a te dictis nihil praeter sententiam dicerem: nisi



# PHILIPPICA

P. Seruilio respondendum putarem: qui hunc honorem  
statuæ nemini tribuendū censuit: nisi qui ferro esset in le-  
gatione interfectus. Ego autem P. C. sic interpretor sensis-  
se maiores nostros: ut causam mortis censuerint, non ge-  
nus esse querendum. etenim cui legatio ipsa mortis causa  
fuiisset: eius monumentum extare uoluerunt: ut in bellis  
periculosus obirent homines legationis munus audacius.  
non igitur exempla maiorum querenda: sed consilium  
est eorum, a quo ipsa exempla nata sunt, explicandū.  
Lartēs Tolumnius Rex Veientum quatuor Legatos po-  
puli Ro. Fidenis interemit: quorum statuæ in rostris ste-  
terunt usq; ad nostram memoriam. iustus honos. his  
enim maiores nostri, qui ob Remp. mortem obierant:  
pro breui uita diuturnam memoriam reddiderunt.  
Cn. Octauij clari & magni uiri, qui primus in eam fa-  
miliam, quæ postea uiris fortissimus floruit: attulit Con-  
sulatum: statuam uidemus in rostris. nemo enim tum no-  
uitati inuidebat: nemo uirtutē nō honorabat. at ea fuit  
legatio Octauij: in qua periculi suspicio nō subesset. nam  
cum esset missus a Senatu ad animos Regum perspicien-  
dos, liberorumq; populorū: maximēq; ut nepotem An-  
tiochi Regis, qui cum maioribus nostris bellū gesserat:  
classes habere, elephantos alere prohiberet: Laodiceæ in  
gymnasio a quodam Leptine est interfectus. reddita  
est ei tum a maioribus statua pro uita: quæ multos per  
annos progeniem eius honestaret: nunc ad tantæ  
familiæ memoriam sola restaret. atq; & huic, & Tul-  
lo Clinio, & L. Roscio, & Sp. Antio, & C. Fulcinio,  
qui a Veientum Rege cæsi sunt: non sanguis, qui profu-  
sus est in morte: sed ipsa mors ob Remp. habita, honorā  
fuit. itaq; P. C. si Ser. Sulpitio casus mortem attulisset: do-



lerem equidem tanto Reip. vulnere: mortem uero eius non monumentis, sed luctu publico esse honorandam putarem. nunc autem quis dubitat: quin ei uitam abstulerit ipsa legatio? secum enim ille mortem extulit: quā, si nobiscum remansisset: sua cura, optimi filij, fidelissimæq; coniugis diligentia uitare potuisset. At ille, cum uideret si uestrae auctoritati non paruisset: dissimilem se futurum sui: si paruisset: munus sibi illud pro Repub. susceptum uitæ finem allaturum: maluit in maximo populi ro. discrimine mori: quā minus quam potuisset, uideri Reip. profuisse. multis illi in urbibus, qua iter faciebat: reficiendi se, et curandi potestas fuit: aderat et hospitum inuitatio liberalis, pro dignitate summi uiri: et eorum hortatio, qui una erant missi, ad requiescendum, et uitæ suæ consulendum. at ille properans, festinansq; mandata nostra conficere cupiens, in hac constantia morbo aduersante perseuerauit. cuius cum aduentu maxime perturbatus esset Antonius: quod ea, quæ sibi iussu nostro denunciarentur: auctoritate erant et sententia Ser. Sulpitij constituta: declarauit quā odisset Senatum: cum authorem Senatus extinctum, læte, atq; insolenter tulit. non igitur magis Octauium Lepines, nec Veientium Rex eos, quos modo nominaui: quam Ser. Sulpitium occidit Antonius. is enim profecto mortem attulit: qui causa mortis fuit. quo circa ad posteritatis etiam memoriam pertinere arbitror, extare quod fuerit de hoc bello iudicium Senatus. erit enim statua ipsa testis, bellum tam graue fuisse: ut legati interitus honoris memoriam consecutus sit. Quod si excusationem Ser. Sulpitij P. C. legationis obeundæ recordari uolueritis: nulla dubitatio relinquetur: quin honorem



# PHILIPPICA

mortuo, cui iniuriam uiuofecimus : faciamus. uos enim  
 P. C. (graue dictu est : sed dicendum tamen) uos in  
 quam Ser. Sulpitium uita priuastis. quem cum uideretis  
 se magis morbo, quam oratione excusantem: non uos qu-  
 dem crudeles fuistis: quid enim minus in hunc ordinem  
 conuenit? sed cum speraretis nihil esse, quod non illius  
 autoritate, & sapientia effici posset: uehementius exca-  
 sationi obstistis : atq; eum, qui semper uestrum consen-  
 sum grauissimum iudicauisset: de sententia deiecit. ut  
 uero Pansa consulis accessit cohortatio grauior, quam  
 aures Ser. Sulpitij ferre didicissent: tum filium meq;  
 seduxit : atq; ita locutus est : ut auctoritatem uestram ui-  
 ta se diceret anteferre. cuius nos uirtutem admirati,  
 non ausi sumus aduersari eius uoluntati. mouebatur  
 singulari pietate filius : non multum perturbationi eius  
 meus dolor concedebat. sed uterq; nostru cedere coege-  
 batur magnitudini animi, orationisq; grauitati: cum qui-  
 dem ille maxima laude, & gratulatione omnium ue-  
 stru pollicitus est, se quod uelletis esse facturum : neq; eius  
 sententiae periculum uitaturum: cuius ipse auctor fuis-  
 set. quem exequi mandata uestra properantem mane  
 postridie profecti sumus. qui quidem discedens mecum  
 ita locutus est : ut eius oratio omen fati uideretur. red-  
 dite igitur P. C. ei uitam : cui ademistis. uita enim mor-  
 tuorum in memoria uiuorum est posita. perficite ut is,  
 quem uos ad mortem insci misistis: immortalitatem ha-  
 beat a uobis. cui si statuam in rostris decreto uestro sta-  
 tueritis : nulla eius legationis posteritatem inobscura-  
 bit obliuio. Nam reliqua Ser. Sulpitij uita multis erit  
 praeclarisq; monumentis ad omnem memoria commen-  
 data. semper illius grauitatem, constantiam, fidem, prae-



stantiam, in Repub. tuenda curam, atq; prudentiam,  
omnium mortalium fama celebrabit. nec uero silebitur  
admirabilis quædam, & incredibilis, & penè diuina  
eius in legibus interpretandis, æquitate explicandis,  
scientia. omnes qui ex omni ætate hac in ciuitate intel  
ligentiam iuris habuerunt: si unum in locum conferan  
tur: cum Ser. Sulpitio non sunt comparandi. neq; enim  
ille magis iuris consultus quàm iustitiæ fuit. Itaq; quæ  
proficiscebantur à legibus, & à iure civili, semper ad  
facilitatem, æquitatemq; referebat. neq; constituere litiū  
actiones malebat: quàm controuersias tollere. Ergo hoc  
statuæ monumento non eget: habet alia maiora. hæc  
enim statuæ mortis honestæ testis erit: illa memoria uitæ  
gloriosæ. ut hoc magis monumentum gratiæ Senatus,  
quàm clari uiri futurum sit. Multum etiam ualuisse ad  
patris honorem pietas filij uidebitur: qui quanquam  
afflictus luctu non adest: tamen sic animati esse debetis:  
ut ille si adesset. est enim ita affectus: ut nemo unquam  
unici filij mortem magis doluerit: quàm ille mœret pa  
tris. equidem etiā ad famam Ser. Sulpitij filij arbitror  
attinere: ut uideatur honorem debitum patri præstitisse.  
quanquam nullum monumentum clarius Ser. Sulpiti  
us relinquere potuerit: quam effigiem morum suorum,  
uirtutis, constantiæ, pietatis, ingenij filium. cuius luctus  
aut hoc honore uestro, aut nullo solatio leuari potest.  
Mihi autem recordāti Ser. Sulpitij multos in familiari  
tate nostra sermones: gratiores illi uidetur, si quis est sen  
sus in morte: aenea statuæ futura: & ea pedestris magis,  
quàm inaurata equestris: qualis L. Syllæ prima statuæ  
est. magnifice enim Seruius Sulpitius maiorum conti  
nentiam diligebat: huius sæculi insolentiam uitupera



# PHILIPPICA

bat. ut igitur si ipsum consulam quid uelit: sic pedestrem ex ære statuam, tanquam ex eius auctoritate, & uoluntate decerno. quæ quidem magnum cuiusque dolorē, & desiderium honore monumenti minuet: & leniet. atque hanc meam sententiam P. C. P. Seruilij sententia probari necesse est: qui sepulchrum publice decernendum Seruio Sulpitio censuit: statuam non censuit. Nam si mors legati sine cæde, atque ferro nullum honorem desiderat: cur decernit honorem sepulturæ, qui maximus haberi potest mortuo? Sin id tribuit Ser. Sulpitio quod non est datum Cn. Octauio: cur quod illi datum est: huic dandum esse non censet? maiores quidem nostri statuas multis decreuerunt: sepulchra paucis. sed statuae intereunt tempestate, ui, uetustate: sepulchrorum autem sanctitas in ipso solo est: quod nulla ui moueri, neque deleri potest. atque ut cætera extinguuntur: sic sepulchra fiunt sanctiora uetustate. augeatur igitur isto etiam honore is uir: cui nullus honor tribui non debitus potest: grati sumus in eius morte decoranda: cui nullam aliam gratiam referre iam possumus: notetur etiam Antonij nefarium bellum gerentis scelerata audacia. his enim honoribus habitis Ser. Sulpitio repudiata, reiectaque legationis ab Antonio manebit testificatio sempiterna. Quas ob res ita censeo. cum Ser. Sulpitius Quinti filius, Lemonia Rufus difficillimo Reip. tempore, graui, periculosoque morbo affectus, auctoritatem Senatus, salutemque populi Ro. uitæ suæ præposuerit: contraque uim, grauitatemque morbi, contenderit: ut ad castra Antonij, quo Senatus eum miserat: perueniret: isque cum iam propè castra uenisset: uim morbi oppressus uitam amiserit in maximo Reip. munere: eiusque mors consentanea uitæ fuerit, sanctissime,



honestumque actae: in qua saepe magno usui Reip. Ser. Sulpitius, et priuatus, et in magistratibus fuerit: cum talis uir, ob Remp. in legatione mortem obierit: senatui placere, Ser. Sulpitio statuam pedestrem aeneam in rostris, ex huius ordinis sententia statui: circumque eam statuam locum gladiatoribus, ludisque, liberos, posterosque eius, quaque uersus pedes quinque habere: quod hic ob Reip. mortem obierit: eamque causam in basi inscribi: utique C. Pansa, A. Hircaus Consules alter, ambo uel, si eis uidebitur: quaestoribus urbis imperent: ut eam Basim, statuamque faciendam, et in rostris statuendam locent: quantique locarint, tantam pecuniam redemptori soluendam, attribuendamque curent: cumque antea Senatus auctoritatem in uirorum fortium funeribus ornamentisque ostenderit: placere eum quam amplissime supremo die suo efferr: et cum Ser. Sulpitius Q. F. Lemonia Rufus ita de Rep. meritis sit: ut his ornamentis decorari debeat: Senatum censere, atque e Rep. existimare, Aediles curules edictum, quod de funeribus habeant: Ser. Sulpitij Q. F. Lemoniae Rufi funeri mittere: utique locum sepulchro in Campo Esquilino C. Pansa Consul, seu quo in loco uidetur, pedes triginta quaque uersus designet: quo Seruius Sulpitius inferatur. quod sepulchrum ipsius, liberorum, posterorumque eius sit: uti quod optimo iure sepulchrum publice datum est.



IN M. ANTONIVM PHILIP-  
PICA DECIMA. ORA-  
TIO LIII.

*aximas tibi Panſa gratias omnes & habere, & agere debemus: q̄ cū hodie-  
no die Senatum te non habiturum ar-  
bitraremur: ut M. Bruti præſtantiffimæ  
cuius literas accepiſti: ne minimam qui-  
dem moram interpoſuiſti: quin quamprimum maximo  
gaudio & gratulatione fruermur. cum factum gra-  
tum omnibus debet eſſe: tum uero oratio: qua recitatis  
literis uſus es. declaravi enim uerum eſſe id, quod ego  
ſemper ſenſi. neminem alterius, q̄ ſuæ conſideret, uirtu-  
ti inuidere. Itaq; mihi, qui plurimis officijs ſum cum  
Bruto, et maxima familiaritate coniunctus: minus mul-  
ta de illo dicenda ſunt. quas enim partes ipſe mihi ſum  
pſeram: eas præoccupauit oratio tua. Sed mihi P. C. ne-  
ceſſitatem attulit paulo plura dicendi, ſententia eius: q̄  
rogatus eſt ante me: à quo ita ſæpe diſſentio: ut iam ue-  
rear: ne id quod minime fieri debet: minuire amicitiam  
noſtram uideatur perpetua diſſenſio. Quæ eſt enim iſta  
tua oratio Calene? quæ mens? qui nunquam poſt Cal.  
I an. idem ſenſeris: quod is, qui te ſententiam prius ro-  
gat? cur nunquam tam frequens Senatus fuit? quod unus  
aliquis tuam ſententiam ſecutus ſit? cur ſemper tui diſ-  
ſimiles defendis? cur cum te & uita, & fortuna tua  
ad ocium & ad dignitatem inuitet: ea probas: ea decer-  
nis: ea ſentis: quæ ſunt inimica & ocio communi, &  
dignitati tuæ? nam ut ſuperiora omittam: hoc certe  
quod mihi maximam admirationem mouet, non tace-  
bo. quod*



bo. quod enim tibi cum Brutis bellum? cur eos, quos omnes uenerari debemus: solus oppugnas? alterum circumsederi non moleste fers: alterum tua sententia spoliis his copijs: quas ipse suo labore, et periculo ad Reip. non ad suum praesidium, per se nullo adiuvante conficit. quis est iste tuus sensus? quae cogitatio? Brutos ut non probes? Antonios probes? quos omnes charissimos habent: tu oderis? quos acerbissime omnes oderunt: tu constantissime diligas? amplissime tibi fortunae sunt: summus honoris gradus: filius, ut et audio, et spero, natus ad laudem: cui cum Reip. causa faueo: tum etiam tua. quaero igitur eum Bruti similem malis, an Antoni? ac permitto ut de tribus Antonijs eligas, quem uelis. D. Brutus melior est inquit. cur igitur non his faues? eos laudas: quorum similem filium tuum esse uis? simul enim Reip. consulis: et proponis illi exempla ad imitandum. Hoc uero Q. Fusi copiosius sine offensione nostrae amicitiae, sic tecum, ut a te dissentiens, Senator quaero: ita enim dixisti: et quidem de scripto: nam te inopia uerbi lapsus putare: nisi tuam in dicendo facultatem nossem: literas Bruti recte et ordine scriptas uideri. quod quid est aliud: quam librarium Bruti laudare, non Brutum? usum in Rep. Calene magnum iam habere et debes et potes. quando ita decerni uidisti? aut quo S. C. huius generis, sunt enim innumerabilia: bene scriptas literas decretum a Senatu? quod uerbum tibi non exadit, ut saepe fit: fortuitu. scriptum, meditatatum, cogitatum, attulisti. hanc tibi consuetudinem plerisque in rebus bonos obrectandi si quis detraxerit: qui tibi uelit obrectare: non relinquetur. quod obrem collige te: placatque animum aliquando: et ma-

FFF



# PHILIPPICA

tige: audi viros bonos: quibus uteris multum: loquere  
 cum sapientissimo homine genero tuo saepius, quam tu  
 ipse tecum. tum denique amplissimi honoris nomen obti-  
 nebis. An uero hoc pro nihilo putas? in quo equidem  
 pro amicitia tua iure dolere soleo: efferrī hāc foras? et  
 ad populi Ro. aures peruenire? ei qui primus senten-  
 tiam dixerit: neminem assensum. quod etiam hodie fu-  
 turum arbitror. Legiones abducis a Bruto. quas? nem-  
 pe illas, quas ille ab Antonij scelere auertit: et ad Remp-  
 sua auctoritate traduxit. rursus igitur uis nudatum  
 illum, atque solum ab Rep. relegatum uideri. uos autem  
 P. C. si M. Brutum deserueritis: et prodideritis: quem  
 tandem ciuem habebitis, quem ornetis? cui fauebitis? nā  
 si forte eos qui diadema posuerunt, conseruandos, eos,  
 qui nomen Regis sustulerunt, deserendos putatis. Ac de  
 hac quidem diuina atque immortalī laude Bruti file-  
 bo: quae gratissima memoria omniū ciuiū inclusa, nodū  
 auctoritate publica testata est. tantam ne patientiam di-  
 boni, tantam moderationem, tantam in iniuria tran-  
 quilitatem, et modestiam? qui cum Praetor urbanus es-  
 set: urbe aruit: ius non dixit: cum omne ius populi  
 Ro. recuperasset: cumque concursu quotidiano bono-  
 rum omnium, qui admirabilis ad eum fieri solebat,  
 praesidioque Italiae cunctae septus posset esse: absens iudi-  
 cio bonorum defensus esse maluit, quam praesens manu:  
 qui ne apollinares quidem ludos, pro sua populiq; Ro.  
 dignitate apparatus praesens fecit: ne quā uia pateface-  
 ret sceleratorum hominum audacia: quanquam quī  
 unquam aut ludi, aut dies laetiores fuerunt? quā cum  
 i singulis uersibus populus Ro. maximo clamore et plau-  
 su Bruti memoriā prosequeretur? corpus aberat libera-



toris: libertatis memoria aderat: in qua Bruti imago cer-  
ni uidebatur. At hunc his ipsis ludorum diebus uide-  
bam in insula clarissimi adolescentis Luculli propin-  
qui sui nihil nisi de pace & concordia ciuium cogitan-  
tem. eundem uidi postea Velie cadentem Italia: nequa  
oriretur belli ciuilis causa propter se. O' spectaculum  
illud non modo hominibus, sed undis ipsis, & littori-  
bus luctuosum: cadere e patria seruatores eius: ma-  
nere in patria proditores. Cassius lapsis paucis post die-  
bus consequbatur: ut me puderet P. C. in eam urbem  
redire: ex qua illi abirent. Sed quo consilio redie-  
rim, initio audistis: post estis experti. Expectatum igitur  
tempus a bruto est. nam quoad uos omnia pati  
uidit: usus est ipse incredibili patientia: posteaquam uos  
ad libertatem sensit erectos: praesidia uestrae libertati pa-  
rauit. at cui pesti, quantaq; restitui? si enim C. Antonius  
quod animo intenderat, perficere potuisset (potuisset au-  
tem, nisi eius scelere uirtus M. Bruti obstitisset) Macedoni-  
am, Illyricum, Graeciam pdidissemus. esset uel recepta-  
culum pulso Antonio, uel agger oppugnandae Italiae  
Graeciae: quae quidem nunc M. bruti imperio, auctorita-  
te, copijs non instructa solum, sed etiam ornata tendit  
dextram Italiae: suumq; ei praesidium pollicetur. Quod  
qui ab illo abducit: exeratum pulcherrimum, & praes-  
idium firmissimum adimit Reipublicae. Equidem cupio  
haec quamprimum Antonium audire: ut intelligat no  
D. Brutum, quem nullo circumseder: sed seipsum obsideri.  
tria tenet oppida toto in orbe terrarum: habet inimi-  
cissimam Galliam: eos etiam, quibus confidebat, alienis-  
simos Transpadanos: Italia omnis infesta est: exteræ na-  
tiones a prima ora Graeciae usq; ad Aegyptum optimo

FFF ij



# PHILIPPICA

rum & fortissimorum civium imperijs, & praesidijs  
tenentur. Erat ei spes una in C. Antonio: qui duorum  
fratrum aetatibus medius interiectus: utriusque cum utroque  
certabat. qui tanquam extruderetur a Senatu in Mace-  
doniam: & non contra prohiberetur proficisci: ita cu-  
currit. Quae tempestas dii immortales, quae flamma-  
quae vastitas, quae pestis graeciae fuisset? nisi incredibili  
vis ac diuina uirtus Caesaris furentis hominis co-  
natum atque audaciam compressisset? quae celeritas illa  
bruti? quae cura? quae uirtus? eisi ne illa quidem An-  
tonij celeritas contemnenda est. quem nisi in uia cadu-  
cae hereditates retardassent: uolasse eum, non iter fecis-  
se diceres. alios ad negotium publicum ire cum cupi-  
mus: ui solemus extrudere. hunc retinentes exclusimus.  
At quid ei cum Apollonia? quid cum Dyrrhachio? quid  
cum Illyrico? quid cum P. Vatini Imperatoris exer-  
citu? succedebat, ut ipse dicebat, Hortensio. certi fines Ma-  
cedoniae: certa conditio: certissimo modo erat etiam il-  
lius exercitus: cum Illyrico uero, & cum Vatini le-  
gionibus quid erat Antonio? at ne bruto quidem. id  
enim fortasse quispiam improbus dixerit. omnes le-  
giones, omnes copiae, quae ubique sunt: populi Romani sunt. neque  
enim legiones quae Antonium reliquerunt: Antonij po-  
tius quam Reipublicae fuisse dicuntur. omne enim exercitus,  
& imperij ius amittit is: qui eo imperio & exercitu  
Reipublicae oppugnat. quod si ipsa Respublica iudicaret: aut si  
omne ius decretis eius statueretur: Antonio ne an Bru-  
to legiones populi Romani adiudicaret? alter aduolaret su-  
bito ad direptionem pestemque sociorum: et quacunq; iret,  
omnia vastaret: diriperet: auferret: exercitu populi Ro-  
mani contra ipsum populum Romanum uteretur. alter uero eam si-



bi legem statueret: ut quocumq; uenisset, lux uenisse quædam et spes salutis uideretur. deniq; alter ad euertendam Remp. præsidia quærebat: alter ad conseruandâ. Nec uero nos hoc magis uidebamus, quàm ipsi milites: à quibus tanta in iudicando prudentia non erat postulanda. cum VII cohortibus isse Appolloniam scribit Antonium. qui iam aut captus est: quod dij dent: aut certe homo uerecundus in Macedoniam non accedit: ne contra Senatum fecisse uideatur. Delectus habitus in Macedonia est summo Hortensij studio & industria. cuius animum egregium, dignumq; & ipso, & maioribus suis ex bruti literis perspicere potuistis. Legio, quam L. Piso ducebat, legatus Antonij, Ciceroni se filio meo tradidit. Equitatus qui in Syriam ducebatur bipartito, alter eum à quo ducebatur reliquit in Thessalia: se seq; ad brutum contulit: alterum in Macedonia Cn. Domitius adolescens summa uirtute, & constantia ab legato Syriaco abduxit. P. autem Vatinius, qui decimo anno iure laudatus à nobis, & hoc tempore merito laudandus est: aperuit Dyrrhachij portas Bruto: & exercitum tradidit. Tenet igitur populus Ro. Macedoniam: tenet Illyricum: tuetur Græciâ: nostræ sunt legiones: nostra leuis armatura: nostri equitatus: maximeq; noster est Brutus: semperq; noster, cum sua excellentissima uirtute Reip. natus, tum fato quodam paterni materniq; generis, & nominis. Ab hoc igitur quisquam bellum timet? qui ante quam nos id coacti suscepimus: in pace iacere, quàm in bello uigere maluit. quanquam ille quidem nunquam iacuit: nec hoc cadere uerbum in tantam uirtutis præstantiam potest. erat enim in desiderio ciuitatis: in ore, in sermone omnium. tantum autem aberat à bello: ut

FFF ij



PHILIPPICA

cum cupiditate libertatis Italia arderet: defuerit cuius  
studij potius: quam eos in armorum discrimen adduce  
ret. Itaq; illi ipsi, si qui sunt: qui tarditatem Bruti re  
prehendant: tamen eiusdem moderationem, patienti  
amq; mirentur. Sed iam uideo quid loquantur. neq; eni  
id occulte faciunt. timere se dicunt quomodo ferant Ve  
terani, exercitum Brutum habere. quasi uero quicquam  
intersit inter A. Hircij, C. Pansa, D. Bruti, C. Caesaris,  
et hunc exercitum M. Bruti. Nam si quatuor exerci  
tus ij, de quibus dixi, propterea laudantur: quod pro  
populi Ro. libertate arma coeperunt: quid est cur M.  
Bruti exercitus non in eadem causa reponatur? At enim  
Veteranis suspectum est nomen M. Bruti, magis quam  
Decimi. Equidem non arbitror. et si est enim Brutoru  
comune factum, et laudis societas: aequus D. tamen Bruto  
irati sunt omnes ij: qui id factum dolebant: quominus  
ab illo rem illam dicebant fieri, decessisse. Quid ergo nunc  
agunt tot exercitus? nisi ut obsidione Brutus liberetur?  
qui autem hos exercitus ducunt? hi credo: qui Caesaris  
res actas euerti, qui causam ueteranoru prodi uolunt?  
si ipse uiueret Caesar: acrius credo acta sua defenderet:  
quam uir fortissimus defendit Hircius? aut amior  
causae potest inueniri: quam filius? At eorum alter non  
dum ex longinquitate grauissimi morbi recreatus  
quicquid habuit uirium, id in eorum libertatem contra  
lit: quorum uotis indicauit se a morte reuocatum. alter  
uirtutis robore firmior, quam aetatis, cum istis ipsis uete  
ranis ad D. Brutum liberandum profectus est. Igitur  
illi certissimi, ydemq; acerrimi Caesaris actorum pa  
troni pro D. Bruti salute bellu gerunt. quos ueterani  
sequuntur. de libertate enim populi Ro. non de suis com



modis armis decernendum uident. quid est igitur cur  
 is, qui D. Brutum omnibus copijs conseruatū uelint:  
 M. Brutū sit suspectus exercitus? An uero si quid esset,  
 quod à M. Bruto timendum uideretur: Pansa id non uī-  
 deret? aut si uideret: non laboraret? quis aut sapientior  
 ad coniecturam rerum futurarum? aut ad propulsan-  
 dum metum diligentior? Atqui huius animum erga M.  
 Brutum studiūq; uidistis. praecepit oratione sua qd de  
 cernere nos de Bruto, quid sentire oporteret: tantūq;  
 absuit ut periculosum Reip. M. Brutū putaret exercitū  
 ut in eo firmissimum reipublicae praesidium & grauis-  
 simum poneret. Salicet haec Pansa aut non uidet (he-  
 beti enim ingenio est) aut negligit? quae enim Caesar egit,  
 ea rata esse non curat. de quibus confirmandis & san-  
 ciendis legem comitijs Centuriatis ex auctoritate no-  
 stra laturus est. Desinant igitur aut ij, qui nō timent, si-  
 mulare se timere: sed prospicere Reipublicae. aut ij qui  
 omnia uerentur: nimium esse timidi. ne illorum simula-  
 tio, horum sit ignauia. Quae (malum) est ista ratio?  
 semper optimis causis ueteranorum nomen opponere?  
 quorum etiam si amplecterer uirtutes: ut facio: tamen si  
 essent arrogantes: non possem ferre fastidium. An nos  
 conantes seruitutis uincula rumpere, impedit si quis  
 ueteranos id nolle dixerit? non sunt enim credo in-  
 numerabiles, qui pro communi libertate arma capiant?  
 nemo est praeter ueteranos milites uir, qui ad seruitutē  
 propulsandam ingenuo dolore excitetur? potest igitur  
 stare Resp. freta ueteranis sine magno subsidio inuentu-  
 tis? quos quidem libertatis adiutores complecti debetis.  
 seruitutis auctores sequi non debetis. Postremo erumpat  
 enim aliquando uera & me digna uox. Si ueteranorū



# PHILIPPICA

*nutu mentes huius ordinis gubernantur: omniaq; ad  
 eorum uoluntatem dicta factaq; nostra referuntur:  
 optanda mors est: quæ ciuibus Ro. semper fuit seruitute  
 potior. omnis est misera seruitus: sed fuerit quædam  
 necessaria: ecquod nam principium putatis libertatis  
 capeffendæ? an cum illum necessarium, & fatalem pe-  
 ne casum non tulerimus: hunc feremus uoluntarium? to-  
 ta Italia desiderio libertatis exarsit: seruire diutius non  
 potest ciuitas: serius populo Ro. hunc uestitum atq; ar-  
 ma dedimus: quam ab eo flagitati sumus: magna nos qui-  
 dē spe, et prope explorata, libertatis causam suscepimus.  
 sed ut concedam incertos exitus esse belli, martemq; com-  
 munem: tamen pro libertate, uitæ periculo decernen-  
 dum est. non enim in spiritu uita est: sed ea nulla est  
 omnino seruienti. omnes enim nationes seruitutem fer-  
 re possunt: nostra ciuitas non potest. nec ullam aliam  
 ob causam: nisi quod illæ laborem doloremq; fugiunt:  
 quibus ut careant, omnia perpeti possunt. nos ita  
 a maioribus instituti, atq; imbuti sumus: ut omnia con-  
 silia atq; facta ad uirtutem atq; dignitatem referamus.  
 ita præclara est recuperatio libertatis: ut ne mors qui-  
 dem sit in repetenda libertate fugienda. Quod si im-  
 mortalitas consequeretur præsentis periculi fuga: ta-  
 men eo magis ea fugienda esse uideretur: quo diuturnior  
 esse seruitus. Cum uero dies, & noctes omnia nos un-  
 diq; fata circumstent: non est uestri, nominisq; Romani  
 dubitare, eum spiritum, quem naturæ quis debeat, pa-  
 triæ reddere. concurritur undiq; ad commune incendiū  
 restinguendum: ueteraniq; primi Cæsaris authorita-  
 tem secuti conatum Antoni repulerunt: post eiusdem  
 furorem martia legio fregit: quarta afflixit. sic à suis le*



gionibus condemnatus irrupit in Galliam: quam sibi  
 armis animusq; infestam inimicamq; cognouit. hunc A.  
 Hircij, C. Caesaris exercitus insecuti sunt: post Pansæ  
 delectus urbem totamq; Italiam erexit. unus est omni  
 um hostis: quanquam habet secum L. fratrem charis-  
 simum Reip. ciuem: cuius desiderium ciuitas ferre diu-  
 tius non potest. quid illa tetrius belua? quid immanius?  
 qui ob eam causam natus uidetur: ne omnium mortaliū  
 turpissimus esset Antonius. est una trebellius: qui iam  
 cum tabulis nouis redit in gratiā: T. Plancus: cæteri pa-  
 res: qui id pugnant: id agunt: ut contra Remp. restituti  
 eē uideātur: sollicitant homines imperitos Saxas, et Ca-  
 phones: ipsi rustici, atq; agrestes: qui hāc Remp. nec uide-  
 runt unquam: nec uidere constitutam uolunt: qui nō Cæ-  
 saris, sed Antoni acta defendunt: quos auertit agri  
 Campani infinita possessio: cuius eos non pudere miror:  
 cum uideant mimos, & mīmas habere uicinos. Ad has  
 pestes opprimendas quid est, cur moleste feramus quod  
 M. Bruti accessit exercitus? immoderati credo hominis,  
 & turbulenti. uide ne nimium penē patientis: & si in  
 illius uiri consilijs, atq; factis, nec nimium, nec parum  
 unquam fuit. omnis uoluntas M. Bruti P. C. omnis cogi-  
 tatio, tota mens, auctoritatem Senatus, libertatem populū  
 Ro. intuetur: hęc habet proposita: hęc tueri uult: tenta-  
 uit quid patientia proficere posset: nihil cum proficeret:  
 contra uim experiendum putauit. cui quidem P. C. uos  
 idem tribuere hoc tempore debetis: quod ad XIIII  
 Cal. D. Bruto, & C. Cæsari me auctore tribuistis. quo-  
 rum priuatum de Rep. consilium & factum authorita-  
 te uestra est comprobatum, atq; laudatum. quod idem in  
 M. Bruto facere debetis: a quo insperatum, & repenti-



# PHILIPPICA

num Reip. praesidium legionum, equitatus, auxiliorum  
 magnae & firmae copiae comparatae sunt: adiungen-  
 dusq; est Q. Hortensius: qui cum Macedonia obtineat:  
 adiutorem se Bruto ad comparandum exercitum fide-  
 lissimum & constantissimum praeuit. nam de Apuleio  
 seperatim censeo referendum: cui testis est per literas Bru-  
 tus: eum principem fuisse ad conatum exercitus compa-  
 randi. Quae cum ita sint: quod Pansa consul uerba fe-  
 cit de literis: quae à Q. Cepione Bruto Procons. allatae,  
 & huic ordini recitatae sunt: de ea re ita censeo. Cum  
 Q. Cepionis Bruti Proconsulis opera, consilio, indu-  
 stria, & uirtute, difficillimo Reip. tempore prouinciam  
 Macedoniam, Illyricum, cunctam Graecam, legiones,  
 exercitus, equitatus in consulum, Senatus, populiq; Ro-  
 potestate sint: id Q. Cepionem Brutum Procons. bene,  
 & e Reip. & sua maiorumq; suorum dignitate, consue-  
 tudineq; Reip. bene gerendae fecisse: eamq; rem Senatui  
 populoq; Ro. gratam eē, & fore: utiq; Q. Cepio Bru-  
 tus Procons. prouinciam Macedonia, Illyricum, totamq;  
 Graecam, tueatur: defendat: custodiat: incolumemq; ser-  
 uet: eiq; exercitui, quem ipse constituit: comparauit: prae-  
 sit: pecuniaq; ad rem militarem, si qua opus sit, quae pu-  
 blica sit: & exigi possit: utatur: exigat: pecuniasq; à qui-  
 bus uidetur ad rem militarem mutuasumat: frumentum  
 imperet: operamq; det, ut cum suis copiis quam proxi-  
 me Italia sit. Cumq; literis Q. Cepionis Bruti Procons.  
 intellectum sit, Q. Hortensij Proconsulis opera & uir-  
 tute uehementer Remp. adiutam: omniaq; eius con-  
 silia cum consilijs Q. Cepionis Bruti Proconsulis cōiun-  
 cta fuisse: eamq; rem magno usui Reip. fuisse: Q. Hor-  
 tensium Procons. recte & ordine exq; Reip. fecisse: Sena-



tuiq; placere Q. Hortensium Procons. cum Q. Cepio-  
ne Procons. & legatis suis Macedoniam prouinciam ob-  
tinere quoad ex S. C. successum sit.



## IN M. ANTONIVM PHILIPPI

## CA VNDECIMA ORA

## TIO. LIIII.

*Agno in dolore sum P. C. uel mœrore  
potius: quem ex crudeli, & miserabili  
morte C. Trebonij optimi cuius, mode-  
ratissimiq; hominis accepimus. inest ta-  
men aliquid: quod Reip. profuturum pu-  
tem. perspeximus enim quâta in his, qui contra patriâ  
scelerata arma coeperunt: inesset immanitas. nam duo  
hæc capita nata sunt post homines natos teterrima, &  
spurassima, Dolobella, & Antonius: quorum alter effe-  
cit, quod optabat: de altero patefactum est, quid cogita-  
ret. L. Cinna crudelis: C. Marius in iracundia perseue-  
rans: L. Sylla uehemens: neq; ullius horum in ulciscen-  
do acerbitas progressa ultra mortem est. quæ tamen pœ-  
na in aues nimis crudelis putabatur. Ecce tergeminum  
in scelere par, inusitatum, inauditum, ferum, barbarum.  
Itaq; quorum summum quondam inter ipsos odium,  
bellumq; meministis: eosdem postea singulari inter se con-  
sensu, & amore deuinxit impurissimæ naturæ, & tur-  
pissimæ uitæ similitudo. ergo id, quod fecit Dolobella, in  
quo potuit: multis idem minatur Antonius. sed ille cum  
procul abesset à consulibus, exeratibusq; nostris: nec dū  
Senatum cum populo Ro. conspirasse sensisset: fretus An-  
tonij copijs ea scelera suscepit: quæ iam Romæ suscepta  
arbitrabatur à socio furoris. quid ergo hunc aliud mo-  
liri? quid optare censetis? aut quam omnino causam esse  
belli? omnes qui libere de Rep. sensimus: qui dignas no-*



bis sententias diximus: qui populum Ro. liberum esse  
 volumus: statuit ille quidē nō inimicos, sed hostes. maio-  
 ra in nos quā in hostem supplicia meditatur. mortem  
 naturæ pœnam putat esse: iracundiæ tormentum atq; cru-  
 ciatum. qualis igitur hostis habendus est is: à quo uictore  
 si cruciatus absit: mors in beneficij partem numeretur?  
 quamobrem P. C. quanquam hortatore non egetis: ipsi  
 enim uestra sponte exarsistis ad libertatis recuperandæ  
 cupiditatem: tamen eo maiore studio libertatem defendi-  
 te: quo maiora proposita uictis supplicia seruitutis uide-  
 tis. In Galliam inuasit Antonius: in Asiam Dolobella.  
 in alienam uterq; provinciam. alteri se Brutus obiecit:  
 impetumq; furentis, atq; omnia diuexare, & diripere  
 cupiētis uitæ suæ periculo colligauit: à progressu arçuit:  
 à reditu refrenauit: obsideri se passus ex utraq; parte con-  
 strinxit Antonium. alter in Asiam irrupit cursim: ut  
 in Syriam patebat uia certa, neq; longi. quid opus fu-  
 it cum legione, præmissō Marso nescio quo Octauio  
 scelerato latrone atq; egente? qui popularetur agros: ue-  
 xaret urbes, non ad spem constituendæ rei familia-  
 ris, quam tenere eum posse negant qui norunt (mibi  
 enim hic Senator ignotus est) sed ad præsentem pastum  
 mendicantis suæ. consecutus est Dolobella in nulla suspi-  
 tione belli. quis enim id putaret? secutæ collocaiones  
 familiarissimæ cum Trebonio, complexusq; summæ be-  
 niuolentiæ falsi indices extiterunt in amore simula-  
 to: dextræ quæ fidei testes esse solebant: perfidia sunt  
 & scelere uiolatæ. qui nocturnus introitus in Smyr-  
 nam? quasi in hostium urbem? quæ est fidelissimo-  
 rum antiquissimorumq; sociorū. oppressus Trebonius, si  
 ut ab eo, qui aperte hostis esset: incatus: si ut ab eo, qui



# PHILIPPICA

cuius etiam tum speciem haberet: miser. ex quo nimis  
 rû documentū nos capere fortuna uoluit: qd esset uictis ex  
 timescendum. consularē hominem cōsulari imperio pro  
 uinciam Asiam obtinētem Samario exuli tradidit: in-  
 terficere statim captum noluit: ne nimis credo in uicto-  
 rjs liberalis uideretur: cum uerborum contumelijs opti-  
 mum uirum incesto ore lacerasset: tum uerberibus ac  
 tormentis quæstionem habuit pecuniæ publicæ: idq; per-  
 biduum: post autem ceruicibus caput abscidit: idq; fi-  
 xum gestari iussit in pilo: reliquum corpus tractum,  
 atq; laceratum abiecit in mare. cum hoste hoc bellan-  
 dum est: cuius teterrima crudelitate omnis barbaria su-  
 perata est. Quid loquar de cæde cuium romanorum?  
 de direptione sanorum? quis est qui pro rerum atroci-  
 tate deplorare tantas calamitates queat? & nunc tota  
 Asia uagatur: uolitat ut rex: nos alio bello detineri pu-  
 tat. quasi uero non unum idemq; bellum sit contra hoc  
 iugum impiorum nefarium. Imaginem Antoni crudel-  
 itatis in Dolobella cernitis. ex hoc illa effecta est: ab  
 hoc illa Dolobellæ scelerum præcepta sunt tradita. nunc  
 leniorem quàm in Asia Dolobella fuit: in Italia, si li-  
 ceat, fore putatis Antonium? mihi quidem & ille per-  
 uenisse uidetur: quoad progredi potuerit feri hominis  
 amentia. neq; Antonius ullius supplicij adhibendi, si po-  
 testatem habeat: ullam partem est relicturus. Ponite  
 igitur ante oculos P. C. miseram quidem illam, & fle-  
 bilem speciem, sed ad incitandos animos uestros necessa-  
 riam: nocturnum impetum in urbem Asiæ clarissi-  
 mam: irruptionem armatorum in Trebonij domum: cū  
 ille miser prius latronum gladios uideret: quàm quæ-  
 res esset audisset: furentis introitum Dollobellæ: uocem im-



puram, atq; os illud infame: uincula, uerbera, eculeum,  
 carnificem, tortoremq; Samarium. quæ tulisse illum for-  
 titer & patienter ferunt. magna laus, meoq; iudicio o-  
 mnium maxima. est enim sapientis, quicquid hominē  
 accidere possit, id præmeditari. ferēdū modice si adue-  
 nerit esse. maioris est omnino consilij, providere, ne quid  
 tale accidat: sed animi non minoris, fortiter ferre si eue-  
 nerit. At Dolobella qdē tam fuit immemor humanitatis:  
 quāquam eius nunquam particeps fuerit: ut suam in-  
 faciabilem crudelitatem exercuerit non solum in uiuo,  
 sed etiam in mortuo. at in eius corpore lacerando atq;  
 uexando cum animum faciare non posset, oculos paut  
 suos. O' multo miserior Dolobella, quā ille, quē tu mī-  
 ferrimum esse uoluisti. dolores Trebonius pertulit ma-  
 gnos. multi, ex morbi grauitate maiores: quos tamen  
 non miseros, sed laboriosos solemus dicere. longus fuit  
 dolor bidui. at compluribus hominibus annorum sæpe  
 multorum. nec grauiora uere sunt carnificum tormen-  
 ta: quā interdum cruciamenta morborum. Alia sunt,  
 alia inquam, o' perditissimi homines, & amentissimi,  
 multo miseriora. Nam quo maior uis est animi, quā  
 corporis: hoc sunt grauiora ea, quæ concipiuntur ani-  
 mo: quā illa, quæ corpore. miserior igitur, qui suscipit  
 in se scelus: quā is, qui alterius facinus subire cogi-  
 tur. cruciatus est à Dolobella Trebonius. & quidem à  
 Carthaginiensibus Regulus. in qua re cum crudelissimē  
 Poeni iudicati sint in hoste: quid in aue de Dolobella  
 iudicandum est? An uero hoc conferendum est? an du-  
 bitandum uter miserior? is ne, cuius mortem Senatus  
 populusq; ro-ulascetur: an is, qui cuncti Senatus senten-  
 tia hostis est iudicatus? nam cæteris quidem uitæ parti-



PHILIPPICA

bus, quis est, qui possit sine Trebonij maxima contume-  
lia conferre uitam Trebonij cum Dolobella? alterius con-  
siliū, ingenium, humanitatem, innocentiam, magnitu-  
dinem animi in patria liberanda, quis ignorat? alte-  
ri à puero pro delicijs crudelitas fuit. deinde ea libi-  
dinum turpitudine: ut in hoc sit semper lætatus: quod ea  
faceret: quæ sibi obijci ne ab inimico quidē possent ue-  
recundo. Et hic (dij immortales) aliquando fuit meus  
amicus. occulta enim erant uicia non inquirenti. neque  
nunc fortasse alienus ab eo essem: nisi ille uobis, nisi mor-  
tibus patriæ, nisi huic urbi, nisi dijs penatibus, nisi aris,  
& focis omnium nostrum, nisi deniq; naturæ, & hu-  
manitati inuentus esset inimicus. à quo admoniti dili-  
gentius et uigilantius caueamus Antonium. Etenim Do-  
lobella non ita multos secum habuit notos, ac insignes  
latrones. At uidetis quot, & quā multos habeat An-  
tonius. Primum L. fratrem, quā faciem dij immorta-  
les? quod facinus? quod scelus? quem gurgitem? quā uo-  
raginem? quid eum non sorbere animo, quid non hau-  
rire cogitatione, cuius sanguinem non bibere censetis?  
in cuius possessiones atq; fortunas non impudētissimos  
oculos spe & mente defigere? quid Censorinum? qui  
se uerbo Prætorem esse urbanum capere dicebat: re cer-  
te noluit. quid Bestiam? qui se Consulatum in Bruti lo-  
cum petere profitetur. atq; hoc quidem detestabile o-  
men auertat iupiter. quā absurdum autem qui præ-  
tor fieri non potuerit: petere eum consulatum? nisi forte  
dānationem pro Prætura putat. alter Cæsar Vopiscus,  
ille homo summo ingenio, summa potentia: qui ex ædi-  
litate Consulatum petit: soluat legibus: quanquam le-  
ges eum non tenent. credo dignitate. at hic me defenden-  
te quinquies



quinquies absolutus est. sexta palma urbana etiam in  
 gladiatore difficilis. sed hæc iudicum culpa, non mea  
 est. ego defendi fide optima. illi debuerunt clarissimum,  
 & præstantissimum Senatorem in ciuitate retinere. qui  
 tamen nunc nihil aliud agere uidetur: nisi ut intelligamus  
 illos iudices, quorum res iudicatas irritas fecimus:  
 bene, & e Rep. iudicauisse. Neq; hoc in hoc uno est.  
 sunt alij in eisdem castris honeste condemnati: turpiter  
 restituti. quod horum consilium, qui omnibus bonis ho-  
 stes sunt: nisi crudelissimum putatis fore? Accedit Sa-  
 xa nescio quis: quem nobis Cæsar ex ultima Celtibe-  
 ria tribunum pl. dedit: castrorum antea metator, nunc,  
 ut sperat urbis: à qua, cum sit alienissimus: captis alijs \*  
 nobis domnetur. Cum hoc ueteranus Capho: quo ne-  
 minem ueterani peius oderunt. His, quasi præter dotem,  
 quam in civilibus malis acceperant: agrum Campanū  
 est largitus Antonius: ut haberent aliquorū nutricu-  
 las prædiorum. quibus utinam cōtenti essent. ferremus:  
 & si tolerabile non erat. sed quiduis patiendum fuit:  
 ut hoc teterrimum bellum non haberemus. Quid illa  
 castrorum M. Antonij lumina, non'ne ante oculos pro-  
 ponitis? primum duos collegas Antoniorum, & Dolo-  
 bellæ, Nuculam, et Lentonem, Italiæ diuisores lege ea,  
 quam Senatus per uim latam iudicauit. quorum alter  
 commentatus est mimos: alter egit Tragediam. Quid  
 dicam de Apulo Domitio? cuius bona modo proscripta  
 uidimus. tanta procuratorū est negligētia. at hic nuper  
 sororis filio infudit uenenum: non dedit. sed non pos-  
 sunt non prodige uiuere: qui nostra bona sperant cum  
 effundunt sua. Videte etiam P. Decij auctionem claris-  
 simi uiri: qui maiorum suorum exempla persequens,

GGG



# PHILIPPICA

pro alieno se ære deuouit. emptor tamen in ea auctio-  
ne inuentus est nemo. O' hominem ridiculum: qui se  
exire ære alieno putaret posse: cum uenderet alie-  
na. Nam quid ego de Trebellio dicam? quam multæ ui-  
dentur furia debitorum? uindices enim tabularum no-  
uarum nouam tabulam uidimus. quid de Planco? qui  
præstantissimos cives Aquila, Pollentia expulit: & q-  
dem crure fracto. quod utinam ante illi accidisset: ne huc  
redire potuisset. Lumen & decus illius exercitus pene  
præterij, Caninium cimbrum Lysidia filium, Lysidi-  
cum ipsum in græco uerbo: qui omnia iura dissoluit:  
nisi forte iure germanum cimber occidit. cum hanc, et  
huius generis copiam tantam habeat Antonius: quod scæ-  
lus omittet? cum Dolobella tantis se obstrinxerit parri-  
cidij nequaquam pari latronum manu et copia? Qua-  
propter ut inuitus sæpe dissensi à Q. Fusio: ita sum eius  
sententiæ libenter assensus. ex quo iudicare debetis, me  
non cum homine solere, sed cum causa dissidere. Itaq;  
non assentior solum, sed etiam gratias ago Q. Fusio.  
dixit enim seueram, grauem, Rep. dignam sententiam:  
iudicauit hostem Dolobellam: bona eius censuit publice  
possidenda. quo cum addi nihil posset: quid enim atro-  
cius potuit, quid seuerius decernere? dixit tamen, si quis  
eorum, qui post se rogati essent, grauiorem sententiam  
dixisset: in eam se iturum. quam seueritatem quis potest  
non laudare? Nunc quoniam iudicatus est hostis Dolo-  
bella: bello est persequendus. neq; enim quiescet. habet  
legionem: habet fugitiuos: habet sceleratam impiorum  
manum: est ipse confidens, impotens, gladiatorio gene-  
ri mortis addictus. quamobrem quoniam cum Dolo-  
bella hesterno die hoste decreto bellum gerendum est:



Imperator est deligendus. Duæ dictæ sunt sententiæ: quarum neutram probo. Alteram, quia semper, nisi cū est necesse, periculosam arbitror. alteram, quia alienam his temporibus existimo. Nam extraordinarium semper Imperium populare atq; uentosum est: minime uestræ grauitatis: minime huius ordinis. Bello Antiochi magno, & graui, cum L. Scipioni Publij fratri obuenisset Asia: parumq; in eo putaretur esse animi, parum roboris: senatusq; ad Collegam eius C. Lelium huius sapientis patrem negotium deferret: surrexit P. Africanus frater maior L. Scipionis: & illam ignominiam familiæ deprecatus est: dixitq; et in fratre suo summā uirtutem esse, summumq; consiliū: neq; se ei legatum id ætatis, hisq; rebus gestis defuturū. quod cum ab eo esset dictum: nihil est de Scipionis provincia commutatum. nec plus extraordinarium Imperium ad id bellum quesitum: quā duobus antea maximis punicis bellis, quæ à consulibus, aut à Dictatoribus gesta & consummata sunt: aut quā Pyrrhi, quā Philippi, q̄ post Achæico bello, q̄ Punico tertio: ad quod populus Ro. ita ipse sibi delegit idoneum ducem P. Scipionem: ut eum tamen bellum gerere Cōsulem uellet. Cum Aristonico bellum gerendum fuit L. Valerio, P. Liciano consulibus. rogatus populus quem id bellum gerere placeret: Crassus consul, Pontifex maximus Flacco collega Flamini Martiali mulctam dixit: si à sacris discessisset. quam mulctam populus Ro. renusit: pontifici tamen flaminem parere iussit. sed ne tum quidem populus Ro. ad priuatum detulit bellum: quanquam erat Africanus: qui anno antea de Numantinis triumphauerat. qui cum longe omnes belli gloria & uirtute superaret: duas tantum



# PHILIPPICA

tribus tulit. Itaq; populus Ro. consuli potius Crasso, q̄  
 privato Africano bellum gerendum dedit. De Gn. Pom-  
 peij imperijs summū uiri, atq; omniū principis, tribuni  
 pl. turbulēti tulerunt. nam Sertorianum bellū à Senatu  
 privato datum est: quia Consules recusabant: cum L.  
 Philippus pro Consulibus se eum mittere dixit, nō pro  
 Consule. Quæ igitur hæc comitia? aut quam ambitio-  
 nem constantissimus & grauissimus ciuis L. Cæsar in  
 Senatum introduxit? clarissimo uiro atq; innocentissi-  
 mo decreuit Imperium. privato tamen. in quo maxi-  
 mum nobis onus imposuit. assensero. ambitionem in-  
 duxero in Curiam. negaui. suffragio meo, tanquam co-  
 mitijs, homini honorem amicissimo denegaui. Quod  
 si comitia placet in Senatu habere: petamus: ambiamus:  
 tabula modo noua detur nobis: sicut populo data est.  
 cur comitijs Cæsar? ita, ut aut præstantissimus uir, si  
 tibi nō sit assensum: repulsam tulisse uideatur: aut unus  
 quisq; nostrum præteritus: si, cum pari dignitate simus:  
 eodem honore digni non putemur. At enim (nam id  
 exaudio) Cæsari adolescentulo imperium extraordina-  
 rium mea sententia dedi. Ille enim mihi præsidium ex-  
 traordinarium dederat. cum dico mihi: Senatui dico, po-  
 puloq; romano. à quo Respub. præsidium ne cogitatum  
 quidem tantum haberet: ut sine eo salua esse non pos-  
 set: huic extraordinarium Imperium non darem? aut  
 exercitus adimendus: aut imperium dandum fuit. quæ  
 est enim ratio? aut qui potest fieri? ut sine Imperio te-  
 neatur exercitus? non igitur quod exceptum non est: est id  
 existimandū esse datum. eripuissetis C. Cæsari P. C.  
 imperium: nisi dedissetis. milites ueterani, qui illius au-  
 thoritatem, imperium, nomen secuti pro Repub. arma



coeperant: uolebant sibi ab illo imperari: Legio Martia, & Quarta, ita se contulerat ad auctoritatem Senatus, populiq; ro. dignitatem: ut eum deposceret Imperatorem, & ducem. Imperium Caesari belli necessitas, fasces Senatus dedit. ocioso uero, nihil agenti, priuato, obsecro te L. Caesar (cum peritissimo homine mihi res est) quando Imperium Senatus dedit? Sed de hoc quidem haecenus: ne refragari homini ammissimo, ac de me optime merito uidear. & si quis potest refragari non modo non petenti, uerum etiam recusanti?

Illa uero P. C. aliena consulum dignitate, aliena temporum grauitate sententia est: ut Consules Dolobellae persequendi causa Asiam & Syriam sortiantur. Dicam cur inutile Reipublicae. sed prius quam turpe Consulibus sit uidete. Cū consul designatus obsideatur: in eoq; liberando salus sit posita Reipublicae: cūq; a Rep. pestiferi ciues, parricidæq; desciuerint: cūq; id bellum geramus: quo bello de dignitate, de libertate, de uita decernamus. & si in potestatem quis Antonij uenerit: proposita sint tormenta atq; cruciatus: cūq; harū rerum omnium decertatio consulibus optimis et fortissimis commissa & commendata sit: Asiae & Syriae mentio fiet? ut, aut suspicioni crimen, aut inuidiae materiam dedisse uideamur. At uero ita decernunt: ut liberato Bruto. id enim restabat, ut relicto, deserto, prodito. Ego uero mentionem provinciarum factam dico alienissimo tempore: quamuis enim intentus animus tuus sit C. Pansa, sicut est, ad fortissimum uirū, et omnium clarissimum liberandum: tamen rerū natura cogit te necessario referre animum aliquando ad Dolobellam persequendum: & partem aliquam in Asiā,



# PHILIPPICA

Et Syriam deriuare curæ, et cogitationis tuæ. Si au-  
 tem fieri posset: uel plures te animos habere uellem: quos  
 omnes ad Mutinam intenderes. quod quoniam fieri non  
 potest: isto animo, quem habes præstantissimum, atque  
 optimum: nihil uolumus nisi de Bruto cogitare. facis tu  
 id quidem: et eo maxime incumbis: duas tamen res,  
 magnas præsertim, non modo agere uno tempore, sed  
 ne cogitando quidem explicare quisquam potest. incita-  
 re et inflammare istud tuum præstantissimum stu-  
 dium, non ad aliam ulla ex parte curam transferre  
 debemus. adde istuc sermones hominum: adde suspicio-  
 nes: adde inuidiam. imitare me: quem tu semper lauda-  
 sti: qui instructam, ornatamq; a Senatu prouinciã de-  
 posui: ut incendium patriæ omnia omni cogitatione  
 restingerem. nemo erit, præter unum me, qui cum pro-  
 fecto, si quid interesse putasses tua: pro summa familia-  
 ritate nostra communicauisses: qui credat te inuito pro-  
 uinciã tibi esse decretam. hanc quæso pro tua singula-  
 ri sapientia reprime famam: atq; effice, ne id, quod non  
 curas, cupere uideare. quod quidem uehementius eo ti-  
 bi laborandum est: quia in eandem cadere suspicionem  
 Collega uir clarissimus non potest. nihil horum sciri: ni-  
 hil suspicatur: bellum gerit: in acie stat: de sanguine, et  
 de spiritu decertat: ante prouinciã sibi decretam au-  
 diet: quã potuerit tempus ei rei datum suspicari. Ve-  
 reor ne exercitus quoq; nostri, qui non delectus necessi-  
 tate, sed uoluntarijs studijs se ad Remp. contulerunt: tar-  
 dentur animis: si quicquam aliud nobis, nisi de in-  
 stanti bello cogitatum putabunt. Quod si prouinciæ con-  
 sulibus expetendæ uidetur: sicut sæpe multis clarissimis  
 uiris expetita sunt: reddite prius nobis Brutum, lumē, et



decus Ciuitatis: qui ita conseruandus est: ut id signum;  
 quod cælo delapsum uestæ custodijs continetur: quo sal-  
 uo, salui sumus futuri. hunc uel in cælum, si fieri pote-  
 rit, nostris humeris tollemus: prouincias certe dignissi-  
 mas uobis deligemus. nunc quod agitur, agamus. agi-  
 tur autem liberi ne uiuamus: an mortem obeamus. quæ  
 certe seruituti anteponenda est. Quid si etiam affert  
 tarditatem ista sententia ad Dollobellam persequen-  
 dum? quando enim ueniet Consul? an id expecta-  
 mus, quo ne uestigium quidem Asiæ ciuitatum, atq; ur-  
 bium relinquatur? At mittent aliquem de suo nu-  
 mero. ualde mihi probari potest, qui paulo ante claris-  
 simo uiro priuato Imperium extra ordinem non dedi-  
 At hominem dignum mittent. num P. Seruilio digno-  
 rem? at eum quidem Ciuitas non habet. quod ergo  
 ipse nemini putat dandum, ne a Senatu quidem: id ego  
 unius iudicio delatum comprobem? Expedito nobis ho-  
 mine, & parato P. C. opus est: & eo, qui imperium le-  
 gitimum habeat: qui præterea auctoritatem, nomen,  
 exercitum, perspectum animum in Rep. liberanda.  
 Quis igitur is est? aut M. Brutus, aut C. Cassius, aut  
 uterq; Decernerem plane, sicut multa, consulem alte-  
 rum, ambos uel: ni Brutum colligissemus in Græciam:  
 & eius auxilium ad Italiam uergere, quàm ad Asiã  
 maluissemus: non ut ex ea acie auxilium haberemus:  
 sed ut ipsa acies subsidium haberet etiam transmari-  
 num. Præterea P. C. M. Brutum retinet etiam nunc  
 C. Antonius: qui tenet Apolloniam magnam urbem, &  
 grauem: tenet opinor Hellidem: tenet Amantiam: instat  
 Epiro: urget Oricum: habet aliquot cohortes: habet equi-  
 tatum. hinc si Brutus erit traductus ad aliud bellum:



# PHILIPPICA

Græciam certe amiserimus. Est autem etiam de Brūdis  
sio, atq; illa ora Italiae providendum. quanquam miror  
tamdiu morari Antonium. solet enim accipere ipse ma-  
nias: nec diutius obsidionis metum sustinere. quod si con-  
fecerit Brutus: & intellexerit plus se Reip. profuturum,  
si Dolobellam persequatur: quam si in græcia maneat:  
aget ipse per se: ut adhuc quoq; fecit: neq; in tot in-  
cendijs, cum confestum futuendum est: expectabit Se-  
natum. nam & Brutus & Cassius multis iam in rebus  
ipse sibi Senatus fuit. necesse est enim in tanta concursa-  
tione perturbationum, rerum temporibus potius pare-  
re, q̃ moribus. nec enim nunc primum aut Brutus, aut  
Cassius salutē libertatemq; patriæ legē sanctissimā, et  
morē optimū iudicauit. Itaq; si ad nos nihil referretur  
de Dolobella persequendo: tamen ego pro decreto puta-  
rem: cum essent tales uirtute, authoritate, nobilitate sum-  
mi uiri: quorum alterius iam notus nobis est exercitus:  
alterius auditus. Non igitur Brutus expectauit decreta  
nostra: cum studia nosset. neq; enim est in provinciam  
suam Cretam profectus: in Macedoniam alienam aduo-  
lauit: omnia sua putauit: quæ uos uestra esse uelletis: le-  
giones conscripsit nouas: excoepit ueteres: equitatum ad  
se abduxit Dolobellæ: atq; eum nōdū tanto parricidio ob-  
litum, hostem sua sententia iudicauit. nā ni ita esset: quo  
iure equitatum a Consule abduceret? Quid C. Cassius  
pari magnitudine animi et consilij præditus, non'ne eo  
ex Italia consilio profectus est: ut prohiberet Syria Do-  
lobellam? qua lege? quo iure? eo, quod Iupiter ipse san-  
xit: ut omnia quæ Reip. salutaria essent: legitima & ius-  
ta haberentur. Est enim lex nihil aliud: nisi recta, &  
a numine deorum tracta ratio, imperans honesta, pro



hibens contraria. Huic igitur legi paruit Cassius: cum  
est in Syriam profectus, alienam provinciam, si homi-  
nes legibus scriptis uterentur: his uero oppressis, suam  
lege naturæ. Sed ut ex uestra quoq; auctoritate firme-  
tur: censeo: Cum P. Dolobella, quiq; eius crudelissimi,  
& teterrimi facinoris ministri, socij, adiutores fuerunt:  
hostes populi Ro. à Senatu iudicati sint: cumq; Senatus  
P. Dolobellam bello persequendum censuerit: ut is, qui o-  
mnia deorum, hominumq; iura nouo, inaudito, in-  
expiabili scelere polluerit: nefarioq; patriæ se parricidio  
obstrinxerit: pœnas dijs, hominibusq; meritas, debitasq;  
persoluat: Senatui placere C. Cassium Proconsulem pro-  
uinciam Syriam obtinere: ut qui eam optimo iure pro-  
uinciam obtinuerit: eumq; a Q. Martio Crispo Procon-  
sule, L. Scauro Proconsule, A. proleptio Legato exercitus  
accipere: eosq; ei tradere: cumq; his copijs, & si quas  
præterea parauerit, bello P. Dolobellâ terra mariq; per-  
sequi. eius belli gerendi causa, quibus ei uideatur, naues,  
nautas, pecunias, cæteraq; quæ ad bellum gerendum  
pertineant: ut imperandi in Syria, Asia, Bithynia, Pon-  
to, ius potestatemq; habeat: utq; quancunq; in provincia  
eius belli gerendi causa aduenerit: ibi maius impe-  
rium C. Cassij Procons. sit: quàm eius erit: qui eam pro-  
uinciam obtinebit. Cum C. Cassius Procons. in eam pro-  
uinciam uenerit: regem Deiotarum patrem, & regem  
Deiotarum filium, si ut multis bellis sepe numero im-  
perium populi Ro. iuuerint: item C. Cassium proconsu-  
lem copijs suis opibusq; iunissent: Senatui populoq; ro-  
gratum esse facturos. Item si cæteri Reges, Tetrarchæ,  
Dynastæq; fecissent: S. P. q; R. eorum officij non imme-  
morem futurum. utq; C. Pansa, A. Hircaus Consules, al



# PHILIPPICA

ter, ambo uel, si eis uideretur: Rep. recuperata, de pro-  
uincijs Consularibus, Prætorijs, ad hunc ordinē primo  
quoq; tempore referant. interea prouinciæ ab his, qui-  
bus obtinentur, obtineantur: quoad cuiq; ex S. C. succe-  
sum sit. Hoc senatus consulto ardentem instā mabitis, et  
armatum armabitis Cassium. nec enim animum eius  
potestis ignorare, nec copias. animus ipse quem uidetis:  
copiæ, quas audistis. fortes et constantes uiri: qui ne uiuo  
qdē Trebonio Dolobellæ latrocinii in Syria penetrare  
suisissent. Halienus familiaris & necessarius meus post  
interitum Trebonij profectus, ne dici quidem se Lega-  
tum Dolobellæ uolet. Est Q. Cæcili Bassi priuati illius  
quidem, sed fortis, & præclari uiri robustus & uictor  
exercitus. Deiotari Regis & patris & filij & magnus  
et nostro more instructus exercitus. summa in filio spes:  
summa ingenij indoles: summaq; uirtus. quid dicam de  
patre? cuius beniuolētia in populū Ro. est ipsius æqualis  
ætati: qui nō solū socius imperatorum nostrorum fuit  
in bellis: sed etiam dux copiarum suarum. quæ de illo  
uiro Sylla? quæ Murena? quæ Seruilius? quæ Lucil-  
lus? quā honorate? quā honorifice? quā grauius  
sepe in Senatu prædicauerunt? quid de Cn. Pompeio lo-  
quar? qui unum Deiotarum in toto orbe terrarum ex  
animo amicum uerēq; beniuolum, unum fidelem popu-  
lo Ro. iudicauit. Fuimus nuper ego & M. Bibulus in  
propinquis finitimisq; prouincijs. ab eodem Rege adiu-  
ti sumus & equitatu, & pedestribus copijs. secutum est  
hoc acerbissimum & calamitosissimum ciuile bellum.  
in quo quid faciendum Deiotaro? quid omnino rectius  
fuerit, dicere non est necesse: præsertim, cum contra ac  
Deiotarus sensit, uictoria belli iudicauerit. quo in bello



si fuit error: communis ei fuit cum Senatu. sin recta sen-  
 tentia: ne uicta quidem causa uituperanda est. Ad has  
 copias accedent alij reges. etiam delectus accedent. neq;  
 uero classes deerunt. tanti Tyrj Cassium faciunt: tanti  
 eius in Syria nomen, atq; Phoenicia est. Paratum habet  
 Imperatorem C. Cassium P. C. Resp. contra Dolobellā:  
 nec paratum solum: sed peritum atq; fortem. magnas ille  
 res gessit ante Bibuli summi uiri aduentum: cum Par-  
 thorum nobilissimos duces, magnas copias fudit: Syri-  
 amq; immensi parthorum impetu liberauit. maximam  
 eius & singularem laudem pratermitto. cuius enim  
 prædicatio nondum omnibus grata est: hanc memoriæ  
 potius, quàm uocis testimonio conseruemus. Animaduer-  
 ti P. C. exornari etiam nimium a me Brutum: nimium  
 Cassium ornari. Cassio uero sententia mea dominatum  
 & principatum dari. Quos ego orno? nempe eos: quī  
 ipsi sunt ornamenta Reipublicæ. quid D. Brutum? nō ne  
 omnibus sententijs semper ornaui? num igitur repre-  
 henditis? an Antonios potius ornarem, non modo suarū  
 familiarum, sed populi Ro. nominis probra, atq; dede-  
 cora? an Censorinum ornem in bello hostem? in pace se-  
 ctorem? an cætera ex eodem latrocinio naufragia collē-  
 gam? Ego uero istos ocij, concordie, legum, iudiciorum,  
 libertatis inimicos tantum abest ut ornem: ut effici non  
 possit, quin eos tam oderim: quàm Remp. diligo. Vide  
 inquit ne ueteranos offendas. hoc enim uel maxime ex-  
 audio. Ego autem ueteranos tueri debeo: sed hos, quibus  
 sanitas est, certe timere non debeo. eos uero ueteranos,  
 qui pro Rep. arma coeperunt: secutiq; sunt C. Cæsarem  
 auctoritate beneficiorum paternorum: hodieq; Remp.  
 defendunt cum magno periculo: non tueri solum, sed



PHILIPPICA

etiam augere commodis debeo. qui autem quiescunt: ut  
VII, & VIII legio: in magna gloria & laude  
ponendos puto. comites uero Antonij, qui postquam bene  
ficia Caesaris comederunt: Consulem designatum obse-  
derunt: huic urbi ferro, igniq; minitantur: Saxæ se &  
Caphoni tradiderunt ad facinus prædamq; natis: num  
quis est qui tuendos putet? Ergo aut boni sunt: quos etiã  
ornare, aut quieti: quos conseruare debemus: aut im-  
pij: quorum contra furorem & bellum & iusta ar-  
ma cepimus. quorum igitur ueteranorum animos ne  
offendamus, ueremur? eorum ne qui Brutum obsidione  
cupiunt liberare? quibus cum Bruti salus chara sit:  
qui possunt Cassij nomen odisse? an eorum, qui utrisq;  
armis uacant? non uereor ne acerbis cuius quis-  
quam istorum sit: qui ocio delectantur. tertio ue-  
ro generi non militum ueteranorum, sed importunis-  
simorum hostium cupio quàm acerbissimum dolorem  
inurere. quanquam P. C. quousq; dicemus sententias ue-  
teranorum arbitrati? quod eorum tantum fastidiũ est?  
quæ tanta arrogantia? ut ad arbitrium eorum Imper-  
ratorem etiam deligamus? Ego autem (dicendum est  
enim P. C. quod sentio) non tam ueteranos intuentes  
nobis arbitror: quàm quid tyrones milites, flos Italiae,  
quid nouæ legiones ad liberandum patriam paratissi-  
mæ, quid cuncta Italia de uestra grauitate sentiat. nihil  
enim semper floret: ætas succedit ætati: diu legiones Cæ-  
saris uiguerunt: nunc uigent Pansæ: uigent Hircij: ui-  
gent Caesaris filij: uigent Planci. uincunt numero: uin-  
cunt ætatibus: nimirum etiam auctoritate uincunt. id  
enim bellum gerunt: quod ab omnibus gentibus proba-  
tur. Itaq; his præmia promissa sunt. illis persoluta. fru-



antur illis: uel persoluantur his, quæ spondimus. id enim deos immortales spero æquissimū iudicare. Quæ cum ita sint: eam, quam dixi sententiam, uobis P. C. censeo comprobendam.



IN M. ANTONIVM PHILIP-  
PICA DVODECIMA.  
ORATIO LV.

*Tsi minime decere uidetur P. C. falli,  
decipi, errare eum: cui uos maximus  
sepe de rebus assentiimini: consolor me  
tamen: quoniam uobiscum pariter et  
una cum sapientissimo consule erraui.  
nam cum duo Consulares spem honestæ pacis nobis at-  
tulissent: quod erant familiares M. Antoni: quod do-  
mestici: nosse aliquod eius uulnus, quod nobis ignotum  
esset: uidebantur. apud alterum uxor, liberi: alter quo-  
tidie literas mittere: accipere: aperte fauere Antonio.  
hi subito hortari ad pacem, quod iã diu non fecissent:  
non sine causa uidebantur. accessit Consul hortator. at  
quis consul? si prudentiam quærimus: qui minime falli  
posset: si uirtutem: qui nullã pacem probaret, nisi Anto-  
nio cederet, atq; uictor: si magnitudinem animi: qui præ-  
ferret mortem seruituti. Vos autem P. C. non tam im-  
memores uestrorum grauissimorum decretorum uide-  
bimini: quã spe allata deditiois, quam amica pacem  
\* appellarent: C. Calpurnius de imponendis, nõ de accipiendis  
legibus cogitare. auxerat autem meam quidem spem: cre-  
do item uestram: quod domum Antoni afflictam mœ-  
sticia audiebam: lamentari uxorem. hic etiam fauto-  
res Antoni, quorum in uultu habitant oculi mei: tristio-  
res uidebam. Quod si non ita est: cur a' Pisone, et a'  
Caleno potissimum? cur hoc tempore? cur tam impro-  
uiso? cur tam repente pacis est facta mentio? negat Piso  
se scire: negat audisse quicquam: negat Calenus rem*



ullam nouam allatam esse. atq; id nunc negant: postea  
quàm nos pacificatoria legatione implicatos putât. quid  
ergo opus est nouo cōsilio? si in re nihil omnino noui est?  
decepti, decepti inquâ sumus patres cōscripti: Antonij est  
acta causa ab amicis eius, non publica. quod uidebam  
equidem: sed quasi per caliginem perstrinxerat aciem  
animi Bruti salus. Quod si in bello dari uicarij sole-  
rent: libenter me, ut D. Brutus emitteretur: pro illo in-  
cludi paterer. atq; hac uoce Q. Fusij capti sumus. ne si  
a' Mutina quidem recesserit: audiemus Antonium? ne si  
in Senatus potestate futurum se dixerit? durum uideba-  
tur. itaq; fracti sumus. cessimus. recedit igitur a' Mutina?  
nescio. paret Senatui? credo inquit Calenus: sed ita ut  
teneat dignitatem. ualde uobis Hercule laborandum ē  
P. C. ut uestram dignitatem amittatis: quæ maxima  
est: Antonij, quæ neq; est ulla: neq; esse potest: retinea-  
tis: ut eā per uos recuperet: quā per se pdidit. si iacens id  
nobiscum ageret: audire fortasse. quāquā (sed hoc malo  
dicere) audire. instanti resistendū est: aut concedēda unā  
cum dignitate libertas. At non est integrum: constituta  
legatio est. Quid autem integrum non est sapienti, quod  
restitui potest? cuiusuis est hominis errare: nullius, nisi  
insipientis, perseuerare in errore. posteriores enim cogi-  
tationes (ut aiunt) sapientiores solent esse. discussa est  
illa caligo, quam paulo ante dixi: diluxit: patet: uide-  
mus omnia: neq; per nos solum: sed admonemur a' no-  
stris. attendistis paulo ante præstantissimi uiri, quæ esset  
oratio. mœstam inquit domum offendi, coniugem, libe-  
ros. admirabantur boni uiri: accusabant amici: quod  
spe pacis legationem suscepissem. nec mirum P. Seruili-  
tuis enim uerissimus, grauissimq; sententijs omni est nō



# PHILIPPICA

dico dignitate, sed etiam spe salutis spoliatus Antonius. ad eum ire te legatum quis non miraretur? de me experior: cuius idem consilium, quod tuum, sentio quam reprehendatur. nos reprehendimur soli? quid? uir fortissimus Pansa sine causa tam accurate paulo ante locutus est tamdiu? quid egit? nisi uti falsam a se suspicionem depelleret? unde autem est ista suspicio? ex pacis patrocinio repentino: quod subito suscepit eodem captus errore, quo nos. Quod si est erratum P. C. spe falsa, atque fallaci: redeamus in uiam. optimus est portus poenitenti mutatio consilij. quid enim per deos immortales potest Reip. prodesse nostra legatio? prodesse dico? quid si etiam obsutura est? obsutura? quid si etiam nocuit? an uos accerrimam illam, et fortissimam populi Romae libertatis recuperandae cupiditatem, non immutatam ac debilitatam putatis legatione pacis audita? quid municipia cefetis? quid colonias? quid cunctam Italiam? futuram eodem studio quo contra commune incendium exarserat? an non putamus fore: ut eos poeniteat profectos esse et praese tulisse odium in Antonium: qui pecunias polliciti sunt: qui arma, qui se totos, et animis, et corporibus in salutem Reip. contulerunt? quemadmodum uestrum consilium hoc Capua probabit? quae temporibus his Roma altera est. Illa impios ciues iudicauit: eiecit: exclusit. illi, illi inquam urbi fortissimae conanti, e manibus est ereptus Antonius. quid? legionum nostrarum nervos nonne his consilijs incidimus? quis est enim, qui ad bellum inflammato animo sit futurus spe pacis oblata? ipsa illa Martia, caelestis, et diuina legio, hoc nuncio languescet: et mollietur: atque illud pulcherri-  
mum nomen Martium amittet: excident gladij: fluant  
arma de



arma de manibus. Senatum enim secuta non arbitra-  
bitur se grauiore odio debere esse in Antonium, quam  
Senatum. pudet huius legionis: pudet Quartæ: quæ  
pari uirtute nostram auctoritatem probans, non ut Cō-  
sulem, et imperatorem suū, sed ut hostem, et oppugnatorem  
patriæ reliquit Antonium: pudet optimi exercitus: qui  
coniunctus est ex duobus: qui iam lustratus, qui pro-  
fectus ad Mutinam est: qui si pacis, id est timoris no-  
stri nomen audiuerit: ut non referat pedem: insistet  
certe. quis enim reuocante, et receptui canente Senatu  
properet dimicare? Quid autem hoc iniustus? quam  
nos, inscientibus his, qui bellum gerunt, de pace decer-  
nere? nec solum inscientibus, sed etiam inuitis? An  
uos A. Hircaum præclarissimum consulem, C. Cæsa-  
rem deorum beneficio natum ad hæc tempora, quorum  
epistolas spem uictoriæ declarantes in manu teneo: pa-  
cem uelle censetis? uincere illi expetunt: pacisq; dulcis-  
simum et pulcherrimum nomen, non pactione, sed ui-  
ctoria concupierunt. quid? Galliam quo tandem animo  
hanc rem audituram putatis? illa enim huius belli pro-  
pul sandi, administrandi, sustinendi, principatum tenet.  
Gallia D. Bruti nutum ipsum, ne dicam imperium se-  
cuta, armis, uiris, pecunia belli principia firmavit: ea-  
dem crudelitati M. Antonij suum totum corpus obiecit:  
exhauritur: uastatur: uritur omnis: æquo animo belli  
patitur iniuriam: dummodo repellat periculum serui-  
tutis. Et ut omittam reliquas partes Galliæ: nam sunt  
omnes pares: Patauini alios excluderunt: alios eiece-  
runt missos ab Antonio: pecunia, militibus, et quod  
maxime deerat: armis nostros duces adiungerunt. fece-  
runt idem reliqui: qui quondam in eadē causa erāt:

HHH



# PHILIPPICA

Et propter multorum annorum iniurias alienati a Senatu putabantur. quos minime mirum est communitata cum his Rep. fideles esse: qui etiam expertes eius, fidem suam semper praestiterunt. His igitur omnibus uictoriam sperantibus pacis nomen asseremus? id est desperationem uictoriae? Quid? si ne potest quidem ulla esse pax? quae enim est conditio pacis? in qua ei, cum quo pacem facias, nihil concedi potest? multis rebus a nobis est inuitatus ad pacem Antonius. bellum tamen maluit. missi legati repugnante me: sed tamen missi: delata mandata. non parui: denunciatum est ne Brutum obsideret: a Mutina discederet. oppugnauit etiam uehementius. Et ad eum legatos de pace mittimus? qui pacis nuncios repudiavit? uerecundiores ne coram putamus in postulando fore: quam fuerit tum cum misit mandata ad Senatum? Atqui cum ea petebat: quae uidebantur improba omnino, sed tamen aliquo modo posse concedi: nondum erat uestris tam grauissimis, tamque multis iudicijs, ignominijsque concusus. nunc ea petit: quae dare nullo modo possumus: nisi prius uolumus nos bello uictos confiteri. Senatus consulta falsa delata ab eo iudicauimus. num ea uera possumus iudicare? leges statuimus per uim, et contra auspicia latas: hisque nec populum, nec plebem teneri. num eas restitui posse censetis? sestertium septies nullies auertisse Antonium pecuniae publicae iudicauistis. num fraude poterit carere peculatus? immunitates ab eo, ciuitates, sacerdotia, regna uenerunt. num figentur rursus haec tabulae? quas uos decretis uestris refixistis? Quod si ea, quae decreuimus, obruere uolumus: num etiam memoriam rerum delere possumus? quando eius obliuiscetur ulla posteritas? cuius



scelere in hac uestitus foeditate fuerimus? ut Centurio=  
 nū legionis Martiae Brundusij profusus sanguis eluatur:  
 num elui praedicatio crudelitatis poterit? ut media prae=  
 teream: quae uetustas tollet operum circa Mutinam te=  
 tra monumenta? sceleris indicia? latrocinijq; uestigia?  
 Huic igitur importuno atq; impuro parricidae, quid  
 habemus per deos immortales quod remittamus? An  
 Galliam ultimam, & exercitum? quid est aliud quam  
 non pacem facere: sed differre bellum? nec solum pro=  
 rogare bellum: sed concedere etiam uictoriam? An ille  
 non uicerit, quacumq; conditione in hanc urbem cum  
 suis armis uenerit? Nunc omnia tenemus: autoritate  
 ualemus plurimum: absunt tot perditae ues nefarium  
 secuti ducem: tamen eorum ora, sermones, qui ex eo nu=  
 mero in urbe relictī sunt, ferre non possumus. quid cen=  
 setis, cum tot uno tempore irruerint? nos arma posueri=  
 mus: illi non deposuerint? non ne uos uestris consilijs ui=  
 ctos in perpetuum fore? Ponite ante oculos M. Antoniū  
 Consularem: sperantem Consulatum Lucium adiūgte:  
 supplete ceteros, neq; nostri ordinis solum, honores &  
 imperia meditantes: nolite ne Tyrones quidē Nummi=  
 fios, et Mustellas, Saxas ue cōtemnere. cum his facta pax,  
 nō erit pax, sed pactio seruitutis. L. Pisonis amplissimū  
 uiri praeclara uox a te non solum in hoc ordine Pan=  
 sa, sed etiam in concione iure laudata est. excessurum  
 se ex Italia dixit: deos peneates & sedes patrias reli=  
 cturum: si (quod diu omen auerterent) Rempub. oppres=  
 sisset Antonius. Quæro igitur a te Piso: non ne oppres=  
 sam Remp. putes: si tot, tam impij ciues, tam audaces,  
 tam facinorosi recepti sint? quos nondum tantis par=  
 ricijs contaminatos uix ferebamus: hos nunc omni sce=

HHH ij



# PHILIPPICA

lere coopertos tolerabiles censes Ciuitati fore? Aut isto  
 tuo mihi crede consilio erit utendum: ut cœdamus, abea-  
 mus: uitam inopem & uagam prosequamur: aut cerui-  
 ces latronibus dandæ, atq; in patria cadendum est.  
 ubi sunt C. Pansa illæ cohortationes pulcherrimæ tuæ?  
 quibus à te excitatus Senatus, inflammatus populus  
 Ro. non solum audiuit, sed etiam didicit, nihil esse ho-  
 mini Romano foedius seruitute. iccirco ne saga sumpsi-  
 mus? arma cœpinus? iuuentutem omnem ex tota Ita-  
 lia exciuius? ut de exercitu florentissimo, & maxi-  
 mo legati ad pacem mitterentur: si postulandam: quid ti-  
 menus? si accipiendam: cur non rogamur? in hac ego  
 legatione sim? aut ad id consilium admiscear? in quo,  
 ne si dissensero quidem à cæteris, sciturus Populus Ro.  
 sit. ita fiet, ut si quid remissum, aut concessum sit: meo  
 semper periculo peccet Antonius: cum ei peccandi pote-  
 stas à me concessa uideatur. Quod si habenda cum An-  
 tonij latrocinio, pacis ratio fuit: mea tamen persona ad  
 istam pacem conciliandam minime fuit deligenda. ego  
 nunquam legatos mittendos censui: ego ante legato-  
 rum reditum ausus sum dicere: pacē ipsam si afferrent:  
 quoniam sub nomine pacis bellum lateret: repudiandā:  
 ego princeps sagorum: ego semper illum hostem appella-  
 ui: cum alij aduersarium: semper hoc bellum: cum alij  
 tumultum. nec hæc in Senatu solū. eadem ad populum  
 semper egi. nec solum in ipsum, sed in eius socios, faci-  
 norum ministros, & præsentes, & eos, qui una sunt,  
 in totam deniq; M. Antonij domū sum semper inuectus.  
 Itaq; ut alacres, & læti spe pacis oblata inter se im-  
 pj ciues, quasi uicissent, gratulabantur: sic me iniquum  
 eiurabant: de me querebantur. diffidebant etiam Serui-



lio: meminerant eius sententijs confixum Antonium. L. Caesarem fortem quidem illum, & constantem Senatorem: auunculum tamen: Calenum procuratorem: Pisonem familiarem: te ipsum Pansa uehementissimum, & fortissimum Consulem, factum iam putant leniorem: nō quo ita sit: aut esse possit: sed mentio facta a te pacis suspicionem multis attulit immutatae uoluntatis. Inter has personas me interiectum amici Antonij moleste ferunt. quibus gerendus mos est: quoniam semel liberales esse coepimus. proficiantur legati optimis omnibus: sed hī proficiantur: in quibus non offendatur Antonius. Quod si de Antonio non laboratis: mihi certe P. C. consulere debetis. parate oculis saltem meis: & aliquam ueniam iusto dolori date. quo enim aspectu uidere poterō, mitto hostem patriae, ex quo mihi odium in illum commune uobiscum est: quomodo aspiciam mihi uni crudelissimum hostem? ut declarant de me eius acerbissimae conciones. adeo ne me ferreum putatis? ut cum eo congredi, aut illum aspiciere possim? qui nuper cum in concione donaret eos: qui ei de parricidis audacissimi uidebantur: mea bona donare se dixit Petissio Vrbinati: qui ex naufragio luculenti patrimonij ad haec Antoniana saxa proiectus est. An L. Antonium aspiciere poterō? cuius ego crudelitatem effugere non potuissem: nisi me moenibus, & portis, & studio municipij mei defendissem. Atq; idem hic Myrmillo Asiaticus, latro Italiae, collega Lentonis, & Nuculae, cum Aquilae primipili nummos aureos daret: de meis bonis se dare dixit. si enim de suis dixisset: nec aquilam quidem ipsam credituram putauit. non ferent inquam oculi Saxam, Caphonem, non duos praetores, nō Tribunum plebis, non duos

HHH iij



PHILIPPICAE

designatos Tribunos, non Bestiam, non Trebellium,  
non Plancum. non possum animo æquo uidere tot, tam  
importunos, tam sceleratos, hostes. nec id fit fastidio meo:  
sed caritate Reipublicæ. Sed uincam animum: mihiq;  
imperabo: dolorem iustissimum, si non potuero frange-  
re: occultabo. quid? uitæ censetis ne P. C. habendam mihi  
aliquam rationem esse? quæ mihi quidem minime ca-  
ra est: præsertim cum Dolobella fecerit, ut optanda mors  
esset: modo sine cruciatu atq; tormentis. uobis tamen, &  
populo uilis esse spiritus meus non debet. is enim sum:  
nisi forte me fallo: qui uigilijs, curis, sententijs, periculis  
etiam, quæ plurima adij propter acerbissimum omni-  
um in me odium impiorum: perfecim: ut non obsta-  
rent Reipublicæ: ne quid arrogantius uidear dicere.  
quod cum ita sit: nihil ne mihi de periculo meo cogitan-  
dum putatis? hic cum in urbe essem, ac domi: tamen  
multa sæpe tentata sunt: ubi me non solum amicorum  
fidelitas, sed etiam uniuersæ ciuitatis oculi custodiunt.  
quid censetis, cum iter ingressus ero, longum præsertim:  
nullas ne insidias pertimescendas? Tres uia sunt ad  
Mutinam: quo festinat animus: ut quàm primum il-  
lud pignus libertatis populi Ro. D. Brutum aspicere pos-  
sim: cuius in complexu libenter extremum uitæ spiri-  
tum ediderim: cum omnes actiones horum mensium,  
omnes sententiæ meæ peruenerint ad eum exitum: qui  
mihi fuit propositus. tres ergo ut dixi uia: à supero  
mari, flaminia: ab infero, Aurelia: media, Cassia. Nunc  
quæso attendite, num aberret à coniectura suspicio  
periculi mei. Hetruriam discriminat Cassia. scimus ne  
igitur Pansa quibus nunc in locis sit Lentonis Cesenij  
septemuiralis authoritas? nobiscum nec animo certe



est, nec corpore. si autem aut domi est: aut non longe à  
domo: certe in Hetruria est: id est in uia. quis igitur mi-  
hi præstat, Lentonem uno capite esse contentum? Dic mi-  
hi præterea Pansa Ventidius ubi sit? cui sui semper ami-  
cus: ante quàm ille Reip. bonisq; omnibus tam aperte  
est factus inimicus. Possum Cassiam uitare: tenere Fla-  
miniam. Quid si Anconam, ut dicitur, Ventidius ue-  
nerit? potero ne Ariminum tuto accedere? restat Aure-  
lia. hic quidem etiam præsidia habeo. possessiones enim  
sunt P. Clodij: tota familia occurret: hospicio inuitabit  
propter familiaritatem notissimam. Hisce ego me uis  
committam? qui Terminalibus nuper in suburbium,  
ut eodem die reuerterer: ire non ausus sim. domesti-  
cis me parietibus uix tueor, sine amicorum custodijs.  
Itaq; in urbe, si sic licebit: manebo. hæc mea sedes est:  
hæc uigilia: hæc custodia: hoc præsidium statuum. te-  
neant alij castra, regna, res bellicas: oderint hostem: nos  
ut dicimus, semperq; fecimus: urbem & res urbanas uo-  
biscum pariter tuebimur. neq; uero recusum munus hoc.  
quanquam populum ro. uideo pro me recusare. nemo  
minus timidus: nemo cautior. res declarat. uigesimus  
annus est: cum omnes scelerati me unum petunt. itaq;  
ipsi, ne dicam mihi, Populo Ro. poenas dederunt: me sal-  
uum adhuc Resp. conseruauit sibi. Timide hoc dicam:  
scio enim quiduis homini accidere posse. ueruntamen  
semel circumsessus lectis ualentissimorum hominum ui-  
ribus cecidi sciens: ut honestissime surgere possem. possum  
ne igitur satis uideri cautus, satis prouidus: si me huic iti-  
neri tam infesto, tamq; periculoso commiserim? gloriam  
in morte debent hi, qui in Republica uersantur, non  
culpe reprehensionem, & stulticie uituperationem re-



# PHILIPPICA

linquere. quis bonus non luget mortem Trebonij? quis non dolet interitum talis & civis & viri? At sunt qui dicant (dure illi quidem: sed tamen dicunt) minus dolendum: quod ab homine impuro, nefarioq; non cauerit. etenim qui multorum custodē se profiteatur: eum sapientes sui primum capitis aiunt custodem esse oportere. Cum septus sis legibus, & iudiciorum metu: non sunt omnia timenda: neq; ad omnes insidias praesidia quaerenda. quis enim audeat luci? quis in militari uia? quis bene comitatum? quis illustrem aggredi? haec neq; hoc tempore, neq; in me ualent: non modo enim poenam non extimescet: qui mihi uim attulerit: sed etiam gloriam sperabit à latronum gregibus & praemia. haec ego in urbe praeuideo: facilis est circūspectus, unde exeā: quo progrediar: quid ad dextram, quid ad sinistram sit. num idem in Appenini tramitibus potero facere? in quibus, etiam si non erunt insidiae: quae facillime esse poterunt: animus tamen erit sollicitus: ut nihil possit de officijs legationis attendere. Sed effugi insidias: perrupi Appenninum. nempe in Antonij congressum, colloquiūq; ueniendum est. qui nam locus capiatur? si extra castra: ceteri uiderint: ego mortem actutum futuram puto. noui hominis furorem: noui effrenatam uiolētiam. cuius acerbitas morum, immanitasq; naturae, ne uino quidem permixta temperari solet: hic ira, dementiaq; inflammatus, adhibito fratre Lucio teterrima belua, nunquam profecto à me sacrilegas manus atq; impias abstinebit. memini colloquia, et cum acerrimis hostibus, & cum grauiissime dissentientibus ciuibus. Cn. Pompeius Sexti filius consul me praesente, cum essem Tyro in eius exercitu: cum P. Vectio Scatone duce Marforum in



ter bina castra collocatus est. quo quidem memini Sex.  
 Pompeium Fratrem Consulis ad colloquium ipsum  
 Roma uenire, doctum uirum atq; sapientem. quem Scas-  
 to cum salutasset: quem te appellem inquit? at ille, uo-  
 luntate hospitem, necessitate hostem. Erat in illo colloquio  
 æquitas: nullus timor, nulla suberat suspicio: mediocre  
 etiam odium. non enim ut eriperent nobis socij ciui-  
 tatem: sed ut in eam reciperentur, petebant. Sylla cum  
 Sapione inter Cales, & Teanum: cum alter nobilitatis  
 florem, alter belli socios adhibuisset: de autoritate Sena-  
 tus, de suffragijs populi, & de iure ciuitatis, legis inter  
 se conditiones contulerunt. non tenuit omnino colloqui-  
 um illud fidem: a' ui tamen periculoq; absuit. Possumus  
 ne igitur in Antonij latrocinio æque esse, ut hi? non  
 possumus. aut si cæteri possunt: me posse diffido. Quod  
 si non extra castra congregiemur: quæ ad colloquium  
 castra fumentur? in nostra ille nunquam ueniet. multo  
 minus nos in illius. reliquum est: ut & accipiant, & re-  
 mittantur postulata per literas. ergo erimus in castris.  
 mea ad omnia postulata una sententia. quam cum hic  
 uobis audientibus dixerò: isse & redisse me putatote. Le-  
 gationem conféro. omnia ad Senatum mea sententia rei-  
 ciam, quæcunq; postulabit Antonius. neq; enim licet ali-  
 ter: neque permissum est nobis ab hoc ordine, ut bellis  
 confectis decem legatis permitti solet more maiorum:  
 neq; ulla omnino a' Senatu mandata acceperimus. quæ  
 cum agam in consilio nonnullis, ut arbitror repugnan-  
 tibus: non'ne metuendū est: ne imperita militum mul-  
 tudo per me pacem distineri putet? Facite hoc meum  
 consilium legiones nouas non improbare: nam Mar-  
 tiam, & Quartam nihil præter dignitatem, & decus



# PHILIPPICA

probaturas esse, certe scio. quid? Veteranos nō ueremur?  
nam timeri se ne ipsi quidem uolunt. sed quonam modo  
accipient seueritatem meam? multa enim falsa de me au-  
dierunt: multa ad eos improbi detulerūt. quorū commo-  
da, ut uos optimi testes estis: semper sententia, auctoritate,  
oratione firmaui. sed credunt improbis: credūt turbulē-  
tis: credunt suis. Sunt autem fortes illi quidem: sed pro-  
pter memoriam rerum quas gesserunt pro populi Ro. li-  
bertate, & dignitate: Reip. numis feroces: et ad suā uim  
omnia nostra consilia reuocantes. horum ego cogitatio-  
nes non uereor: impetum pertimesco. Hæc quoq; pericu-  
la tanta si effugero: satis ne tutum reditum putatis fore?  
cum enim & uestra auctoritate, & meo me more de-  
fendero: & meam fidem Reip. constantiamq; præste-  
ro: tum erunt mihi non hi solum, qui me oderunt: sed  
illi etiam, qui inuident: extimescendi. Custodiatur igitur  
mea uita Reipublicæ: eaq; quoad uel dignitas, uel  
natura patietur: patriæ reseruetur. mors autem necessita-  
tem habeat fati: aut si ante oppetenda est: oppetatur cum  
gloria. Hæc cum ita sint: & si hanc legationem Resp.  
ut leuissime dicam, non desiderat: tamen si tuto licet  
ire: proficiscar omnino. P. cōscripti: totum huiusce rei cōsi-  
lium non periculo meo, sed utilitate Reip. metiar. de qua  
mihi quoniam liberū est spaciū: multum etiam, atq; etiā  
considerandum puto: idq; potissimum faciendum: quod  
maxime interesse Reip. iudicauero.



## IN M. ANTONIVM PHILIP=

## PICA DECIMATERTIA.

## ORATIO. LVI.

N principio huius belli P. C. quod cum  
 impijs ciuibus, sceleratisq; suscepimus:  
 timui, ne conditio insidiosa pacis, liber-  
 tatis recuperandæ studia restringeret.  
 dulce enim nomen est pacis: res uero ip-  
 sa, cum iucunda: tum salutaris. nam nec priuatos focos,  
 nec publicas leges, nec libertatis iura cara habere po-  
 test: quem discordiæ, quem cædes ciuium, quem bellum  
 ciuile delectat: eumq; ex numero hominum eijciendum,  
 ex finibus humanæ naturæ exterminandum puto. Itaq;  
 siue Sylla, siue Marius, siue uterq;, siue Octavius, siue  
 Cinna, siue iterum Sylla, siue alter Marius, & Carbo,  
 siue quis alius ciuile bellum optauit: eum detestabilem  
 auem Reip. natum iudico. nam quid ego de proximo dē-  
 cam? cuius acta defendimus: cum auctorem ipsum iu-  
 re cæsum fateamur? Nihil igitur hoc ciue, nihil hoc ho-  
 mine tetrius: si aut ciuis, aut homo habendus est: q; ciuile  
 bellum concupiscit. Sed hoc primum uidendum est P. C.  
 cum omnibus ne pax esse possit: an sit aliquod bellum  
 expiabile, in quo pactio pacis, lex sit seruitutis. Pacem  
 cum sapientia Sylla faciebat. non erat desperandum, si  
 conuenissent: fore aliquem tolerabilem statum ciuitatis.  
 Cinna si concordiam cum Octauio confirmare uoluisset:  
 hominum in Rep. sanitas remanere potuisset. Proxi-  
 mo bello si aliquid de summa grauitate Pompeius, mul-  
 tum de cupiditate Cæsar dimisisset: & pacem stabilem,



# PHILIPPICA

Et aliquam Remp. nobis habere licuisset. Hoc uero  
 quod est? cum Antoniis pax potest esse? cum Censorino,  
 Ventidio, Trebellio, Bestia, Nucula, Numatio, Lentone,  
 Saxa? exempli causa paucos nominaui: genus infinitum,  
 immanitatemque ipsi cernitis reliquorum. addite illa nau-  
 fragia Caesaris amicorum, Barbas, Cassios, Barbatios,  
 Polliones: addite Antoni collusores, et sodales, Eutra-  
 pelum, Melam, Celium, Pontium, Crasidium, Tyronem,  
 Mustelam, Petissium, comitatum relinquo: duces nomi-  
 no. huc accedunt Alaudæ, ceterique ueterani, seminariū  
 iudicum tertiæ decuriæ: qui suis rebus exhaustis, benefi-  
 cijs Caesaris deuoratis, fortunas nostras concupierunt.  
 O' fidam dexteram Antoni: qua ille plurimos ciues  
 trucidauit. O' ratum religiosumque foedus: quod cum his  
 fecerimus. hoc si Antonius uiolare conabitur: Lucij  
 eum sanctitas a scelere reuocabit. Illis locus si in hac  
 urbe fuerit: urbi ipsi locus non erit. Ora uobis eorum  
 ponite P. C. ante oculos: et maxime Antoniorum: incessum,  
 aspectum, uultum, spiritum, latera tegentes alios, sequentes  
 alios, alios prægrediētes amicos. quæ uim anhelitus? quas  
 contumelias fore censeatis, minasque uerborum? nisi forte  
 eos pax ipsa leniet: maximeque, cum in hunc ordinem ue-  
 nerint: salutabunt benigne, comiter appellabunt unum-  
 quenque uestrum. non recordamini per deos immorta-  
 les quas in eos sententias dixeritis? acta Antoni rescin-  
 distis: leges refixistis: per uim, et contra auspicia latas  
 decreuistis: totius Italiae delectum excitastis: collegam,  
 et socium scelerum omnium, hostem iudicauistis. cum  
 hoc quæ pax esse potest? Si esset externus hostis: tamen  
 id ipsum uix talibus factis posset aliquo modo. sed si ma-  
 ria, montes, regionum magnitudines interessent: odisses



eum: quem non uideres. hi in oculis hærebunt: & cum  
 licebit in faucibus. quibus enim septis tam immanes bel-  
 luas cõtinebimus? At incertus exitus belli est. Est omnino  
 fortium uirorum, quales uos esse debetis: uirtute præ-  
 stare tantum, ut possint fortunæ culpam non extimesce-  
 re. sed quoniam ab hoc ordine non fortitudo solum, ue-  
 rum etiam sapientia postulatur: quanquam uidentur  
 hæc non posse seiungi: seiungamus tamen. fortitudo di-  
 micare iubet: iustum odium incendit: ad confligendum  
 impellit: uocat ad periculum. quid sapientia? cautiore  
 bus utitur consilijs: in posterum prouidet: est omni ratio-  
 ne protectior. quid igitur censet? parendum est enim:  
 atq; id optimum iudicandum: quod sit sapientissime con-  
 stitutum. si hoc præcipit: ne quid uita existimẽ antiquius:  
 ne decernã capitis periculo: fugiã omne discrimen: quæ-  
 ram ex ea, etiam ne fuerit, cum id fecero: seruiendũ. si  
 annuerit: nã ego istam sapientiam, quãuis sit erudita,  
 non audiam. sin responderit, tu uero ita uitam, corpusq;  
 seruato: ita fortunas, ita rem familiare: ut hæc postero-  
 ra libertate ducas: atq; his uti uelis, si liberare Remp.  
 possis: nec pro his libertatem, sed pro libertate hæc pro-  
 uicias, tanquam pignora iniuriæ: tum sapientiæ uocem  
 audire uidear: eiq; ut deo paream. Itaq; si receptis illis,  
 possumus esse liberi: uincamus odium: paceq; potiamur.  
 sin liber uiuis his, incolumibusq; esse nullus potest: læte-  
 mur decertandi oblatam esse fortunam. aut enim illis in-  
 terfectis fruemur uictrice Republica: aut oppressa, quod  
 omen auertat Iupiter: si nõ spiritu, at uirtutis laude uiue-  
 mus. At enim nos M. Lepidus imperator, Pontifex Ma-  
 ximus optime proximo civili bello de Rep. meritis ad pa-  
 cem adhortatur. Nullius apud me P. C. autoritas ma-



# PHILIPPICA

for est, quàm M. Lepidi: uel propter ipsius uirtutem, uel propter familiae dignitatem. accedunt eodem multa priuata, magna eius in me merita: ac mea quaedam officia in illum. maximum uero eius beneficium numero: quod hoc animo in Remp. est: quæ mihi uita mea semper fuit carior. Nam, cum Magnum Pompeium clarissimum adolescentem præstantissimi uiri filium auctoritate adduxit ad pacem: remq; publicam sine armis maximo ciuilis belli periculo liberauit: tum me eius beneficio plusquam pro uirili parte obligatum puto. Itaq; ei & honores decreui, quos potui amplissimos: in quibus uos mihi estis assensi: nec unquam de illo & sperare optime, & loqui desiti. magnus & multis pignoribus M. Lepidum Resp. obligatum tenet. summa nobilitas est hominis: honores, amplissimum sacerdotium, plurima urbis ornamenta, ipsius, fratris, maiorumq; monumenta, probatissima uxor, optatissimi liberi, res familiaris cum ampla, tum casta à cruore ciuili. nemo ab eo ciuis uiolatus: multi beneficio & misericordia liberati. talis igitur uir & ciuis opinione labi potest: uoluntate à Rep. dissidere nullo pacto potest. pacem uult M. Lepidus. præclare: si talem potest efficere: qualem nuper effecit. qua pace, Cn. Pompeij filium Respub. aspiciet: suoq; sinu complexuq; recipiet: neque solum illum, sed cum illo se ipsam sibi restitutam putabit. Hæc causa fuit, cur decerneretis statuam in Rostris cum inscriptione præclara: cur absenti triumphum. quanquam enim magnas res bellicas gesserat, & triumpho dignas: non erat tamen ei tribuendum: quod nec L. emilius, nec Emyliano Scipioni, nec superiori Africano, nec Mario, nec Pompeio, qui maiora bella gesserunt.

sed  
lica  
neig  
su  
uitas  
lo, pr  
nes, f  
obsec  
tuna  
saris  
mms  
us, re  
lius. O  
ficta su  
tam ex  
uictor  
terna  
tos, ad  
argent  
equo  
Firma  
nio Th  
D. Bruta  
sunt ali  
ego etia  
peiand  
satis i  
lam ex  
rissimo  
patrim  
Pompe



sed quod silentio civile bellum confecerat: primum ut  
 licuit, honores in eum maximos contulists. existimas  
 ne igitur M. Lepide qualem Pompeium Resp. habitura  
 sit eum, tales futuros Antonios? in altero pudor, gra-  
 uitas, moderatio, integritas. in illis (et cum hos compel-  
 lo, prætereo illius ex grege latrocinij neminem) libidi-  
 nes, scelera, ad omne facinus immanis audacia. Deinde  
 obsecro uos P. C. quis hoc uestrum non uidet: quod for-  
 tuna ipsa, quæ dicitur cæca, uidit? saluis enim actis Cæ-  
 saris, quæ concordie causa defendimus: Pompeio sua do-  
 mus patebit: eamq; non minoris, quàm emut Antoni-  
 us, redimet. redimet inquam Cn. Pompeij domum fi-  
 lius. O' rem acerbam. sed hæc satis diu multumq; de-  
 fleta sunt. decreuistis tantam pecuniam Pompeio: quan-  
 tam ex bonis patris in prædæ dissipatione inimicus  
 uictor redegisset. sed hanc mihi dissipationem pro pa-  
 terna necessitudine et coniunctione depono. redimet hor-  
 tos, ædes, urbana quædam, quæ possidet Antonius. nam  
 argentum, uestem, supellectilem uniuersam amittet  
 æquo animo: quæ ille helluo dissipauit. Albanum,  
 Firmanum, à Dolobella recuperabit. etiam ab Anto-  
 nio Tusculanum. hiq; qui nunc Mutinam oppugnât:  
 D. Brutum obsident: de Falerno Anseres depellantur.  
 sunt alij plures fortasse. sed mea memoria dilabuntur.  
 ego etiam eos dico, qui hostium numero non sunt: Pom-  
 peianas possessiones, quanti emerint, filio reddituros.  
 satis inconsiderati fuit, ne dicam audacis, rem ul-  
 lam ex illis attingere. retinere uero quis poterit, cla-  
 rissimo domino restituto? An is non reddet? qui domini  
 patrimonium circumplexus, quasi thesaurum draco,  
 Pompeij seruus, libertus Cæsaris, agri Lucani pos-



# PHILIPPICA

sessiones occupauit? Atq; illud septies millies quod adolescenti P. C. spondidistis: ita describite: ut uideatur a uobis Cn. Pompeij filius in patrimonio suo collocatus. Hæc Senatus. reliqua populus Ro. in ea familia, quam uidit amplissimam: prosequetur. in primis paternum Auguratus locum: in quo ego eum, ut quod a patre accepi filio reddam: mea nominatione cooptabo. utrum igitur augurem iouis optimi maximi, cuius interpretes inter nuncijq; constituti sumus: utrum populus Ro. libentius sanciet? Pompeium, an Antoniū? mihi quidem numine deorum immortalium uidetur hoc fortuna uoluisse: ut actis Caesaris firmis, ac ratis, Cn. Pompeij filius posset et dignitatem et fortunas patrias recuperare. ac ne illud quidem silentio P. C. prætermittendum puto: quod clarissimi uiri legati L. Paulus, Q. Thermus, C. Fannius, quorum habetis cognitam uoluntatem in rem publicam, eamq; perpetuam, atq; constantem, nunciant: se Pompeij conueniendi causa diuertisse Massiliā: eumq; cognouisse paratissimo animo: ut cum suis copiis iret ad Mutinam: ni uereretur ueteranorū animos offendere. Est uero eius patris filius: qui sapienter faciebat nō minus multa, quā fortiter. Itaq; intelligitis et animum ei præsto fuisse: nec consilium defuisse. Atq; etiā hoc M. Lepido prouidendum est: ne quid arrogantius, quā mores eius ferunt, facere uideatur. Si enim nos exercitu terret: non meminit illum exercitum Senatus populiq; romani, atq; uniuersæ Reip. esse: non suum. At uti potest pro suo. quid tum? omnia ne uiris bonis, quæ facere possunt: facienda sunt? etiam si turpia, si perniciosa erunt: si facere omnino nō licebit? Quid autem turpius, aut foedius? aut quod minus deceat? quā contra Senatum, contra

natur  
quid  
non  
re e  
quo  
quo  
red  
qua  
hoste  
pare  
hæc  
mi f  
at: qu  
antib  
re. Q  
quid  
quā  
bet in  
conten  
fortior  
rand  
tis pop  
mus: ex  
signum  
mus: ff  
quā  
fortiss  
signati  
Bruti  
rimora  
os pena



natum, contra Ciues, contra patriam exercitum ducere?  
 quid uero magis uituperandum? quàm id facere, quod  
 non liceat? licet autem nemini contra patriam ducere  
 exercitum. siquidem licere id dicimus: quod legibus,  
 quod more maiorum, institutisq; conceditur. Neq; enim  
 quod quisq; potest: id ei licet: nec, si non obstat: propte-  
 rea etiam permittitur. tibi enim exercitum Lepide, tan-  
 quam maioribus tuis patria pro se dedit. hoc tu arcebis  
 hostem: fines Imperij propagabis: Senatui populoq; Ro-  
 parebis: si quàm ad aliam rem te forte traduxerit.  
 hæc si cogitas M. Lepide: M. Lepidi Pontificis Maxi-  
 mi fueris pronepos. sin hominibus tantum licere iudi-  
 cas: quantum possunt: uide ne alienis exemplis, hisq; re-  
 centibus uti, quàm antiquis & domesticis malle uidea-  
 re. Quod si auctoritatem interponis, sine armis: magis  
 quidem laudo. sed uide ne hoc ipsum non sit necesse.  
 quanquam enim est tanta in te auctoritas: quanta de-  
 bet in homine nobilissimo: tamen Senatus se ipse non  
 contemnit. nec uero fuit unquam grauior, constantior,  
 fortior. incensi omnes rapimur ad libertatem recupe-  
 randam: non potest ullius auctoritate tantus Sena-  
 tus populiq; Ro. ardor extinguere: odimus: irati pugna-  
 mus: extorqueri de manibus arma non possunt: receptui  
 signum, aut reuocationem a bello audire non possu-  
 mus: speramus optima: pati uel difficillima malumus,  
 quàm seruire. Caesar confecit inuictum exercitum: duo  
 fortissimi Còsules adsunt cum copijs: L. Planci Cons. de-  
 signati uaria, & magna auxilia non defunt: de D.  
 Bruti salute certatur. unus furiosus gladiator cum teter-  
 rimorum latronum manu, contra patriam, contra de-  
 os penates, contra aras, & focos, contra quatuor Consu-



PHILIPPICA

les gerit bellum. huic cedamus? huius condiciones audi-  
diamus? cum hoc pacem fieri posse credamus? At peri-  
culum est ne opprimamur. non metuo, ne is qui suis am-  
plissimis fortunis, nisi nobis salus, frui non potest: prodat  
salutem suam. bonos ciues primum natura efficit: adiu-  
uat deinde fortuna. omnibus enim bonis expedit sal-  
uam esse Rempublicam. sed in his, qui fortunati sunt,  
magis id apparet. quis fortunatior Lepido, ut ante dixi?  
quis eodem sanior? uidit eius moesticiam, atq; lachry-  
mas populus Ro. Lupercalibus: uidit quàm abiectus es-  
set, quàm confectus: cum Caesari diadema imponens An-  
tonius, seruum se illius, quàm Collegam esse malebat.  
qui si reliquis flagitijs, & sceleribus abstinere potuis-  
set: tamen unum ob hoc factum dignum illum omni poe-  
na putarem. nam si ipse seruire poterat: nobis domi-  
num cur imponebat? & si eius puericia pertulerat li-  
bidades eorum: qui erant in eum Tyranni: etiam ne  
in nostros liberos dominum, & Tyrannum compara-  
bat? itaq; illo interfecto, qualem eum in nos esse uo-  
luit: talis ipse in ceteros extitit. qua enim in barbaria  
quisquam tam teter, tam crudelis Tyrannus? quàm in  
hac urbe armis barbarorum stipatus Antonius? Cæsa-  
re dominante ueniebamus in Senatum, si non libere, at-  
tamen tuto. hoc archipirata, quid enim dicam Tyran-  
no? hæc subsellia ab Ithyreis occupabatur. prorupit subi-  
to Brundisium: ut inde agmine quadrato ad urbem ac-  
cederet: lautissimum oppidum, nunc municipium, hone-  
stissimorum quondam colonorum Sueſſam, fortissimo-  
rum militum sanguine impleuit: Brundisij in sinu non  
modo auarissimæ, sed etiam crudelissimæ uxoris de-  
lectos Martiæ legionis Centuriones trucidauit. inde se

quo  
ma  
pre  
rur  
nis  
men  
cun  
re r  
est, q  
stra,  
mos  
ad m  
bem c  
bendo  
(nam  
fertur  
filium  
non u  
innu  
lectu  
fuga  
Marti  
men pr  
neirant  
bus cir  
maluit  
roris in  
set: nec  
designa  
stor &  
urbi p



quo furore, quo ardore, ad urbem, idest ad caedem opti-  
 mī cuiusq; rapiebat? quo tempore dī ipsi immortales  
 præsidium improuisum, nec opinantibus nobis obtule-  
 runt. Cæsaris enim incredibilis ac diuina uirtus latro-  
 nis impetus crudeles ac furibundos retardauit. quē ta-  
 men ille demens lædere se putabat edictis: ignorās quæ  
 cunq; falso diceret in sanctissimum adolescentem, ea ue-  
 re recidere in memoriam pueritiæ suæ. ingressus urbē  
 est, quo comitatu, uel potius agmine? cum dextra, sini-  
 stra, gemente populo Romanaretur dominis: notaret do-  
 mos: diuisurum se urbem palam suis polliceretur. redijt  
 ad milites: ibi pestifera illa Tyburi concio. inde ad ur-  
 bem cursus: Senatus in Capitolium: parata de circumscri-  
 bendo adolescente sententia Consularis: cum repente  
 (nam Martiam legionem Albæ confedissee sciebat) af-  
 fertur ei de Quarta nuncius. quo percussus abiecit con-  
 silium referendi ad Senatum de Cæsare: egressus est  
 non uis, sed tramitibus paludatus: eodemq; die ipso  
 innumerabilia S. C. fecit. quæ quidem omnia citius  
 lecta, quàm scripta sunt. Ex eo non iter, sed cursus, &  
 fuga in Galliam. Cæsarem seq; arbitrabatur cū legione  
 Martia, cum Quarta, cum ueteranis: quorum ille no-  
 men præ metu ferre non poterat. eiq; in Galliam pe-  
 netranti, D. se Brutus obiecit. qui se totius belli flucti-  
 bus circumiri: quàm illum aut egredi, aut progredi  
 maluit: Mutinamq; illi exultanti, tanquam frenos fu-  
 roris iniecit. quam cum operibus munitionibusq; sepsis-  
 set: nec eum florentissimæ Colonæ dignitas, neq; Cons.  
 designati maiestas à parricidio deterreret: tum me, te-  
 stor & uos, & populū romanū, & omnes deos, q; huic  
 urbi præsident: inuito, & repugnante, Legati missi



# PHILIPPICA

tres Consulares ad latronem M. Antonium gladiatoris  
ducem. Quis tam barbarus unquam? tam immanis?  
tam ferus? non audiuit: non respondit: neque eos solum  
praesentes, sed multo magis nos, a quibus illi erat mis-  
si, spreuit: et pro nihilo putavit. postea quod scelus, quod  
facinus parricida non edidit? circumfedit colonos uestros,  
exercitum populi romani, Imperatorem, Cons. designa-  
tum: agros diuexat Ciuium optimorum: hostis teterri-  
mus omnibus bonis cruces ac tormenta minitatur. Cum  
hoc M. Lepide pax esse quae potest? cuius ne supplicio  
dem ullo faciri uidetur posse populus romanus. Quod  
si quis adhuc dubitare potuit: quin nulla societas huic or-  
dini populoque Ro. cum illa importunissima bellua possit  
esse: desinat profecto dubitare, his cognitis literis: quas mi-  
hi missas ab Hircio Cons. modo accepi. Eas dum reci-  
to: dumque de singulis sententijs breuiter disputo P. C. ut  
adhuc fecistis, me attente audiat. ANTONIUS  
HIRCIO ET CAESARI. neque se Impe-  
ratorem, neque Hircium consulem, nec propr. Caesarem.  
satis quidem haec scite. deponere alienum nomen ipse ma-  
luit: quam illis suum reddere. COGNITA MOR-  
TE C. TREBONII, NON PLUS GA-  
VISVS SVM: QVAM DOLVI. Videte  
quid se gauisum, quid se doluisse dicat: facilius de pace de-  
liberabit. DEDISSE POENAS SCELERA-  
TVM CINERI ATQVAE OSSIBVS CLA-  
RISSIMI VIRI: ET APPARVISSE NV-  
MEN DEORVM INTRA FINEM ANNI  
VERTENTIS, AVT IAM SOLVTO SVP-  
PLICIO PARRICIDAE, AVT IMPEN-  
DENTE, LAETANDVM EST. O' spartace,

que  
lera  
sus  
Tre  
bita  
leste  
POB  
RI  
RIC  
SC  
TR  
DV  
india  
bito, Co  
ptu, ho  
mas h  
dinem  
sam b  
reliq  
subje  
ignori  
ter. Is  
qui ex  
MYM  
NAT  
RIS  
QVA  
re non  
namena  
qui te  
esses? fa



quem enim te potius appellem? cuius propter nefanda scelera tolerabilis fuisse uidetur Catilina: letandum esse ausus es scribere Trebonium dedisse poenas? sceleratum Trebonium? quo scelere? nisi quod te Idibus Mar. a debita tibi peste seduxit? age hoc letaris. uideamus, quid moleste feras. HOSTEM IUDICATVM HOC TEMPORE DOLOBELLAM, EO QVOD SICARIVM OCCIDERIT: ET VIDERI CARIOREM POPVLO RO. FILIVM SCVRRÆ, QVAM C. CAESAREM PATRIAE PARENTEM: INGEMISCENDVM EST. *Quid ingemiscis hostem Dolobellam iudicatum? quid? te non intelligis delectu tota Italia habito, Consulibus missis, Cesare ornato, sagis denique sumptis, hostem iudicatum? quid est autem scelerate quod gemas hostem Dolobellam iudicatum a Senatu? quem tu ordinem omnino esse nullum putas. sed eam tibi causam belli gerendi proponis: ut Senatum funditus deleas: reliqui boni, et locupletes omnes summum ordinem subsequantur. at scurræ filium appellat: quasi uero ignotus nobis fuerit splendidus Eques Ro. Trebonij pater. Is autem humilitatem despicere audet cuiusquam? qui ex eadem sustulerit liberos ACERBISSIMUM VERO EST, TE A. HIRCI ORNATVM ESSE BENEFICIIS CAESARIS: ET TALEM AB EO RELICTVM: QVALEM IPSE MIRARIS. Equidem negare non possum a Cesare Hircaum ornatum. sed illa ornamenta in uirtute, et industria posita lucent. tu uero qui te ab eodem Cesare ornatum negare non potes: quid esses? si tibi ille non tam multa tribuisset? ecquo te tua*



# PHILIPPICA

uirtus prouexisset? ecquo genus? in lustris, popinis, alea,  
uino, tempus ætatis omne consumpsisses: ut faciebas:  
cum in gremijs mumarū, mentē mentumq; deponeres.  
ET TE O' PVER, puerum appellat, quē non mo-  
do uirum, sed etiam fortissimum uirum sentit: &  
sentiet. est istud quidem nomen ætatis: sed ab eo mini-  
me usurpandum: qui suam amentiam huic præbet ad  
gloriam. QVI OMNIA EIVS NOMINI  
DEBES: debet uero: soluitq; præclare. si enim ille  
patriæ pater est: ut tu appellas: ego quid sentiam, uide-  
ro: cur non hic parens uerior? a quo certe uitam ha-  
bemus è tuis facinorissimis manibus ereptam? ID  
AGERE: VT IVRE DAMNATVS SIT  
DOLOBELLA? Turpem uero actionem: qua de-  
fenditur amplissimi auctoritas ordinis contra crude-  
lissimi gladiatoris amentiam. ET VT VENE-  
FICVS HAC LIBERETVR OBSIDIO-  
NE: Veneficum audes appellare eum uirum: qui tuis  
ueneficis remedia inuenit? quem ita obsides noue An-  
nibal, aut si quis acutior imperator fuit: ut te ipse ob-  
sideas: neq; istinc, si cupias, possis explicare. recesseris.  
undiq; omnes insequentur. manseris. hærebis. nimirum  
recte ueneficum appellas: a quo tibi præsentem pestem  
uides comparatam. VT QUAM POTENTIS-  
SIMVS SIT CASSIVS, ATQVE BRVTVS.  
putes Censorinum dicere, aut Vétidium, aut etiam ipsos  
Antonios. cur autem nolim potentes esse non modo opti-  
mos, & nobilissimos uiros, sed secum etiam in Reip-  
defensione coniunctos? NIMIRVM EODEM MO-  
DO HAEC ASPICITIS: VT PRIORA.  
QVAE TANDEM CASTRA POMPEII



SENATVM APPELLATIS? An uero tua  
 castra potius Senatum appellaremus? in quibus tu es  
 uidelicet Consularis: cuius totus Consulatus est ex omni  
 monumentorum memoria reuulsus: duo praetores si-  
 ne causa diffisi se aliquid habituros: nos enim Caesaris  
 beneficia defendimus: Praetori Philadelphus Annius, et  
 innocens Caius: Aedilij Coricus laterum, et uocis  
 meae Bestia, et fidei patronus, fraudator creditorum  
 Trebellius, et homo diruptus dirutusq; Q. Celius,  
 columenq; amicorum Antonij, Cotula Varius: quos  
 Antonius deliciarum causa loris in conuiuio caedi iube-  
 bat, a suis publicae: Septemuirales Lento, Nucula, tum  
 deliciae atq; amores populi romani L. Antonius: tribuni-  
 tij primum duo designati, T. Hostilius, qui suo iure in  
 porta nomen inscripsit: qui cum prodere Imperatorem  
 suum non potuisset: reliquit. alter est designatus, Vi-  
 seijs nescio quis, fortis ut aiunt latro: quem tamen tem-  
 perantem fuisse ferunt Isauri balneatorem. sequuntur  
 alij tribunitij, C. Plancus imprimis: qui si Senatum de-  
 lexisset: nunquam Curiam incendisset. quo scelere da-  
 mnatus, in eam urbem redijt armis, a qua excesserat le-  
 gibus. sed hoc ei commune cum plurimis dissimuli-  
 mus. illud tamen uerum, quod in hoc Planco prouer-  
 bijs loco dici solet, perire eum non posse: nisi ei cura  
 fracta essent. fracta sunt: et uiuit. hoc tamen, ut alia  
 multa, Aquilae fertur acceptum. est etiam ibi Decius ab  
 illis ut opinor maioribus Decijs. itaq; Caesaris mune-  
 re Deciorum quidem multo intervallo per hunc prae-  
 clarum uirum memoria renouata est. Saxam uero De-  
 cadium praeterire qui possum, hominem deductum ex  
 ultimis gentibus? ut eum tribunum Pl. uideremus: quē



\* *ciuem nunquam uideramus. Est quidem alter Soseranus. omnes tamen tantam habent similitudinem inter se: ut in eorum prænominibus errem. Nec uero Exitius Philadelphi frater Quæstor prætermittendus est: ne si de clarissimo adolescente siluero: inuidisse uidear Antonio. Est etiam Asinius quidam Senator uoluntarius, lectus ipse à se. apertam curiam uidit post Cæsaris mortem. mutauit calceos: pater conscriptus repente factus est. Non noui Sex. Albedium: sed tamen neminem tam maledicum offendi: qui illum negaret dignum Antoni Senatu. Arbitror me aliquos præterisse. de his tamen qui occurrebant: tacere non potui. Hoc igitur fretus Senatu, Pompeianum Senatum despici: in quo decem fuimus Consulares: qui si omnes uiuerent: bellum omnino hoc non fuisset: auctoritati cessisset audacia. sed quantum præsidij fuerit in cæteris, hinc intelligi potest: quod ego unus relictus è multis, contudi, & fregi adiunatis uobis, exultantis prædonis audaciâ. Quod si fortuna nobis modo non eripuisset Ser. Sulpitium, eiusq; Collegam A. Marcellum, quos ciues? quos uiros? si duos Consules amicissimos patriæ simul ex Italia eiectiones, si L. Afranium summum ducem, si P. Lentulum ciuem cum in cæteris rebus, tum in salute mea singularem, si Bibulum, cuius est in Remp. merito semper laudata constantia: si L. Domitium præstantissimum ciuem, si Appium Claudium pari nobilitate, & uoluntate præditum, si P. Scipionem clarissimum uirum, maiorumq; suorum simillimum Respub. tenere potuisset: certe his consularibus non esset Pompeianus despiciendus Senatus. utrum igitur æquius, utrum melius Reip. fuit? Cn. Pompeium, an sectorem Cn. Pompeij uiuere*



Antonium? qui uero Prætorij? quorum princeps M.  
 Cato: idemq; omnium gentium uirtute princeps. quid  
 reliquos præclarissimos uiros commemorem? nostis o-  
 mnes. magis uereor ne longum me in enumerando,  
 quàm ne ingratum in prætereundo putetis. qui Aedi-  
 litij? qui Tribunitij? qui Quæstorij? quid multa? talis  
 senatorum & dignitas & multitudo fuit: ut magna ex-  
 cusatione opus his sit: qui illa in castra non uenerunt.  
 Nunc reliqua attendite. VICTVM CICERO  
 NEM DUCEM HABVISTIS. Eo libentius  
 ducem audio: quod certe ille dicit inuitus. nam de uicto  
 nihil laboro. factum enim meum est sine Rep. nec uinci  
 posse: nec uincere. MACEDONIAM MVNI-  
 TIS EXERCITIBVS: & quidem fratri tuo,  
 q̃ à uobis nihil degenerat: extorsimus. AFRICAM  
 COMMISISTIS VARO BIS CAPTO:  
 hic cum C. fratre putat se litigare. IN SYRIAM  
 CASSIVM MISISTIS: Non igitur sentis huic  
 causæ orbem terre parere? te extra munitiones tuas,  
 uestigium ubi imprimas, non habere? CASCAM  
 TRIBVNATVM GERERE PASSI  
 ESTIS? quid ergo? ut M. Arullum, ut Cæsarem  
 etiam, à Rep. remoueremus eum: per quem ut neq; idē  
 hoc post hac, neq; multa huiusmodi accidere possent:  
 consecuti sumus? VECTIGALIA IVLIA-  
 NA LVPERCIS ADEMISTIS: Luperco-  
 rum mentionem facere audet? neq; illius diei memo-  
 riam perhorrescit: quo ausus est obrutus uino, unguētis  
 oblitus, nudus, gementem populum Ro. ad seruitutem  
 cohortari? VETERANORVM COLONI-  
 AS DEDVCTAS LEGE, SENATVS



PHILIPPICA  
CONSULTO SVSTVLISTIS: Nos sustuli-  
mus. an contra legem comitijs Centuriatis latam san-  
ximus. uide ne tu Veteranos, tamen eos, qui erant per-  
diti, perdideris: in eumq; locum deduxeris: ex quo iam  
ipsi sentiunt se unquam exituros. MASSILIEN-  
SIBVS IVRA BELLI ADEPTA  
REDDITVROS VOS POLLICEMI-  
NI: Nihil disputo de iure belli. magis facilis disputa-  
tio est, quam necessaria. illud tamen aduertite P. C.  
quam sit huic Reip. natus hostis Antonius: qui tantope-  
re eam ciuitatem oderit: quam scit huic Reipub. semper  
fuisse amicissimam. NEMINEM POMPEIA-  
NUM, QUI VIVAT: TENERE LE-  
GE HIRCIA DIGNITATES: Qui quasi  
iam legis Hirciae mentionem facit. cuius non minus ar-  
bitror latorem ipsum, quam eos, de quibus lata est: poe-  
nitere. omnino quidem mea sententia legem illam ap-  
pellare fas non est: Et ut sit lex: non debemus illam  
Hircij legem putare. APVLEIANA PECV-  
NIA BRVTVM SVBORNASTIS: Quid  
si omnibus suis copijs excellentem uirum Resp. armas-  
set? quem tandem bonum poeniteret? nec enim sine pe-  
cunia exercitum alere, nec sine exercitu fratrem tuum  
capere potuisset. SECVRI PERCVSSOS  
PETVM ET MENEDEMVM CIVITA-  
TE DONATOS ET HOSPITES CAE-  
SARIS LAVDASTIS: Non laudamus,  
quod ne audiuius quidem. ualde enim nobis in tan-  
ta perturbatione Reipub. de duobus nequissimis gra-  
culis cogitandum fuit? THEOPOMPVM NV-  
DVM EXPVLSVM A TREBONIO



CONFUGERE ALEXANDRIAM NE-  
 GLEXISTIS: Magnum crimen Senatus. de Theo-  
 pompo summo homine negleximus: qui ubi terrarum  
 sit: quid agat: uiuat deniq; an mortuus sit: quis aut scit?  
 aut curat? SER. GALBAM EODEM PV-  
 GIONE SVCCINCTVM IN CA-  
 STRIS VIDETIS: Nihil tibi de Galba respon-  
 debo fortissimo & constantissimo Ciue: coram aderit:  
 præsens tibi ipse, & ille quem insimulas, Pugio respon-  
 debit. MILITES AVT MEOS, AVT  
 VETERANOS CONTRAXISTIS,  
 TANQVAM AD EXITIVM EO-  
 RVM, QVI CAESAREM OCCIDE-  
 RANT: ET EOSDEM NEC OPI-  
 NANTES AD QVAESTORIS SVI,  
 AVT IMPERATORIS, AVT COM-  
 MILITONVM SVORVM PERI-  
 CVLA IMPVLISTIS: scilicet uerba dedi-  
 mus: decepimus: ignorabat legio Martia, Quar-  
 ta: nesciebant ueterani quid ageretur. non illi Senatus  
 auctoritatem, an libertatem populi Ro. sequantur? Cæ-  
 saris ulasci mortem uolebant? quam omnes fatalem  
 fuisse arbitrabantur. te uidelicet saluum, beatum, flo-  
 rentem esse cupiebant? O' miser cum re, tum hoc ipso  
 quod non sentis quàm miser sis. Sed maximum cri-  
 men audite. DENIQUE QUID NON AVT  
 PROBAVISTIS? AVT FECISTIS?  
 QUID FACIAT? SI REVIVISCAT,  
 quis? credo enim afferet aliquod scelerati homi-  
 nis exemplum CN. POMPEIUS IPSE:  
 homo turpis, siquidem imitaturi sumus. AVT



PHILIPPICA

FILIUS EIVS, SI DOMI POSSIT  
 poterit, mihi crede. nam paucis diebus & in domum,  
 & in hortos paternos immigrabit. POSTREMO  
 NEGATIS PACEM POSSE FIERI:  
 NISI AUT EMISERO BRVTVM:  
 AUT FRVMENTO IVVERO. Alij istuc,  
 negant. ego uero, ne si ista quidē feceris: unquam tecum  
 pacem huic ciuitati futuram puto. QV ID? HOC  
 PLACET NE VETERANIS ISTIS?  
 QVIBVS ADHVC OMNIA INTEGRA  
 SVNT. nihil uidi tam integrum: quā ut oppu-  
 gnare Imperatorem incipiant: quem tanto studio con-  
 sensuq; defenderint. QVONIAM VOS AS-  
 SENTATIONIBVS, ET VENENATIS  
 MVNERIBVS VENISTIS: deprauati aut  
 corrupti sunt: quibus persuasum sit fœdissimum hostem  
 iustissimo bello persequi. AT MILITIBVS IN-  
 CLVSIS OPEM FERTIS. NIHIL MO-  
 ROR EOS SALVOS ESSE: ET IRE QVO-  
 LVBET: SI TAMEN PATIVNTVR  
 PERIRE EVM: QVI MERVIT. quā be-  
 nigne denique usi liberalitate Antonij milites Impera-  
 torem reliquerunt: & se ad hostem metu perterriti con-  
 tulerunt: per quos si non stetisset: non Dolobella prius  
 Imperatori suo, quā Antonius etiam Collegæ paren-  
 tasset. CONCORDIAE FACTAM ESSE  
 MENTIONEM SCRIBITIS IN SENA-  
 TV: ET LEGATOS ESSE CONSV-  
 LARES QVINQVE. DIFFICILE EST  
 CREDERE, EOS, QVI ME PRAECI-  
 PITEM EGERINT, AEQVISSIMAS



CONDITIONES FERENTEM, ET TAMEN EX HIS ALIQUID REMITTERE COGITANTEM: PUTARE ALIQUID MODERATE AVT HUMANE ESSE FACTUROS. VIX ETIAM VERISIMILE EST: QUI IUDICAVERINT DOLOBELLAM HOSTEM OB RECTISSIMUM FACINVS: EOSDEM NOBIS PARCERE POSSE IDEM SENTIENTIBVS. *Parum ne uidetur omnium facinorum sibi cum Dolobella societatem initam confiteri? nonne cernitis ex uno fonte omnia scelera manare? ipse denique fatetur, hoc quidem satis acute, non posse eos, qui hostem Dolobellam iudicauerint ob rectissimum facinus: ita enim uidetur Antonio: sibi parcere idem sentiendi. quid huic facias? qui hæc literis memorisq; mandarit: ita sibi conuenisse cum Dolobella: ut ille Trebonium, & si posset etiam Brutum, Cassium, discruciatos necaret: eademq; inhiheret supplicia nobis. conseruandus Cuius cum tam pio, iustoq; foedere. Is etiam queritur conditiones suas repudiatas, æquas quidem et uerecundas: ut haberet Galliã ultimam aptissimam ad bellum renouandum, instruendumq; provinciam: ut Alaudæ in tertia Decuria iudicaret: idest ut perfugium scelerum essent cum turpissimis Reip. sordibus: ut acta sua rata essent: cuius nullum remanet Consulatus uestigium. cauebat etiam L. Antonio: qui fuerat æquissimus agri privati & publici decem pedator Nucula, & Lentone Collega. QUAMOBREM VOS POTIVS ANIMADVERTITE, VTRVM SIT ELEGANTIUS, ET*



PHILIPPICA

PARTIBVS VTILIVS: TREBONII  
 MORTEM PERSEQVI, AN CAESA-  
 RIS: ET VTRVM SIT AEQVIVS,  
 CONCVRRERE NOS: QVO FACILI-  
 VS REVIVISCAT POMPEIANORVM  
 CAVSA, TOTIENS IVGVLATA:  
 AN CONSENTIRE: NE LVDIBRIO  
 SIMVS INIMICIS. Si esset iugulata: nun-  
 quam exurgeret: quod tibi, tuisq; contingat. utrum in-  
 quit elegantius. atq; hoc bello de elegancia queritur.  
 Et partibus utilius. partes furiose dicuntur in foro, in  
 curia. bellum contra patriam nefarium suscepisti: op-  
 pugnas Mutinam: arcnsedes Cons. designatum: bellū  
 contra te duo Cons. gerunt: cumq; his propr. Caesar:  
 cuncta contra te Italia armata est. istas tu partes po-  
 tiusquam populi Ro. defensionem uocas? Potius ne Tre-  
 bonij mortem: quam Caesaris persequamur? Trebonij  
 satis persecuti sumus: hoste iudicato Dolobella. Caesaris  
 mors facillime defenditur obliuione Et silentio. Sed ui-  
 dete quid molitur. cum mortem Caesaris ulascendam  
 putat: mortem proponit non his solum, qui illam rem  
 gesserunt: sed his etiam, si qui non moleste tulerunt.  
 QVIBVS VTRI NOSTRVM CECIDE-  
 RINT: LVCRO FVTVRVM EST.  
 QVOD SPECTACVLVM ADHVC  
 IPSA FORTVNA VITAVIT: NE  
 VIDERET VNIVS CORPORIS DVAS  
 ACIES LANISTA CICERONE DI-  
 MICANTES: QVI VSQVE EO FELIX  
 EST: VT EISDEM ORNAMENTIS  
 DECEPERIT VOS: QVIBVS DE-



CEPTUM CAESAREM GLORIA-  
TV SEST. pergit in mea maledicta. quasi uero  
ei pulcherrime priora processerint: quem ego iniustum  
uerissimis maledictorum notis tradam hominum me-  
moriae sempiternae. Ego Lanista? equidem non insipi-  
ens. deteriores enim iugulare cupio: meliores uincere.  
Vtri ceciderint scribit lucro nobis futurum. o' prae-  
clarum lucrum: quo te uictore, quod dii omen auer-  
tant: beata mors eorum futura sit: qui e' uita excesserint  
sine tormentis. A' me deceptos ait, eisdem ornamentis  
Hircium, & Caesarem. quod quaeso adhuc a' me est tri-  
butum Hircio ornamentum? nam Caesari plurima, &  
maiora debentur. deceptum autem patrem a' me Caesa-  
rem dicere audes? tu tu inquam illum occidisti Luperca-  
libus: cuius homo ingratiissime flammia cur reliquisti?  
Sed iam uidete magni & clari uiri admirabilem  
grauitatem atq; constantiam. MIHI QUIDEM  
CONSTAT: NEC MEAM QUIDEM  
CONTVMELIAM, NEC MEORVM  
FERRE: NEC DESERERE PARTES  
QVAS POMPEIVS ODIT: NEC VE-  
TERANOS SEDIBVS SVIS MOVE-  
RI PATI: NEC SINGVLOS AD  
CRVCIATVM TRAHI: NEC FALLE-  
RE FIDEM, QVAM DEDI DOLOBEL-  
Lae: omitto alia: fidem Dolobellae sanctissimi uiri de-  
serere homo pius non potest. quam fidem? an optimi  
cuiusq; sedes, urbis, & Italiae partitiones, sententias da-  
darum diripiendarumq; prouinciarum? nam qd erat  
aliud: quod inter Antoniũ et Dolobellã impurissimos  
parricidas foedere, ac fide sanciretur? NEC LEPI



# PHILIPPICA

DI SOCIETATEM VIOLARE PIIS-  
SIMI HOMINIS: Tibi cum Lepido societas? aut  
cum ullo, non dicam bono Ciue, sicut ille est: sed homi-  
ne sano? Id agis: ut lepidum aut impium, aut insanum  
existimari uelis. Nihil agis. quanquam affirmare de ali  
quo difficile est: de Lepido praesertim: quem ego metu-  
am nunquam: bene sperabo dum licebit. reuocare te a  
furore Lepidus uoluit: non adiutor esse dementiae. tu por-  
ro ne pios quidem, sed piissimos quæris: & quod uer-  
bum omnino nullum in lingua latina est: id propter  
tuam diuinam pietatem nouum inducis. NEC PLAN-  
CUM PRODERE PARTICIPEM CON-  
SILIORVM. Plancum participem? cuius memorabi-  
lis ac diuina uirtus lucem affert Reipublicæ. nisi forte  
subsidio tibi uenire arbitraris cum fortissimis legioni-  
bus, magno equitatu, peditatuq; Gallorum? quiq; nisi  
ante aduentum eius Reip. poenas dederis: ille huius belli  
feret principatum. quanquam enim prima praesidia uti-  
liora Reip. sint: tamen extrema sunt gratiora. Sed iam  
se colligit: & ad extremum incipit philosophari. SI  
ME RECTIS SENSIBVS EVNTEM DII  
IMMORTALES, VT SPERO, ADIUV-  
RINT, VIVAM LIBENTER. SIN AV-  
TEM ALIVD ME FATVM MANET:  
PRAECIPIO GAUDIA SUPPLICIO-  
RVN VESTRORVN. NAM SI VICTI  
POMPEIANI TAM INSOLENTES:  
VICTORES QVALES FUTVRI SINT,  
VOS POTIVS EXPERIEMINI. Praeci-  
pias licet gaudia: non enim tibi cum Pompeianis sed  
cum uniuerfa Rep. bellum est. omnes te dii, homines, sum-  
mi, medij,



mi, medij, infimi, ciues, peregrini, iuri, mulieres, liberi, serui oderunt. sensimus hoc nuper falso nuncio: uero propediē sentiemus. quæ si tecum ipse recolis: æquiore animo et maiore consolatione moriere. DENIQUE SUMMA IUDICII MEI SPECTAT HVC: VT MEORVM INIURIAS FERRE POSSIM: SI AVT OBLIVISCI VELINT IPSI FECISSE: AVT VLCISCI PARATI SVNT VNA NOBISCVM CAESARIS MORTEM. Hac Antoniꝝ sententia cognita, dubitatuꝝ ne A. Hircium, C. Pansaꝝ consules putatis: quin ad Antonium transeant? Brutum obsideant? Mutinam expugnare cupiant? Quid de Pansa & Hircio loquar? Cæsar singulari pietate adolescens, poterit ne se tenere? quin D. Bruti sanguine poenas patrias persequatur? Itaq; fecerunt uti his literis lectis ad munitiones propius accederent. Quo maior adolescens Cæsar maiore deorum immortalium beneficio Reip. natus est: qui nulla speciei paterni nominis, nec pietate, unquam abductus est. intelligit maximam pietatem conseruatione patriæ contineri. quod si partiū certamen esset: quarum omnino nomen extinctum est: Antonius ne potius, & Ventidius partes Cæsaris defenderent? quàm Cæsar adolescens summa pietate, & memoria parentis sui? deinde Pansa, et Hircius? qui quasi cornua duo tenuerūt Cæsaris: tum cum illæ uere partes uocabantur. hæ uero quæ sunt partes? cum alteris Senatus autoritas, populi Ro. libertas, Reip. salus proposita sit: alteris cædes bonorum, Urbis, Italiaeq; partitio. Veniamus aliquando ad clausulam. LEGATOS VENIRE NON CREDO. bene me nouit.

KKK



PHILIPPICA

BELLVM QVO VENIAT. proposito præ-  
sertim exemplo Dolobellæ, sanctiores erunt credo iure  
Legati: quàm duo consules: contra quos arma feri: quàm  
Cæsar: cuius patris Flamen est: quàm Cons. designatus:  
quem oppugnat: quàm Mutina: quam obsidet: q̄ patria:  
cui igni ferroq̄; minitatur. CVM VENERINT:  
QV AE POSTVLANT, COGNOSCAM.  
Quin tu abis in malam pestem, malumq̄; cruciatum.  
ad te quisquam ueniat nisi Ventidij similis: oriens incen-  
dium qui restinguerent: summos uiros misimus. repu-  
diasti. nunc in tantam flammam tamq̄; inueteratam  
mittamus? cum locum tibi relictum non modo ad pa-  
cem, sed ne ad deditionem q̄dem feceris. Hanc ego epi-  
stolam P. C. non quo illum dignum putarem: recitavi:  
sed ut confessionibus ipsius omnia patefacta eius parrici-  
dia uideretis. Cum hoc pacem M. Lepidus uir ornatiss-  
simus omnibus & fortunæ, & uirtutis bonis, si hæc ui-  
deret: deniq̄; aut uellet: aut fieri posse arbitraretur? pri-  
us undas flammamq̄; ut ait Poeta nescioquis: prius de-  
niq̄; omnia: quàm aut cum Antonijs Resp. aut cum Re-  
pub. Antoni redeant in gratiam. Monstra quædam  
sunt ista, & portenta, & prodigia Reipublicæ. moueri  
sedibus huic urbi melius est: atq̄; in alias, si fieri possit:  
terras demigrare: unde Antoniorum nec facta, nec no-  
men audiat: quàm illos Cæsar's uirtute eiectos, Bruti re-  
tentos, intra hæc mœnia uidere. Optatissimum est uince-  
re. secundum est nullum casum pro dignitate, & liber-  
tate patriæ non ferendum putare. quod reliquum est,  
non est tertium, sed postremum omnium. maximam tur-  
pitudinem suscipere uitæ cupiditate. Quæ cum ita sint:  
de mandatis literisq̄; M. Lepidi uiri clarissimi, Seruilio



assentior: & hoc amplius censeo: Magnum Pompeium  
 Cn. F. pro patris, maiorumq; suorum animo, studioq;  
 in Remp. suaq; pristina uirtute, industria, uoluntate, se-  
 cisse: quod suam eorumq; quos secum haberet: operam  
 Senatui populoq; ro. pollicatus esset: eamq; rem, S. P. q;  
 R. gratam acceptamq; esse: eiq; honori dignitatq; eam  
 rem fore. Hoc uel coniungi cum hoc senatus consulto li-  
 cet: uel seiungi potest: separatumq; perscribi: ut proprio  
 Senatus consulto Pompeius collaudatus esse uideatur.



IN M. ANTONIVM PHILIP-  
PICA DECIMAQVARTA.

ORATIO LVII.

I, ut ex literis, quæ recitatæ sunt P.C.  
sceleratorum hostium exercitum cæsum  
fusumq; cognoui: sic id, quod & omnes  
maxime optamus: & ex ea victoria,  
quæ parta est: consecutum arbitramur:  
D.Brutum egressum iam Mutina esse si cognovissem:  
propter cuius periculum ad saga issemus: propter eiusdē  
salutem redeundum ad pristinum uestitum sine ulla du-  
bitatione censerem. ante uero quàm ea res, quam aui-  
dissime ciuitas expectat: allata sit: læticiæ risus satis est  
maximæ præclarissimæq; pugnæ: reditum ad uestitum  
confectæ uictoriæ reſeruate. confectio autem huius belli  
est D.Bruti salus. Quæ autem est ista sententia? ut in  
hodiernum diem uestitus mutetur? deinde cras sagati  
prodeamus? nos uero cum semel ad eum, quē cupimus,  
optamusq; uestitum redierimus: id agamus, ut eum in  
perpetuum retineamus. nam hoc quidem cum turpe  
est: tum ne dijs quidem immortalibus gratum: ab eo-  
rundem aris, ad quas togati adierimus: ad saga sumen-  
da discedere. Atq; animaduerto P.C. quosdam huic fa-  
uere sententiæ: quorum ea mens, idq; consilium est: ut  
cum uideant illum gloriosissimum D. Bruto futurum  
diem: quo die propter eius salutem redierimus ad ue-  
stitum: hūc tantum ei fructum eripere cupiant: ne memo-  
riæ posteritatiq; prodatur, propter unius cuius periculū  
populum Ro. ad saga iuisse: propter eiusdem salutem re-

disse  
causa  
ritate  
moria  
uiri fo  
ad D.  
uitatis:  
Mutina  
cōsules  
beallia  
confir  
postibus  
profectus  
dolorem a  
Pansa eg  
randus, se  
num, no  
tatis uoc  
lus Ro. f  
ſat: ut ea  
ſitati uic  
bemus P.  
ſpei fructu  
deorum in  
puiſſe, aut  
Sed quonia  
hac re ſen  
le & a p  
literas per  
legionum,  
tius duoru



disse ad togas. tollite hanc: nullam tam prauæ sententiæ causam reperietis. Vos uero P. C. conseruate auctoritatem uestram: manete in sententia: tenete uestra memoria quod sæpe ostendistis: huius totius belli in unius uiri fortissimæ & maximæ uita positum esse discrimen. ad D. Brutum liberandum Legati missi principes ciuitatis: qui illi hosti ac parriciæ denunciarent, ut à Mutina discederet: eiusdem D. Bruti conseruandi gratia cōsules sortiti: ad bellū profectus A. Hircius: cuius imbecillitatem ualitudinis animi uirtus & spes uictoriæ confirmauit: Cæsar, cum exercitu comparato à primis pestibus Remp. liberasset: nequid postea sceleris oriretur, profectus est ad eundem Brutum liberandum: uicisq; dolorem aliquem domesticum patriæ caritate. quid C. Pansa egit aliud delectibus habendis, pecunijs comparandis, senatus consultis faciendis grauissimis in Antonium, nobis cohortandis, populo Ro. ad causam libertatis uocando, nisi ut D. Brutum liberaret: à quo populus Ro. frequens ita salutem D. Bruti una uoce depoposcit: ut eam non solum commodis suis, sed etiam necessitati uictus antefereat. quod sperare nos quidem debemus P. C. aut inibi esse: aut iam esse confectum: & spei fructum rei conuenit, & euentui reseruari: ne aut deorum immortalium beneficium festinatione præripuisse, aut uim fortunæ stulticia contempsisse uideamur. Sed quoniam significatio uestra satis declarat, quid de hac re sentiatis: ad literas ueniam: quæ sunt à Consule & à propretore missæ: si pauca ante, quæ ad ipsas literas pertineāt, dixerō. Imbuti sanguine gladij P. C. legionum, exercituumq; nostrorum, uel madefacti potius duorum consulum, tertio Cæsaris præsidio. si hostiū



PHILIPPICA

fuit ille sanguis: summa militum pietas. nefarium scelus  
 si cuium. quousq; igitur is, qui omnes hostes scelere supe-  
 ravit: nomine hostis carebit? nisi mucrones etiam no-  
 strorum militum tremere multis: & dubitare utrum  
 in aue, an in hoste figantur. Supplicationem decernitis:  
 hostem non appellatis. gratæ uero nostræ dijs immor-  
 talibus gratulationes erunt: gratæ uictimæ: cum inter-  
 fecta sit cuium multitudo? de improbis inquit & au-  
 dacibus. nam sic eos appellat clarissimus uir. quæ sunt  
 urbanarum maledicta litium non iniusta. euelli, inter-  
 \* nekti nota. testamenta credo subiiciunt: aut eijciunt ui-  
 cinos: aut adolescentulos circumscribunt. his enim uicijs  
 affectos, & talibus, malos & audaces appellare con-  
 suetudo solet. bellum inexpiabile infert quatuor consu-  
 libus unus omnium latronum teterrimus: gerit idem  
 bellum cum Senatu populoq; romano: omnibus, quan-  
 quam ruit ipse suis cladibus: pestem, uastitatem, crucia-  
 tum, tormenta denunciat: Dolobellæ ferum et immane  
 facinus, quod nulla barbaries posset ignoscere: id deo-  
 rum consilio factum esse testatur: quæq; esset factururus  
 in hac urbe, nisi eum hinc ipse Iupiter ab his moeni-  
 bus repulisset: declarauit in Parmensiū calamitate, quos  
 optimos uiros, honestissimosq; homines maxime cum au-  
 thoritate huius ordinis, populiq; Ro. dignitate coniun-  
 ctos, crudelissime interfecit: præludium illud, & por-  
 tentum L. Antonius, insigne odium omnium homi-  
 num, uel, si etiam dij oderint, quos oportet: omnium  
 deorū. refugit animus P. C. eaq; formidat dicere: quæ  
 L. Antonius in Parmensium liberis, et coniugibus effe-  
 rit. quas enim turpitudines Antoni libenter cum dede-  
 core subierunt: easdem per uim latantur alijs se intu-

lisse  
 do f  
 quif  
 lere  
 qua  
 parm  
 ceter  
 tandu  
 tation  
 ille a  
 iam p  
 diuif  
 hoc bnd  
 tra mæ  
 patis. qu  
 fietur qu  
 Iam au  
 fugam a  
 appella  
 libenter  
 re non  
 literis, q  
 liusq; de  
 fertim cu  
 de. Sed h  
 eos: quon  
 culis fer  
 nigranti h  
 tor appe  
 nullus? Q  
 ait, deat



lisse. Sed uis calamitosa est: quam illis intulerunt: libi-  
do flagitiosa: qua Antoniorum oblita est uita. Est igitur  
quisquam qui hostes appellare non audeat: quorum sce-  
lere crudelitatem constat Carthaginensium uictam esse?  
qua enim in urbe tam immanis Annibal capta? q̄ in  
parma surrepta Antonius? nisi forte huius Coloniae, &  
cæterarum, in quas eodem est animo: non est hostis pu-  
tandus. Si uero coloniarū et municipiorū sine ulla dubi-  
tatione hostis est: qd tandem huius censetis urbis? quam  
ille ad expiandas egestates Latrocinij sui concupivit: q̄  
iam peritus metator & callidus decempeda sua Saxa  
diuiserat. Recordamini per deos immortales P. C. quid  
hoc biduo timuerimus, a domesticis hostibus, idest qui in  
tra mœnia hostes sunt, rumoribus improbissimis dissi-  
patis. quis liberos, quis coniugem aspicere poterat sine  
fletu? quis domum? quis tecta? quis larem familiarem?  
Iam aut fœdissimam mortem omnes, aut miserabilem  
fugam cogitabant. hæc a quibus timebantur: eos hostes  
appellare dubitamus? grauius si quis attulerit nomen:  
libenter assentiar: hoc uulgari contentus uix sum: leuio-  
re non utar. Itaq; cum supplicationes iustissimas ex his  
literis, quæ recitatae sunt: decernere debeamus: Serui-  
liusq; decreuerit: augebo omnino numerū dierum. præ-  
sertim cum non uni, sed tribus duabus sint decernen-  
da. Sed hoc primum faciam: ut imperatores appellem  
eos: quorum uirtute, & consilij felicitate maximis perī-  
culis seruitutis, atq; interitus liberati sumus. Etenim cū  
uiginti his annis supplicatio decreta est: ut non Impera-  
tor appellaretur: aut minimis rebus gestis, aut plerunq;  
nullis? Quamobrem aut supplicatio ab eo, qui ante di-  
xit, decernenda non fuit: aut usitatus honos, per uulga-



PHILIPPICA

tusq; tribuendus his, quibus etiam noui & singulares debentur. At si quis Hispanorum, aut Gallorum, aut Thracum mille, aut duo milia occidisset: nō eum hac cōsuetudine, quæ increbuit: imperatorem appellaret Senatus. tot legionibus cæsis, tanta multitudine hostium interfecta (dico inquam hostium: quamuis hoc isti hostes domesticæ nolint) clarissimus duabus supplicationis honorem tribuimus. Imperatorum nomen adimemus? quanto enim honore, læticia, gratulatione in hoc templum ingredi debent illi ipsi huius urbis liberatores: cum hesterno die propter eorum res gestas me orantem & propè triumphantem populus Ro. in Capitolium domo tulerit. domum inde reduxerit? Is demum est mea quidem sententia iustus triūphus, ac uerus: cum bene de Rep. meritis testimonium à consensu ciuitatis datur. nam siue in communi gaudio populi romani uni gratulabantur: magnum iudicium: siue gratias agebant: eo maius: siue utrunq; nihil magnificentius ex cogitari potest. tu igitur de te, dixerit quispiam. & quidem inuitus. sed iniuriæ dolore aio me præter consuetudinem gloriosum. nonne satis est ab hominibus uirtutis ignarus gratiam bene merentibus non referri? etiā ne eos, qui omnes suas curas in Reip. salute desigunt? Scitis enim per hos dies creberrimum fuisse sermonem: me per Idus quintiles, qui dies hodie est: cum fascibus descensurum. aliquem nō  
 \* Imperatorem habituri erimus? crimen inuidia quaeretur? Credo hoc in gladiatorem, aut latronem, aut Catilinam esse consultum: non in eum, qui ne quid tale in Rep. fieri possit: effecerit. an ut ego qui Catilinam hæc molientem sustulerim: euerterim: affixerim: ipse extiterim repente Catilina? quibus auspicijs istos fascēs

augu  
 quat  
 finge  
 suspic  
 uel q  
 ticia a  
 illam  
 cem, co  
 nostra  
 fha, q  
 turum  
 ret, &  
 dissipau  
 cum effe  
 ductorum  
 ex quo c  
 res patet  
 ius sceler  
 pl. meo  
 inde d  
 lorem  
 maxima  
 concione  
 miliarit  
 cuncta co  
 Rep. nisi  
 nem duc  
 tere uer  
 inuidia l  
 tulatione  
 pro me d



augur acciperem? quatenus haberem? cui traderem?  
 quanquam opinor nec fuisse tam sceleratum: qui hoc  
 fingeret: nec tam furiosum qui crederet. unde igitur ista  
 suspicio? uel potius iste sermo? cum, ut scitis, hoc triduo  
 uel quadriduo tristes à Mutina fama manaret: inflati læ  
 ticia atq; insolentia impij ciues unum se in locum, ad  
 illam Curiam uiribus potius suis, quàm Reip. infeli-  
 cem, congregabant. ibi cum consilium inirent de cæde  
 nostra: partirenturq; inter se, qui Capitolium, qui ho-  
 stia, qui Urbis portas occuparent: ad me concursum fu-  
 turum Ciuitatis putabant. quod, ut inuidia mea fie-  
 ret, & cum uitæ etiam periculo: famam istam fasciũ  
 dissipauerunt: fasces ipsi ad me delaturi fuerunt. quod  
 cum esset quasi mea uoluntate factum: tum impetus con-  
 ductorum hominum, quasi in Tyrannum parabatur.  
 ex quo cædes esset uestrum omnium consecuta. Quæ  
 res patefecit P. conscripti: quod suo tempore totiusq; hu-  
 ius sceleris fons aperietur. Itaq; P. Apuleius Tribunus  
 pl. meorum omnium consiliorum periculorumq; iam  
 inde à consulatu meo testis, conscius, & adiutor, do-  
 lorem ferre non potuit. doloris mei concionem habuit  
 maximam populo Ro. unum atq; idem sentiente. In qua  
 concione cum me pro summa, nostra coniunctione & fa-  
 miliaritate liberare suspicione fascium uellet: una uoce  
 cuncta concio declarauit: nihil esse à me unquam de  
 Rep. nisi optime cogitatum. Post hanc habitam concio-  
 nem duabus tribus'ue horis optatissim nuncij & lit-  
 teræ uenerunt: ut idem dies non modo me iniquissima  
 inuidia liberaret: sed etiam celeberrima populi Ro. gra-  
 tulatione auxerit. Hæc interposui P. C. non tam ut  
 pro me dixerim (male enim mecum ageretur: si parum



PHILIPPICA

uobis essem sine defensione purgatus) quàm ut quosdā  
nimis ieiuno animo, & angusto monerem: id quod ego  
semper fecissem: uti excellentium Cuium uirtutem imita-  
tione dignam, non inuidia putarent. Magnus est in  
Rep. campus: ut sapienter dicere solebat Crassus: mul-  
tis apertus cursus ad laudem. utinam quidem illi prin-  
cipes uiuerent: qui me post meum consulatum, cum his ip-  
se cederem: principem non inuiti uidebant. hoc uero  
tempore in tanta inopia constantium, & fortium con-  
sularium, quo me dolore affici creditis? cum alios male  
sentire, alios nihil omnino curare uideam: alios parum  
constanter in suscepta causa permanere: sententiamq;  
suam non semper utilitate Reip. sed cum spe, tum timo-  
re moderari. Quod si quis de contentione principatus  
laborat: quæ nulla esse debet: stultissime facit, si uicij  
cum uirtute contendit. ut enim cursu cursus, sic in uiris  
fortibus uirtus uirtute superatur. tu si ego de Repub. op-  
time sentiam: ut me uincas: ipse pessime senties? aut si  
ad me bonorum concursus fieri uidebis: ad te impro-  
bos inuitabis? nollem, primum Reip. causa: deinde etiā  
dignitatis tuæ. sed si principatus ageretur: quem nunquā  
expetui: quid tandem mihi esset optatius? ego enim malis  
sententijs uinci non possum: bonis forsitan possum, & li-  
beter. Hæc populum Ro. uidere: animaduvertere: iudica-  
re: quidam moleste ferunt. poterat ne fieri, ut non per in-  
de homines quoq; ut quisq; mereretur iudicarent? ut  
enim de uniuerso Senatu populus Ro. uerissime iudicat:  
nullis Reip. temporibus hunc ordinem firmiorem, atq;  
fortiorem fuisse: sic de unoquoq; nostrum, & maxima  
qui hoc loco sententias dicimus: sciscitantur omnes: auens  
audire quid quisq; senserit: ita de unoquoq; ut queneq;

mer  
ante  
liber  
glia  
nocti  
ris, m  
essent  
a Ca  
illum  
pore  
feræ  
pl. no  
mas f  
sentim  
iam pri  
tum va  
licar: u  
bis no  
hostem  
tentia  
quod  
C. Pan  
honore  
supplic  
stes indi  
decretu  
stulata  
in urbe  
dit: su  
in se con  
uictor



meritum arbitrantur: existimant. memoria tenent, me ante diem XIII Cal. Ian. principem reuocandæ libertatis fuisse: me ex Cal. Ian. ad hanc horam uigilasse Reipublicæ: meam domum, measq; aures dies & noctes omnium præceptis monitisq; patuisse: meis literis, meis nuncijs, meisq; cohortationibus omnes, qui ubiq; essent: ad patriæ præsidium excitatos: meis sententijs a Cal. Ian. nunquam legatos ad Antonium: semper illum hostem: semper hoc bellum: ut ego, qui omni tempore ueræ pacis author fuissem: huic essem nomini pestiferæ pacis inimicus. Idem Vētidium, cum alij tribunū Pl. uoluissent: num ego semper hostem? In has sententias meas si consules designati discessionem facere uoluissent: omnibus istis laironibus autoritate ipsa Senatus iam pridem de manibus arma cecidissent. Sed quod tum non licuit P. conscripti: id hoc tempore non solum licet: uerum etiam necesse est: eos, qui re sunt hostes: uerbis notari: sententijs nostris hostes iudicari. antea cum hostem aut bellum nominassem: semel, & sæpius, sententiam meam de numero sententiarum sustulerunt. quod in hac causa iam fieri non potest. ex literis enim C. Pansæ, A. Hircij consulū, C. Cæsaris proprætoris, de honore djs immortalibus habendo sententias diximus. supplicationem modo qui decreuit: idem imprudens hostes iudicauit. nunquam enim in Ciuili bello supplicatio decreta est. decretam dico? ne uictoris quidem literis postulata est. Ciuile bellum Consul Sylla gessit: legionibus in urbem adductis quos uoluit expulit: quos potuit, occidit: supplicationis mentio nulla. graue bellum Octauij insecutum est: supplicatio Cinnae nulla uictoris. Cinnae uictoriâ Imperator ultus est Sylla. nulla supplicatio de-



# PHILIPPICA

creta a' Senatu. ad te ipsum P. Seruiliū misit ulla Col-  
 lega literas de illa calamitosa pugna pharsaliæ? num  
 te de supplicatione uoluit referre? profecto noluit. at mi-  
 sit postea de Alexandria, de Pharnace: Pharsalica uero  
 pugne ne triumphū quidem egit. eos enim ciues pugna  
 illa sustulerat: quibus non modo uictoribus, sed etiam ui-  
 uis, & incolumis, & florens Ciuitas esse posset. quod  
 idē contigerat superioribus bellis Ciuilibus. nam mihi  
 Consuli supplicatio nullis armis sumptis, non ob cædem  
 hostium, sed ob conseruationem ciuium, nouo, & inau-  
 dito genere decreta est. Quamobrem aut supplicatio ob  
 rempub. pulcherrime gestam postulantibus uestris Im-  
 peratoribus publice deneganda est: quod præter Gabi-  
 nium contigit nemini: aut supplicatione decreta, hostes  
 eos, de quibus decernitis, indicetis necesse est. quod ergo il-  
 li re, ego etiam uerbo: cum imperatores eos appello. hoc  
 ipso nomine qui etiam deuicti sunt, & eos qui super-  
 sunt, hostes iudico: cum uictores appello Imperatores.  
 Quomodo enim potius Pansa appellem? & si habet  
 honoris nomen amplissimū? quo Hircaum? est ille qui-  
 dem consul: sed alterū nomen beneficij est populi roma-  
 ni: alterū uirtutis atq; uictoriæ. quid Cæsarem deorum  
 beneficio Reip. procreatum: dubitem ne appellare Impe-  
 ratorē? qui primus Antoniū immanem & fœdam cru-  
 delitatem non solum a' iugulis nostris, sed etiā a' mem-  
 bris, & uisceribus auertit. Vnius autem diei quot &  
 quantæ uirtutes dū immortales fuerunt? Princeps enim  
 omnium Pansa prælij faciendi, & cum Antonio consti-  
 gendi fuit: dignus Imperator legione Martia: digna le-  
 gio Imperatore. cuius si acerrimum impetum cohibere  
 Pansa potuisset: uno prælio confecta res esset. Sed cum li-



bertatis auida legio effrenatus in aciem hostium irru-  
pisset: ipseq; in primis p̄sa pugnaret: duobus periculo-  
sis uulneribus acceptis sublatus ē praelio Reip. uitam re-  
seruauit. Ego uero hunc non solum Imperatorem, sed  
etiam clarissimum Imperatorem iudico: qui cum aut  
morte, aut uictoria se satis facturum Reip. spopondis-  
set: alterum fecit: alterius dī immortales omen auer-  
tant. Quid dicam de Hircio? qui re audita ē castris du-  
as legiones eduxit incredibili studio atq; uirtute, quar-  
tam illā, quæ relicto Antonio se olim cum Martia legio-  
ne coniunxit: & septimam, quæ constituta ex ueteranis  
docuit hoc praelio militibus, his qui Cæsaris beneficia  
seruassent, Senatus Populiq; Ro. carum nomen esse. his  
uiginti cohortibus nullo equitatu Hircius ipse aquilam  
quartæ legionis cum inferret: quam ullius puchriorem  
speciem Imperatoris accepinus? cum tribus Antoni le-  
gionibus equitatuq; conflixit: hostesq; nefarios, huic Ioui  
Maximo, cæterisq; deorum immortalium templis, ur-  
bis tectis, libertati populi romani, nostræ uitæ, sanguiniq;  
imminentes prostrauit: sudit: occidit: ut cum admodum  
paucis nocte tectus metu perterritus princeps latronum,  
duxq; fugerit. O' solem ipsum beatissimum: qui anteq̃  
se abderet, stratis cadaueribus parricidarum, cum pau-  
cis fugientem uidit Antonium. An uero quisquam du-  
bitabit appellare Cæsarem Imperatorem? ætas eius  
certe ab hac sententia neminem deterrebit: quandoqui-  
dem uirtute superauit ætatem. Ac mihi semper eo ma-  
iora beneficia Cæsaris uisa sunt: quo minus erant ab  
ætate illa postulanda. cui cum Imperium dabamus:  
eodem tempore et spem eius nominis deferebamus: quod  
cum est secutus authoritatem nostri decreti, rebus gestis



# PHILIPPICA

suis comprobauit. Hic ergo adolescens maximè animi, ue-  
 nerissime scribit Hircus, castra multarum legionū paucis  
 cohortibus tutatus est: secundumq; præliū fecit. Ita triū  
 Imperatorum populi Ro. uirtute, consilio, felicitate,  
 uno die locis pluribus Resp. est conseruata. decerno igitur  
 eorum trium nomine L dierū supplicationes. quas  
 ut honorificentissimis uerbis ipse consequi potero: com-  
 plectar ipsa sententia. Est autem fidei pietatisq; no-  
 stræ, declarare fortissimis militibus, q̄ memores simus:  
 quanq; grati. quamobrem promissa nostra, atq; ea, quæ  
 legionibus bello confecto tributuros nos spopondimus:  
 hodierno Senatus consulto renouanda censeo. æquum  
 est enim militum, talium præsertim, honorem coniungi.  
 Atq; utinam P. C. ciuibus omnibus soluere nobis præ-  
 mia liceret. quanquam ea, quæ nos promissimus, stu-  
 diose, quāquam multa, reddemus. sed id quidem restat,  
 ut spero, uictoribus: quibus Senatus fides præstatur: quā-  
 cum difficillimo Reip. tempore secuti sunt: eos nunquam  
 oportebit consilij sui poenitere. sed facile est bene agere  
 cum his: a quibus etiam tacentibus flagitari uideamur.  
 illud admirabilius, & maius, maximeq; proprium Se-  
 natus sapientis est: grata eorū uirtutē memoria prosequi:  
 qui pro patria uitam profuderunt. quorum de hono-  
 re utinam mihi plura in mentem uenirent. duo certe nō  
 præteribo: quæ maxime occurrunt. quorum alterum per-  
 tinet ad uirorum fortissimorum gloriam sempiternam.  
 alterum ad leniendum mœrorem, & luctum proximo-  
 rum. Placet igitur mihi P. C. legionis Martiæ militibus,  
 & eis, qui una pugnantes occiderunt: monumentum fie-  
 ri quā amplissimum. magna atq; incredibilia sunt in  
 Remp. huius merita legionis. hæc se prima latrocinio



abruptit Antony: hæc tenuit Albam: hæc se ad Cæsare  
 contulit: hanc imitata quarta legio parem uirtutis glo-  
 riam consecuta est. quarta uictrix desiderat neminem.  
 ex Martia nonnulli in ipsa uictoria considerunt. O' for-  
 tunata mors: quæ naturæ debita pro patria est potissi-  
 mum reddita. Vos uero patriæ natos iudico: quorum  
 etiam nomen a Marte est: ut idem deus Urbem hanc  
 gentibus, uos huic urbi genuisse uideatur. In fuga foeda  
 mors: in uictoria gloriosa. etenim mars ipse ex acie fortis-  
 simum quenq; pignerari solet. Illi igitur impij, quos ce-  
 cidistis, etiam ad inferos poenas parricidij luunt. uos ue-  
 ro, qui extremum spiritum in uictoria effudistis: piorum  
 estis sedem, & locum consecuti. breuis autem uobis uita  
 data est: at memoria bene redditæ uitæ sempiterna. quæ  
 si non esset longior, quàm hæc uita: quis esse tam amens?  
 qui maximus laboribus & periculis ad summam lau-  
 dem gloriamq; contenderet? actū igitur præclare uobi  
 scum fortissimi dum uixistis, nunc uero etiam sanctissi-  
 mi milites: quod uestra uirtus nec obliuione eorum qui  
 sunt, nec reticētia posterorum insepulta esse poterit: cū  
 uobis immortale monumentū suis penè manibus Sena-  
 tus populusq; R. extruxerit. multi sæpe exercitus Puni-  
 cis, Gallias, Italicis bellis clari, et magni fuerūt: nec tamē  
 ullis tale genus honoris tributū est. atq; utinam maiora  
 possemus: quandoquidem a uobis maxima accepimus.  
 uos ab Vrbe furentem Antonium auertistis: uos redire  
 molientem repulistis. erit igitur extructa moles opere  
 magnifico: incisæq; literæ diuinæ uirtutis testes sempi-  
 ternæ: nunquamq; de uobis eorum, qui aut uidebunt ue-  
 strum monumentum, aut audient, gratissimus sermo  
 conticescet. ita pro mortali conditione uitæ, immortali-



PHILIPPICA

tatem estis consecuti. Sed quoniam P. C. gloriæ munus  
 optimis & fortissimis Ciuibus monumenti honore per-  
 soluitur: consolemur eorum proximos: quibus optima  
 est hæc quidem consolatio: parentibus, quod tanta Reip.  
 præsidia genuerunt: liberis, quod habebunt domestica  
 exempla uirtutis: coniugibus, quod his uiris carebunt:  
 quos laudare, quàm lugere præstabit: fratribus, quod  
 in se, ut corporum, sic uirtutum similitudinem esse confi-  
 dent. Atq; utinam his omnibus abstergere fletum sen-  
 tentis nostris, consultisq; possemus: uel aliqua talis his  
 adhiberi publice posset oratio: qua deponerent mæro-  
 rem, atq; luctum: gauderētq; potius, cum multa et uaria  
 impenderent hominibus genera mortis: id genus, quod  
 est pulcherrimum: suis obtigisse: eosq; nec inhumatos eē:  
 nec desertos: quod tamen ipsum pro patria non miserā  
 dum putatur: nec dispersis bustis humili sepultura cre-  
 matos. sed coniectos publicas operibus, atq; muneribus,  
 eaq; extructione, quæ sit ad memoriam æternitatis ara  
 uirtutis. Quamobrem quidem maximum solatium  
 erit propinquorū, eodem monumento declarari et uirtu-  
 tem suorum, & ætatem, & Senatus fidem, & crudelis-  
 simi memoriam belli. in quo nisi tanta militum uirtus ex-  
 titisset: parricidio M. Antonij nomen populi Ro. occidisset.  
 Atq; etiam censeo P. C. quæ præmia militibus prom-  
 simus nos Rep. recuperata tributuros: ea uiuis uictori-  
 busq; cumulate, cum tempus uenerit, persoluenda. qui  
 autem ex his, quibus illa promissa sunt: pro patria occi-  
 derunt: eorum parentibus, liberis, coniugibus, fratri-  
 bus, tribuenda censeo. Sed ut aliquando sententia com-  
 plectar: ita censeo. Cum C. Pansa Cons. Imp. initium  
 cum hostibus conflegendi fecerit: quo prælio legio Mar-  
 tia admirabili,



cia admirabili, incredibiliq; uirtute libertatem populi  
 Ro. defenderit: quod idem legiones tyronum fecerint: ip  
 seq; C. Pansa Cons. Imp. cum inter media hostium te  
 la uersaretur: uulnera acceperit: cumq; A. Hircius Cōs.  
 Imp. praelio audito, et cognito, fortissimo, praestantissi  
 moq; animo exercitum castris eduxerit: impetumq; in  
 M. Antonium, exercitumq; hostium fecerit: eiusq; copias  
 occasione occiderit, suo exercitu ita incolumi, ut ne unum  
 quidem militem desiderauerit: cumq; C. Caesar Imp.  
 cōsilio diligētiaq; sua castra feliciter defenderit: copiasq;  
 hostium, quae ad castra acceperant: profligarit: occi  
 derit: ob eas res Senatum existimare, et iudicare, eorū  
 erium Imperatorum uirtute, imperio, consilio, graui  
 tate, constantia, magnitudine animi, felicitate populū ro  
 foedissima crudelissimaq; seruitute liberatū: cumq; rē  
 publicam, urbem, templa deorum immortalium, bona,  
 fortunasq; omnium, liberosq; conseruari in dimicatione,  
 et periculo uitae suae: ut ob eas res bene, fortiter, fe  
 liciterq; gestas, C. Pansa, A. Hircius Cōs. imperatores  
 alter ambo ue, aut si aberint, M. Cornutus Pr. urbanus  
 supplicationes p dies L ad omnia puluinaria cōstituāt:  
 cumq; uirtus legionum digna clarissimis imperatori  
 bus extiterit: Senatum, quae sit antea pollicitus legioni  
 bus, exercitibusq; nostris: ea summo studio Rep. recupe  
 rata resoluturum: cumq; legio Martia princeps cum ho  
 stibus conflixerit: atq; ita cum maiore numero hostium  
 contenderit: complurimos caderent: caperent nonnul  
 los: cumq; sine ulla necessitate pro patria uitam profu  
 derint: cumq; simili uirtute reliquarum legionum mi  
 lites pro salute et libertate populi Ro. mortem oppeti  
 uerint: Senatu placere, ut C. Pansa, A. Hircius cōsules,



PHILIPPICA DECIMAQVARTA.


imperatores, alter ambo'ue, si his uideatur, his q sanguinem pro uita, libertate, fortunisq; populi Ro. pro urbe, templisq; deorum immortalium profudissent: monumentum quam amplissimum locandum, faciendumq; urbem ad eam rem pecuniam dare, contribuere, soluere iubeant: ut extet ad memoriam posteritatis sempiterna, ad scelus crudelissimorum hostium, militumq; diuinam uirtutem: utq; quae praemia Senatus militibus ante constituit: ea soluantur eorum, qui hoc bello pro patria occiderunt: parentibus, liberis, coniugibus, fratribus: eaq; fratribus tribuantur, quae militibus ipsis tribui oporteret: si illi uicissent: qui morte uicerunt.



266

LLL 4











media  
rem, q  
bus an  
tst de  
urbe m  
Italia to  
ad serui  
rum de  
sanctissim  
renuiscen  
natus nubi  
etiam paul  
be: quam p  
tate uidere  
litta estiam  
feritatis me  
dam. atq; ita  
mibi defui  
doloris est  
et absentis  
quin, quon  
sum. siquid



M. T. CICERONIS AD OCTAVI-  
VM EPISTOLA.

I per tuas legiones mihi licitum fuisset,  
quæ nomini meo, populoq; ro. sunt ini-  
micissimæ: venire in Senatum: coramq;  
de rep. disputare: fecissem: neq; tam li-  
benter, quàm necessario. nulla enim re-  
media, quæ vulneribus adhibentur, tam faciunt dolo-  
rem, quàm quæ sunt salutaria. Sed, quoniam cohorti-  
bus armatis circumseptus Senatus, nihil aliud uere po-  
test decernere, nisi timere: in Capitolio signa sunt: in  
urbe milites uagantur: in Campo castra ponuntur: &  
Italia tota legionibus ad libertatem nostrâ conscriptis,  
ad seruitutem adductis, equitatuq; exterarum natio-  
num detinetur: cedam tibi in præsentia foro, curia, &  
sanctissimis deorum immortalium templis: in quibus  
reuiuifcente iam libertate, deinde rursus oppressa, Se-  
natus nihil consulitur: timet multa: assentitur omnia: post  
etiam paulo, temporibus ita postulantibus, cedam ur-  
be: quam per me conseruatam, ut esset libera, in serui-  
tute uidere non potero: cedam uita: quæ quanquam sol-  
licita est: tamen si profutura est reipublicæ: bona spe po-  
steritatis me consolatur. qua sublata nō dubitanter occi-  
dam. atq; ita cedam: ut fortuna, iudicio meo, non animus  
mihi defuisse uideatur. illud uero, quod & præsentis  
doloris est indicium, et præteritæ iniuriæ testimonium,  
& absentium sensus significatio: non prætermittam:  
quin, quoniam coram id facere prohibeor: absens pro-  
xim. siquidem mea salus, aut utilis reip. est: aut coniu-

LLL iiij



# EPISTOLA AD

esta certe publicæ salutis. nam per Deum immortalium  
 fidem (nisi forte frustra eos appello, quorum auris, atq;  
 animus à nobis abhorret) perq; fortunam populi ro-  
 mani: quæ quanquam nobis infesta est: fuit aliquando  
 propitia: & ut spero, futura est: quis tam expers hu-  
 manitatis? quis huius urbis nomini, ac sedibus usque-  
 adeo est inimicus? ut ista aut dissimulare possit? aut  
 non dolere? aut, si nulla ratione publicis incommodis me-  
 deri queat: non morte proprium periculum vitet? nam,  
 ut ordiar ab initio: & perducam ad extremum: et no-  
 vissima conferam primis: quæ non posterior dies acer-  
 bior priore, & quæ non insequens hora antecedente ca-  
 lamitosior populo Romano illuxit? M. Antonius uir  
 animi maximi (utinam etiam sapientis consilij fuisset) C.  
 Cæsare fortissime, sed parum feliciter à reip. domina-  
 tione semoto, concupierat magis regnum, quàm libera  
 ciuitas pati poterat, principatum: publicam dilapidabat  
 pecuniam: Aerarium exhauriebat: minuebat uestigia:  
 donabat ciuitates ex commentario: Dictaturam ge-  
 rebat: leges imponebat: prohibebat Dictatorem creari le-  
 gibus: senatus consultis ipse repugnabat in senatu: pro-  
 uincias unus omnes concupierat. cui sordebat Mace-  
 donia Prouincia: quam uictor sibi sumpserat Cæsar:  
 quid de hoc sperare, aut expectare nos oportebat? exti-  
 tisti tu uindex nostræ libertatis, ut tunc quidem opti-  
 mus: quod utinam neq; nostra nos opinio, neq; tua fides  
 fefellisset: & ueteranis in unum conductis, & duabus  
 legionibus à perniciæ patriæ ad salutem auocatis, su-  
 bito propè iam affectam, ac prostratam remp. tuis opi-  
 bus extulisti. quæ tibi, non antequam postulares, ma-  
 iora quàm uelles, plura quàm sperares, detulit Senatus



dedit fasces: ut cum auctoritate defensorem haberet: nō  
ut imperio se aduersum armaret: appellauit Impera-  
torem, hostium exercitu pulso tribuens honorem: non,  
ut sua cæde cæsus ille fugiens exercitus te nominaret  
Imperatorem: decreuit in foro statuam: locum in Sena-  
tu: summum honorem ante tempus. si quid aliud est, quod  
dari possit, addat. quid aliud est maius, quod uelis su-  
mere? Sin autem supra ætatem, supra consuetudinem,  
supra etiam mortalitatem tuam tibi sunt omnia tribu-  
ta: cur, aut ingratus crudeliter, aut immemor benefi-  
cij sui scelerate circūscribis Senatum? quo te misimus?  
à quibus reuerteris? contra quos armauimus? quibus  
arma cogitas inferre? à quibus exercitum abducis? &  
aduersus quos aciem struis? cur hostis relinquitur? cuius  
hostis loco ponitur? cur castra medio itinere longius ad-  
uersariorum castris, et propius urbem mouetur? O' me  
nunquam sapientem, & aliquando id, quod non erat  
frustra existimatum. quantum te popule Romane de me  
fefellit opinio. O' meam calamitosam, ac præcipitem se-  
nectutem: O' turpē exacta, dementiq; ætate canitiem.  
Ego patres conscriptos ad parricidiū induxi: ego remp-  
felli: ego ipse Senatum sibi manus afferre coegi: cum  
te Iunonium puerum, & matris tuæ partum aureum  
esse dixi. at te fata patriæ Paridem futurum prædica-  
bant: qui uastares Urbem incendio: Italiā bello: qui ca-  
stra in templis decorum immortalium, Senatum in ca-  
stris habiturus esses. O' miseram, & in breui tam ce-  
lerem, & tam uariam in repub. commutationem. quis  
nam tali sicturus ingenio est? qui possit hæc ita man-  
dare literis: ut facta, non ficta uideantur esse? quis eris  
tanta animi facultate? qui, quæ uerissima memoria pro-



EPISTOLA AD

pagata fuerint: non fabulae similia sit existimaturus? cogita enim Antonium hostem iudicatum: ab eo circumfessum Cos. Designatum, eundemq; reip. parentem: te profectum ad Cos. liberandum, & hostem opprimendum: hostemq; à te fugatum: & consulem obsidione liberatum: deinde paulo post, fugatum illum hostem accersitum, tanquã coheredẽ mortua rep. ad bona populi Romani rapiẽda: Cõsulẽ Des. rursus inclusum eò, ubi se non mœnibus, sed fluminibus, et montibus tueretur. Hæc quis conabitur exponere? quis credere audebit? liceat semel impune peccare: sit erranti medicina confessio. uerum enim dicam. utinam te potius Antoni dominum non expulissimus: quã hunc reaperemus. non quod ulla sit optanda seruitus: sed q̃a dignitate domini minus turpis est fortuna serui. in duobus autem malis cum fugiendum maius sit: leuius est eligendum. ille ea tamen exorabat, quæ uolebat auferre. tu extorques. ille Consul Prouinciã petebat. tu priuatus concipisti. ille ad malorum salutem iudicia constituebat: & leges ferebat. tu ad perniciem optimorum. ille à sanguine, & incendio seruorum Capitolium tuebatur. tu cruore, & flamma cuncta delere uis. Si, qui dabat Prouincias Cassio, & Brutis, et illis custodibus nominis nostri: regnabat: quid faciet? qui uitam adimit? si qui ex urbe eiciebat: Tyrannus erat: quem hunc uocemus? qui ne locum quidem reliquit exilio? Itaq; siquid illæ maiorum nostrorum sepultæ reliquæ sapiunt: si non una cum corpore sensus omnis uno, atq; eodẽ consumptus est ignis: qd illis interrogantibus qd agat nũc populus Romanus respondebit aliquis nostrum, qui proximus in illam æternam domum discesserit: aut quem accipient de suis

posse  
sapi  
um  
nati  
ter: ut  
ad se  
posset  
cui na  
adiun  
opem  
prome  
res un  
res ege  
lisset: qu  
sibi uiam  
testame  
uire co  
deuener  
nos: q̃ na  
audiet B  
genies eia  
in seruici  
terminatio  
subterfuge  
gere decre



posteris nuntium illi ueteres Africani, Maximi, Pauli, Scipiones? quid de sua patria audient? quam spolijs, triumphisq; decorarunt? an esse quendam annos XXIII natum: cuius auus fuerit argentarius: ad stipulator patet: uterq; uero precarium fecerit questum: sed alter usq; ad senectutem, ut non negaret: alter a pueritia, ut non posset non confiteri. eum agere, rapere rempublicam: cui nulla uirtus: nulla bello subacta, et ad imperium adiuncta Prouinciæ, nulla dignitas maiorû conalisset opem potentium: sed forma per dedecus, pecuniam, et nomen nobile consceleratum impudiciæ dedisset: ueteres uulneribus, et ætate confectos Iulianos gladiatores egentes reliquias Cæsaris ludi ad rudem compulisset: quibus ille septus omnia misceret: nulli parceret: sibi uiueret: qui tanquam in dotali matrimonio remp-  
testamento legata sibi obtineret. Audient duo Decij seruire eos ciues: qui, ut hostibus imperarent, uictoriæ se deuouerunt. audiet C. Marius impudico domino parere nos: q ne militem quidem habere uoluit, nisi pudicum. audiet Brutus eum populum, quē ipse primo, post progenies eius à regibus liberauit: pro turpi stupro datum in seruitutem. Quæ quidem si nullo alio, me tamen inter nuntio ad illos celeriter deferentur. nam si uiuus ista subterfugere non potero: una cum istis uitam simul fugere decreui.



C. CRISPI SALVSTII IN M.  
TVL. CICERONEM.

Rauiter, & iniquo animo maledicta  
tua paterer M. Tulli: si te scirem iudicio  
magis, quàm morbo animi petulantia  
ista uti. sed cum in te neq; modum, neq;  
modestiam ullam animaduerto: respon-  
debo tibi: ut si quam uoluptatem maledicendo cœpisti:  
eam male audiendo amittas. ubi querar? quos implo-  
rem P. C. diripi Rempublicam: atq; audacissimo cuiq;  
esse perfidiæ? apud Populum romanum? qui ita largiti-  
onibus corruptus est: ut sese, ac fortunas suas uenales hac  
beat. an apud uos patres conscripti? quorum autori-  
tas turpissimo cuiq; & sceleratissimo ludibrio est: ubi  
M. Tullius leges, iudicia, Populi Ro. defendit: atq; in hoc  
ordine ita moderatur: quasi unus reliquus ex familia ui-  
ri clarissimi Scipionis Africani, ac non repetitus, acci-  
tus, & paulo ante insitus huic urbi ciuis. An uero M.  
Tulli facta ac dicta tua obscura sunt? an non ita à pue-  
ricia uixisti? ut nihil flagitiosum corpori tuo putares:  
quod alteri collibuisse? an scilicet istam immoderatam  
eloquentiam apud M. Pisonem non pudicitie iactura  
perdidisti? Itaq; minime mirandum est: si eam flagitio-  
se uenditas: quam turpissime parasti. Verum ut opinor  
splendor domesticus tibi animos tollit. uxor sacrilega,  
ac periurijs delibuta: filia matris pellex tibi iucundior  
atq; obsequentior, quàm parenti par est. domum ipsam  
tuam ui, & rapinis funestam tibi, ac tuis comparasti.  
idelicet ut nos cômonefacias, quàm conuersa sit Respu-  
blica: cum in ea domo habitares homo flagitiosissime:



quæ P. Crassi uiri consularis fuit. Atq; hæc cum ita  
 sint: tamen se Cicero dicit in concilio deorum immorta-  
 lium fuisse: inde missum huic urbi, ciuibusq; custodem,  
 absq; carnificis nomine. qui ciuitatis incommodum in  
 gloriam suam ponit. quasi uero non illius coniurationis  
 causa fuerit consulatus tuus: & ideo Resp. dissecta eo  
 tempore: quo te custodem habebat. Sed ut opinor illa te  
 magis extollunt: quæ post consulatum cum Terentia  
 uxore de Rep. consulisti: cum legis Plancie iudicia do-  
 mi faciebatis: ex coniuratis alios pecunia condemnabas:  
 cum tibi alius Thufculanum, alius Pompeianam uil-  
 lam ædificabat: alius domum emebat. qui uero nihil po-  
 terat: is erat calumnie proximus: is aut domum tuam  
 oppugnatum uenerat: aut insidias senatui fecerat: deniq;  
 de eo tibi compertum erat. quæ si tibi falsa obijcio: redde  
 rationem quantum patrimonij acceperis: quid tibi liti-  
 bus accreuerit: qua ex pecunia domum paraueris: Thu-  
 sculanum, & Pompeianum infinito sumptu ædificaue-  
 ris. aut si retices: cui potest esse dubium? quin opulenti-  
 am istam ex sanguine & miseris ciuium paraueris?  
 Verum ut opinor homo nouus Arpinas, ex M. Crassi  
 familia eius uirtutem imitatur: contemnit similitudinem  
 hominum nobilium: Rempublicam habet: neq; terrore,  
 neq; gratia commouetur. Illud uero amicitie tantum,  
 ac uirtutis est animum? imo uero homo leuissimus supplex  
 inimicis, amicis contumeliosus, modo harum, modo illa-  
 rum partium, nemini fidus, leuissimus Senator, merce-  
 narius patronus, cuius nulla pars corporis à turpitudi-  
 ne uacat: lingua uana: manus rapacissimæ: gula immen-  
 sa: pedes fugaces: quæ honeste nominari non possunt: in-  
 honestissima. Atq; is cum eiusmodi sit: tamen audet di-



# IN SALVSTIVM

cere: O' fortunatam natam me Cōsule Romam. te Cō-  
sule fortunatam Cicero? immo uero infelicem, et miserā:  
quæ crudelissimam proscriptionem perpeſſa est: cum tu  
turbata Rep. metu percussoſ omnes bonos parere crude-  
litati tuæ cogebas: cum omnia iudicia, omnes leges in tua  
libidine erant: cum tu sublata lege Portia erepta liber-  
tate, noſtrorum omniū uitæ necisq; poteſtatem ad te unū  
reuocaueras. Atq; parum eſt quod impune fe-ciſti: uerū  
etiam commemorando exprobas: neq; licet obliuiſci ſer-  
uitutis ſuæ. Egeris oro te Cicero: perfeceriſ quod libet: ſa-  
tis eſt perpeſſoſ eſſe: etiam ne aures noſtras onerabiſ tuo  
odio? etiam ne moleſtiſſimis uerbis inſectabere? Cædāt  
arma Togæ: concedat laurea linguæ. quaſi uero togatus,  
& non armatus ea, quæ gloriariſ, confeceris: atq; in-  
ter te Syllamq; Dictatorē præter nomen Imperij quic-  
quam interfuerit. Sed quid ego plura de tua inſolen-  
tia commemorem? quem Minerva omniſ artes edocuit?  
Iupiter optimus Max. in concilio deorum adimiſit: Ita-  
lia exulem humeriſ ſuiſ reportauit. oro te Romule Ar-  
pinas, qui egregia tua uirte omneſ Paulos, Scipioneſ, Fa-  
bioſ ſuper-aſti: quē tandē locum in hac ciuitate obtineſ?  
quæ tibi parteſ Reip. placent? quē amicum, quē inimi-  
cum habeſ? cui inſidias in ciuitate fe-ciſti ancillareſ: quo  
iure cum de exilio tuo Dyrrachio rediſti: eū ſequeriſ?  
quos Tyrannos appellabaſ: eorum nunc potentiaſ faueſ?  
qui tibi ante optimateſ uidebantur: eoſdem nunc demen-  
teſ ac furioſoſ uocaſ? Vatinij cauſam agiſ? de Sextio ma-  
le exiſtimaſ? Bibulum petulantiffimiſ uerbis lædiſ? lau-  
daſ Cæſarem? quem maxime odiſti, e maxime obſeque-  
riſ? aliud ſtaſ, aliud ſedens, de Rep. ſentiſ? hiſ maledi-  
caſ? illoſ odiſti, leuiſſime tranſuga neq; in hac neq; in illa  
parte fidem habent.



RESPONSIO. 272  
M. TVL. CICERONIS IN CRI-  
SPVM SALVSTIVM RE-  
SPONSIO.

A demum magna uoluptas est Crispe Salusti, æqualem, ac parem uerbis uitā agere: neq; quicquam tam obscenum dicere: cui non ab initio pueritiæ omni genere facinoris ætas tua respondeat: ut omnis oratio moribus consonet. neq; enim qui ita uiuit, ut tu, aliter ac tu loqui potest: neq; qui tam illoto sermone utitur: uitā honestior est. Quo me uertā Patres cōscripti? unde initium sumam? maius enim mihi dicendi onus imponitur: quo notior est uterq; nostrum. Quod, aut si de mea uitā atq; actibus huic conuiciatori responde-ro: inuidiam gloria consequatur. aut si huius facta, mores, omnem ætatem nuda uero: in idem uicium incidam procacitatis: quod huic obicio. Id uos si forte offendimini: iustus huic, quā mihi succensere debetis: qui initium introduxit. ego dabo operam, ut & pro me minimo cum fastidio respondeam: & in hunc minime mentitus esse uidear. Scio me P. C. in respondendo non habere magnam expectationem: quod nullum uos sciatis nouum crimen in Salustum audituros: sed omnia uetera recognituros: quis & meæ, & uestræ iam, & ipsius aures calent. uerum eo magis odisse debetis hominem: qui ne incipiens quidem peccare minimis rebus posuit rudimentum: sed ita ingressus est: ut neq; ab alio uinci possit: neque ipse se omnino reliqua ætate præterire. itaq; nihil aliud studet: nisi ut lutulētus sus cum quouis



# IN SALUSTIUM.

volutari. longe uero fallitur opinione. Non enim proci-  
 tate lingue uitæ sordes eluuntur. sed est quædam ca-  
 lumnia, quam unusquisque nostrum testante animo suo  
 fert, de eo, qui falsum crimen bonis obiectat. quod si  
 uita istius memoriam uicerit: aliam P. C. non ex ora-  
 tione, sed suis ex moribus spectare debetis. Iam da-  
 bo operam quàm maxime potero: ut breue id faciam.  
 Neq; hæc altercatio nostra uobis inutilis erit. P. conscri-  
 pti. plerunq; enim Resp. priuatis crescit inimicitis: ubi  
 nemo ciuis qualis sit uir potest latere. Primum igitur  
 quoniam omnium maiores Crispus Salustius ad unum  
 exemplum & regulam quærit: uelim mihi respon-  
 deat, nunquid hi, quos protulit Scipiones, & Metel-  
 los, ante fuerint aut opinionis, aut gloriæ, quam eos res  
 gestæ suæ, & uita innocentissime acta commendauit?  
 quod si hoc fuit illis initium nominis, & dignitatis:  
 cur non æque de nobis existimetur: cuius & res gestæ  
 illustres: & uita integerrime acta: quasi uero tu sis ab  
 illis uiris Salusti ortus. quod si esses: nonnullos iam tuæ  
 turpitudinis pigeret. ego meis maioribus uirtute mea  
 præluxi: ut, si prius noti non fuerint: à me acci-  
 piant initium memoriæ suæ. tu tuis uitæ, quam tur-  
 piter egisti: magnas offudisti tenebras: ut etiam si fuerint  
 egregij ciues: certe uenerint in obliuionem. quare noli  
 mihi antiquos uiros obiectare. satius est enim me me-  
 is rebus gestis florere: quàm maiorum opinione niti:  
 & ita uiuere: ut ego sim posteris meis nobilitatis initi-  
 um, & uirtutis exemplum. Neque mecum conferri  
 decet P. C. qui iam decesserunt: omniq; odio carent,  
 & inuidia: sed cum eis, qui mecum una in Rep. uer-  
 sati sunt. Sed si fuerim aut in honoribus petendis nimis  
 ambitiosus:



ambitiosus: non hanc dico popularem ambitionem, cuius me principem confiteor: sed illā perniciosam cōtra leges: cuius primos ordines Salustius duxit: aut in gerendis magistratibus, aut in uindicandis maleficijs, tam seuerus: aut in tuenda Rep. tam uigilans: quam tu proscriptionem uocas: credo quod non omnes tui similes incolumes in hac urbe uixissent. at quanto meliore loco Responderet: si tu par ac similis scelestorum ciuium, una cum illis adnumeratus esses. An ego tunc falso scripsi? Cēdant arma togæ. qui togatus armatus, & pace bellum oppressi. An illud mentitus sum? fortunatam natam me Consule Romam. qui tantum intestinum bellum, ac domesticum urbis incendium extinxi. neq; te tui piget homo leuissime? cum ea culpas: quæ in historijs gloriæ mihi ducis. An turpius est P. C. scribentem mētiri? quā il lum palam hoc ordine dicentem? Nam quod ætatem increpuisti: tantum me abesse puto ab impudicitia: quantum tu a pudicitia. Sed quid ego de te plura querar? quid enim mentiri turpe duces: qui mihi ausus sis eloquentiam ut uitium obijcere? cuius semper nocens egisti patrocinio? An ullum existimas posse fieri ciuem egregium, qui non his artibus, & disciplinis sit eruditus? an ulla alia putas esse rudimenta, & incunabula uirtutis? quibus animi ad gloriæ cupiditatem aluntur? sed minime mirū est P. C. si homo, qui desidiæ, ac luxuriæ plenus sit: hæc ut noua, atq; inusitata miratur. Nā quod ista inusitata rabie petulanter in uxore, & in filiam meam inuasisti: quæ facilius mulieres se a uiris abstinerunt: quā tu uir a uiris: satis docte ac perite fecisti. non enim me sperasti mutuam tibi gratiam relaturum: ut uicissim tuos compellarem. unus enim satis es ma

MMM



IN SALVSTIVM

teria habens: neq; quicquam domi tue turpius est, quàm  
tu. Multum uero te opinio fallit: qui mihi parare putasti  
inuidiam ex mea re familiari: quæ mihi multo minor  
est: quàm habere dignus sim. atq; utinam ne tâta qui-  
dem esset: quanta est: ut potius amici mei uiuerent: quàm  
ego testamentis eorum locupletior essem. Ego fugax Cri-  
spe Salusti: furori tribuni pl. cessi: utilius duxi quam-  
uis fortunam unus experiri: quàm uniuerso Populo Ro-  
mæ civilis essem dissensionis causa. qui postea quàm ille  
suum annum in Rep. perbacchatus est: omniaq; quæ  
commouerat, pace & ocio resederunt: hoc ordine reuo-  
cante, atq; ipsa Rep. manu trahente me, reuerti. qui mi-  
hi dies, si cum omni reliqua uita conferatur: animo meo  
quidē superet: cum uniuersi uos, Populusq; Ro. frequēs  
aduentu meo gratulatus est. tanti me fugacem, mercena-  
rium patronum hi æstimaauerunt. Neq; hercule mirum  
est, si ego semper iustas omnium amicitias existimaui. nō  
enim uni priuatim ancillatus sum: neq; me addixi. sed  
quantum quisq; Reip. studuit: mihi tantum fuit aut ami-  
cus, aut inimicus. ego nihil plus uolui ualere, quàm pa-  
cem. multi priuatorum audacias nutrierunt: ego nihil  
timui nisi leges. multi arma sua timeri uoluerunt: ego  
nunquam uolui quicquam posse nisi pro uobis. Multi ex  
uobis potentia freti, in uos suis uiribus abusi sunt. Itaq;  
non est mirum, si nullius amicitia usus sum, qui non  
perpetuo Reip. amicus fuit. neq; me poenitet: si aut peten-  
ti Vatinio reo patrocinium pollicitus sum: aut Sextij in-  
solentiam repressi: aut Bibuli patientiam culpauit: aut  
uirtutibus Cæsaris faui. hæ laudes egregij ciuis,  
& unice sunt. Quæ si tu mihi ut uicia obijcas: te-  
meritas tua reprehendetur: non mea uicia culpa-



buntur. plura dicerem, si apud alios mihi esset dicen-  
dum P. C. non apud uos, quos ego habui omnium mea-  
rum actionum monitores. Sed ubi rerum testimonia  
adsunt: quid opus est uerbis? Nunc ut ad te reuertar  
Salusti: patremq; tuum præteream: qui si nunquam  
in uita sua peccauit: tamen maiorem iniuriam Reip.  
facere non potuit: quàm quod te talem filium genuit.  
Neq; tu si qua in pueritia peccasti, exequar. ne paren-  
tem tuum accusare uidear: qui eo tempore summam  
tui potestatem habuit: sed qualem adolescentiam egeris.  
hac enim demonstrata, facile intelligetur, quàm petulanti  
pueritia tam impudicus & prociux adoleueris. Postea-  
quàm immensæ gulæ impudicissimi corporis quæstus suf-  
ficere non potuit: & ætas tua iam ad ea pacienda, quæ  
alteri facere collibuisse, exoleuerat: cupiditatibus infi-  
nitis efferebaris: ut, quæ ipse corpori tuo turpia non  
duxisses: in alijs experireris. Ita non est facile reputa-  
re P. C. utrum inhonestioribus corporis partibus rem  
quæsierit: an amiserit. domum paternam uiuo patre  
turpissime uenalem habuit: uendidit. & cuiquam dis-  
cium potest esse: quin mori coegerit eum, quo hic non-  
dum mortuo pro hærede gesserit omnia? neq; pudet eū  
a me quærere, quis in P. Crassi domo habitet: cum  
ipse respondere non queat: quis in ipsius habitat pa-  
terna domo. At hercule lapsus ætatis tyrocinio, postea  
se correxit. non ita est: sed abiit in sodalitium sacri-  
legij Nigidiani: bis ad iudicis subsellia attractus, ex-  
trema fortuna stetit: & ita discessit: ut non hic inno-  
cens esse, sed iudices peierasse existimarentur. primum  
honorem in quæstura adeptus, hunc locum & ordi-  
nem despectus: cuius aditus sibi quoq; sordidissimo ho-



# IN SALUSTIUM

mini patuisset. Itaq; timens ne facinora eius clàm uos  
essent: cum omnibus matribus familiarum obprobrio es-  
set: confessus est uobis audientibus adulterium: neq; erubuit ora uestra. Vixeris ut libet Salusti: egeris quæ uolueris. satis sit unum te tuorum scelerum conscium esse. noli nobis langorem et soporem nimium exprobrare. sumus diligentes in tuenda pudicitia nostrarum uxorū: sed ita expectati non sumus: ut a te cauere possimus. audacia tua uincit studia nostra. Et quod hūc mouere possit P. C. factum ac dictum turpe? quem non puduit palām uobis audientibus adulterium confiteri? quod si tibi nihil per me respondere uoluissē: sed illud censorium elogium Appij Claudij, et L. Pisonis integerrimorum uirorum, quo usus est quisq; eorum: pro lege palām uniuersis recitarem: non ne tibi uiderer æternas inurere maculas? quas reliqua uita tua eluere non possit? neq; post illum delectum Senatus unquam te uidimus: nisi forte in ea te castra coniecisti: quo omnis sentina Reip. confluxerat. At idem Salustius, qui in pace ne Senator quidem manserat: posteaquam Reip. armis oppressa est: et idem uictores, qui exules, rediit: in Senatum post quæsturam est reductus. quem honorem ita gessit: ut nihil in eo non uenale habuerit: cuius aliquis emptor fuerit. ita igitur egit, ut nihil non æquum, ac uerum duxerit: quod ipsi facere collibuisse: neq; aliter uexauit: ac debuit, si quis prædæ loco magistratum accepisset. peracta quæstura, posteaquam magna pignora eis dederat: cum quibus similitudine uitæ se coniunxerat: unus iam ex illo grege uidebatur. eius enim partis erat exemplar Salustius: quo tanquā in una moragine cætus omnium uiciorū excesserat.



quicquid impudicorum, Cylonum, parricidarum, sacrilegorum, debitorum fuit, in urbe, municipijs, colonijs, Italia tota, sicut in fretis subsederant, nominis perdit, ac notissimi, nulla in parte castris apti, nisi licentia uiciorum, & cupiditate rerum nouarum. At posteaq; Prætor est factus: modeste se gessit, & abstinenter. nonne ita provinciam uastauit? ut nihil neq; passi sint, neq; expectarint grauius in bello socij nostri: quàm experti in pace, hoc Africam interiorem obtinente. unde tantam hic exhaust: quantum potuit aui fide nominum traici: aut in naues contrudi. tantum inquam P. C. exhaust: quantum uoluit. ne causam diceret sextertio duodecies cum Cæsare paciscitur. quod si quippiam eorū falsum est: his pallā refelle. unde tu, qui modo ne paternā qdem domū relinire potueris: repente tanq̃ somnio beatus, hortos preciosissimos, Villam Tiburti, C. Cæsaris reliquas possessiones paraueris. neq; piguit quærere, cur ego P. Crassi domum emissem: cum tu ueteris uillæ dominus sis: cuius paulo ante fuerat Cæsar: modo inquam patrimonio non comeso, sed deuorato, quibus rationibus repente factus es tam affluens, & tam beatus? nam quis te faceret hæredem? quem ne amicum quidem suum satis honestum quisquam sibi ducit: nisi similis ac par tui. At hercule egregia facta maiorum tuorum te extollunt. quorum siue tu similis es: siue illi tui: nihil ad omnium scelus, ac nequitiam addi potest. uerum ut opinor honores tui te faciunt insolentem. tu C. Salusti tantidem putas esse bis Senatorem, & bis quæstorem fieri: quāti bis Consularem, & bis triumphalem. carere debet omni uicio qui in alterum paratus est dicere. is denum maledicat: qui non potest uerum ab alte



IN SALVSTIVM RESPONSIO.

ro audire. sed tu omnium mensarum assecla, omnium  
cubiculorum in ætate pellex, & idem postea adulter,  
omnis ordinis turpitudine es, & civilis belli memoria. quid  
enim gravius pati potuimus: quàm quod te incolumem  
in hoc ordine uideamus? desine bonos petulantissima  
consectari lingua: desine morbo prociacitatis isto uti: de-  
sine unumquemq; moribus tuis existimare. his mori-  
bus amicum tibi facere non potes. uideris uelle inimi-  
cum habere. Finem dicendi P. C. faciam. sæpe enim  
gravius uidi offendere animos auditorum eos, qui alie-  
na flagitia aperte dixerunt: quàm eos, qui commise-  
runt. Mihi quidem ratio habenda est, non quid Sa-  
lustius merito debeat audire: sed ut ea dicam, si qua  
ego honeste effari possim.







\* a b c d e f g h i k l m n o p q r s t  
 u x y z A B C D E F G H I K L  
 M N O P Q. Omnes Quaternio=  
 nes præter Q. duernum.

aa bb cc dd ee ff gg hh ii kk ll mm nn  
 oo pp qq rr ss tt uu xx yy zz AA  
 BB CC DD EE FF GG HH II  
 KK LL MM. Omnes Quaternio  
 nes præter MM Sexternum.

aaa bbb ccc ddd eee fff ggg hhh iii kkk III  
 mmm nnn ooo ppp qqq rrr sss ttt uuu  
 xxx yyy zzz AAA BBB CCC  
 DDD EEE FFF GGG HHH  
 III KKK LLL MMM.  
 Omnes Quaterniones.



aaa bbb ccc ddd eee fff ggg hhh iii kkk lll  
mmm nnn ooo ppp qqq rrr sss ttt uuu  
xxx yyy zzz AAA BBB CCC  
DDD EEE FFF GGG HHH  
III KKK LLL MMM.  
Omnes Quaterniones.

VENETIIS IN AEDIBVS ALDI,  
ET ANDREAE SOCERI,  
MENSE AVGVSTO.  
M. D. XIX.

5824377




non habet qui dicitur in libro II  
et non habet qui dicitur in libro II  
et non habet qui dicitur in libro II  
et non habet qui dicitur in libro II  
et non habet qui dicitur in libro II  
et non habet qui dicitur in libro II  
et non habet qui dicitur in libro II  
et non habet qui dicitur in libro II  
et non habet qui dicitur in libro II  
et non habet qui dicitur in libro II


MENSE AUGUSTO.

et non habet qui dicitur in libro II  
et non habet qui dicitur in libro II  
et non habet qui dicitur in libro II  
et non habet qui dicitur in libro II  
et non habet qui dicitur in libro II  
et non habet qui dicitur in libro II  
et non habet qui dicitur in libro II  
et non habet qui dicitur in libro II  
et non habet qui dicitur in libro II  
et non habet qui dicitur in libro II


































































Early European Books, Copyright © 2011 ProQuest LLC.  
Images reproduced by courtesy of the Biblioteca Nazionale Centrale di  
Firenze.  
Ald.3.3.8



